



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

UNIVERSITY OF CAMBRIDGE
Department of Slavonic Studies



SLAVONIC LIBRARY

DD491.L3.B6



750592



501
B



302707115Q

БИБЛИОТЕКА
ПОТОКИН
ОРИОН

Од..... №.....

HISTORIJA SERBSKEHO NARODA.






HISTORIJA SERBSKEHO NARODA.

~~~~~  
SPISAŠTAJ

WILHELM BOGUSŁAWSKI

▲  
MICHAŁ HÓRNIK.



---

BUDYŠIN.

Z NAKŁADOM MICHAŁA HÓRNICA.

1884.





## Předstowo.

Rozwučeni ludžo mjenuja jako přislušnosć kóždoho, zo historiju swojeho naroda znaje. To płaći tež wo Serbach, kotřiž su a budža přez swoju rěč wot druhich rozdźělne narod, hač runje su dawno swoju politisku samostatnosć zhubili abo poprawom tajku njejsu dotworić móhli, zahe zadźěwani přez romsko-němske kejžorstwo, kotrež wot starych Romjanow ideju wo knježenju nad wšěmi ludami a prawidło „Divide et impera!“ sebi přiswojiwši je na susodnych Słowjanow nałożowaše. Serbja, wot swojich wosebnišich stawow přez jich přeněmćenje wopušćeni njemějachu žaneje jednotneje wobory přećiwo němskemu napěranju.

Tak so tež stawa, zo nas Serbow, powostatych ze zapadnych Słowjanow, historiju nas z wjetša zrudzacu w nižších a wyšších šulach njewuča abo zo nam ju ze stroniskeho stojnišća wopowěduja. Při zawjedženju křesćanstwa mjez Słowjanami zarěčuje so wopačne zakhadženje z mječom přećiwo nim, jich potłóčenje mjenuje so „zasodobyće kraja“, mjeztymzo bychu Němcy swój tež tu a tam n. př. Keltam přisudzić dyrbjeli, a z cyta hani so wšitko słowjanske abo serbske.

Tohodla su serbscy wótčincy z džakom powitali, štož je so za rozwučenje wo historiji Serbow hdy napisało, n. př. krótki nastawk J. E. Smolerja w „Serbskich Hornich Łužicach“, „Stawizny serbskeje rěče a narodnosće“ K. A. Jenča a druge sem słušace nastawki w Časopisu Maćicy Serbskeje. Ale nchtó njeje přehladnu historiju Serbow serbscy podať, ani historiju wobeju Łužicow, hdžež nětčiši Serbja sydla.\*)

---

\*) W němskej rěči móžeš jenož najstaršu historiju Serbow zhonić z přeloženych P. J. Šafaříkových „Alterthümer“ (Starožitnosći), a něšto nadeńdžeš w L. Giesebrechtowych „Wendische Geschichten aus den Jahren 780—1182“. Historiju wobeju Łužicow je spisať Th. Scheltz; jeje přěni zwjazk je 1847 w Halli wušoľ a saha hač do l. 1373. Pokračowanje tuteje je w „Lausitzer Magazinje“ a powěda stawizny jenož do -1526. Stawizny Hornjeje Łužicy wot dr. Köhlera wo Serbach maľo wědźa a pisaju wězo z němskeho stojnišća. — W českej rěči je přehlad serbskeje a lužiskeje historije w Naučnym Slovníku.

Prěnja historija Serbow wot najstaršeho časa hač do lěta 1861 bu wot Polaka Wilhelma Bogusławskiego w Pětrohrodze wudata pod titulom „Rys Dziejów Serbo-łużyckich“. Tutón česćeny spisowaf přepytowaše wot dlějšeho časa historiju zapadnych Słowjanow nadrobnišo a nětko čišći so w Poznanju přěni zwjazk wobšěrneho džěla „Dzieje Słowiańszczyzny Północno-zachodniěj“, kotrež bu wot tamnišeho „Towafstwa přecelow wědomosći“ z čestnym mytom wuznamjenjene. Spisaćel podawa w tutym spisu wažne rezultaty a mjez druhim dopokazuje, zo běchu Durinkowje, nawječorni susodža Serbow w Šafařikowym zrozumjenju, tež Słowjenjo. Při tutym wjetšim džěle spisa wón nowe wobdźěłanje svojich serbsko-łužiskich stawiznow, ze žadanjom, zo bych je za swój lud z jeho rukopisa serbscy wudał. To z radosću dopjelnich, jenož tu a tam něšto přidawajo, wosebje w VII. a VIII. wotdźěłku, a poswjećam z česćenym spisaćelom tutu knihu wosebje studowacym młodym Serbam.

Njeh nětko młodži Serbja „historiju serbskeho naroda“ priwatnje swěru čitaju a ju w pomjatkach wobkhowaju. Woni wuknu na srjedźnych šulach něštožkuli, štož je mjenje wažne za žiwjenje a powołanje. W nastupanju serbskeje rěče a historije pak so jim často powěda, zo je čas na to nałożeny jako zhubjeny! To pak je njeprawda, wot germanisatorow z lesću wužiwana, zo bychu młodych studowacych přeněmčili a potom prajić móhli: Serbja žanych duchownych, wučerjow a wučenyh ludźi nimaju! Wězo hólć ze serbskeje swójby abo ze wsy, kiž w swojim powědanju hišće mało słowow trjeba, na šulach lohcy serbsćinu zapomni a so přeněmči, hdyž ničo serbskeho njestyši a nječita. Tohodla praju: Njeh młodži Serbja mjez druhimi serbskimi knihami „historiju“, kotraž je z cyła „magistra vitae“, za nas pak wosebje wubudźefka kedźbnosće a džěławosće, pilnje čitaju! Njeh znaja skutki přjedownikow a njeh jich džěło za serbski narod dale wjedu!

Ale tež naš lud dyrbi swoje stawizny lěpje zeznać! Historija dyrbi so jemu w maćerskej rěči podać, jako wšitko druhe, štož je wědźenja a pomnjeća hódne. To posylni jeho lubosć k narodnosći, wubudźi začuće za narodnu česć a pohnuje jón k dobrym abo wužitnym skutkam. Tohodla njeh naši spisowarjo historiju Serbow hišće bóle wobdźěłaju, njeh ju rozjasnja přez historiske powědańčka abo poetiske wudźěłki. Tež serbske to-

wafstwa njech přednošuja časćišo wo serbskich a lužiskich stawiznach. K tomu podawa jim tuta „historija“ prawy nastork a rozpokazanje, što do našeje historije słuša.

W starsim času je historija serbskeho naroda na podawkach bohata a zajimawa, dokelž je polo narodnosće hišće šěroke. Tuž přidawa so dla rozjasnjenja najstaršich časow tudy wosebity wotdźělk „rjad žiwjenja“. W dalšim běhu časow zwuzčuje so potom wobjim „serbskeho kraja“ bóle a bóle, čohoždla so potom „byće abo žiwjenje Serbow“ we wosebitych paragrafach jednotliwych wotdźělkow poskičuje. Ale w datych wobstojenjach dyrbi nas tež zajimać tuta zrudna historija wo přescěhanju a padže našeje narodnosće, hdyž tola na kóncu so tež powěda wo znowarodženju Serbowstwa!

Dokelž so w „historiji“ wšelake wěcy přeni króć serbscy powědaju, sym wězo dyrbjał něšto „nowych“ słowow trjebać, kotrež pak su zdźěla stare a zdźěla hižo w słowniku a druhich spisach wužiwane. Tak je: wěco = ludowa zhromadźizna, hišće J. Chojnanej znate; džědzic = herba je w serbskej přisahanskej formuli; někotre druhe słowa su w Delnjej Łužicy žiwe. Někotre słowa mějachu w starym času hinaši wobjim abo su trěbne za poznamjenjenje přjedyšich wuznamow: hród = wobhrodzene abo wobtwjerdžene wjetše sydlišćo; torhojšćo = wikowafske městno w tajkich zastarskich hrodach a tež z wonka nich; rodźinske sydlišćo = přenjotna abo zastarska wjes; khłop = w zastarsku swobodny bur abo rólnik w sydlišću; kmječ (jako swójbne mjeno hišće žiwy) = nahladniši hospodař zhromadnowobsydneho sydlišća; smord = pośwobodny a mjeńši bur abo žiwnosćef, pozdzišo drje bydlan; włodyka = wótc rodźiny abo wobšěrnejše swójbny w zastarskim wobjimje. Druhe słowa su hišće njewěste we wotwodžowanju: widnik, „Šufes“burger, abo wědnik? strohow, „Stroh-hof“, straža abo stróža při městach; boža włosć, móc? atd.

Maličkosć wopominajo sym někotre słowa, při kotrychž so tón abo druhi pismik wuwostawja, tudy dospołnišo pisał, zo by tutu knihu tež druhi Słowjan čitać móhl. Hewak sym na čistosć řeče hładał, a tohodla wosebje rozdźěl činił mjez transgressivom singularis a pluralis atd. Dla zbliženja z Delnimi Serbami sym po woli někotrych wukónce -oho, -omu pisał při 8 słowach: tón, štó, što, jedyn, žadyn, wšón, wšitkón, samón;

při pronom. possessivach pak njech -eho wostanje. Wězo bychmy tež lokal dyrbjeli pisać: tom, kom, čom atd., runje jako: w Serbskom, w Slepom atd. Njech pak nětko tež Delni Serbja w rěči a skutkach so k nam přibližuja!

Khartu je W. Bogusławski wustojnje zestawił a w Lipsku čišćeć dał. Ja sym jenož serbski text wobstarał, při wšej kedźbnosći pak sym někotre małke khartografiske zmylki stojace wostawił.

Čišćeŕskich zmylkow je w knizy mało, kotrež z wuwzaćom naspomnjenych přecelny čitař sebi sam lohey porjedźi.

Tak njech zjednoćena próca a woporniwość Polaka a Serba dobre płody njesetej! Njech serbscy a druzy słowjanscy čitarjo tuteje knihi so zahorja za pomoc małemu serbskemu ludej při dawno wotmyslenym tak trěbnym twarjenju widźomeho centra — maćičneho domu w Budyšinje.

W Budyšinje, jutrownu srjedu 1884.

**M. Hórnik.**

## Młodym Serbam a Serbowkam.

(Zawodne słowo.)

Běše čas, w kotrymž naš narod wosrjedź Europy wobšěrnu přestrěń wobsadźowaše, hdyž při Wódrje, Łobju, Solawje, Mohanje hač do Čorneho lěsa, Wóltawy (Fuldy) a Smolin jenož Słowjenjo wšitke kraje w swojej mocy dźeržachu. Tehdy wědžeše swět, zo w kraju, kotryž Romjenjo Germaniju (bratrowšćinu) pomjenowachu, dwaj narodaj přebywataj: při delnim Rheinje a Wezerje Němcy a k połodnju Słowjenjo, kotřiž dla swojej mnohosće na wšelake wosebite ludy so dźělachu. Tehdy zjednočowaše serbskosłowjanska rěč wšitkich bratrow po woběmaj brjohomaj Łobja sydlacych, tehdy rozlěhowaše so serbska pěseń šěroko na nawječornej stronje Solawy, po Durinkskich horach a po wodach Mohana, z wotkelž jeje wotbłós hač do Rheina dolětowaše.

Tak běše před tysacom lět; nětko je wšitko hinak! Běhi časow njedowolichu našim prjedownikam sydlišća w swojej mocy wobkhować, kotrež bě jim Bóh něhdy přidźelił. Nětko je naša mała hromadka jenož zbytk wulkeho naroda. Ale městne pomniki a podawizny ludow swědča, zo je na šěrokich přestrěnjach, nětko wot Němcow zajatych, něhdy sydlił serbski lud, kotryž je tute ze swojej prócu z přirodžineho wobstawa pozběhnył, derje zwobdžěłał, ze žiwjenjom nadychnył, ale potom je wšelakich znatych přičinow dla z dźědžičneje zemje zestupił do khudoby, hidženja a zastorčenja.

W nowišim času pak knježi přesvědčenje, zo swojeje narodnosće wurubjeny čłowjek často podložk moralnosće pozhubjuje a zo wotnarodnjowane ludy nic jeno na rozwučenosći, ale tež na dobroměću woteběraju.

Tohodla je tež nětko přislušnosť kóžděho česćowneho Serba, zo z nowa česć swojich prawótcow dobywa a zo z wuknjenjom a džěłanjom hanjerjam serbskeje narodnosće njeprawosć jich porokow dopokaže.

Wam, młodzi Serbja a młode Serbowki! nastawa čestny naldawk, zo swój narod a swoju narodnosć dale zaškitujeće ze słowom a skutkom. Waša horliwosć njeh so hišće rozmnoži z čitanjom tuteje historije, kotraž je z lubosće k Wam spisana a wudata. Ze spominanjom na skutki tych, kotřiž swój narod přjedy Was lubowachu, posylnjeće so za přichod we wótčinskej mysli, z kotrejš Handrij Zejleř jako młody Serb swojemu ludej na čas žiwjenja so poswjěćejo praji (w l. 1830):

Ja twoje skrónje wěčnje ze zelenym  
Chcył wěncem, ludo mój, či wobkhlódkować  
A tebe, wótčena serbska zemja, khować  
Pod zboža křídłom wěčnje rozšěrjenym.

Mje twojej' ruki lubosć kolebaše;  
O złote hona, ja was wokošowach!  
Duž swjatu přislušnosť sej w duši khowach,  
Zo płaću, štož mi lubosć podawaše.

Štó džakowny syn staršich domy rubi,  
Štó wótcow bělu hlówu směšić dawa,  
Štó prózdny do žni swojich honow hlada?

Njeh lubosći móc k bědženju so zhubi,  
Puć zdobny, čestny je sej khodzić brala,  
Hač hwězdow raj — kónc slódkkej' prócy žada!

W Pětrohrodze, jutry 1884.

W. Bogusławski.

## Zapis farskich wosadow,

w kotrychž hišće nětko Serbja bydla\*), z němskim  
přemjenom.

(Na město „Opisa“ w „Rysu Dziejów“.)

### I. Hornja Łužica.

#### 1) Evangel.-lutherske wosady.

##### A. Sakske.

|                        |                          |
|------------------------|--------------------------|
| Bart (Baruth).         | Lubij (Lübbau).          |
| Budestecy (Bostwitz).  | Malešecy (Maltschwitz).  |
| Budyšin**) (Bautzen).  | Minakał (Mittell).       |
| Budyšink (Reinbauzen). | Njeswačidło (Neichwitz). |
| Bukecy (Buchfisch).    | Nosačicy (Nostitz).      |
| Hodźij (Höbda).        | Palow (Pohla).           |
| Hrodzišćo (Gröbzig).   | Poršicy (Purschwitz).    |
| Hučina (Guttau).       | Rakecy (Rönigswartha).   |
| Huska (Gaußig).        | Smjelna (Schmölln).      |
| Kamjenc (Kamenz).      | Wjelećin (Wiltthen).     |
| Ketlicy (Kittlitz).    | Wóslink (Ößling).        |
| Klukš (Klitz).         | Wóspork (Weißenberg).    |
| Kotecy (Kottitz).      | Wujězd (Uthyst).         |

##### B. Pruske.

|                             |                                             |
|-----------------------------|---------------------------------------------|
| Boršć Dolha (Langförstgen). | Mužakow (Muschau).                          |
| Hbjelsk (Gebelzig).         | Parcow (Partwitz).                          |
| Hóznica (Petershain).       | Radšow (Großradisch).                       |
| Jabłońc (Gablonz).          | Rychwald (Reichwalde).                      |
| Klětno (Klitten).           | Slepo (Schleife).                           |
| Krehja (Kreba).             | Sprewicy (Spreewitz).                       |
| Křišow (Krischa).           | Wochozy (Wochten).                          |
| Khołm (Kollm).              | Wojerecy-Blun***) (Foyers-<br>merba-Bluno). |
| Khołmc (Schwarzfollm).      | Wujězd Delni (Uthyst a. d. Spree).          |
| Łaz (Lohja).                | Zdžary Wulke (Groß-Särchen).                |
| Łučo (Metzdorf).            |                                             |
| Lejno (Geierswalde).        |                                             |

\*) Nadrobna statistika Serbow z khartu wot dr. Muki wuńdže w 70.  
zešiwku Časopisa Maćicy Serbskeje a w slědowacych.

\*\*) Města su ze šěrokim ćišćom woznamjenjene.

\*\*\*) Hdžež je wjacj mjenow, woznamjenja druhe abo třeće filialnu cyrkej.



## 2) Katholske wosady.

## A. Sakske.

|                                                                                  |                              |
|----------------------------------------------------------------------------------|------------------------------|
| Budyšin-Hajnicy (Bauzen-Hainitz).                                                | Njebjelčicy (Nebelschitz).   |
| Khrósćicy-Marijna Hwězda-Róžant-Bačoň (Krostitz-Marienstern-Rosenthal-Storchau). | Radwof-Zdef (Radibor-Edier). |
|                                                                                  | Ralbicy (Ralsbitz).          |
|                                                                                  | Špital (Spittel bei Ramenz). |
|                                                                                  | Wotrow (Ostrow).             |

## B. Pruske.

Kulow (Wittichenau).

## II. Delnja Łužica.

## Evang.-lutherske wosady.

|                                         |                                                          |
|-----------------------------------------|----------------------------------------------------------|
| Bórkowy (Burg im Spreenwalb).           | Liškow-Móst-Klinka (Liskow-Heinersbrüder-Klinge).        |
| Brjazyna (Briesen).                     | Lubnjow-Lubń (Lübbenau-Groß-lübbenau).                   |
| Bukow (Großbuchow).                     | Lutol-Lubošć (Großleuthen-Laubitz).                      |
| Chóśebuz (Kottbus).                     | Maliń-Rašyny-Njamorojce (Greifenhahn-Messen-Ilmersdorf). |
| Dešno-Žylow (Dissen-Sylow).             | Módlěj (Madelo).                                         |
| Dobryń-Wóseňk (Großdöbern-Oßnig).       | Něwa Nowa (Neue Zauche).                                 |
| Gogolow-Hańk (Großgaglow-Sähnchen).     | Picń (Peitz).                                            |
| Gólkojce-Gólbín (Kolkitz-Gulbin).       | Popojce-Křišow (Papiß-Krieschow).                        |
| Górjonow (Komptendorf).                 | Rań-Gózd (Großräschchen-Dörrwalbe).                      |
| Grodsk (Spremberg).                     | Rogow (Horno).                                           |
| Hochozja-Prjawoz (Drachhausen-Zehrow).  | Sywik (Graustein).                                       |
| Husoka (Weißagß-Mulchwitz).             | Skjarbošć (Schorbus).                                    |
| Janšojce-Drejce (Jänischwalbe-Dremitz). | Sćeńc-Wjelcej (Steinitz-Belze).                          |
| Jasen (Zessen).                         | Tradow-Klěšnik (Stradow-Wolfenberg).                     |
| Kalkojce (Kalkwitz).                    | Trupc (Straupitz).                                       |
| Klěšišća (Klettwitz).                   | Wětošow (Weßschau).                                      |
| Kólsk (Großkölzig).                     | Wiki-Wołobuz (Petershagen-Almosen).                      |
| Komorow-Sedlišćo (Senftenberg-Seblitz). | Wjerbno (Werben).                                        |
| Kórjeń-Kotłow (Kahren-Kathlow).         | Wormlag-Zaluž-Wotřow (Wormlage-Salzhäusen-Dobristroh).   |
| Łaz-Huštań (Laasow-Wüstenhagen).        | Žarnow-Lěskej (Wendisch-Sornow-Lieske).                  |
| Łójow (Großluga).                       |                                                          |
| Łuta-Košyna (Laute-Großkroschen).       |                                                          |
| Lěšće (Horno bei Spremberg).            |                                                          |

Přispomnjenje. W někotrych wosadach Delnjeje Łužicy drje je jenož hišće mało Serbow, w druhich pak wjele stow, tak zo je tam njedostatk serbskich duchownych (w tu khwilu je jich 17!) do njebjes wołacy. Wěry-bratřa, nic jeno Stowjenjo, maju tam missionske polo!

# W o b s a h.

---

## I. Stare časy.

|                                                                         | Strona |
|-------------------------------------------------------------------------|--------|
| § 1. Słowjenjo a Němcy . . . . .                                        | 1.     |
| § 2. Přiroda kraja . . . . .                                            | 1.     |
| § 3. Přenje zasydlenje . . . . .                                        | 3.     |
| § 4. Łužičenjo a Serbja . . . . .                                       | 5.     |
| § 5. Serbja a Łužičenjo w přernih pječich stotkach po Khryšće . . . . . | 6.     |
| § 6. Přikhad Němcow. Pad Durinkow w lěće 531 . . . . .                  | 7.     |

## II. Rjad žiwjenja.

|                                                                     |     |
|---------------------------------------------------------------------|-----|
| § 1. Rodžiny, włodyki abo wótcy, zhromadna wobsydnosć . . . . .     | 9.  |
| § 2. Wosobinska wobsydnosć, lěchowje a knjezowje . . . . .          | 11. |
| § 3. Njewólnicy, poddani, khłopy a bydlenjo . . . . .               | 13. |
| § 4. Župy . . . . .                                                 | 13. |
| § 5. Hrody a hródki . . . . .                                       | 14. |
| § 6. Starosty, župani, wjeřchowje . . . . .                         | 15. |
| § 7. Ludowe zhromadźizny . . . . .                                  | 17. |
| § 8. Nabožne nahłady . . . . .                                      | 19. |
| § 9. Towaršne swjedenje a wobrjady . . . . .                        | 22. |
| § 10. Domjace žiwjenje . . . . .                                    | 27. |
| § 11. Torhojšća, cuzokrajni hosćo, znajomstwo ze susodami . . . . . | 33. |

## III. Časy njewotwisnosće (531—929).

|                                                                                                    |     |
|----------------------------------------------------------------------------------------------------|-----|
| § 1. Samo, słowjanski kral (627). Wjeřch Derwan (630).<br>Wojowanja ze susodnymi Saksami . . . . . | 36. |
| § 2. Napady Karla Wulkeho a jeho nastupnikow na Serbsko<br>w 9. stotku . . . . .                   | 37. |
| § 3. Wjeřch Čescibor . . . . .                                                                     | 38. |
| § 4. Křesćanstwo . . . . .                                                                         | 39. |

## IV. Wojowanje wo njewotwisnosć.

|                                                                                                                                                                 |     |
|-----------------------------------------------------------------------------------------------------------------------------------------------------------------|-----|
| § 1. Napad Hendricha Ptačnika w l. 929. Markhrabja Gero.<br>Podćisnjenje Łužicow w l. 963 . . . . .                                                             | 40. |
| § 2. Založenje biskopstwow: Mišnjanskeho, Merseburgskeho<br>a Žičanskeho w lěće 968 . . . . .                                                                   | 42. |
| § 3. Čahi Mječislawa I. do Łužicow. Pozběžk Słowjanow<br>w lěće 983 a pad němskeje mocy we Łužicach a<br>w Serbskom. Podćisnjenje Milčanow w lěće 990 . . . . . | 43. |

|                                                                                                                                            | Strona |
|--------------------------------------------------------------------------------------------------------------------------------------------|--------|
| § 4. Wjefch Krescencius . . . . .                                                                                                          | 44.    |
| § 5. Wuhnaće Němcow z Łužicy a Milčanskeje přez Bólesława Khrobłeho. Jeho napad na Serbsko w l. 1002 . . . . .                             | 45.    |
| § 6. Wójny dla Łužicy a Milčanskeje (1003—1018) . . . . .                                                                                  | 47.    |
| § 7. Knježenje Bólesława Khrobłeho hač do 1025 . . . . .                                                                                   | 52.    |
| § 8. Knježenje Mječislawa II. (1026—1032) . . . . .                                                                                        | 54.    |
| V. Serbja a Łužičenjo pod knježenjom cuzokrajnikow wot XI. do XIV. lětstotka.                                                              |        |
| § 1. Napadnistwo wšelakich knježerjow na Łužicy (1032—1115) . . . . .                                                                      | 56.    |
| § 2. Pozběžk Słowjanow w lětach 1110—1118. Wójna wo Milčansku a Łužicu do l. 1136 . . . . .                                                | 57.    |
| § 3. Pad habolskich Słowjanow . . . . .                                                                                                    | 58.    |
| § 4. Serbska narodnosć w 11. a 12. stotku . . . . .                                                                                        | 59.    |
| § 5. Němscy kolonisci . . . . .                                                                                                            | 61.    |
| § 6. Hornja Łužica pod čěskim knježenjom (1136—1254) a pod brandenburgskim (1254—1319) . . . . .                                           | 65     |
| § 7. Delnja Łužica pod knježenjom markhrabjow Mišnjanskich, Polakow a Brandenburgskich (1136—1373) . . . . .                               | 66.    |
| § 8. Pad serbskeje narodnosće mjez Solawu a Łobjom . . . . .                                                                               | 69.    |
| § 9. Serbska narodnosć we Łužicach w běhu 13. a 14. stotka . . . . .                                                                       | 73.    |
| VI. Łužicy w zwjazku z Čechami (1319—1635).                                                                                                |        |
| § 1. Knježenje krala Jana, kejžora Karla IV. a jeho synow Jana a Wjacława IV. (1319—1419) . . . . .                                        | 78.    |
| § 2. Husitske wójny (1420—1436) . . . . .                                                                                                  | 83.    |
| § 3. Zwady wo knježenje we Łužicach; napadnistwo Brandenburgskich na Delnju Łužicu a wobkhowanje Khoće-buza a Picnja (1436—1457) . . . . . | 87.    |
| § 4. Knježenje Jurija Poděbradskeho; napadnistwo Maćija Korvina (1458—1471) . . . . .                                                      | 89.    |
| § 5. Knježenje Maćija Korvina a kralow z domu Jagello-now: Władysława II. a Ludwika (1471—1526) . . . . .                                  | 92.    |
| § 6. Byće Serbow pod knježenjom čěskich kralow w 14., 15. a 16. stotku . . . . .                                                           | 95.    |
| § 7. Přestrěń serbskich sydlišćow w času němskeje reform. . . . .                                                                          | 97.    |
| § 8. Spadowanje katholskeje cyrkwy we Łužicach . . . . .                                                                                   | 98.    |
| § 9. Zadźerženje Němcow přećiwo Serbam w 16. stotku . . . . .                                                                              | 101.   |
| § 10. Wzdźělanosć a přenje pospyty w pismowstwje . . . . .                                                                                 | 102.   |
| § 11. Wottorhnjenje Łužicow wot čěskeho kralestwa . . . . .                                                                                | 104.   |
| VII. Knježenje Sakske a Pruske w 17., 18. a 19. stotku.                                                                                    |        |
| § 1. Zarjadowanje Łužicow po wottorhnjenju wot Čech (1635) . . . . .                                                                       | 106.   |
| § 2. Byće Serbow w 17. a 18. stotku . . . . .                                                                                              | 107.   |
| § 3. Prócowanja serbskich duchownych . . . . .                                                                                             | 112.   |

|                                                                                                                                                          | Strona |
|----------------------------------------------------------------------------------------------------------------------------------------------------------|--------|
| § 4. Zadźěwki w rozwiću wzdźělanosće mjez Serbami .                                                                                                      | 116.   |
| § 6. Serbski seminar w Prahy; serbske přědafske towafstwo<br>w Lipsku a Wittenbergu; přiběranje wzdźělanosće<br>a pismownstwa . . . . .                  | 117.   |
| § 6. Womora serbskeje narodnosće . . . . .                                                                                                               | 120.   |
| § 7. Zjednoćenje Łužicow 1807 a nowe rozdźělenje 1815                                                                                                    | 121.   |
| § 8. Wzbudženje narodneje mysle w Hornjej Łužicy .                                                                                                       | 122.   |
| § 9. Wotstronjenje poddanstwa (1820 a 1835); pozběho-<br>wanje Hornjeje Łužicy; słabosć Delnjeje Łužicy;<br>horliwosć hornjoserbskeje młodžiny . . . . . | 126.   |

### VIII. Čas narodneho znawarodženja.

|                                                                                                                                                           |      |
|-----------------------------------------------------------------------------------------------------------------------------------------------------------|------|
| § 1. Zjednoćenje Serbow w narodnych a literarnych próco-<br>wanjach. Přěni serbski koncert (1845). Serbowka<br>w Prahy (1846). Towafstwo Mačicy S. (1847) | 128. |
| § 2. Postupowanje Serbow w njeměrje l. 1848—49 .                                                                                                          | 131. |
| § 3. Připóznaće prawow serbskeje narodnosće w Sakskej                                                                                                     | 133. |
| § 4. Dźěławosć hornjoserbskich wótcincow wot 1850—1870                                                                                                    | 135. |
| § 5. Podawki wot l. 1870 a nowe wobtwjerdženje Serbstwa                                                                                                   | 137. |
| § 6. Wocućenje, bjeznadžiznosć a wobrot k lěpšemu w Del-<br>nej Łužicy (1848—84) . . . . .                                                                | 139. |
| § 7. Rozhlad a wuhlada . . . . .                                                                                                                          | 142. |

## Porjedenki.

|        |     |       |    |        |                     |
|--------|-----|-------|----|--------|---------------------|
| Strona | 11  | rjadj | 13 | čitaj: | wosobinska,         |
| "      | 15  | "     | 29 | "      | w 9. stotku,        |
| "      | 22  | "     | 31 | wumaž: | a,                  |
| "      | 25  | "     | 33 | čitaj: | požohnowa,          |
| "      | 27  | "     | 21 | "      | žita mīsto: khlēba, |
| "      | 29  | "     | 13 | "      | najnahladniki,      |
| "      | 31  | "     | 1  | "      | słowjanske,         |
| "      | 45  | "     | 4  | "      | přirunujey,         |
| "      | 47  | "     | 29 | "      | Soběbor,            |
| "      | 52  | "     | 24 | "      | § 7,                |
| "      | 56  | "     | 3  | "      | XIV,                |
| "      | 73  | "     | 25 | "      | w spočatku 14. st., |
| "      | 78  | "     | 22 | "      | "                   |
| "      | 84  | "     | 21 | "      | wjednístwom,        |
| "      | 104 | "     | 11 | "      | su,                 |
| "      | 108 | "     | 16 | "      | wobkrajne prawo,    |
| "      | 114 | "     | 18 | "      | de originibus,      |
| "      | 118 | "     | 21 | "      | džělaše,            |
| "      | 140 | "     | 12 | "      | prjatkafske.        |



## I.

### Stare časy.

#### § 1.

#### Słowjenjo a Němcy.

Hdyž so Khrystus narodži, zajimachu naši prawótcy wobšěrne kraje wosrjedź Europy wot Rheina hač do Dněpra a wot baltiskeho morja hač do Italskeje a Grekskeje. A dokelž wšitcy podobnu řeč wužiwachu a po słowje so pónawachu, tohodla mjenowachu so wšitcy Słowjenjo.

K wječoru wot Słowjanow při Wezerje a delnim Rheinje bydlachu Teutonowje, kotřiž słowjanskeje řeče njerozymjachu, na słowjanske słowo njewotmołwjachu, jako bychu němi byli; tohodla pomjenowachu jich Němcow, kotřiž zaso wšitkim Słowjanam „Wenden“ rěkachu.

Słowjenjo a Němcy rozdžělachu so hižo tehdy mjez sobu nic jeno po řeči, ale tež po nałožku; přetož mjez tym zo Němcy do wojowafskeho žiwjenja so zalubowawši pod wjednistwom mócněšich splahow při móřskich brjohach so rozšěrjachu abo do bohateje Gallije so čišćachu, wjedžechu Słowjenjo, dokelž domjace a swójbne žiwjenje wosebje lubowachu, pastyrsko-rólniske žiwjenje a wotdobywachu zemi wšitko to, štož bě za zdžerženje čłowjeka trěbne. To běše wulke džěło. Wótcy přćowachu so za džěci, cyłe splahi poswjěćachu swoje žiwjenje wobdžěłanju a wobžiwjenju přirody.

#### § 2.

#### Přiroda kraja.

Kraj, kotryž bě po Božim wjedženju našim přjedownikam za zasydlenje postajeny, běše w starym času cyle hinaši, hač jón nětko widžimy. Tam, hdžež su nětko wobdžěłane pola,

wsy a města, — běchu lěsy, hdžež su pastwišća a łuki — přescěrachu so njeprístupne tonidła a bahna, z bozom, rohožinu a rokokom poroscene. Mochi, syćizny, smjelny a druhe bahnate rostliny, kiž šěroke přestrěnje pokrywachu, žiwjachu črjódu překasancow, włakow a wódnych ptakow. Nětčiše Błóta při delnjej Sprewi njesu ničo w přirunanju z tym, štož běše před tysac lětami, a što mamy hakle prajić wo starodawnych časach, hdžž so čłowječa próca njebě hišće tutych přepadawatych městnosći ani dótknyła! We wonym času předstawjachu błóta a bahna na pobrjohach Wódry, Sprewje, Łobja a Habole wosebitu přirodu, poľnu bujneho a z kwětkami zdebjeneho rostlinstwa. Z rědka zwaži so džiwy zwěrjo do tutych zelencow a přepadawatych tonidłow pohladać, na kotrež čłowječa noha njebě postupiła, hdžež tysacy lět njebě čłowječi hlós čišinu přetorhnył, ale jenož fifoľenje ptačiny a rječtanje žabow.

Z tonidłow a bahnow cyrčace wody hromadžachu so do hlubšich rěčkow a rěkow, wjele wložnoty ze sebye wotdžělejcy, štož rosćenju rokota, wjerby, jiwy, wólšiny, wosycy, topoľa a wrjosu howješe. Powyšene městna, z bahnami wobdate, pokrywachu so z lěsami po wšelakosći pódy. Na pěskatych pohórkach měšachu so khójny ze škowrjenčinu, jědlemi, a wokoło nich na wobrubje lěsa rosčechu brězy. Wšitke tute žiwicate a brěčkatke štomy napjelnjachu powětr ze sylnej wónju, kotruž móže jenož tón sebi myslić, kiž je w pralěsach přebywał. Na čornozemi tworjachu duby a buki ze swojimi haľuzami kryw, přez kotryž slónčne pruhi ženje hač na jich korjenje njeswěćachu. Tute nadobne štomy njezapowědžachu w swojim towafstwje zhromadne byće hrabam, jaworam, jaslam, klonam, wjazam, jabľonjam, krušwinam, slowččinam, ani tež najmjenšim bratram, najbóle šěroko rosčacym: bozam, akacijam, lěšćinam, šipkam, póľnym róžam a t. d.

W pralěsach a husćinach, z mnohosću pjeńkow zawalanych, z wětrom wuwróćanych, a z powitkami na štomach so plecacyimi začěmnjenych, knježachu swobodnje črjódy zwěrjatow, mjez kotrymiž přenje město zajimachu tury, zubry a buwoły, jako kralowje, wokoło nich pak jako hibite poddanstwo: łósy, jelenje, sorny, kotrež w spēšnym běhu tam a sem čahajcy sebi městnišća pytachu, hdžež běchu před napadom łakacych wjelkow wěste; přetož wjelki přiběhowachu hižo w Khrystusowym času

ze Skandinaviskeje po lodach baltiskeho morja do słowjanskich krajow, runje tak jako nětko, a pytachu sebi žiwnosć w cuzym kraju, hdyž jim we wótenych skandinavskich horach hlód ze smjerću hrožeše. Druhdy spytowachu so wjelki z dziwimi swinjemi, kotrež wosebje w dubowych hajach přebywachu, hdžež mějachu w žoldžach dosahacu picu. Tu wojowaše so často wo žiwjenje. Zubiska kundrosa rozpróchu často brjuchi wobžernych wjelkow, ale te nasadźichu rad swoje žiwjenje, zo bychu raz plecowinu njeprěcela woptać móhli. Strašniši dyžli druge zwěrzata běše mjedwědz, přetož před sylnymi rohami turow abo buwołow móžeše lohcy na štom skočić, a druhich zwěrjatow so njeboješe; jenož před wjelkami dyrbyeše so na kedžbu brać, dokelž te móžachu w khowankach potajene njejabcy jeho wobskočić a běda jemu, njeby-li na štom skočil, abo njeby-li młody štom z kornjenjom wutorhnył a z nim jako ze šwikadłom na hlowy zdziwjenych njeprěcelow praskał. W zdalenosći wot hołka wjetších zwěrjatow suwachu so po štomach rysy, kuny, žrawcy, dziwje kóčki, skónčnje wěwjěrčki, kotrež starosćiwje worjechi do dupow nošachu, zo bychu wosrjedź zymy z hlódom njezahinyłe. Zaso druge zwěrzata, jako liški, šwincy, kanikle před mócnějšimi so bojicy khowachu so w džěrach, a zajac jeničcy w čěkanju spomóženje namakacy lubowaše pola při lěsach, hdžež jeho spěšne nohi njebychu zadžěwkw namakałe.

Pod khłódkom pralěsow spěchowaše wložnota lěsow přiběranje wodow, kotrež tehdy wjele wyše stojachu dyžli nětko. Rěki mějachu wodowe zjednoćenja z druhimi rěkami a jězorami, nětko dospołnje wúskhnywše doliny běchu z wodu pokryte a po cyłym kraju tworjachu so kupy. Při tajkej mnohosći wodow płódnjachu so ryby wšelakich družinow: łososy a jasotry napjelnjachu před někotrymi lěstotkami hišće Łobjo a Wódru, a mjeńšich rybow dotal njeje njedostatk. Z jednym słowom, přiroda njeje svojich darow lutowała w kraju, kotryž měješe naša wótčina być.

### § 3.

#### Prěnje zasydlenje.

W kraju z wodami a bahnami přečehnjenym abo z lěsami porosćenym, hdžež hłowne drohi po rěkach wjedžechu, móžachu



najpříhodnější městná přebývanja za přerých zasýdlerjow jenož pobrjohi řekow býć, po kotrychž bě možno lóže wšitke potřebnosće dostać, do zjednoćenja ze susodami stupić a w strachach z čekanjom so wumóc. W řekach namaka so wobstajne zežiwjenje a přjed hač so poradzi w lěsach zwěrinu morić, zdžeržachu ryby čłowjeka přjed hlódom. Tola wšudže njepřihodžachu so brjohi řekow za zasýdlenje. W někotrych městnach zadžěwachu wuwróćene stolětne duby ze swojimi korjenjemi přistupej z řeki k brjohej, w druhich činjachu bahna a tonidla brjohi njepřístupne ze strony sucheho kraja. Tuž dyrbjachu so suche a přístupne brjohi pytać wosebje při brodach, hdžež móžeše so nic jeno na čolmje, ale tež pěši, byrnje hač do šije we wodže, runje na napřećiwny brjóh docpěć. W takjich městach založene wsy pomjenowachu so: Brěg, Přibrěg, Brod, Brody, Přewoz (Prjawoz), Rěčicy, Zarěč atd. A stoješe-li wjes při zjednoćenju dweju řekow, mjenowachu ju Mjezyrěč, Widla, Wusće.

Druhe wsy mjenowachu so po městnosćach, na kotrychž ležachu: Hora, Zahof, Podhof, Stok, Podstup, Mokro, Sucha, Błonje, Mochow, Delany, Dolsk, Jězory, Kalawa, Kalisko, Kamjenc, Kamjenna, Khołm, Khrósćicy, Łuh, Łukow, Lěskow, Nižin, Rowne, Wysoka.

Wot lěsnych rostlinow su mjena: Bor, Bórk, Bórkowy, Brězow, Brěznica, Bukow, Bukowina (Bukojna), Chmjelow, Dubc, Dubrawa, Grabin, Hrabowka, Gwózd, Jabłońca, Jaseń, Jaseńca, Jawof, Jawornik, Jědlow, Jědlica, Jilwa, Lipje, Lipsk, Malin, Rohozna, Sliwin, Smolnja, Swidnica, Tornow, Wolešnica.

Zaso druge mjenowachu so po založerjach abo přerých zasýdlerjach: Bogusławowicy (nětko: Bójsweey), Radlubicy (nětko: Ralbicy), Bojanowicy (nětko: Banecy), Miłočicy atd.

Wobdarjeni wot Boha ze strowym rozsudom dawachu naši přjedownicy kóždy wěcy zrozumliwe mjeno, tak zo mjeno same wopřijeć wo wěcy podawaše. Tohodla mjenowachu so řeki, mjez jich sydlěćmi čěčace, po swojich samownosćach: Bagnica, Błonja, Čornica, Čorna Woda, Kamjenica, Ługnica, Mutnica, abo wot lěsow, hdžež mějachu swój počatk: Brěznica, Bukowa, Dubja, Jiwa, Sosnja (Khójnowa), Wjazownica, Wjerbowna, Wólšinka.

Wšitko to stá so w dalokej starodawnosći, wo kotrejž žane pisma njejsu powědate; tola džensniša serbska rěč wobswědča

hišće, zo su naše wsy a rěki swoje mjena dostałe wot našich słowjanskich přjedownikow a wot žanoho druheho luda. Potajkim běchu přeni wobydlerjo kraja z toho sameho ludu, kotrehož potomnicy tež nětko k Božej khwalbje a k wopomnjeću sławneje minylosće hišće tu přebywaju pod mjenom Serbow a Łužičanow.

#### § 4.

#### Łužičenjo a Serbja.

Šěroka runina wot Wisły a Warty přez Wódru, Sprewju, Łobjo wot wusća rěki Wezery a pońócného morja předstawja hišće nětko nižinu, přecěhnjenu z mnohosću bahnow a tonidłow wosebje w Delnjej Łužicy a Brandenburgskej. W starodawnosći běchu tute kraje hišće bóle podmokłe, tak zo cyła přestrěń smuhu bahnow abo łuhow tworješe, na kotrychž so tam přebywace ludy po městnosćach wšelako mjenowachu, ale wšitcy zhromadnje rěkachu Łuženjo abo Łučenjo. Tuto mjeno přeměni so we rće Romjanow a Grekow do Lugii, Lingi, a lohcy so woprijmje, zo to hinak być njemóžeše; přetož starodawni drohowarjo po słowjanskich krajach njemějachu w swojej rěči słowjanske zynki ł, ć a ž, a njemózachu tohodla mjeno Łužanow a Łučanow prawje wurjec. Tak powědachu, do Roma abq Grecije so wróćiwši, wo ludach z mjenom Lugii a Lingi abo wo krajach Ługi a Łuki.

Wot drohowarjow a kupcow zhoni starodawny swět a zapisa za našu wědomosć, zo so „wulki lud Łužanow“ džěleše na mnohe mjeńše ludy, porozdžělene přez bahna a lěsy, wot kotrychž sebi wone wosebite mjeno dachu dla rozeznać a wot susodow. Tohodla mjenowachu so či, kotřiž w bukowych lěsach při delnjej Warće a Wódrje sydlachu, Bukowjenjo, w khójnowych borach abo lěsach w Slezskej Borjanowje, a jich susodža we wólsowych lěsach při Wódrje Wolešnjeno; w čěmnych njedostupnych pralěsach při Kwisy bydlachu Džědošenjo, a tym, kotřiž mjez błótami abo łuhami sydlachu, wosta mjeno Łužanow a pozdžišo Łužičanow.

Na zapad wot Łužičanow při Łobju, Solawje, Mohanje, w durinskich horach, hač do Wóttawy (Fuldy) a na pońóc hač k Smelinam (Harcej) ležachu sydlišća Serbow, tež rozdžělenych na mnohe mjeńše ludy. Z nich běchu na prawym brjozy Łobja w přnim lěstotku po Khrystusu sławni Budyšenjo, za Łobjom

Mohilenjo, za Solawu w słowjanskich horach Durinkowje, wulki lud, kotrehož sydlišća daloko přez Mohan dosahachu, k po-  
dnju hač do Dunaja, hdžež běše romska hranica.

Tak zajimaštaj dwaj wulkaj ludaj jeneho słowjanskeho na-  
roda, Łuženjo a Serbja, samu srjedźiznu Europy. A njeběše  
mjez nimi w běhu pjećich přernih stotkow po Khryšće ani jed-  
neho Němca ani cuzeho knježićerja. Jenož na pomjezach so  
wojowaše — při Dunaju z Romjanami, a — při Wóltawje (Fuldze)  
z Němcami, kotřiž cheychu tam Durinkam sólnje abo saliny z  
mocu wzać.

### § 5.

#### Serbja a Łužičenjo w přernih pjećich stotkach po Khryšće.

Něšto přez dzesac lět před Khrystom bu Mirobud, młodźenc  
z wosebneho rodu, kublany w Romje a wuznamjenjeny z přečel-  
stwom kejžora Augusta, za krala Čechow a Morawjanow pozběh-  
njeny. Přihladowawši w Romje zarjadowanju kraja cheyš Miro-  
bud w swoim kraju tež sylne knježenje zawjesć a sam po  
kralowsku knjezić, štož so wjele ludžom njespodobaše, dokelž  
běchu žiwjenju w přerjotnej swobodze přiwučeni a w kralowskej  
mocy tyranstwo widžachu. Ale Mirobud, kiž měješe 74,000  
wójška po romskim wašnju wuwučeneho, njeđiwaše na přećiwni-  
kow a podčisny sebi susodne słowjanske ludy: Serbow za Łobjom  
a Budyšanow, tež přiwjedze „wulki lud Łužanow“ pod swoju  
móc. Jeho knježstwo dosahowaše wot Dunaja hač do řeki Ha-  
bole a na wječor hač do Čorneho lěsa. To měješe přenje wulke  
słowjanske mócnafstwo być, ale ludy njezapřijachu tehdy hišće  
wužitk zwjazka pod knježenjom jednoho krala. Njespokojni z no-  
wym porjadom přihotowachu njeměr a čakachu na přihodny čas  
za zjawne rokoćenje.

Pola Budyšanow khowaše so młodźenc Chatowłod, kotryž bě  
z Čech čeknyć dyrbjał, dokelž měješe zwadu z Mirobudom. Cha-  
towłod čakaše na přiležnosć, zo by so na Mirobudze wjećił a  
hdyž kónčnje přez zapletki Romjanow njeměr jednotu w mócnaf-  
stwe Mirobuda roztorže, přičeže Chatowłod ze sylnej črjódwojo-  
warjow do Čech, doby hłowny hród Mirobuda a zebra tam na-  
hladne pokłady, něhdy Romjanam wotdobyte. Chatowłod so

zradowaše, ale nic doľho, přetož w krótkim dyrbyeše sam pola Romjanow wuček pytač (w lěće 19 po Khr.). Mócnafstwo Mirobuda rozpadny: Serbja a Łužičenjo wróćichu so zaso k přjedawšemu žiwjenju w rozdźělnych splahach.

W tym času knježeše w Čechach Wanjo (Vannius), wo kotrymž so powědaše, zo je z dawkow a rubjeństwow w swojim třicecílětnym knježenju wulke bohatstwa nahromadził. Na tajku powěsć čehnjechu wobróńjene syły łuziskich wojowarjow do Čech. Wanjo so mužnje wobaraše, ale Łužičenjo jeho přewinychu a jeho kraj wurubichu (w lěće 51 po Khr.).

Tute podawki dachu swětej ludy při Sprewi a Wódrje přebywace póznać. Wottal buch Budyšenjo znaći jako wosebity lud, kotryž Grekowje po swojim Butinow mjenowachu. Wot toho časa počachu Łučanow „wulki lud“ mjenować, na někotre móčne a w bitwach njebojazne splahi so džělacy, kotryž mjeješe swoje swjatnicy a swojich bohów, wo čimž so hač do konce 1. lětstotka w Romje wospjetnje powědaše.

W pozdžišim času, hdyž doľhe wojny Romjanow z Morawjanami njepräčelstwo Słowjanow präćiwo Romjanam rozhorichu, čehnjechu tež Łučenjo pod wjednikom Zemjanom do Gallije, ale kejžor Probus jich w lěće 277 dospołnje zbi a zaja Zemjana; tola w krótkim jeho pušći a sćini z nim zwjazk.

Po tym nastupowace njeměrne časy w romskim mócnafstwje a napady cuzych ludow na słowjanske kraje při Dunaju wotwobroćichu kedźbnosć romskich a grekskich historikow wot počnócných a nawječorných Słowjanow. Z tuteje přičiny je wšitko, štož je so pola nich hač do 5. stotka stało, do zapomnjenja přišło. A hdyž po padže romskeho mócnafstwa (l. 476) w Europje wot dawna zabyte ludy z nowa wustupowachu, pokazachu so na spočatku 6. stotka Serbja při Łobju a Solawje pod swojim samsnym mjenom, a za Solawu běchu Durinkowje derje znaći.

## § 6.

Přikhad Němcow. Pad Durinkow w lěće 531.

Njewulka němska ludnosć při delnym Rheinje a při Wezerje njemóžeše w přerich stotkach po Khryšće k ranju do słowjanskich krajow jara so rozšěrjeć. Ale wuspěch Němcow we wu-

## Porjedenki.

|        |     |       |    |        |                     |
|--------|-----|-------|----|--------|---------------------|
| Strona | 11  | rjadk | 18 | čitaj: | wosobinska,         |
| "      | 15  | "     | 29 | "      | w 9. stotku,        |
| "      | 22  | "     | 31 | wumaž: | a,                  |
| "      | 25  | "     | 33 | čitaj: | požohnowa,          |
| "      | 27  | "     | 21 | "      | žita město: khlěba, |
| "      | 29  | "     | 13 | "      | najnahladniši,      |
| "      | 31  | "     | 1  | "      | słowjanske,         |
| "      | 45  | "     | 4  | "      | přirunujcy,         |
| "      | 47  | "     | 29 | "      | Soběbor,            |
| "      | 52  | "     | 24 | "      | § 7,                |
| "      | 56  | "     | 3  | "      | XIV,                |
| "      | 73  | "     | 25 | "      | w spočatku 14. st., |
| "      | 78  | "     | 22 | "      | " "                 |
| "      | 84  | "     | 21 | "      | wjednistwom,        |
| "      | 104 | "     | 11 | "      | su,                 |
| "      | 108 | "     | 16 | "      | wobkrajne prawo,    |
| "      | 114 | "     | 13 | "      | de originibus,      |
| "      | 118 | "     | 21 | "      | džěłaše,            |
| "      | 140 | "     | 12 | "      | prjatkafske.        |



# I.

## Stare časy.

### § 1.

#### Słowjenjo a Němcy.

Hdyž so Khrystus narodži, zajimachu naši prawótecy wob-  
šěrne kraje wosrjedź Europy wot Rheina hač do Dněpra a wot  
baltiskeho morja hač do Italskeje a Grekskeje. A dokelž wšitcy  
podobnu řeč wužiwachu a po słowje so póznowachu, tohodla mjeno-  
wachu so wšitcy Słowjenjo.

K wječoru wot Słowjanow při Wezerje a delnim Rheinje  
bydlachu Teutonowje, kotřiž słowjanskeje řeče njerozymjachu, na  
słowjanske słowo njewotmołwjachu, jako bychu němi byli; toho-  
dla pomjenowachu jich Němcow, kotřiž zaso wšitkim Słowjanam  
„Wenden“ rěkachu.

Słowjenjo a Němcy rozdźělachu so hižo tehdy mjez sobu  
nic jeno po řeči, ale tež po naložku; přetož mjez tym zo Němcy  
do wojowafskeho žiwjenja so zalubowawši pod wjednistwom móc-  
nišich splahow při mófskich brjohach so rozšěrjachu abo do  
bohateje Gallije so čišćachu, wjedźechu Słowjenjo, dokelž domjace  
a swójbne žiwjenje wosebje lubowachu, pastyfsko-rólniske žiwjenje  
a wotdobywachu zemi wšitko to, štož bě za zdźerženje čłowjeka  
trěbne. To běše wulke džěło. Wótecy prócowachu so za džěci,  
cyłe splahi poswjěćachu swoje žiwjenje wobdźěłanju a wobžiwjenju  
přirody.

### § 2.

#### Přiroda kraja.

Kraj, kotryž bě po Božim wjedženju našim přjedownikam  
za zasydlenje postajeny, běše w starym času cyle hinaši, hač  
jón nětko widžimy. Tam, hdžež su nětko wobdźěłane pola,

wsy a města, — běchu lěsy, hdžež su pastwišća a łuki — přescěrachu so njeprístupne tonidla a bahna, z bozom, rohožinu a rokotom poroscene. Mochi, syćizny, smjelny a druhe bahnate rostliny, kiž šěroke přestrěnje pokrywachu, žiwjachu črjódu překasancow, włakow a wódnych ptakow. Nětčiše Błóta při delnjeje Sprewi njesu ničo w přirunanju z tym, štož běše před tysac lětami, a što mamy hakle prajić wo starodawnych časach, hdyž so čłowječa próca njebě hišće tutych přepadawatych městnosći ani dótknyła! We wonym času předstawjachu błóta a bahna na pobrjohach Wódry, Sprewe, Łobja a Habole wosebitu přrodu, poľnu bujneho a z kwětkami zděbjeneho rostlinstwa. Z ředka zwaži so džiwe zwěrjo do tutych zelencow a přepadawatych tonidłow pohladać, na kotrež čłowječa noha njebě postupila, hdžež tysacy lět njebě čłowječi hłós čišinu přetorhnył, ale jenož fifolenje ptačiny a rjechtanje žabow.

Z tonidłow a bahnow cyřćace wody hromadžachu so do hłubšich řěčkow a řekow, wjele włóžnoty ze sebye wotdžělejcy, štož rosćenju rokota, wjeřby, jiwy, wólšiny, wosycy, topoła a wrjosu howješe. Powyšene městna, z bahnami wobdate, pokrywachu so z lěsami po wšelakosći pody. Na pěskatych pohórkach měšachu so khójny ze škowrjenčinu, jědlemi, a wokoło nich na wobrubje lěsa rosćechu brězy. Wšitke tute žiwicate a brěčkatě štomy napjelnjachu powětr ze sylnej wónju, kotruž móže jenož tón sebi myslić, kiž je w pralěsach přebywał. Na čornozemi tworjachu duby a buki ze swojimi haľuzami kryw, přez kotryž slónčne pruhi ženje hać na jich korjenje njeswěćachu. Tute nadobne štomy njezapowědžachu w swojim towafstwje zhromadne byće hrabam, jaworam, jaslam, klonam, wjazam, jabłonjam, krušwinam, slowčinam, ani tež najmjeńšim bratram, najbóle šěroko rosćacym: bozam, akacijam, lěšćinam, šipkam, pólnym růžam a t. d.

W pralěsach a husćinach, z mnohosću pjeńkow zawalanych, z wětrom wuwroćanych, a z powitkami na štomach so plećacymi začěmnjenych, knježachu swobodnje črjódy zwěrjatow, mjez kotrymiž přenje město zajimachu tury, zubry a buwoły, jako kralowje, wokoło nich pak jako hibite poddanstwo: łósy, jelenje, sorny, kotrež w spěšnym běhu tam a sem čahajcy sebi městnišća pytachu, hdžež běchu před napadom łakacych wjelkow wěste; přetož wjelki přiběhowachu hižo w Khrystusowym času

ze Skandinaviskeje po lodach baltiskeho morja do słowjanskich krajow, runje tak jako nětko, a pytachu sebi žiwnosť w cuzym kraju, hdyž jim we wótcnych skandinavskich horach hlód ze smjerću hrožeše. Druhdy spytowachu so wjelki z dziwimi swinjemi, kotrež wosebje w dubowych hajach přebywachu, hdžež mějachu w žoldžach dosahacu picu. Tu wojowaše so často wo žiwjenje. Zubiska kundrosa rozpróchu často brjuchi wobžernych wjelkow, ale te nasadźichu rad swoje žiwjenje, zo bychu raz plecowinu njeprěcela woptać móhli. Strašniši dyžli druge zwěrjata běše mjedwědz, přetož před sylnymi rohami turow abo buwołow móžeše lohcy na štom skočić, a druhich zwěrjatow so njeboješe; jenož před wjelkami dyrbyeše so na kedžbu brać, dokelž te móžachu w khowankach potajene nejabyce jeho wobskočić a běda jemu, njeby-li na štom skočil, abo njeby-li młody štom z kornjenjom wutorhnył a z nim jako ze šwikadlom na hlówy zdziwjenych njeprěcelow praskał. W zdalenosći wot hołka wjetšich zwěrjatow suwachu so po štomach rysy, kuny, žrawcy, dziwje kóčki, skónčnje wěwjefčki, kotrež starosćiwje worjечи do dupow nošachu, zo bychu wosrjedź zymy z hlódom njezahinyli. Zaso druge zwěrjata, jako liški, šwince, kanikle před mócněšimi so bojicy khowachu so w džěrach, a zajac jeničcy w čěkanju spo- móženje namakacy lubowaše pola při lěsach, hdžež jeho spěšne nobi njebychu zadžěwkw namakaše.

Pod khlódkom pralěsow spěchowaše wložnota lěsow přibě- ranje wodow, kotrež tehdy wjele wyše stojachu dyžli nětko. Rěki mějachu wodowe zjednoćenja z druhimi rěkami a jězorami, nětko dospołnje wuskhnywše doliny běchu z wodu pokryte a po cyłym kraju tworjachu so kupy. Při tajkej mnohosći wodow płódnjachu so ryby wšelakich družinow: łososa a jasotry napjel- njachu před někotrymi lěstotkami hišće Łobjo a Wódru, a mjeńšich rybow dotal njeje njedostatk. Z jednym słowom, přiroda njeje svojich darow lutowała w kraju, kotryž měješe naša wót- čina być.

### § 3.

#### Prěnje zasydlenje.

W kraju z wodami a bahnami přečehnjenym abo z lěsami porošenym, hdžež hlowne drohi po rěkach wjedžechu, móžachu



najpříhodnější městná přebývanja za přerých zasýdlerjow jenož pobjohi řekow býć, po kotrychž bě možno lóže wšitke potřebnosće dostać, do zjednoćenja ze susodami stupić a w strachach z čekanjom so wumóc. W řekach namaka so wobstajne zežiwjenje a přjed hač so poradzi w lěsach zwěrinu morić, zdžeržachu ryby čłowjeka před hlódom. Tola wsudže njepřihodžachu so brjohi řekow za zasýdlenje. W někotrych městnach zadžěwachu wuwróćene stolětne duby ze swojimi korjenjemi přistupej z řeki k brjohej, w druhich činjachu bahna a tonidla brjohi njepřístupne ze strony sucheho kraja. Tuž dyrbjachu so suche a přístupne brjohi pytać wosebje při brodach, hdžež móžeše so nic jeno na čołmje, ale tež pěši, byrnje hač do šije we wodže, runje na napřečiwny brjóh docpěć. W tajkich městach založene wsy pomjenowachu so: Brěg, Přibrěg, Brod, Brody, Přewoz (Prjawoz), Rěčicy, Zarěč atd. A stoješe-li wjes při zjednoćenju dweju řekow, mjenowachu ju Mjezyrěč, Widła, Wusće.

Druhe wsy mjenowachu so po městnosćach, na kotrychž ležachu: Hora, Zahof, Podhof, Stok, Podstup, Mokro, Sucha, Błonje, Mochow, Delany, Dolsk, Jězory, Kalawa, Kalisko, Kamjenc, Kamjenna, Khołm, Khrósćicy, Łuh, Łukow, Lěskow, Nižin, Rowne, Wysoka.

Wot lěsnych rostlinow su mjena: Bor, Bórk, Bórkowy, Brězow, Brěznica, Bukow, Bukowina (Bukojna), Chmjelow, Dubc, Dubrawa, Grabin, Hrabowka, Gwózd, Jabłońca, Jaseń, Jaseńca, Jawof, Jawornik, Jědlow, Jědlica, Jilwa, Lipje, Lipsk, Malin, Rohozna, Sliwin, Smolnja, Swidnica, Tornow, Wolešnica.

Zaso druhe mjenowachu so po založerjach abo přerých zasýdlerjach: Bogusławowicy (nětko: Bójswecy), Radlubicy (nětko: Ralbicy), Bojanowicy (nětko: Banecy), Miłočicy atd.

Wobdarjeni wot Boha ze strowym rozsudom dawachu naši přjedownicy každej wěcy zrozumliwe mjeno, tak zo mjeno same wopřijeće wo wěcy podawaše. Tohodla mjenowachu so řeki, mjez jich sydlišćemi čěčace, po swojich samownosćach: Bagnica, Błonja, Čornica, Čorna Woda, Kamjenica, Ługnica, Mutnica, abo wot lěsow, hdžež mějachu swój počatk: Brěznica, Bukowa, Dubja, Jiwa, Sosnja (Khojnowa), Wjazownica, Wjeřbowna, Wólšinka.

Wšitko to stá so w dalokej starodawnosći, wo kotrejž žane pisma njejsu powědale; tola džensniša serbska rěč wobswědča

hišće, zo su naše wsy a rěki swoje mjena dostałe wot našich słowjanskich přjedownikow a wot žanoho druheho luda. Potajkim běchu přeni wobydlerjo kraja z toho sameho ludu, kotrehož potomnicy tež nětko k Božej khwalbje a k wopomnjeću sławneje minylosće hišće tu přebywaju pod mjenom Serbow a Łužičanow.

#### § 4.

#### Łužičenjo a Serbja.

Šěroka runina wot Wisły a Warty přez Wódru, Sprewju, Łobjo wot wusća rěki Wezery a pońócného morja předstawja hišće nětko nižinu, přecěhnjenu z mnohosću bahnow a tonidłow wosebje w Delnjeje Łužicy a Brandenburgskej. W starodawnosći běchu tute kraje hišće bóle podmokłe, tak zo cyła přestrěń smuhu bahnow abo łuhow tworješe, na kotrychž so tam přebywace ludy po městnosćach wšelako mjenowachu, ale wšitcy zhromadnje rěkachu Łuženjo abo Łučenjo. Tuto mjeno přeměni so we rěe Romjanow a Grekow do Lugii, Lingi, a lohcy so woprijmje, zo to hinak być njemóžeše; přetož starodawni drohowarjo po słowjanskich krajach njemějachu w swojej rěči słowjanske zynki ł, ě a ž, a njemózachu tohodla mjeno Łužanow a Łučanow prawje wurjec. Tak powědachu, do Roma abo Grecije so wróćiwši, wo ludach z mjenom Lugii a Lingi abo wo krajach Ługi a Łuki.

Wot drohowarjow a kupcow zhoni starodawny swět a zapisa za našu wědomosć, zo so „wulki lud Łužanow“ džěleše na mnohe mjeńše ludy, porozdžělene přez bahna a lěsy, wot kotrychž sebi wone wosebite mjeno dachu dla rozeznać a wot susodow. Tohodla mjenowachu so ěi, kotřiž w bukowych lěsach při delnjeje Warće a Wódrje sydlachu, Bukowjenjo, w khójnowych borach abo lěsach w Slezskej Borjanowje, a jich susodža we wólsowych lěsach při Wódrje Wolešnjeno; w ěmnych njedostupnych pralěsach při Kwisy bydlachu Džědošenjo, a tym, kotřiž mjez błótami abo łuhami sydlachu, wosta mjeno Łužanow a pozdžišo Łužičanow.

Na zapad wot Łužičanow při Łobju, Solawje, Mohanje, w durinkskich horach, hač do Wółtawy (Fuldy) a na pońóc hač k Smolinam (Harcej) ležachu sydlišća Serbow, tež rozdžělenych na mnohe mjeńše ludy. Z nich běchu na prawym brjozy Łobja w přnim lěstotku po Khrystusu sławni Budyšenjo, za Łobjom

Mohilenjo, za Solawu w słowjanskich horach Durinkowje, wulki lud, kotrehož sydlišća daloko přez Mohan dosahachu, k poťdnju hač do Dunaja, hdžež běše romska hranica.

Tak zajimaštaj dwaj wulkaj ludaj jeneho słowjanskeho naroda, Łuženjo a Serbja, samu srjedźiznu Europy. A njeběše mjez nimi w běhu pjećich přěních stotkow po Khryšće ani jednoho Němca ani cuzeho knježićerja. Jenož na pomjezach so wojowaše — při Dunaju z Romjanami, a — při Wóltawje (Fuldze) z Němcami, kotřiž chcychu tam Durinkam sólnje abo saliny z mocu wzać.

### § 5.

#### Serbja a Łužičenjo w přěních pjećich stotkach po Khryšće.

Něšto přez džesat lět před Khrystom bu Mirobud, młodźenc z wosebneho rodu, kubłany w Romje a wuznamjenjeny z přecelstwom kejžora Augusta, za krala Čechow a Morawjanow pozběhnjeny. Přihladowawši w Romje zarjadowanju kraja chcyše Mirobud w swojim kraju tež sylne knježenje zawjesć a sam po kralowsku knjezić, štož so wjele ludźom njespodobaše, dokelž běchu žiwjenju w přěnjotnej swobodze přiwučeni a w kralowskej mocy tyranstwo widźachu. Ale Mirobud, kiž měješe 74,000 wójska po romskim wašnju wuwučeneho, njedźiwaše na přećiwnikow a podćisny sebi susodne słowjanske ludy: Serbow za Łobjom a Budyšanow, tež přiwjedze „wulki lud Łužanow“ pod swoju móc. Jeho knježstwo dosahowaše wot Dunaja hač do rěki Habole a na wječor hač do Čorneho lěsa. To měješe přěnje wulke słowjanske mócnafstwo być, ale ludy njezapřijachu tehdy hišće wužitk zwjazka pod knježenjom jednoho krala. Njespokojni z nowym porjadom přihotowachu njeměr a čakachu na přihódny čas za zjawne rokoćenje.

Polu Budyšanow khowaše so młodźenc Chatowłod, kotryž bě z Čech čeknyć dyrbjat, dokelž měješe zwadu z Mirobudom. Chatowłod čakaše na přiležnosť, zo by so na Mirobudze wjećił a hdyž kónčnje přez zapletki Romjanow njeměr jednotu w mócnafstwje Mirobuda roztorže, přičeže Chatowłod ze sylnej črjodu wojowarjow do Čech, doby hłowny hród Mirobuda a zebra tam nahladne pokłady, něhdy Romjanam wotdobyte. Chatowłod so

zradowaše, ale nic doľho, přetož w krótkim dyrbješe sam pola Romjanow wuček pytać (w lěće 19 po Khr.). Mócnafstwo Mirobuda rozpadny: Serbja a Łužičenjo wróćichu so zaso k přjedawšemu žiwjenju w rozdělnych splahach.

W tym času knježeše w Čechach Wanjo (Vannius), wo kotrymž so powědaše, zo je z dawkow a rubjeństwow w swojim třiceciletnym knježenju wulke bohatstwa nahromadził. Na tajku powěsć čehnjechu wobronjene syły lužiskich wojowarjow do Čech. Wanjo so mužnje wobaraše, ale Łužičenjo jeho přewinychu a jeho kraj wurubichu (w lěće 51 po Khr.).

Tute podawki dachu swětej ludy při Sprewi a Wódrje přebywace pónač. Wottal buchu Budyšenjo znači jako wosebity lud, kotryž Grekowje po swojim Butinow mjenowachu. Wot toho časa počachu Łučanow „wulki lud“ mjenować, na někotre móčne a w bitwach njebojazne splahi so džělacy, kotryž měješe swoje swjatnicy a swoich bohow, wo čimž so hač do kónca 1. lěstotka w Romje wospjetnje powědaše.

W pozdžišim času, hdyž doľhe wójny Romjanow z Morawjanami njepräčelstwo Słowjanow přeciwo Romjanam rozhorichu, čehnjechu tež Łučenjo pod wjednikom Zemjanom do Gallije, ale kejžor Probus jich w lěće 277 dospónnje zbi a zaja Zemjana; tola w krótkim jeho pušći a sčini z nim zwjazk.

Po tym nastupowace njeměrne časy w romskim mócnafstwje a napady cuzych ludow na słowjanske kraje při Dunaju wotwobročichu kedźbnosć romskich a grekskich historikow wot počnócných a nawječorných Słowjanow. Z tuteje přičiny je wšitko, štož je so pola nich hač do 5. stotka stało, do zapomnjenja přišło. A hdyž po padźe romskeho mócnafstwa (l. 476) w Europje wot dawna zabyte ludy z nowa wustupowachu, pokazachu so na spočatku 6. stotka Serbja při Łobju a Solawje pod swojim samsnym mjenom, a za Solawu běchu Durinkowje derje znači.

## § 6.

Přikhad Němcow. Pad Durinkow w lěće 531.

Njewulka němska ludnosć při delnym Rheinje a při Wezerje njemóžeše w přěních stotkach po Khryšće k ranju do słowjanskich krajow jara so rozšěrjeć. Ale wuspěch Němcow we wu-

rubjowanju bohatych romskich městow při Rheinje zbudźowaše jich bratrow Skandinavow, zo do južnych tohorunja romskich krajow khwatachu. Běše to skónčnje potrěbnosć; přetož wot starodawnych časow wučahowaše skandinavska młodžina z bojosće před hladom kóždolětnje, zo by lěpše žiwjenje druhdze po swěće pytała. Tež bywaše nałožk, zo starši młodžinu z domu wupokazachu. Z tajkich wuhnancow nastachu črjody namófskich rubježnikow, kotřiž na mófskich pobrjohach rubicy so při wusću abo wuliwje Łobja a Wezery zasydlachu a wottam přeco dale do słowjanskeho kraja so čiśćachu.

Přibywaca skandinavska ludnosć wutwori mjez Němcami wosebity splah jasnowłosatych módrawočnych — Saksow, kotřiž so w přenich lěstotkach po Khryšće mjez delnim Łobjom a Rheinom rozšěrjowachu. W tym samym času nadpadowachu druzy wukhadnicy ze Skandinavije — Frankowje w 5. lěstotku Galliju a powalichu tam romske knježenje, wobsadźichu města, přeměnichu Gallow do poddanow a załožichu mócnafstwo Frankow.

Derje wobdźělany a zamóžity kraj Durinkow wabješe lakomnych Frankow k sebi; ale dokelž ěi čujachu, zo sami njejsu dosć móćni přećiwo Durinkam, sćinichu zwjazk ze Saksami, hišće bóle požadliwymi za rubjenstwom a za krajom z cuzej prócu wobdźělany. Po wotrěčenju walichu so z dweju stronow njenadźijcy na Durinkow, kotřiž mějachu tak před sobu Frankow wot Rheina postupowacych, a za sobu Saksow wot pońcocy přičahowacych, a tohodla swojeje hranicy wobróć njemóžachu. Třóćeni z dweju stronow zajachu Durinkowje stojišće při řěcy Unstrut, hdžež jim zjednoćeni nadpadnicy tajke poraženje přihotowachu, zo bu řěka z čělami zabitych tak napjelnjena, zo Frankowje po nich jako po mosće na napřećiwny brjóh překhadzachu. Dobyćerjo rozděllichu mjez sobu dobyty kraj (l. 531) tak, zo kraj k pońdnju wot řěki Unstrut Frankam připadže a kraj k pońcocy Saksam, kotřiž wowrótnjeni přez dobyće wšěch lěchow abo wobsedzerjow morichu a jich zemju sebi wzachu; dokelž pak sami cyły kraj wobdźělać njezamóžachu, dowolichu słowjanskim ludžom, kiž běchu při žiwjenju wostali, zo bychu jón wobdźělali z winowatosću płaćenja wěsteho dawka.

Z podćisnjenjom Durinkow zhubi so počojca wulkeho serbskeho luda na wěčne; njepřećelowje přesunychu swoju hranicu

hač do rěki Solawy, na kotrejež pobrjohach dyrbjachu njewotwisni Serbja dale so wobarać před nadpadami. Wottal spočina so 400lětné wojowanie Serbow z Frankami a Saksami wo njewotwisnosć.

## III.

### Rjad žiwjenja.

#### § 1.

Rodźiny, włodyki abo wótcy, zhromadna wobsydnosć.

Na kajke wašnje a kak dołho su słowjanske sydlišća na lužiskich nižinach a na serbskich horach rozrostle, to je nam potajne jako wšitkón skutk Boži, kotrehož počatk čłowječi rozym wuhódać njemóže. Ale hdyž bu naša wótčina swětej znata w přenim stotku po Khryšće, bydlachu naši prawótcy hižo w statych sydlišćach, mějachu łuki za skótnu pastwu a něšto wobdźěłaneje role za wusyw žita. Woni běchu potajkim hižo pastyrskorólniski lud, žiwjachu so w towašnym zwjazku, kotrehož podložk bě rodźina abo swójba. Wšitcy do jedneje rodźiny słušacy přiwuzni hač do najdalšich stawow tworjachu jednu „čeledź“ a bydlachu zhromadnje při jednym wóhnišću. Rodźina měješe swójeho włodyku (wótca abo staršeho), kotryž bě sudnik a měšnik; wón wukładowaše wěšćenja bohow a dawaše zakonje, z nałożka wukhadźace. Jeho woli bě wšitka čeledź poslušna, tola tuta wola wobmjezowaše so z narodnym zwučenjom. Štož so z turtym njeznjese, njemóžeše włodyka ani žadać, ani wukonjeć. Wšitke stawy rodźiny dźěłachu zhromadnje: jeni pasechu skót, druzy připrawjachu pola na nowinje, zaso druzy wobstarachu wšelake potrěbnosće z wonka domu, mjez tym zo žónske předzachu, płat a sukno tkajachu, a hospodafstwo w domje nutřka wjedzachu. A hdyž nalětnje slónce wohrěwaše a dźěłaŕski čas nastawaše, wuńdžachu wšitcy w hromadze łuki posyc, žita žnjeć a rolu za nazyrnski wusyw přihotować. Zhromadna próca w hospodafstwje, zhromadne wobdźěłanje role, zhromadne žně wutworichu pomału towašnosć, wšelake zwučjenja, domkhowanki, wjele pěsnje a sobu tež wopřijćeće wo zhromadnym wobsydstwje.

A dokelž bě próca wosebje na wobdžěłanje zemje wobročena, bu tohodla zemja po wopřijeću našich prjedownikow najdružše wobsedženstwo. Kóždy česćowaše zemju jako khlěbadawafku, zbóžnjowaše ju jako maćefku, žadaše na swojej zemi žiwy być a wumrěć. Zhromadnje wobdžěłowana zemja bu zhromadna wobsydność, štož tak mócenje na zmyslenje našich prjedownikow skutkowaše, zo nan njemóžeše syna wot sobuknježenja nad zemju wotstorčić. A hdyž włodyka ze swěta woteńdže, wuzwoli čeledź ze swojeje srjedziny druheho na městno staršeho abo włodyki w rodzinje a knježeše zhromadnje dale nad cyłym herbstwom. Tutón nałožk traješe dołhe lětstotki, tež hač do křesćanskich časow.

Lětstotki so minychu a rodziny sydlachu wobstajnje na wobsađenych městnach, we přeco wjacorych sydlišćach so rozplahujey. Pódlá starodawnych khěžow nastawachu nowe, ale nic tak jako pola Němcow rozpjersene po polach a lěsach, ale po towaršnym nałožku khěža při khěži koło wokoło nadewsy, na kotrejž so zhromadźizny rodžin wotbywachu k wukonjenju wobrjadow a k wuradženju zhromadnych naležnosćí, druhdy tež zabawy dla. Z rozmnoženjom khěži přiwza sydlišćo formu pódkowy z jedničkim wukhodom, jako zamknjene wobkoło. Zady khěži bě ležownosć za plahowanje zežiwjacych rostlinow, warinskich zelow a sadowych štomow, ze žerdžemi wobhrodžena a tohodla „zahroda“ mjenowana. Tajke ze zahrodami wobdate słowjanske sydlišćo wopokazowaše so jako małe wobhrodžene město, zamknjene a z tym wobronjene před nadpadom kajkeježkuli přijěhawšeje na cuze kubło takomeje črjódy. Kołowokoło sydlišća za zahrodami ležachu pola, na třeje so wotměnjace hona rozdžělene: wozymske, nalětnje a smahu, a nizke abo mokrjte městna trjebachu so za pastwišća a łuki.

W tajkich sydlišćach přez lětstotki sedžicy rozrosćechu so rodziny na wjele swójbow, w kotrychž běchu bližši a dałši přiwuzni, haj mjez nimi tež tajcy, kotřiž stopjeń přiwuznistwa mjez sobu wjacy njeznajachu. Po času zhubi so dopomnjeće na přiwuznosć hišće bóle; rodžina bu hromada ludźi wězo jednoho pokhoda, rozdžělena na wosebite swójby, zhubi přěnjotnu formu, sydlišćo přesta rodžinske być a bu wjes, w kotrejž měješe kóžda swójba swoje wobsedženstwo, t. r. jeničcy jej přisłušace zamóženje. Tajke wobsedženstwo bě najprjedy jenož khěža z cyłym hibitym dobytkom, do kotrehož skót a wšelaka domjaca nadoba słušeše

ale pola, pastwišća, lěsy a wody zwostawachu w zhromadnym wobsedźenstwje cyłeje wsy. A dołho hišće buchu pola zhromadnje wobdźělowane, na lukach pasechu so stadła cyłeje wsy, a njeprašachu so, čěji by tón abo wony skót był; tež w lěsach móžeše kóždy činić, štož so jemu spodobaje. Štóž potajkim kołče na štomje powisny, kosydła polakny na zwěrinu a ptaki, abo sak zastawi na wodze, tón mjeješe so za wobsedźerja; přetož to bě wunošk jeho wosebiteje prócy a niktó njemóžeše jemu zadźěwać we wužiwanju lěsow a wodow, kotrež běchu po słowjanskim zwučanju Boži dar, wšitkim jenak přistupny. Tak wutwori so ze zhromadnje wobsydnosće pomału wosobine wobsedźenstwo.

## § 2.

Wosobina wobsydnosć, lěchowje a knjezowje.

W rodźinskih sydlišćach namakachu so ludźo, kotrychž zhromadne džěło a zhromadna wobsydnosć njespokojišćaj. Tajcy wotdźělichu so wot rodźiny a džěchu lěpši wosud po swěće pytać. A dokelž bě we wonych časach rólné hospodafstwo najprěniša potřeba, zaja kóždy, kiž chcyše sebi zamóženje dobyć, kruch kraja, natwari na nim swój dwór a poča hospodafstwo na samsnu ruku. Z tym wujewi so wotriad ludźi, kiž njeběchu z rodźinskej přisłušnosću zwjazani, za to pak tež zakit njewužiwachu, z kotrymž rodźinski porjad swoje sobustawy wobdawaše. Tući ludźo dyrbjachu ze swojimi mocami džěłać, njemóžachu wobšěrne pola wobdźěłać, jako to w rodźinskih sydlišćach běše, ale spokojichu so z wobdźěłanjom njewulkich zahonow, kotrež lěchi mjenowachu\*). Z toho je mjeno „lěchow“ nastało.

Wopřijeće wo wosobinej wobsydnosći, starosć wo powjetšenje zamóženja ze samsnej džěławosću zbudžowaše lěchow k pilnemu, starosćiwemu, hibitemu žiwjenju, k wobmyslenju srědkow za rozšěrjenje hospodafstwa a za rozmnoženje swojeje čeledže, přetož k džěłu bě wjele rukow trěbnych. Wobaranje wótneho kraja a wjećenje na njepřećelach wotwěrachu lěcham šěroke polo za samsne wobohaćenje přez wurubki, kotrychž najdrohotniši džěl běchu

---

\*) W starosłowjanšćinje woznamjenja „lěcha“ hrjadki w zahrodze, w póľšćinje zahon abo kruch role, w hornjej a wosebje delnej serbšćinje je zahrodnikam „lěcha“ abo lěška znate słowo.



wójnsy ječi. A hdyž w rodžinskich sydlišćach jeničcy na wob-  
džěłanje role a spokojne žiwjenje myslachu, wučahowachu lěcho-  
wje ze swojej čeledźu na wójnu a zakitachu njewotwisnosć kraja,  
ale za to so tež wobohaćichu. Wójna rozwiješe woprijeće wo  
njewólnistwje, z kotrehož mějachu lěchowje wužitk. Tak roz-  
množowachu so lěchowske dwory a při nich čeledź z njewólniskich  
ludźi: wójnskich jatych, haj tež kupjencow, přetož předaće jatych  
njewólnikow wotbywaše so w starodawnosći šěroko a daleko, wo-  
sebje na hranicy němskich krajow, w kotrychž njewólnistwo staj-  
nje kćeješe.

Zamóžitosć a rozhlad po swěće, kaž tež wosobina a wobsedźen-  
ska njewotwisnosć napjelnjowachu lěchow z woprijećom wosebiteje  
dostojnosće, wutworichu w nich wjele wažacy, zmužity, za přijeće  
zdžěłanosće khmany charakter, mjez tym zo lud přez lěstotki  
w rodžinskich sydlišćach a při starodawnym zwučenju so žiwjacy  
w jednorosći zawosta a wyššosć lěchow nad sobu připóznawaše a  
zamóžnišich mjez nimi „knjezow“ mjenowaše.

Kóžda wokolina měješe swojich knjezow, kotřiž hač runje  
po powołanju rólnicy, we wójnskim času na přědku swojeje čel-  
edźe stojicy, so do wobronjenych stowafšenjow zjednoćowachu,  
stajnje hotowych do bitwy z njepřećelemi. Wójnske žiwjenje,  
bitwowe podawki a sławne skutki přez podawizny na potomnikow  
překhadzace, wobdachu někotre knjezowske rodžiny z wysokim  
počesćowanjom. Zaslůžba prjedownikow a počesćowanje pola  
časarunikow skutkowaše na rozwiće póćiwosće, najwažnišeje dro-  
hotnosće starodawnych knjezowskich rodžinow.

Štožkuli běše w tamnym času wyššeho ducha, zhromadzo-  
waše so na knjezowskich dworach, hdžež zamóženje z džěła čel-  
edźe a z wójnskich wurubkow přebywanje spodobniše činješe  
nježli wosrjedź rodžinskich sydlišćow, kotrež so po jednorym zwu-  
čenju žiwjachu.

Saksowje spóznachu nahladnosć a wliw durinskich lěchow,  
hdyž po dobyću Durinskeje w lěće 531 wšitkich lěchow zamordo-  
wachu. Pozdžišo zhubi so pola Serbow mjeno lěchow, w Pólskej  
a w Čechach sławne, a jenož jich wopomnjeće hišće wobswědčeju  
ležownosće pod mjenom lěchi a lěški, najskerje tež někotre  
wsy z mjenom Lěska abo Lěskej t. r. Lěška, Lěchowska wjes.

Kak a hdy je pomjenowanje lěchow we Łužicy do zapomnjenja přišło, njeje ze stawiznow widzieć; tola je wěrje podobne, zo su lěchowje, hdyž so do wójnskich ludźi přeměnicu, powšitkownje mjeno wicazow dostali.

### § 3.

#### Njewólnicy, poddani, khłopy a bydlenjo.

W rodźinskich sydlišćach njeznajachu njewólnistwo, ale hdyž so jim někajki wójnski jaty dosta, móžeše wón jenož zhromadnje cyłemu sydlišću słušeć. Tajcy njewólnicy dobychu skoro swobodu a zastupichu do zhromadženstwa bydlišća. Hinak běše na lěchowskich dworach. Tam bywaše njewólny čłowjek, njech bě wójnski jaty abo kupjeny abo za njeplácenje dołha do poddanstwa wotsudženy, při dworje zasydleny, zo by poslužował a džěłał. Wón bě woprawdže njewólnik, tola ani we putach ani surowje dźeržany, ale słušeše z druhimi domjacymi sobu do čeledže, kotraž měješe w dawnych časach swoje ze zwučenja wukhadźace prawa. Njewólnik móžeše sebi z džěławosću a pócćiwosću lěpši wosud a dospołnu swobodu zasłužić.

Njewólnistwo množeše so pola Serbow w běhu wójnow z Němcami, a hdyž tući Serbsko sebi podćisnychu, namakamy we wšelakich duchownych a swětskich dworach wjele poddanow, kiž so khłopy a smordy (bydlenjo) mjenowachu.

### § 4.

#### Ž u p y.

Zhromadnowobsydne rólniske sydlišća zjednoćowachu so do wosebitych wokolinow abo krajinow, wot Serbow župa mjenowanych. Wobšěr župy wotwisowaše najbóle wot geografiskeho položjenja. Bahna, lěsy a měžne hórki tworjachu naturske mjezy župow; ale hdyž potrěbnosć nasta, wotdźěllichu župy z kopcami abo ze zarězkami na štomach, najbóle na bukach a dubach. Po času zesypachu so kopcy, štomy ze zarězkami spadachu, bahna wuskhnychu, ale mjena měžnych hórkow zdźeržachu hranicy župow přez podawizny wot splaha k splahej w pomjátku luda.

Druhdy tworjachu někotre zjednoćene župy wosebity kraj, mjez tym zo so druge njewotwisnje rjadowachu, doniž je wójna

abo přemóc njepräcelow njepränući, zo so do hromady zjednoćichu. W běhu časa wot 6.—10. stotka namakamy tute ludy, župy a kraje.

W Serbskom mjez Łobjom a Solawu su: Głomače k wječoru wot Mišna, wot nich k poŕdnju Nišany a horni Skudiče hač k českej hranicy; wot Głomačow dele při Łobju Nižany, dale Žitiče, při tych Serbišči na prawej stronje Łobja (hdžež je nětko Zerbst), Žirmuntý w kuće mjez Solawu a Łobjom; Susły k poŕdnju wot Žitičow při Muldže, a wot nich přez lěs wotdžělene Plisny (wokoło Lipska); při Solawje k poŕdnju wot Žirmuntow su Nudiče a Njelětiče a wot nich k ranju Koleďiče a delni Skudiče. Při hornjej Solawje je krajina Orla a wot njeje k poŕnocy a k ranju župy: Zwikowa, Gora (Gera nětko), Wěta, Tucherin, Strupjenica, Dobinowa a Brězow; tute rěkach Serbsko we wužšim zmysłu.

Serbam přisłušeše na prawej stronje Łobja Milčanska, pozdžišo Budyšinski kraj mjenowana.

We Łužicach (delnich) zasydljena ludnosć běše jenož džěl wulkeho luda Łučanow, kotřiž so w starodawnym času při Warće, Wódrje a delnej Sprewi rozwiješe. Tuta ludnosć přiwzaši zhromadne mjeno Łužičanow t. j. wobydlerjo při łuhach a łužach (abo jězorach), džěleše so na wšelake wokoliny, kotrychž wobydlerjo so dla rozeznaća wot svojich susodow po městnosćach pomjenowachu. Jich župy su: Trěbowlany (wokoło Trěbulow) mjez rěkomaj Kwisu a Nisu, wot nich k poŕnocy Žarowjany; Łupjany při rěcy Łupje, do Nisy padaceje; Slubjany při rěcy Slubje; Nižowcy na nižinach wokoło Lubina a Luboraza, Golešincy při rěcy Golešinje a Dubi na hranicy Lutycow. K poŕdnju trjebaše so zhromadne mjeno Łužičany za wjetši džěl kraja wot Čorneho Halštrowa hač do Nisy. W poŕnócnym kuće mjez Sprewju a Wódru bydlachu Lubušenjo, kotrychž můžeme tak derje k Łužičanam jako k Polakam ličić; přetož po rěči a nałožkach běchu sebi podobni.

## § 5.

### Hrody a hródky.

Wot najdawnišich časow běchu Słowjenjo z tym stawjenj, zo mějachu mnohosć hrodow abo městow, z čimž so wuraznje rozeznowachu wot Němcow, kotřiž hrodow z cyła njemějachu, města pak w tych stronach wjele pozdžišo (w 12. lětstotku) twarić počachu.

Hdyž cheychu wobydlerjo wěsteje wokoliny abo župy sebi hród (město) natwarić, wuběrachu w hromadze městno, kiž bě z přirody njepřístupne, najčasćišo při bahnach a rěkach abo na stromych\*) t. r. nahlych horach. Wubrane městno wobdachu z hrjebju, wobhrodžichu je z tołstymi dubowymi zdónkami a starachu so, zo by tuto městno po móžnosći zaškitowane było. W tajkich hrodach a hrodžiskach namaka wokolny lud wěsty wuček w času njepřečelskich nadpadow, zhromadźowaše so tam k wukonanju nabožnych wobrjadow a na zjawne wuradźenja. Zjawne twafby w hrodach běchu: swjatnica, sudnica, přebytk župana abo drugeho staršeho, ale privatne domy tam w zastarsku najprjedy njeběchu. Tola hdyž něhdže potřěbnosć k wikowanju a k rjemjesťam pohnuwaše, tam nastawachu pódla hrodow předměšća. K najstarším serbskim hrodam dyrbi so Budyšin ličić; přetož hižo w 1. lětstotku po Khryšće běchu Budyšenko (Budyšany) jako sylny lud znaći, a dyrbjachu tohodla tež swój hród měć. Tež hlowny hród Durinkow, Jarobród, z přeněmčenjom Erphesfurt a Erfurt pomjenowany, je dosć stary; přetož wo nim pisaše s. Bonifacij w lěće 741, zo bě to hižo w dawnym času město pohanow rólnikow.

Pódla hrodow, do župy słušacych, běchu hišće hrody jednoliwych knjezow. Kóždy zamóžniši wobdawaše swój dwór z nasypom a wobhrodži jón ze sylnymi dubowymi koťami, zo by wěsty był před njepřečelemi. Knjezowje mějachu wjetše a lěpje zaškitane dwory, přetož wrota buchu derje zamkane a mosty spuščowane. Tajkich hrodow a hródkow bě wšudze poľno; někotre z nich su tu hišće jako města a wsy, druge su so minyle, tak zo jenož městna po nich „hrodžišća“ mjenowane na něhdy tam stojace hrody dopominaju.

Nadpady Frankow a druhich Němcow a 9. stotku wotkrychu wjele hrodow při Solawje a Łobju.

## § 6.

### Starosty, župani, wjeřchowje.

Hdyž so rodźinske sydlišća tak rozrosćechu, zo so něhduše zwjazki přiwuznistwa pozabychu a město jednoho włodyki abo wótea někotři so namakachu, bu dla rjadowanja zjawnych přisłušnosći

---

\*) Přirunaj: Stroma hora, Stromberg, pozdžišo z přemjenom Wusmužowa.

starosta wuzwoleny, kotryž běše wo porjad w swojim sydlišću so starajo tež jeho srědnik w naležnosćach druhe sydlišća nastupowacych, jako tež w jednanjach ze županom a wjeŕchom. Pola wšěch Słowjanow běše starosta najdawniši krajny zastojnik a pola zněmčenych Drjewjanow w Lüneburgskej zděrža so jeho mjeno hač do nětčišeho lětstotka.

Kaž wuzwolenje starosty wot sydlišća wotwisowaše, tak słušeše wuzwolenje župana předstojnikam župy na „wěcu“. Jako bě starosta služownik swojeho sydlišća a postajenja hromady wuwjedowaše, tak bě župan služownik župy a wukonješe wobzamknjenja wěcow. Z krótka starosta a župan njeměještaj prawa druhim rozkazować, ale wukonještaj jenož to, štož bě ludowa wola na mjenowanych zhromadźiznach wobzamkła. Za swoje služby dostawaštaj starosta a župan zapłaćenje z naturskeho dawka, z domjaceho skotu, a w pozdžišich časach z pjenjez, kotrež so z cła při přewozach a na torhojšćach a t. d. nahromadźichu.

Starostu wuzwolachu najbóle ze zamóžnišich wobydlerjow sydlišća, kotřiž běchu do rady kmjećow (burow) powołani, ale županow najčasćišo z dostojnišich knjezow, kotřiž běchu dla mudrosće a sprawnosće znaći.

Zastojnstwo župana spokoji potřebnosć Słowjanow, kotřiž radzi w njewulkich župach žiwjenje wjedzechu, a jenož w času nuzy z bojósće před njepřećelom abo při mocowanju so do wjetšich ludowych zwjazkow zjednoćichu. Na přědku tajkich zwjazkow wjacorych župow stojachu wjeŕchowje, na wěcach luda wuzwoleni; a najskeje su so druhdy tež z mocu k wjeŕchowskemu knježenju dobywali.

Najdawniši wjeŕch w stawiznach spominany běše Derwan, kotryž so ze swojim ludom mjez Łobjom a Solawu w lěće 636 sławnemu kralej Čechow přizamkny, kotryž Samo rěkaše. Wěste je, zo su pola Serbow a Łužičanow wjele přjedy wjeŕchowje byli, a hdyž so pola Čechow w 1. stotku p. Khr. spominaju Mirobud, Chatowłod, a pola přidunajskich Słowjanow w 5. stotku Turbomir, Radogosć, dyrbjachu tež pola Serbow wjeŕchowje być a móžachu podobne mjena měć na -włod, -mir, -gosć.

Mjeno wjeŕch wukhadža z toho, zo wón najwyše abo na wjeŕše luda stoješe a jón we wójnje nawjedowaše, w čimž bě přenjetnje jeho móc wobjata. Pozdžišo měšachu so wjeŕchowje

tež do krajnych naležnosćí, ale serbske wěca njedopuščichu žanoho z nich k docpěću kralowskeje mocy.

Wjefch bě na čas žiwjenja; zwučene prawo njezawěsćeše jeho džěcom nastupnistwo. Najčasćišo přědže knježenje po nanje na staršeho syna, ale to njewukhadžeše z prawa, ale jenož z přizwolenja ludu. Njespodobaše-li so wjefch ludej, wuhnachu jeho a wuzwolichu druheho na jeho město. W času wot 6. do 10. stotka běše pola Serbow mnohosć mjeńšich wjefchow, tak zo měješe kóžda župa abo z najmjeńša kóždy lud swojeho wjefcha. Běše to wulke njezbože dla susodstwa při Solawje mjezowacych Němcow, kotřiž móžachu jako zjednoćeni pod wjedženjom jednoho krala lohko kóždeho serbskeho wjefcha wosebje zbić, mjez tym zo serbscy wjefchowje, swoje šamsne knježenje lubujcy, so jeho wotřec a z tym narodnu jednotu wobkrućić nochcychu.

Hakle w 11. stotku po wuhnaću Němcow z Łužicy a z džěla Serbskoho zjewichu so w tych stronach słowjanscy kralowje we wosobje Bólesława Khroběho a jeho syna Mječislawa II.

## § 7.

### Ludowe zhromadźizny.

Jako dla wuradźowanja wo potrěbnosćach sydlišćow wšitcy w nim bydlaacy hospodarjo so do hromady skhadźowachu, tak wotbywachu so dla wuradźenja wo naležnosćach cyłej župy abo kraja ludowe zhromadźizny, tehdy wěca mjenowane.

Wot najdawnišich časow zhromadźowachu so Słowjenjo radži wěste dny na torhojšćach, hdžež ludžo ze wšelakich stronow wo zjawnych naležnosćach jednachu. Podobnje sta so na skhadźowankach při pohanskich swjatnicach, hdžež nic jeno nabožne wobrjady wukonjachu, ale tež wo krajnych naležnosćach so wuradźowachu. Druhdy wustupowachu tam rěčnicy z ludu a předpołożichu radu k wotpomhanju wěstych potrěbnosćí. Přitomni zwólniwe k tomu přihłosowachu a bórzy přeměni so tajka skhadźowanka do ludoweje zhromadźizny. Ale hdyžkuli běchu wažniše naležnosće, jako wuzwolenje župana abo wjefcha, přihot na wójnu, pokoj z njeprěćelom, postawjenje dawkow na powšitkowne potreby, zaškitowanje před morom a druhe, štož cyłu župu nastupowaše, tehdy rozesećelechu so poručnosće po cyłej župje abo kraju a powoła so wěco t.j. ludowa zhromadźizna k zhromadnemu wuradźenju.

Prawo powołanja tajkich zhromadźiznow přisłušeše županej abo wjeřchej; tola zwučenje njezadźewaše tež druhim nahladnym mužam, zo bychy lud k poradze na wěstym městnje přeprošyli.

Wěca wotbywachu so najbóle pod hełym njebjom wokoło swjatnicow, w hajach boham poswjećenych, na torhojšćach abo w hrodach, za tym hač bě zwučenje we wokolinje přijate. Hora Hromadnik běše Serbam městno zhromadźenja k wójnje a zawěće su so tež na druhich horach zhromadźowali nic jeno na pobožnosće, ale tež na trěbnu poradu; přetož w starodawnosći zjednoćowachu z česćowanjom bohow tež krajowe naležnosće.

Na wěcu móžeše so kóždy swobodny čłowjek wobdzělić, kiž k serbskemu luděj přisłušeše, a dokelž běštaj w tym jenož dwaj stawaj, zhromadnowobsydni ludžo a lěchowje, tuž wučinjachu kmjeće, přédniši hospodarjo zhromadnowobsydných sydlišćow, a lěchiscey włodykowje, tajke wěco a přikhadźowachu na nje wšitecy z hlebiju wobrótnjeni, jako k znamjenju runoprawnosće.

Kóždy smědžeše na wěcu swobodnje swoje měnjenje wuprajić a srědky za wotpomhanje potřebnosći předpožić; ze zhromadźizny ludu wustupowachu řečnicy. Kóždy wukładowaše po swojej móžnosći, radžeše a napřećiwješe; ale hdyž bě so z wjetšinu hłosow wobzamknjenje stało, dyrbjachu je wšitecy přiwzać a dopjelnić, dokelž to bě wobzamknjenje naroda. Štóž pak by so zhromadnemu wobzamknjenju přećiwjał, bu z kijemi wotbity, a stawješe-li so z'wonka zhromadźizny napřećiwo, zhubi swój dom a swoje zamóženje abo dyrbješe w přitomnosći ludu wěste pjenjezy płaćić, jako bě po zamóženju kóždeho předpisane.

Hač su pohanscy měšnicy na serbskich wěcach so wobdzěleli, stawizny njepowědaju, ale jich wliw na wobzamknjenja wěcow bě wěsty, dokelž před rozrěsnjenjom wážnych prašení žadachu so rozsudy bohow, a wotmołwjenja na date prašenja běchu w jich mocy, kotřiž běchu sami wukładowarjo wole bohow.

Z běhom časa wotbywachu so khwatne ludowe zhromadźizny na torhojšćach abo při swjatnicach a wuradźichu sebi wěste zarjadowanje, kotrež so potom za dobre spózna. Wěca pak buchu najwyšša móc w kraju, wobknežowachu wjeřchow, njepřihódnych wotstoričichu wot knježenja abo wuhnachu jich z kraja. Wěcowe wobzamknjenja roznjesechu po cyłym kraju wopřijeća wo prawje, lud w najdalšich kónčinach zezna potřebnosće a naležnosće kraja,

a z tym dowjedže so k rozwiću ducha — k civilisaciji abo zdžělanosći.

## § 8.

### Nabožne nahlady.

Naši prjedownicy běchu wot najstaršich časow jako pobožny lud znaći a wěřachu do Boha Wjefšneho, kotryž w njeju bydli. Ale při nim wutworichu sebi w swojej mysli hišće wšelakich „přibohow“ a duchow jako na zemi skutkowacych. Po jich zrozymjenju bě, kaž stawizny wo našim kraju powědaju, Běły bóh wodźićel wšoho, štož so na swěće stawa; tohodla prošachu jeho wo zakit a woprowachu jemu za wšitke dobroty. Wšitke njezboža a złe skutki pak přicpěwachu złemu duchej, Čornemu bohu. Tajke wopřiće wo dwojej w swěće knježacej mocy namakamy tež pola druhich ludow\*). Tola su sebi to hižo pohani jako dwoje wopokazanja mocy jednoho najwyššeho boha wukładowali. Tutón jedyn bóh, z kotrehož druge bóstwa wukładžachu, bě drje tež pola nas bóh slónča abo swěta. Slóncó bě Słowjanam skutk Swaroha (boha njebieskeho „swora“, zodiaka) a rěkaše Swarožic, syn njeja. Hrimanja a błyski wukładowachu so jako jeho hněw. Štož na zmysły čłowjeka skutkowaše a štož wón wobdžiwaše, to česćeše jako boha abo jako skutk wěsteho boha.

Hory, skały, lěsy, źórta a mězne hórki služachu Słowjanam jako městna modlitwow, woprowanjow a wšelakich wobrjadow. Tohodla česćowachu woni haje boham poswiećene a njedowolichu nikomu je zaničić. Z teje sameje přičiny zbóžnjowachu bahno, z kotrehož so źórto Głomač nawječornje wot Łobja źórleše, hišće w 11. stotku po zawjedženju křesćanstwa. Na městnach boham poswiećenych natwarichu wulke wołtarje z kamjeni, kiž běchu jedyn na druhi položene a z druhimi kamjenjemi we wěstej zdalenosći wobdaté, štož wobhrodu swjateho městna woznamjenješe. Hdžež kamjeni njeběše, tam wobdawachu swjate městna z drjewjanym płotom. Po času počachu nad wołtarjami krywy twarić dla wukhowanja před deščom a slóncom, a tak nastawachu twarjenja, swjatnicy abo temple mjenowane. Na Prašicy

\*) Pola nas dopominataj na to znatej horje — Bělobóh a Čornobóh.



a Čornobohu w našej Łužicy zawostachu slědy wołtarjow a powyšene městna na skale, žiwje dopominace, zo su tam něhdy Słowjenjo wopory boham woprowali, so modlili, na rozwučenja svojich měšnikow posłuchali a spokojowani byli z wusudami bohow, přez měšnikow jim zjewjenymi. W Slezskej bě hora Čubata abo Sobotka jako tajke swjate městno znata, wo čimž so hišće po zawjedženju křesćanstwa powědaše.

K česći bohow woprowachu wosebjě palne wopory, zabijachu k tomu najbóle ćelca, jara z ředka we wójnskim času tež čłowjeka, hdžež z druhimi ludami mjezowachu.

Jedyn a tón samy hłowny bóg měješe we wšelakich stornach hinaše mjena po wšelakosći mocy, kotruž jemu připisowachu. Tak rěkaše Swarožic, bóg slónca, kotrehož sławna swjatnica w Retrje w kraju Lutycow hišće w 11. stotku so jasnješe, tež Radohósć. Na kupje Rujanje abo Ranje, hdžež bě jemu swjatnica w Arkonje poswjećena, dawachu jemu jako hłownemu bohu mjeno Swjantowit. Na Ranje bě Swjantowit bóg wójny a dobrobyća, jasnješe so jako dobyćeř, mjez tym zo bě wón w Retrje bóle bóg pokoja a prócy, a tohodla rěkachu jemu Radohósć t. r. dobry hósć, bóg dobreje rady. Tón samy bóg měješe druhdže: w Šćěćinje, Wolinje a Braniborje mjeno Trigław (Třiřlow), dokelž bě jeho podobizna třiřlowata, štož po wukładze pohan-skich měšnikow woznamjenješe, zo tuto bóstwo w njebieskim, zeřńskim a podzeřńskim kralestwje knježi. Tym Słowjanam pak, kotřiž dyrbjachu nadpady Němcow a Skandinavow wotbijeć, běše bóg wójny třěbny, a tohodla česćowachu jeho w poměžnych krajinach jako Jarowita; w Havelbergu wotbywachu syły ludu po hrodže wobkhaďy z khorhowjemi na wěstych dnjach, a w Bólegosću wisaše tarč, ze złotom wobsaďzana, na scěnje swjatnicy. W času wójny nošachu Bólegosćenjo tule tarč před wójskom, dobyća so nadžějcy. Pod kajkim mjenom je wyšši bóg Swarožic (Běły bóg) pola Serbow česćowany był, njesu nam stawizny zakhowałe (snadž Lubohósć?); ale zo su při Sprjewi, Łobju a Solawje Słowjenjo te same zwučenja měli, jako jich bratřa při Haboli a w Pomóřskej, můžeme sebi myslić.

Pódlu hłowneho bóstwa běchu po wěrje Słowjanow tež mjeńše bohi, kotrymž so móc we wjedženju tych abo wonych naležnosći připisowaše. Kóždy župa měješe svojich přibohow a

swoje swjatnicy, ale tutych dobrych abo złych bohów předstawješe sebi lud jako stworjenja, kiž jědz a napoj potrebachu, nic jako samych duchow. Tute duchi měšachu so po ludowej mysli we wšelakich podobach do naležnosći jednotliwego čłowjeka a cyłego kraja, zjewjachu so na horach a polach, w lěsach a rěkach, z cyła wšudze. Přijimna słowjanska natura běše stajnje naklonjena, wšelake připadnosće žiwjenja sebi ze skutkowanjom duchow wujasnić a zjewjenja w přirodze jako připowědženja zboža abo njezboža spóznać. W kraju Głomačow we wokolinje Mišna tworješe móčne žórło daloko znate bahno abo jězor Głomač, wo kotrymž wokolni wobydlerjo w spočatku 11. stotka biskopej Thietmarej Merseburgskemu dziwne wěcy powědachu. Hdyž měješe mjenujcy zbožowny měr mjez wobydlerjemi nastać abo zemja płódne lěto lubić, napjelnjowaše bahno, jako by z pšenicu, wowsom a žołdzemi pokryte było, syły k brjoham přikhwataće z wjeselom; nawopak hdyž surowy wójnski njeměr hrožeše, wodžěwaše so bahno, kaž prajachu, z počehnjenjom krvine a popjoła. Tak běchu pohanam wěste městna z hroženjom a swjatosću wobdate. Tež pola nas je so tohodla wjele powěsći wo duchach, djasach, božej włosći, připołdnicy, kuzłarjach a khodojtych a t. d. dotal zdžeržalo.

Naši prjedownicy, kaž prajachmy, wšelakim boham a ducham „swoje pola a lěsy, zrudoby a radosće poswjećejcy wuznawachu tola, zo je jedyn Bóh, kotryž w njeju nad druhimi bohami knježi a tam jeničcy z njebieskim rjadowanjom so zajima, zo druzy bohowej jenož jim dowěrjene přisłušnosće činja, zo wšitcy wot njeho wukhadžeju a zo je kóždy z nich z tym bližši, čimž je bliže tutomu Bohu bohów.“ Tajka bě wěra Słowjanow, křesćanstwu so přibližowaca we zapřićeju jednoho Boha, stworičela swěta. Woni česćowachu Boha tak, zo z čěžkosću k přisazy zwolichu; přetož „přisahać rěkaše pola nich runje to same, štož wopak přisahać a hněw boži na so sčahnýć.“

Hišće bóle bližachu so Słowjenjo křesćanstwu z wěru do njesmjernosće duše. Zemrěty bě jim jenož zhubjeny za žiwych, ale wužiwaše lěpše žiwjenje tam, hdzež bě jenož wšitko dobre a ničo złe. Duša pozběhny so w powětrje a wotemrěty njebohi abo wobžarowany bu wobydler njebies. Samo palenje wotemrětych čěłow sta so dla wolóženja, zo by mrtwy z dymom spěš-

nišo do wěčnosće přešo!; na zemi zwosta za nim wopomnjenje. Přiwučeny na towafšnosć njemóžeše Słowjan sam jenički do nje-bja přińć; tuž palachu z jeho čětom tež konja, sokoła abo druhu jemu słušacu wěc. Wo smjerći hospodarja powědach nic jeno cytemu sydlišću, ale tež jeho skotej, konjom a pčolam. Jedyn z čeledže kłapaše do kočow wołajo: „pčolki wstawajće, waš hospodař je wumrě!“. Pohrjeb wotbywaše so w zrudobje, tola dla počesćenja wopomnjeća zemrěteho přiřadowachu hosćinu a wužichu jědź (strawa mjenowanu), při čimž běchu wěste hry, palachu wulke wohnje z lučwa a słomy, skakachu přez płomjo abo wo-koło wohnja.

Popjoł spalonych čětow zakopachu w hlinjanych abo kamjenitych sudowjach a popjelnicach a přistawichu tež mjeńše karančki, wo kotrychž so hódá, zo su takrjec sylzy zawostawjených khować měte. Druhdy składžechu popjelnicy při křižnych pučach, zo bychu přiřadnicy so na čłowječu zachodnosć dopomnili abo za zemrěteho k Bohu wzdychowali. Na rowy položichu často tež kamjenje abo wobdawachu je z wobhrodženjom. Po-česćowanje zemrětych je Słowjanow w každym času wuznamje-njało. Na wěstych dnjach bywachu každolětnje modlitwy za zemrětych, kotřež w pohanskim času „Radonicy“ rěkach. Lud modleše so na rowach přiřuznych a přećelow, potom jědžeše a piješe. W Łužicy, w Čechach a Slezskej běchu „Radonicy“ na 1. dnju měrcá.

## § 9.

### Towafšne swjedženje a wobrjady.

Wobdarjeny wot Boha ze strowym rozsudom, nječinješe sło-wjanski lud ničo, štož njeby w zjednoćenju z tym było, štož jeho wobdawaše. Wón česćowaše tohodla swoju zežiwječku „Ma-ćefku Zemju“ derje wědžo, zo jeho cyłe žiwjenje w zwjazku z njej zwostanje a z přirodu jeho wobdawacej. Dokelž pak ze wšitkich mocow přirody na zemi slóncu najwjetši wliw pokazowaše, tohodla česćowaše wón slóncu jako boha, kežbowaše pilnje na jeho wobroty a wuznamjeni každý slónčny wobrot ze swjedže-njom, kiž so z wobkedžbowanjom wěstych a časej lěta přispraw-ných wobrjadow swjećeše.

Hdyž přiroda po zymskim spanju wotućeše, hdyž po wojowanju dnja z nocu swětko přewahu dosta nad čěmnosću, napjelni so mysl rólnika z radosću, zo je žiwjenje dawace slónco z nowa swětko a ćoplotu přinjesło, kotrejž měještaj zemju wopłodnić a ju wudobyć z mocy čmy, zymy a smjerće. Tohodla bu přeni džen, kiž bě dlějši dyžli nóc, jako spočatk noweho lěta wobhladowany; tuž počinaše so lěto pola našich prjedownikow w měrcu, a tak běše to hač do 13. stotka.

Počatk noweho lěta rěkaše nalěće a w cyłym Słowjanstwie swjećeše so tutón džen swjatočnje 21. (po starej protyicy 9.) měrca. Tehdy wobstarachu sebi hóley smřekowe haľužki, běhachu wot khěže do khěže woľajcy: „lěto, nowe lěto dže“ a wuspěwachu wjesole pěsnje ze zbožopřecom. Tón samy džen wudžěľachu sebi znamjo ze słomy, kotrež bohowku smjerće Moranu abo Smjertnicu předstawješe, a njesechu ju ze wsy k spalenju abo k podnurjenju do wody spēwajcy: „leć horje, leć horje, jarabate woko, padni dele, jarabate woko!“ Při tym mějachu wšitcy kamjenje abo kije; přetož měnjachu, zo tón, kiž smjerc zabije, w lěće njewumrje. Smjerc zatepiwši a domoj so wrócejcy spēwachu: „smjerc smy wuhnali, lěće z nowa přiwjedžemy.“ Tutón wobrjad bě so tak sylnje mjez našimi prjedownikami zakorjenit, zo jón duchownstwo po zawjedženju křescanstwa njemóžeše wotstronić. Po swědčenju Abrahama Frencela wunošachu hišće we 18. stotku smjertnicu hač na wjesne pomjezy a čisnychu ju na cuze pola. Susodna wjes pak mjetaše ju zaso wróćo, z čohož druhdy krwawe puki nastachu. Dotal we Łužicy na 30. hapryľa wobkhowane zwućenje, po kotrymž młodžina ze zapaleny mi wěchami a khošćemi běha a kuzľafniče do wohnja čiska, je powostank něhdušeho swjedženja noweho lěta, kotrež po zatepenju smjertnicy t. r. zymy nastawaše. Lud je podawiznu pozhubit a mysl, zo kuzľafniče pali, wjacj njewědžo, zo je to nalětnja swjatočnosť, počatk noweho lěta, jako ju dotal Čechowje, Słowacy a Polacy swjeća spēwajcy: „njese my smjerc ze wsy, nowe lěto do wsy!“

Hdyž zemja, z mocy smjerće so wutorhnywši, ze zelenosću a kwětkami so wudebi, tehdy zaslubi so ze slóněnym bóžstwom a poča knježić Łada, bohowka ľubosće a plódnosće, dawafka noweho žiwjenja a zakitanja zemskich stworjeni. Tuta bohowka

rěkaše tež Lětnica. Z nalěćom zjednoćeše so woprijeće wo wotućacym žiwjenju, štož so z hosćinu woznamjenješe, na kotrejž dyrbjachu so barbjene jeja, swinjace mjaso a pječwa wužiwać. Jeja znamjenjowachu wzbudjenje přirody, a jich mjezsobne wuměnjowanje mjez ludźimi woznamjenješe wobzamknjenje bratrowstwa. Swinina a pječwa woprowachu so zemi jako Maćercy wšitkich, kotruž Słowjenjo tež Babu mjenowachu. Po zawjedženju křesćanstwa zjednoći so starodawna pohanska hosćina w času wzbudjenja přirody ze swjedženjom horjewstaća Khrystusoweho. Wosebje swjeća so nětko hišće jutry pola Polakow z wobkhowanjom starych wobrjadow, z přinjesenjom wšelakich jědži na jutrowne blido, mjez kotrymiž dyrbjá četwjenobarbne jeja, swinjace mjaso a pječwa z mjenom baby kóždy raz być. Nimamy drje swědčenja, zo je so pola nas jutrowny swjedžen so z runje tajkej hosćinu swjećił, jako pola Polakow; tola je wěsće něhdy tohorunja we Łužicy tak było, dokelž lužiscy Serbja su jenož dalši wuběžk toho sameho ludu, kotryž při Wódrje a Warće bydli, a su pod pólskim knježstwom w času Bólesława Khroběho a jeho syna Mječišława křesćanstwo na stajne přijeli.

Tři měsacy wot počatka noweho lěta, hdyž slóncó najwyše stoji, hdyž dzeń najdlějši a nóc najkrótša bywa, hdyž swětło a ćopłota najbóle na zezrjalenje plodow skutkujetej, nastawaše najwjetša swjatočnosť Lěća, připadowaca na 21. dzeń junija. Běše to swjedžen dobyća slónca a zemje, z wobkedźbowanjom mnohich wobrjadow swječeny, zjednoceny z wohnjom a z wodu; přetož po zapřićeju Słowjanow běše woheń element slónca a woda element zemje. Hdyž so potajkim slóncu a zemi česć dawaše, dyrbyeše so na woheń a wodu džiwać. Tohodla běše tutón swjedžen na dnju Wandy, bohowki wodow.

Tuž na tutym dnju młodžency a holcy, před skhadženjom slónca so wukupawši k rěkam abo ćećacym wodom khwatachu. Holcy spuścowachu wěńčki na wodu, kiž běchu ze sróčeje nózki, dziwizny a demjančika nawite. Tute zela woznamjenjachu mysl, kotrejež my wjacy njeznajemy; najskerje zwisowachu z mjenami wěstych bóžstwow. Hdyž pak holcy wěńčki spuścowachu, łowjachu młodžency, na čołmach honicy, wosebje te wěńčki, na kotrychž swěća njehasny. Štož wěńčk z palacej swěcu dosaže,

toho wobhladowachu jako nawoženju za mějićelku wěńčka. Kóždy raz bě to dobre připowědženje.

Mjez tym wopasachu so wšitcy dorosćeni z bylicu a wupyšichu so z wěncami ze wšelakich zelow a kwětkow; potom džěchu pěsnje spěwajcy, na dudy hrajcy a poskakujcy na bližše hórki, hdžež z pomocu wohnja, přez spěšne trěwanje smrěkoweju šćěpkow wudobyteho, šćěpowcy zapalachu, wokoło kotrychž za rucy so wzawši so wjerćachu, wěste pěsnje spěwajcy; na to skakachu hišće přez woheń a dziwjachu hač do switanja. Tutón swjedzeń rěkaše w krajinach při Sprewi, Warće a Wódrje Bylica abo Sobotka. Tak je n. př. na horje Sobotcy w Slezskej tohole swjedženja dla so wjele ludu zhromadźowało. Po zawjedženju křesćanstwa přenese so swjedzeń na 23. junija t. j. na wigiliju s. Jana křćenika. W slezskich horach dotal na tym dnu přez cyłu nóc so wohnje pala, na našich horach bě w přjedawších časach tež tomu tak.

Po Sobotcy slědowaše čas njewjedrow a błyskow, nad kotrymiž bohowka Hromownica jako kralowa błyskow knježeše. Knježićel hrimota pak běše Pjerun, kotrehož so lud boješe a wo miłosć prošeše, zo by krupobiće a lijeńcy wotwobroćil, tak strašne za rólnika wosrjedź žni. Tohodla swjećeše so swjedzeń Pjeruna 20. julija, w kotrymž času jemu wšelaku jědź, wosebje ryzokosmatu jajojčku woprowachu. Wěra do mocy Pjeruna w přirodže bě w ludže tak wulka, zo hišće w křesćanskim času jeho swjedzeń wobkhowachu. Dokelž pak je tón samy dzeń tež s. Eliasa, připisowachu tutomu w někotrych słowjanskich stronach skutki Pjeruna jako rjadowarja hrimota a lijeńcow, čohoždla w Ruskej mokry Ilija rěka. Hdyž pak posledni snop žita z pola wzachu, nastawaše radostny žnjowy swjedzeń (domkhowanka) z prastarymi wobradami wšudže znaty. Holčki z wěncami ze žitnych kłosow wudebjene, wot druhich žnjeńcarjow wobdate džěchu z pola do wsy, zhromadnje pěsnje spěwajcy. Před swjatnicu čakaše měšnik na lud, tam požohnowu přinjeseny žitny snop, napominaše k dzakownej modlitwje a k składowanju wopora boham, přeješe dočakanje noweho lěta. Potom započa so hosćina; młodži hrajachu na dudy, spěwachu a rejowachu, starši powědachu a wšitcy so wjeselachu spominajcy na nadobne plody swojeje džěławosće.

Po skónčenju žni dyrbjachu so hišće w zahrodach sad a warinske rostliny do domu khować, role přeworać a wowcy trihać, z čimž so wjetše džěto skónči. Přińdže pak runanje dnja z nocu, nóc bywaše dlějša, mjez tym zo slóncó zemju mjenje wohrěwaše, čěmnoś přewiny swěćlósć a kralowanje Čorneho boha so spoča. Tehdy přeměni so tež bohowska Lětnica, dotal w podobje knježny čescěna, do Baby a k jeje česći mjenowachu posłědni hišće trochu ćopły čas tež babine abo babjace lěće. Tohorunja k česći staruškeje bohowski Baby swjedzeń swjećachu na horach abo na wusypanych kopcach. Z toho je přišlo, zo je w słowjanskich krajach mnohosć Babich abo Babinych hór a hórkow z mjenami wot Baby wukhadźacyimi. Tež rostlina, w času babineho lěča z dobrej wónju trajaca, rěka pola Serbow k jeje česći babja duška abo babduška.

Z přikhadom pózdńeje nazymy, hdyž dešće a mrózy wobčežowachu, njebě wjacy čas za swjatočnosće pod hołym njebjom. Ludźo wobmjezowachu so na domjace džěto a jenož na bjesadach abo přazach spominachu hišće spěwy holčatow na minjene radostne swjedženje a hosćiny. Dołhe a čěmne nocy přidawachu běsam móc, zo wšelake škody načiniču, kuzlařniče lětachu po ludźacym měnjenju na łopatach na tyse hory, hdžež so z běsami rozmołwjachu, kak bychu ludźom škodzić móhće. Čěmnoś přikrywaše wšitko a ludźo mějachu wostudłósć we wočakowanju najkrótšeho dnja. Hdyž skónčnje požadany dzeń (21. decembra) přińdže, nasta z nim wulki swjedzeń zymskeho wobrota slóncja. Na tutym dnju stawjachu w kuće přebytkajitny snop na blido, sćečechu syno pod rub a na njón postavichu póstnu wječěf z poliwku z rybow a sušeneho sadu, pječwa z makom a z mjedom, ale njesydachu so prjedy za blido, hač na njeby hwězda wzeńdže. Tehdy hakle sćiniču sebi swěćło, a hospodař domu přibliži so najprjedy hospozy, potom druhim domjacym a čeledźi, a wokošowaše so z nimi prajo: „Božo, daj nam pokoj“, a kóždy wotmołwi: „Na wěki!“ To woznamjenješe zjednanje mjez wšitkimi a zapomnjenje přjedawšich křiwdown; wšitecy „so zholdžichu“ t. r. zjednachu, zo bychu w měrje dočakali noworodžene slóncó, a tohodla rěkachu wječornemu wobrjadej „hody“. Hosćina wotbywaše so bjez reji měrnje a powažnje hač do počnocy, hdyž mějachu so wšelake dziwy stać. Hospodař při hosćinje z ničim

njelutowaše a wobdarjowaše swoju čeledź; přetož to bě šćedry wječor.

Ze skónčenjom toho dnja počinaše so swjedení Koledy. Bě to přeni dzeń po narodženju Božica t. j. slónca. Po zawjedženju křesćanstwa swjeteše so na tutym dnju wopomnjenje Božeho naroda. Přikhadžeše zbožowny čas: hry, reje, hosćiny a zabawy zajimachu wšitkón lud. Po wsach wodzachu tura abo mjedwědza, najbóle pak přehotowa so wjesoły a žortny młodźenc, kotryž ze spěšnymi skokami a wobrotami přihladowacym holčatam wšelake tryski wuwjedowaše, za čož jeho přitomni wobdarichu. Ale najwažniši džěl tuteje swjatočnosće běchu pěsnje na česć Božica a Koledy, kotrež so hač do kónca měsaca wšudze spěwachu. A kak njedyrbjachu so ludžo radować, hdyž z narodženjom Božica čorne abo zle duchy swoju móć zhubichu a hdyž so přibližowaše čas noweho lěta a z nim noweho zboža a nowych nadźiji!

## § 10.

### Domjace žiwjenje.

Žiwjenje našich přjedownikow w přních někotrych lěstotkach po Khryšće běše jara jednore a khude. Běše hišće mało khlěba, ale mloka a mjasa njebě njedostatk; přetož hižo tehdy plahowachu črjody skotu, za kotryž běchu wubjerne pastwišća, z bujnym rostlinstwom pokryte. A hdyž skót padaše, njeplódnota abo druha připadnosć ludžom mjaso, tuklu a khlěb wotewza, dawachu hišće lěsy nadźiju na wumóženje wot hlodu. Wulke přestrěnje Čorneho a Durinskeho lěsa, českich a serbskich hór běchu poľne turow abo zubrow, hriwatych łosow, sylnych buwoľow a druheje džiwjeje zwěriny; kľok z wobľuka njemóžeše přeco přez kľody skakaceho łosa z nazdala dosahnyć, ani kožu tura abo buwoľa překlóć; lečizny a kosyďla poradźichu so hišće z rědka; tuž dyrbyeše hromada ludźi zwěrjo wobstupić a wustojnje z kopjom abo hlebiju z nim wojować. A nadeńdže-li so we wobstupje sylny rubježny mjedwědž, kajkichž běše při Solawje hišće w 11. stotku poľno, přiwza honitwa napohlad smjertneje bitwy, dokelž so tehdy často wo žiwjenje čłowjeka jednaše. Tola žadosć za wunoškom předoby bojosć wo zranjenje čěľa, haj wo přisadźenje žiwjenja. Słowjenjo stajnje honitwu jara lubo-



wachu, štož wšudže widžimy, hdžež woni dotal we lěsach a při nich bydla. Najwjětša radosć bě, hdyž so poradzi sylne zwěrjo z wobstupa za rohi wučahnyć abo mjedwědža z borłoha wuhnateho přewynyć; to bě radosć za wšitkich: mjaso wužiwaše so na pječenje, koža na wodžěće, łósowe rohi jako wěšenčko za hońtwjersku připrawu a z buwolacych wudžěłachu so keluški, potom ze slěbornym wobitkom pyšene a za wjesole připitki trjebane.

Pódlu sylneje zwěriny poskićachu drje tež lěsne płody, ryby a ptače jeja wěstu žiwnosć; ale pře zymu bě wodžěće trěbne. Tkaniny wot žonow doma wutkane njewohrěwachu w zymje, cuzokrajnu drastu pak móžachu jenož někotři zemjenjo, starši abo měšnicy kupić, ale džěłacy lud drasćeše so do koži, kotrež často ani cyłe ćěło přikryć njezamóchu. Do zbožownych ličeše so tón, kiž měješe mjedwědžacu kožu abo tola łósowu; přetož buwolaca so tolstoty dla bóle za wobuće přibodžeše dyžli za woblenje, dokelž wobdžěłanje koži na mjehke tehdy hišće njeznajachu. Štóz pak so na sylnu zwěrinu njezwaži, hońtwjerješe na wjelki, liški, zajacy, wudry, kuny, dźiwje kóčki abo móžeše bobry łowić, kotrychž tehdy wjele při brjohach rěkow přebywaše, štož je mjeno rěki Bobra, do Wódry so wuliwaceje, we wopomnjenju zakhowało. Mnogosć zwěriny hišće powjetšichu: jelenje, sorny, dźiwje swinje, a k tomu tež syła ptakow w powětrje a na wodze; tuž stawjachu ludžo w lěsach kosydla a syće, štož nic jeno zabawu, ale tež wulki wužitk poskićowaše. Tola z tym so naši prjedownicy hišće njespokojichu. Wot džěcatstwa swójbne žiwjenje lubowacy a zasydleni čujachu w sebi pohnuće a khmanosć k džěławemu žiwjenju, k rólnistwu. Kóždy z nich pak dyrbyeše tež hońtwjer być, zo by njezbytné potrěbnosće sebi wobstarał, doniž jemu zemja telko njeposkićeše, štož za jeho zežiwjenje dosahaše. Hdyž pak domjace hospodařstwo docpi a rólnik być móžeše, njewopuści wobsydnosć, na kotrejš bě so narodžił, wotkaza ju džěćom a wnukam jako najwjětši pokład a zawěsćenje derjeměća a swobody.

Najprjedy w lěsu so zasydlejo měješe Słowjan material při rucy, z kotrehož sebi khěžu natwari. Při njej nasadza sadowe štomy, warinske rostliny a kwětki. Wšitko to wobda z wobhrodženjom a mjenowaše je zahroda. Hižo w předhistoriskich časach plahowaše rohaty skót, kozy a wowcy, dla kotrychž wob-

kedźbowanja na pastwiščach bě tu přeco pos, ze wšeje zwěriny najdawniši towarš ludźi, najswěrniši a za honitwu najkhamaniši. Konje trjebachu so tohorunja hižo wot starodawna, a hdyž běchu w 6. stotku, jako runočasnji stawiznarjo wobswědčuja, konje Durinkow sławne, je drje wěste, zo běchu tež pola Serbow mjez Solawu a Sprewu znamjenite konje, dokelž wšudže běše jedyn a tón samy serbski splah. Z drugeje strony kubłachu wot dawna pola Morawjanow při Dunaju wulke stadła koni. Kón bě tehdy čłowjekej najtrěbniši, kaž do džěta, tak za dróhowanje a často při nadpadach njepřečelow. Naši přjedownicy wažachu sebi konja jara vysoko, hdyž mějachu tež jich bohowej, jako Swjantowit a Trigław swoje samsne konje, kotrež so w swjatnicach starosćiwje kubłachu, a hdyž bě w narodže tón z knjezow najhladniši, kotryž móžeše najwjacy jězdnych wojowarjow stawić.

Z rostlinskih plodow běchu w zapadno-słowjanskich krajach mjez Rheinom a Wisłu wot 1. stotka po Khryste rožka, nazymska pšenica, wows a jahły znate; plahowachu z tutych, štož so po městnosći najlěpje poradzi, dokelž zemja bě jara wšelaka, měješe wjele bahnow a lěsow, powětr bě při hranicy Gallije wložniši a při Dunaju sušiši. Hdžež so žita a měd radžichu, warjachu z nich napoje.

Rolu přiřadowachu najčastěji na nowinje z pomocu radła; pluh wužiwaše so hakle pozdžišo. Hdžež bě zemja płódniša, tam rolu předy wobdžělowachu njelutujcy prócu, dokelž bě wužitk widžomny. Z přiřadowanjom role pomjeńši so wobšěrnosć lěsow a powjetšichu so pola, na kotrychž zasydlenu ludnosć počachu Polanow mjenować. Tajcy Polanowje namakachu so hižo wot 2. stotka po Khr. při Warće, při Dunaju a po času tež při hornjej Sprewi. Tola tam, hdžež bě zemja mokrojta, pěskata, mjenje za wobdžěłanje přihódna, jako při delnjej Sprewi a w Pomórskej, rozwiješe so rólnistwo pomału a wotstupowaše městno za plahowanje skotu a lučne hospodafstwo, čohoždla tam přebýwacy ludźo lučenjo a lužičenjo rěkach. A dołho hišće mjaso a ryby při delnjej Sprewi khlěb zastupowachu, mjez tym zo w Serbskom mjez Solawu a Łobjom a tež na stronicach českich hór mjez Łobjom a Kwisu přiběrace rólnistwo k rozwiću derjeměća a z tym tež civilisacije abo zdžěłanosće pomhaše.

Naši prjedomnicy spóznachu, zo je dla pozběhnjenja krajneho hospodarfstwa přemysło trěbne, zo bychy so dary přirody lěpje zwužitkowale. Skót podawaše jim wjele mloka, sydra a masła, rěki pak wjele rybow, lěsy hribow, jahodow, worjehow, ptačiny a zwěriny; ale to wšitko njeměješe žanych kupcow, dokelž přnjotnje smědžeše kóždy sam hdžežkuli syće, saki a pasle stawić, pastwišćow běše dosć za wšitkich, krajna a dwórska wyšnosć w tym ludźi hišće njewobmjezowaše, tak zo tehdy za swobodnosć přemysła město derje dosahaše. Dokelž pak bě lěsa najwjacy, bě lěsne přemysło najpřeńše a lěsne štomy buchu najlěpše pozběhadło wjesneho hospodarfstwa. Dub nałožowaše so na wóske za wozy, na ławy a blida, wjaz na zwjena, lipa na kołče, škornjčina na hrjady za twarjenja, smrěki za čolmy a łódže; z topoła a lipy džělachu so lóhke čolmiki za přewjezenje přez rěki a domjaca nadoba. Z buka, klona a wosebje z krušwiny tworjachu so lžicy; přetož jenož na wječhowskich stołach móžachu so mědzowe nadeńć. Smoła, z jehlinowych štomow na wuhelnišću warjena, běše khwalena k wusmolenju čolmow a łódži, tež jako maz za wózne koła a jako wulěpjenje. Žiwicate drjewo trjebaše so jako łučwo, wo kotrymž je znate, zo so hižo w 5. stotku při Dunaju wužiwaše za woswětlenje. Brězu palachu na wuhle do kowafnje a při rozpušćenju mědže; přetož tajke liježnje při Łobju sahaju do časa před Chrystusom, hdyž mějachu Łužičenjo a Serbja wot 1. stotka po Khr. hižo železne brónje. Z bołminy a rokota plečechu koše a z młodeje lipoweje skory stupnje, kiž běchu wšědne wobuće wjesnjadow w lěsnych wokolinach.

Nadobnosć mjedu w lěsach rozwinu zahe zalubowanje do pčołarstwa. Štóž móžeše, staraše so wo kołče; přetož płasty abo dule wóska donjese lohcy na torhojšćo, hdžež bě za tu tworů kupcow dosć. Z mjedu tworješe so stódná připrawa za jědź a napoj, wosebje zahe sławna mjedowina, z kotrejž hižo w 5. stotku hosći počesćowachu. Palenc z cyła njeznajachu, ale piwo z ječmjjenja rozšěrjowaše so wot přidunajskich Słowjanow, hdžež so w 5. stotku hižo powšitkownje wužiwaše. Dla khowanja mjedu a piwa w piwnicach abo pincach trjebachu sudy a za připiwanje na hosćinach hornčerske karany abo buwolace rohi, a pola bohatych mějachu mědzane kěluški, jara z rědka škleńćane. Z njeprawom Němcy wudawaju, zo je piwo jich wunamakanje; woni

nawuknychu je warić hakle tehdy, hdyž sebi słowjanke krajiny podćisnychu.

Słowjanski kraj běše bohaty na słonych wodach, z kotrychž so sól warješe na wjele městnach při baltiskim morju, při frankowskej Sali w Chižicach (Kissingen); mjez Serbami pak běchu warjeŋje w Dobrohorje (Halli) při Solawje, z čohož Serbja wulki dobyt看 čehnjechu; přetož tutón wutwor, wšitkim trěbny, služeše zahe rozwiću wikowanja a z tym tež zwjazowanju zwjazkow mjez ludami. Čechowje njemějachu sele w svojim kraju a tohodla dyrbjachu přez swoje hory sčezki připrawić, zo bychu po nich sól přivozyć móhli ze serbskich warjeŋi, při Solawje t. r. sólnej řecy so namakacych. Za to pak Serbja njemějachu žanych drohotnych rudow a dyrbjachu je wot Čechow kupować, kotřiž wot starodawna w rudnych horach (Mirkwidach) sydlachu a kotrymž tež přislušachu řeki: złotonosna Otawa, slěbronosna Mža a złotopěskowa Wottawa. Po železo dyrbjachu so Serbja do Slezskeje podawać, hdžež so hižo w 1. stotku po Khr. z wudobyanjom železneje rudy přecowachu, abo do Čech, hdžež běchu tohorunja zahe rudnicy, kiž železo džělachu. Železo dostawaše so tež ze Smolin (Harca), ale tute hory připadžechu w lěće 531 Němcam; tuž nařožowaše so tam přez Słowjanow džělane železo k wužitku Němcow, wjele železa potrěbných za mječe a brónje, kotrež běchu w tamnych časach hišće nahladniše dyžli nětko. Njedostatk železa a z tym bóle njedostatk mištrov za mječe a brónidla Słowjanam potom wjele škodžeše, mjez tym zo Němcy z Romjanami a z romskimi krajemi mjezowacy wottam mištrov a tež hotowu brón dostawachu.

Wot natury k rólniskemu žiwjenju khmani rozymjachu Słowjenjo wšitke domjace a hospodařske potrjeby sebi wobstarać. W každym domje znajachu woblećenja a wobuce, ručne młyny za wumłěće muki a stupy za tołčenje konopneho a prósneho zorna (jahłow), jako tež druhe rólniske připrawy wudžěláč. W každej swójbje móžachu praseć, z předžena płat a sukno tkać, husto tež barbić. Z předženjom zajmowachu so jeničcy žónske, za přitwierdženje lanu abo konopi kudžel trjebajcy. Tohodla praješe so wo někim, kiž bě přiwuzny po žoninej stronje, zo wukhadža po kudželi; wo tym pak, kiž bě z mužoweje strony, so řjekny, zo wot tajkeho přjedownika wukhadža po mječu. Z předženjom

a tkanjom prócowachu so hakle po skónčenju pólneho džěta, hdyž dołhe nazymske a zymske wječory nastawachu, hdžež błóto a zyma ludźi do ćopłje jstwy honještej. W tym času zesydachu so serbske žony a holcy při woswětlenju z lučwom a z wusušenymi brězowymi wosłonami k swojej kudźeli. Přaza drje je jednora a wostudła, ale za zahnaće wostudłósće mějachu wone dobry duchowny dar abo basnjefsku tworiwosć, z kotrejž krasne myslički a začuća w hnujacej a přistojnej pěśni wuražowachu. Předliče spěwachu pěsnje, holcy a džěci připosłuchachu, a hdyž so mjez spěwarkami dorosćene holcy nadeńdžechu, přikhadžeše tež susodna młodźina na bjesadu, zo by posłuchała a bliže so zeznała. Tajke wječory a skhadžowanki wotbywachu so po rjadu w susodowacych domach a rěkach wječornicy abo přazy. W tym nastupanju zbudžowaše Słowjanam přinaroźena towaršnosć ludźi k zbližowanju mjez sobu a z tym tež k zdžětanosći w domjacym žiwjenju.

Wšelake potrěbnosće ćłowjeskeho žiwjenja žadachu wjele tajkich wudžětkow, při kotrychž dyrbyeše so wustojnosć nałožiť, nabyta přez nazhonjenje a nawučenje a často tež wotwisowaca wot wěsteje městnosće. Tak njenadeńdžechu so wšudže pokłady dobreje hlíny a železneje rudy, kóždy njemóžeše hornčej a rudnik być; ale dokelž hlinjane a železne twory wšudže trjebachu, załožowachu přemysłowi ludźo na tych městnach, hdžež so přihódny material namaka, wosebite sydlišća za hlinjane a železne wudžětki. Zaso na druhich městnach podawachu so ludźo bětnafstwu, kołodžejstwu, hornčejstwu, łamanju a ćesanju kamjeni za ručne a wódne młyny atd. To běchu wjesni rjemjeslnicy, kotřiž dary přirody swojeje wokoliny derje wutrjebachu w času po pólnym džěle zbywacym, w nadźiji na wotbyće svojich wudžětkow na pjenjezy abo na wuměnjowanje za druge wěcy. Z tajkich rjemjeslnikow nastawachu mjez Słowjanami sydlišća abo wsy z mjenom: Bětnarje, Kołodžěje, Hornčerje, Rudniki, Žornosyki\*), Žornow, Łomsk atd. Namakachu so tež tajcy, kiž wěstu wustojnosć sebi dobywši wot druhich so pytachu za twarjenje młynow a wódnych spuščadłow, za twarjenje pjecow abo za rězbařske džěto. Tajkich ludźi z jich sydlišćemi mjenowachu: Młynarje, Wodo-

\*) Žorna, pl. = ručny młyn.

rady, Pjecorady, Cartoryje atd. Z cyła wědzachu sebi naši prje-downicy we wšěch potřebnosćach žiwjenja derje radzić a wšomu přihódne, z natury wěcy wukhadźace pomjenowanje dawać.

## § 11.

### Torhojšća, cuzokrajni hosćo, znajomstwo ze susodami.

Dla předawanja a kupowanja skhadźowachu so ludźo hižo w starodawnosći na městnach, kiž so k tomu w běhu časa postawichu. Najprjedy wotbywachu so tajke „wiki“ při městnach, hdžež so nabožne wobzjady wukonjachu; hdžež so wjele ludu skhadźowaše, tam nastawachu sydlišća abo wosady z mjenami, kiž na tajke nastaće pokazuja: Wiki, Wikow, Torg\*), Torgowisko, Torgow (n. př. při Łobju). Torhojšća abo wiki, wokoło „hrodow“ wotbywane, dachu spočatk měščanskim wosadam a někotre z nich buchu po času nahladne města, kaž spomnjeny Torgow (Torgau) a druhe. Na wiki wjezeše kóždy, štožkuli z domjaceho hospodafstwa a přemysla wuzbytkowaše; tam kupowaše za wšěch trěbnu sól, po kotruž dyrbješe druhdy daloko khodzić, abo kruch železa abo připrawjenu kožu, z cyła wšitko, štož sebi sam wudžětać njemóžeše: hlinjane hornicy a šklě, nože, sekery, někotre hospodafske připrawy, rubiška, mědzowu wozdobu za žónske, hrajki za džěci. Wšitko druhe wobstara sebi doma sam abo wot susodow přez wuměnjenje. Na wjetše wiki přihonjowachu howjadła a konje, a to wosebje za cuzych kupcow z něm-skich krajow, Skandinavskeje a wot Dunaja; wot nich pak kupowachu wšelake žadnostki, wosebje tež njewólnikow a njewólnicy. Słowjenjo njewikowachu z njewólnikami a njewodźachu jich na torhojšća. Lědma druhdy móžeše se pola někotreho lěcha njewólnik kupić, tola jenož po wójnje; přetož hdyž njewólnik do dwórskeje čeledže zastupi, zakaza zwučene prawo jeho předać. Kupcy z Italskeje a Grekskeje přejězdźowachu słowjanske kraje. Dla kupowanja jantarya we wokolinje Gdańska při baltiskim morju překhodźicy pohladachu tež do Serbskoho, zo bych sebi tu rjane mjedwědzace, rysowe, lišće a bobrowe kožuchi wobstarali, kotrež w po-

\*) Torg, targ, trh, atd. — torhojšćo, jermank.

łodnišej Europje po wysokej plăćiznje předawachu. Wot cuzokrajnych kupcow přikhadžachu na serbskich wikowanskich městnach romske, grekske, galliske, pozdžišo francózske a němske pjenjezy a zastupowachu krajne pjenjezy, kotrež Serbja tehdy hišće njebijachu.

Často jěchaše Słowjan, byrnje ničo kupić njeměł, na swjatočnym dnju na torhojšća, hdžež móžeše so ze susodami zetkować, wo nowych swětnych podawkach słyšeć, w towarstwje přećelow dobreho piwa abo mjedowiny so napić, na hraje kumštarjow, najčasćišo Włochow z wopitami, Němcow z rejowacymi psami abo Cyganow z mjedwědzemi pohladować. Tam posłuchaše tež na pěsnjerjow a slepych starcow, kotřiž wo podawkach ze žiwjenja a druhdy tež wo hordžinskich skutkach prjedownikow spěwachu. Torhojšća buchu z tym za lud tež městna rozwučěnja, wužitnych poradow a spóznananja swěta. W časach khorości, hłodu, přibliženja njepräćelow abo druheho zhromadneho njezboža wuradžowaše so wokolny lud na torhojšćach. Tam běchu často zawjeselenja po stajnje jenajkim wjesnym žiwjenju. Tak běše to wjele lětstotkow mjez Serbami a tak hišće něhdžežkuli je w słowjanskich krajach.

Cuzokrajnym, kiž do serbskich krajinow wikowanja dla přikhadžachu, rěkachu powšitkownje hosćo, wot nich dawany dawak pak mjenowaše so hosćinne (hosćowske) abo hodžiwe\*) t. r. přihódne, sprawne zarunanje. Zo cuzy kupcy z mnohim přewodom wot starodawna słowjanske kraje při Łobju překhodžowachu, wo tym přepokazuja nas stawizny powědajcy, zo je Samo z Frankow wikowanja dla do Čech připućował, a ze swojimi ludźimi Awarow z kraja wuhnać pomhał, na čož jeho jako krala wuzwolichu (w léće 627). Židzi z nawječornych němskich městow přikhadžachu w 9. lětstotku do kraja při delnim Łobju, zo bychu njewólnikow kupowali, kotrychž Němcy pola Słowjanow złowichu. Hdýž Karl Wulki, załobjanskich Słowjanow sebi podćisnywši, k Solawje přicahny, wobstarachu cuzokrajni kupcy Serbam mječe a brónje. Karl z tym rozhněwany wuda w léće 805 rozkaz, zo kupcy njesmědžachu wjacy tajke brónidła do słowjanskeho kraja

---

\*) Hodzij, staroserbsey Godiwi abo Godiwo, na wažnym puću wot ranja k wječoru wjedzacy, ma snadź z toho swoje mjeno.

přivozyć pod hroženjom wotewzać jich twory. Ejdo, přez njeho w Magdeburgu\*) postawjeny naměstnik, měješe wobkedźbowanje nad wikowanjom po Łobju wjedženym. Wottal bu wobkhód kupcow při Łobju přez chownicy wobčasnjeny. Za to móžachu Serbja k susodnym Słowjanam swobodnje pućować; přetož tam so nihtó njeprašěše, čohodla je štó do kraja přišoł. Tak podawachu so po Wódrje hač do jeje wuliwa a přivožowachu wottam hižo tehdy khwalene jerije a móžachu so z časami po Warće do kraja Polanow wrócić, hdžež so w 9. lěstotku knježstwo tworješe ze zaměrom zjednoćenja mjez sobu blizkich ludow, kotrež sebi wjacykroč we wójnach přećiwo Němcam pomhachu. W Čechach rozšěrjowaše so hižo w 9. stotku křesćanstwo słowjanskeho wobrjada a přez susodne Čechi přikhadžachu morawscy duchowni wěsće tež do Serbow z wopowědowanjom ewangelija.\*\*\*) Tak zhonichu Serbja tež wo krutej wójnje morawskich wjefchow z Němcami, kotrychž dalše napěranje po Dunaju tamni wotrazychu a z tym khwalbu pola wšěch Słowjanow zaslužichu. Bratrowske ludy pak pónawachu so po słowje, zwjazowachu zwjazki mjez sobu a mócniši serbscy wjefchowje dróhowachu do Čech a do Němcow, serbske pólswěta pak přikhadžachu tež na dwory cuznych kralow a kejžorow.

Přećelnosć, z kajkejž naši přjedownicy cuzokrajnikow, hosći mjenowanych, pola sebje powitachu, běše po dalokim swěće znata. Štóž do słowjanskeho domu zastupi, čuješe so jako mjez swojimi a za jeho potreby bě derje starane; tež njepřećel wužiwaše prawo hospodliwosće. To wědźicy překhodźowachu wšelacy přikhadnicy z němskich krajinow serbske kraje, wužiwaycy hospodliwosć zasydlachu so a hdyž němski nadpad Serbow a Łužičanow sebi podćisny, poslužichu tući přikhadnicy k zmócnjenju cuzeho žiwjoła, k wobsydlenju městow a lěpšich knjezowskich dworow, zabywaycy přjedawšu serbsku přećelnosć a hospodliwosć.

\*) Magdeburg bě předy słowjanski hród Džewin.

\*\*) Přirunaj str. 40.



## III.

## Časy njewotwisnosće (531—929).

## § 1.

Samo, słowjanski kral (627). Wjefch Derwan (630). Wojowanja ze susodnymi Saksami.

Wot podćisnjenja Durinkow (531) dyrbjachu Serbja při Solawje swoju njewotwisnosć před nadpadami Frankow a Saksow wobarać. Mjez tym rubjachu Awarowje w susodnych Čechach, kiž běchu wot wukhoda při Dunaju w lěće 568 hač tam přičahnyli. Ale hdyž bu rubježnistwo Awarow Słowjanam wobćežne, wotmyslichu sebi jich wuhnać a přimachu so brónje. Wojowanja so spočachu, hač skónčnje kupc Samo ze svojim wójnskim přewodnistwom z Frankow přišedši wjednistwo postanywšich Słowjanow na so wza a sylnych Awarow zbi. Z džakownosće wuzwolichu jeho Słowjenjo za swojeho krala w lěće 627. Tutón wustojny muž zjednočiwiš přidunajskich Słowjanow, Morawjanow a Čechow, do jednoho wulkeho mócnafstwa pobi z pomocu Serbow wójsko Dagoberta, krala Frankow, pola Domažlic w Čechach w lěće 630 a potom honješe Frankow hač do Durinskeje. Tehdy podćisny so tež serbski wjefch Derwan ze svojim ludom pod Samowe knježefstwo.

Dagobert spyta swoju móc hišće raz přećiwo Serbam, ale druhi króć zbity dyrbjese Słowjanow na pokoj wostawić, kotřiž zjednočiwiš so pod wjednistwom Sama wot Dunaja hač k Magdeburgej zbožownje přebywachu. Ale po Samowej smjerći (662) cheychu Čechowje, Morawjenjo, Serbja a druzy Słowjenjo z nowa sami za so w prjedyšej njewotwisnosći žiwi być, njedźiwajecy na to, zo z tym njepřečelam puć za nadpady a rubjenja wolóžichu. We wojowanjach ze susodnymi Saksami wobarachu drje Serbja zbožownje swoju hranicu, ale potom přibližowaše so hrózbniša móc Frankow, nad kotrymiž jedyn z najnahladnišich mócnarjow — Karl Wulki knježeše.

## § 2.

## Napady Karla Wulkeho a jeho nastupnikow na Serbsko w 9. stotku.

Prěsčěhujcy Saksow při hnachu so wójska Karla Wulkeho hač k rěcy Orje, při kotrejež wusću do Łobja wón swoje lěhwo rozprěstrě a zwadne naležnosće Saksow a Słowjanow rozsudžeše (780). Dwě lěće pozdžišo rubjachu Serbja do Durinskeje padnywši wobsydnosće Frankow a zadžerachu so ze Saksami. Dla wurunanja pomězných zwadow mjez Serbami a Saksami sydleše Karl W. (802—803) w hrodze Seltzu při Solawje, z wotkelž njepřezjednosć mjez Słowjanami rozsywaše, wójska přećiwo Luty-  
cam a Čecham sćeše a skónčnje tež přećiwo Serbam (805). Frankowje Solawu překročiwši zničichu krajinu Głomač a pod-  
čisnychu jich wjefcha Semiła. W slědowacym lěće (806) biješe Karl, syn Karla W., wulku bitwu ze serbskim wjefchom Mili-  
duchom při měsće Hwernafeldo (njedaloko nětčišeho Gera), hdžež Miliduch we wobaranju wótčeho kraja padny. Potom čehnjechu Frankowje dale přez Łobjo do kraja Milčanow, spalichu hłowny serbski hród Budyšin a přinučichu Milčanow k wotedaću swoich synow jako rukowanje swěrneho podača.

Dla kručišeho zdžerženja Serbow w poslušnosći přikaza Karl W. natwarjenje twjerdžiznow: w Čartowje pola Magdeburga a w Dobrohorje (Halle) při Solawje, w Magdeburgu pak postawi hrabju Ejdo, kiž měješe we wokolnym kraju knjezić. Wottal přemjenowachu zastarski słowjanski hród Džěwin na Magdeburg, kotryž bu nětko wažne město za knježefstwo a za wikowanje.

Nastupnik Karla W., jeho syn Ludwik Pobožny, chcyše Słowjanow bóle z politiku wobknjezić dyžli z mječom, ale hidženje mjez Słowjanami a Saksami dowjedže k wójnje w lěće 816 a něšto pozdžišo wojowaše Ludowit, najskerje delnjołužiski kral, z nowa z kejšorom (820). Stawizny dale wopominaju, zo bu Tungło, jedyn ze serbskich wjefchow, přez swój lud wobskoržowany, jako by přećiwo kejšorej Ludwikej zapřisahanje wotmyslił a zo bu tohodla do Ingelheima powołany (826), hdžež dyrbyeše so wosprawnić a swójeho syna jako rukowarja wostawić. Pozdžišo nadpadžechu Frankowje kraj Koledičow pońónčnje wot Lipska a

bijachu z nimi pola Kozinesburga wulku bitwu, w kotrejž bu jich wjefch Čimislaw zabity a jeho hród dobyty (839).

Synowje Ludwika Pobožneho rozdžělichu so po zjednanju we Verdunje (843) do kejžorstwa a wottal wustupuje Němska jako wosebite mócnafstwo pódla Francózskeje. Prěni kral Němskeje běše Ludwik z přimjenom Němski, surowy njepräcel Słowjanow. Pod jeho knježenjom spočachu so nowe nadpady Němcow po cyłej słowjanskej hranicy wot wusća Łobja hač k adriatskemu morju. Ludwik sam přewodžeše wójsko do Serbskoho (851), kóncowaše kraj, nuzowaše Serbow mjez Solawu a Muldu do poddanstwa (856). Pozdžišo wobnowi wón nadpady, ale strašna wójna z mócnymaj wjefchomaj Morawskeje, Rosćislawom a Swjatopełkom, njedowoli jemu mocy přećiwo Serbam zhromadzić.

Sławne dobyća Morawjanow nad Němcami zdžeržowachu napěranje Němcow. Serbja k Morawjanam so tulicy čujachu so wěsći hač do kónca 9. stotka. Ale w tym času zbichu Maďarowje, kotřiž běchu tehdy wot wukhoda hač k Dunaju dočahnyli, tež Němcow pola Pressburga w lěće 907 a spowalichu morawske mócnafstwo. Wottal běchu Serbja swojim mocam zawostawjeni a dyrbjachu sami swoju njewotwisnosć wobarać.

### § 3.

#### Wjefch Česćibor.

W surowych wójnach z Němcami zjewja so pola Serbow wokolo lěta 856 wjefch Česćibor, jara powolny Ludwiki Němskemu a tohodla swojemu ludej njeluby. Po powěsći chronikarjow poda so syn jednoho českeho wjefcha k Česćiborej z próstwom wo pomoc přećiwo swojemu bratřej Sławičěhej, kotryž bě jemu hród Witoraz wzał. Česćibor prošěše krala Ludwika wo podpěranje tutoho Čecha. Na jeho próstwu pomjenowa Ludwik tak poručeneho jako knjeza na Witorazu a posła swoje wójsko přećiwo Sławičěhej (857). Tón pak podda so Rosćislawej Morawskemu, kiž jeho mócnje podpěraše a na wukhodnych Serbow přičeže. Tych to tak rozhorí, zo swojeho wjefcha Česćibora, němskim wotpohladam přikihlného, zamordowachu (859).

Hdže je sydło Česćibora było, njeje w historiji zapisane; jenož podawizny měnja, zo je na Landskronje pola Zhorjelca swój hród měł a potajkim drje wjefch Milčanow był.

## § 4.

## Křesćanstwo.

Rosćislaw, morawski wjeŕch, cyrkwi njewotwisnosć wot Němcow přejo, skaza sebi z posrědnistwom narańšo-romskeho kejšora Michała III. bratrow Konstantina (Cyrilla) a Methodija ze Sołuna (Thessaloniki), wjele wučeneju w duchownych naležnosćach a w słowjanskim pismje. Jeju přikhad do Morawy w lěće 863 rozhorí němskich biskopow, kotřiž so prócowachu, Morawsku arcybiskopej w Salzburgu podćisnyć. Bratraj překhodžowaštaj štyri lěta słowjanske kraje (863—867), wopowědujcy Bože słowo Čecham, Słowakam, Polakam a Serbam: „A radži słyšachu Słowjenjo wo wulkosći Boha we swojej rěči.“ Ale Němcy mějachu to njeradži, dokelž z rozšěrjowanjom křesćanstwa přez sołunskeju bratrow zhubichu słowjanske wowcki a z nimi džesatk a němski wliw. Wobskorženaj pola japoštołskeho stoła jako njeprawowěrnaj džěštaj bratraj do Roma, kotremuž běštaj milionjony wukřćenych a hišće wukřćijomych Słowjanow přiwobroćiloj. Bamž Adrian III. sam wuńdže słowjanskimaj japoštołomaj napřećiwo, witaše jeju we wěčnym měsće z tajkej swjatočnosću, wo kajkejž přjedy njeje słyšeć było. Bamž połoži sam na wołtaf Maćerje Božej wot bratrow přinjesene słowjanske knihi a swjećeše před nimaj Božu mšu. Tři dny za sobu wotbywaše so swjatočnje słowjanska Boža služba. Łačanscy biskopja wuswjećichu pola s. Pětra towaršow sołunskeju bratrow na měšnikow, a słowjanscy přikhadnicy spěwachu cyrkwinske hodžiny w narodnej rěči cyły čas swojeho pobýća w Romje. Tak dokonja so při rowje swjateho japoštoła Pětra zjednoćenje ludow w mjenje jenajkeho nabožnistwa bjez rozdžěla narodnosće a rěče.

Staršeho z bratrow, Methodija, postawi bamž jako arcybiskopa noweje křesćanskeje province, młódši Konstantin bě tež za biskopa pomjenowany, ale po 50 dnjach khorosće zemřě w Romje w lěće 869. Jeho mniške mjeno pak bě Cyrill, kotrež je so w słowjanskim ludže rozšěriło, a pod tutym mjenom je swjaty muž pola wšěch Słowjanow sławjeny.

Methodij do Morawy so wróćejo zadžerža so w Błatnje pola wjeŕcha Kocela, na kotrehož žadosć bě bamž Methodija tež jako pannonskeho biskopa postawił, štož Němcow tak rozhněwa, zo

z lesću a z ludanjom Methodija do Bajerskeje wotwjedzachu a tam po třeca lěta w jastwje dźeržachu. Na zarěčowanje wjefcha Kocela wunuzowa bamž Jan VIII. wot Němcow woswobodźenje Methodija, kotryž so najprjedy k Kocelaj wróci a potom do Morawy, hdžež po bamžowej poručnosći jako arcybiskop na Wjelehradze sydleše. Wot toho časa poča so křescanska wěra bóle rozšěrjeć, „duchowni přiběrachu we wšitkich hrodach a pohani počachu do praweho Boha wěrić, svojich błudow so wotrjekujcy. Morawske mócnafstwo poča so na wšě strony rozpřestrěwać a bjez hrěchow nad svojimi njepřečelemi dobywać.“

Hłós słowjanskeho arcybiskopa z Wjelehroda rozeńdže so šš-roko po słowjanskich krajach, doby křescanskich wučownikow, zjednoći ludy do jednoho wulkeho zhromadnistwa. Čěski wjefch Boriwoj ze swojej mandželskej Ludmiłu da so při wšim přeciwjenju Němcow na Wjelehradze křćić wot s. Methodija (wokolo l. 874). Křescanstwo počinaše kćěć w Nitranskej, w Slezskej, w Čechach a w Serbach.

Podawizna je so zakhowała, zo je s. Cyrill hač do wokoliny Zhorjelca (Drjewnowa) přišoł, w Kralowskim haju (Königshain) přebywał, w Jaworniku a tam, hdžež nětko Hainwald je, na měsće pohanskeje swjatnicy cyrkej natwarił. To je móhło wokoło lěta 865 so stać před pućowanjom sołunskeju bratrow do Roma, z wotkelž so s. Cyrill wjacy wrócił njeje.



## IV.

### Wojowanie wo njewotwisnosć.

#### § 1.

Napad Hendricha Ptačnika w l. 929. Markhrabja Gero. Podćisnjenje Łužicow w l. 963.

Z nastupjenjom Hendricha I., Ptačnika mjenowaneho, na němski trón skónčichu so zbožowne časy za Serbow. Mjezyrěč, serbski hród při Solawje, potom Merseburg přemjenowany, dobywši wobda wón z murju a napjelni jón z brónjemi a wojowafskimi ludźimi, kotrychž ze złośtnikow wot khostanja za njeskutki woswobodženych nazběra. A zrijadowawši „legiony rubježnikow“,

poča napady na susodnych Słowjanow, doby hród Branibor w kraju Stodorjanow a wotwjedže wjefcha Tugomira do zajeća (w lěće 929). Potom přičeže do kraja Głomačow a po dwacećidnjowskim wobležanju doby hłowny hród Gronu a podda jón surowości svojich wojownikow: dorosceni wobydlerjo buchu zamordowani, žónske a džěci pak wotwjedžene do zajeća, na službu a robotu k němskim knjezam. W Mišnje załoži Hendrich twjerdžiznu a postawi hrabju Bruna jako naměstnika za hraničny kraj abo „marku“. Wokolni Serbja dyrbjachu twjerdžizny twarić, pod rozkazami hrabjow službu dopjelnić a jim w času wójny zežiwjenje wobstarać. Prjedy serbske hrody wobsydli Hendrich z Němcami a přeměni je do němskich městow. Přikhadnicy z Němcow zasydlichu so radži w tajkich městach a wobohačichu so pod zakitom wjetších prawow, na škodu Serbow, kotřiž přeco bóle wokhudnychu.

Přez Ptačnika započate podćisowanje Serbow wjedžeše jeho syn Ota I. z přimjenom Wulki dale (936—977). Wón přenjese swoje sydło do Magdeburga, kotryž z cyrkwjemi wudebi, z brónitým ludom a wójnskimi přihotom napjelni. Z Magdeburga pohladowaše Ota na wobšěrnú słowjansku runinu, derje wobdžěłanu a zamóžitu; ale słowjanske tam sydlace ludy, njespóznawajcy njepřećelske zaměry, wostawachu při žiwjenju w jednotliwych splahach a nochychu so zjednočić do wjetšeho zwjazka. Tuž njeběše Němcam ćežko słowjanske splahi po rjadu zbić, jedyn po druhim, hač do krajinow při Sprewi a Wódrje dokročichu.

Jako rozkazowarja w dobytych słowjanskich krajach pomjenowa Ota markhrabju Gera, kotryž sebi tajke surowosće dowoli, zo je zrudno na nje pomyslić. Z tym rozhorjeni přimachu so Słowjenjo brónje a cheychu na Gera čahnyć; ale tón so počínjejo, jako by wo ničim njewědzał, přeprosy k sebi třicecóch wokolnych słowjanskich knjezow a po dobrej hosćinje poruči wšitkich skóncować. Jenož jedyn młody wjefch Stodorjanow, bratrowc w Němcach přebywaceho Tugomira, wučekny (w lěće 939). Tohodla rozzłobjeni zebrachu so Słowjenjo na Němcow a wuhnachu wšitkich z kraja. Sam Gero čekny přez Łobjo, ale tež tam wumysli nowu přeradu. Z pjenjezami a slubjenjemi nakłoni w Němcach hižo křćeného Tugomira, zo by jemu přez přeradu wótcowski kraj poddał. Tón přiidže do Branibora a

wudawaše, zo je Němcam čeknył; tuž bu wot swojich z nowa za wjeřcha přijaty, zabi pak swojeho bratrowca, kiž bě zbožownje z tamneje hosćiny wučeknył, a podda swój kraj Gerej.

Z dwojej přeradu Słowjanow předobywši, myśleše Gero na wutworjenje wosebiteho kralestwa za swojeho syna Sigfrida a dla rozšěrjenja swojeho knježstwa přihotowaše wójnu přećiwo Łužičanam a Milčanam, kotřiž běchu z Polakami zwjazk sčinili. Mječišław I., wjeřch pólski, přikhwata Serbam na pomoc, ale Gero předoby Serbow a přinući Mječišława kejžorej hołdować (963). Tak sahaše němske dobywanje hač do Wódry a doražowaše hač na Pólsku, ale tu bě kónc wotebranja krajow. Gerowe knježenje pak rozpřesćěraše so do čěskich hór a pólskeje hranicy. Kejžor wopokazowaše jemu přecelnosć, bohatstwa a dokhody z podćisnjenych ludow sypachu so jemu do ruki, ale što jemu to pomahaše? Wón kóncowaše cyły čas žiwjenja Słowjanow a bjerješe jim kraje za swojeho syna Sigfrida, ale tón padže w přenjej bitwje z Polakami, a druheho wón njeměješe. Tohodla so Gero wulcy rudžeše, zo běchu wšě jeho prócowanja za njeho podarmo; prózdnosće swěta jeho njespokojichu, wón woteda knježenje swojeje narańšeje marki, poda so do wótceneje Sakskeje, hdžež we wokolnosći Harca rjany klóštr Gernrode natwari, a tam zemře w léće (965).

## § 2.

Założenje biskopstwow: Mišnjanskeho, Merseburgskeho a Žičanskeho w léće 968.

Dokelž chcyše Ota I. w Magdeburgu arcybiskopstwo založić dla wobroćenja Słowjanow, spózna za trěbne najprjedy někotre biskopstwa wobstarać. Wot njeho běštej hižo dvě založenej w kraju Lutycow: Havelbergske a Brandenburgske (946 a 949), tola bórzy po podćisnjenju Łužičanow a Serbow přistupi wón k založenju biskopstwow: Mišnjanskeho, Merseburgskeho a Žičanskeho. Najwobšěrniše bě Mišnjanske biskopstwo, do kotrehož z léweje strony Łobja kraj hač do řeki Muldy słušeše, a z praweje strony kraj Milčanow a Łužičanow. Za zděrženje tutych biskopstwow připokaza Ota wobšěrne kubla a dokhody z podćisnjenych ludow, ale tute dawki dawace ludy nechychu posłuchać na to, štož jim Němcy powědachu. Tohodla porući Ota kre-

scánsku wučbu w zrozumliwej rěči wopowědować, załoži tež w Magdeburgu šulu, w kotrejž so mniša słowjansku rěč wučachu; tola to bě pomałke džěło. Bozo, biskop w Merseburgu, wučěše Słowjanow „Kyrie eleison spěwać, ale ěi z tymi njezrozumjenymi słowami žortowachu spěwajcy: w kri olša“ t. r. w kefku wólša! a prajachu, zo je jich Bozo tak wučil. Rozhněwany na swój njewuspěch a na směchi Serbow wopuści Bozo biskopstwo a wróći so do swojeje wótcowskeje Bajerskeje. Wigbert, třeci biskop Merseburgski, wučěše wokoło nawječorneho Halštrowa a Plisy, ale njedokonja wjele, dokelž pohanstwo w tych stronach hišće dołho kčěješe. Tola duchownstwo twarješe cyrkwe a přiwodzowaše Němcow w nadźiji, zo něhdy Słowjanow přewinje a z Němcami do jednoho naroda přelije.

### § 3.

Čahi Mječišlaw I. do Łužicow. Pozběžk Słowjanow w lěće 983 a pad němskeje mocy we Łužicach a w Serbskom. Podćisnjenje Milčanow w lěće 990.

Jako křesćan a hołdownik kejžorstwa wopokaza Mječišlaw I. swěrnosć kejžorej, kotryž rad widžo, zo mjez svojich poslušnikow „polanskeho krala“ ličić móžeše, jemu wosebitu přecelnosć popřa. Ale Hodo, naraňši markhrabja, pohladowaše z podhladnym wocom na poměr Mječišlawo ke kejžorstwu a jónu, hdyž kejžor w Magdeburgu njepřebywaše, zrěča so wón ze Sigfridom, hrabju na Walbeku, a wobaj wučahnyštaj ze zjednocenymi mocami napřećiwo Mječišlawej. Bitwa započa so na dnju s. Jana (24. junija) l. 972 při Čednje (Cidini) na prawej stronje Wódry. Najprjedy mějachu Němcy přewahu, ale po přikhadže Čudobora, Mječišlawoweho bratra, dobychu Polacy wulke dobyće: wšitcy najlěpši němcy ryćerjo ležachu mrtwi na bitwišću; jenož jich wjednikomaj so poradzi „z bitwišća woteńć z rozdrětymi khorhowjemi. Němska hordosć bě pokorjena na zemju padnyła.“ Kejžor Ota powoła zwadnikow do Quedlinburga, hdžež wón w l. 973 wjele pósłow přijimaše a tež Mječišlawo, kotryž z darami wjesoły so domoj wróći. Wot toho časa njesmědzachu markhrabjowje Mječišlawo nadpadować, ale za to wón z časami přez lužiske hranicy



prekhaďžeše, hďžež we wokolinje delnjeje Nisy knježeše, markhrabjow wobmjezowaše a swoje knježenje při Wódrje wobkrućowaše.

Něšto lět pozdźišo walichu so Słowjenjo, přińódny čas sebi wuhladawši, na Němcow w Havelbergu a Brandenburgu, wuwróćichu tamnišej biskopstwje a skóńcowachu němskich duchownych (w léće 983). Roznjemdrjene črjódy zničichu wšitko, štož bě němske a křesćanske. A hďž Čechowje Serbsko mjez Solawu a Muldu nadpadźechu, sahaše zapuśćowanje hać do Durinskeje. Mišnjanski markhrabja Rigdag čekny, swětna a cyrkwinu wyšnosć bu přez Serbow zamordowana. Na to bu tež biskopske město Žič wurubjene, biskop Hugo wučekny, ale klóštry buchu k zemi zrunane. Němske knježenje spadze hać do Solawy.

Dvě léće hromadžachu Němcy mocy cyłeho kejžorstwa, zo bychu zhubjene słowjanske kraje z nowa dobyli. Počachu swój pokhód najprjedy do Serbskocho a wojowachu někotře léta, njesměďžachu pak postupić ani přez Habolu, ani tež přez Sprewju, hďžež w tym času Mječislaw svoju móć rozšěrješe w delnjeje Łužicy. Na njezbože přičeže Bólesław, wjeřch čěski, kotryž so tež prawa na kraj při delnjeje Nisy mocowaše, z wójskom dla wobsadźenja tutoho kraja. A hać runje dyrbyeše z prózdny m domoj wróćić (990), słužeše tola zwada mjez tutymaj słowjanskimaj wjeřchomaj k wužitku Němcow; přetož markhrabja Ekhard přewiny Łužičanow a podćisny dotal swobodnych Milčanow w léće 990, za což bu za Mišnjanskeho markhrabju postawjeny.

#### § 4.

#### Wjeřch Krescencius.

Po starodawnej powěsći pósła němski kejžor, rozhněwawši so na Krescencija, wójsko, kotrež po krwawnym wojowanju jeho hród na Limasowej horje doby. Krescencius čekny z někotrymi towaršemi přez wobhrodźacy nasyp, kiž pońócnny džěl hrodu wobdawaše, ale pozdźišo bu přez kejžorowych wojownikow zamordowany.

Druha ludowa podawizna w delnołužiskich Błótach powěda, zo je něhdy serbski kral, kiž dyrbyeše we wójnskim času z hornjeje Łužicy čekać, na małym čolmje do Błótow přijět a blizko wsy Bórkowow hród załožiť, hďžež je hišće doľho knježił. K tomu podawizna přistawja, zo je tutón serbski kral, kotryž w hrodźišću

pola Bórkowow sydleše, svojim konjom podkowy nawopak přibijeć dať, zo bychu přesěhowarjo městno jeho skhowa wuslědzić njemóhli.

Podawiznje přirunawajcy spóznavamy, zo Krescencius njeje na Limasu zahinył, ale předrěwši so zaso k svojim ludźom, k ranju wot Wojerec stojacym, so wokoło Wujězda na čotm sydneył a tak do Błótow dojeť. Ale tež tu w njepřístupnych bahnach njewopuści jeho bojoseć před njepřečelskim nadpadom a tohodla prócowaše so přesěhowarjo zamylit.

Tutón wječh měješe zawěsće druhe słowjanske mjeno, kotrež su chronikarjo do lačanskeho přetožili, najskerje rěkaše Přibysław abo Rosćisław. Lěto jeho čekanja njeje nihdže zapisane; wěrje podobne je, zo bě to w času pozběžka Serbow w lětach 983—990. Wón běše, kaž so zda, wječh džěla hornjeje Łužicy abo Milčanskeje, kotraž sebi swoju njewotwisnosć zdžerža hać do podčisnjenja přez markhrabju Ekharda (990).

## § 5.

Wuhnaće Němcow z Łužicy a Milčanskeje přez Bólesława Khroběho. Jeho napad na Serbsko w lěće 1002.

Přez markhrabju Ekharda přewinjeny serbski a lužiski lud dyrbyeše kwakulu njesć, njewidžo nihdže pomocy; přetož čěscy wječchowje běchu so z Němcami spřečelili, pólski Mječisław I. bě zemrěł (992) a jeho syn Bólesław běše po pobytu kejžora Oty III. w Gněznje (1000), jako přez njeho z titulom njewotwisneho krala zaškitowany, zjawnje z kejžorom w přečelstwje.

Njenadžěta smjerć Oty III. wobstejenja z cyła přeměni. Bólesław Khroběly, spóznavajo so swobodny wšěch přislušnosći napřećiwo kejžorstwu a mjenujo so přečel nowowuzwoleneho krala Hendricha II. Bajerskeho, přičeže do Łužicy, doby Budyšin, docpě hać k Łobju, wza Strelu a woblehny Mišno, hdžež „widnicy“ serbskeho splaha swojeho wjednika Brikcija moriwši z Bólesławom so zrěčachu, jemu wrota wotewrichu a jeho za knjeza přijachu (1002).

Dobychši Mišno postupowaše Bólesław dale, podčisny sebi kraj hać do nawječorneho Halštrowa (Elster) a postawi wšudže swoje

wobsadki. Němske wójsko zebra so přečiwo Bólesławej, ale tutón „čłowjek wulkeje lesće“ wobkrućeše, zo wšitko čini z wědženjom a přizwolenjom Hendricha a zo so dospołnje jeho woli podčísnyje, hdyž tón we wobsedženstwje kejšorstwa so zdžerži.

W juniju 1. 1002 bu Hendrich za němskeho krala wuzwoleny a w juliju přijimaše w Magdeburgu hołdowanje Saksow. Bólesław tam so podawši bu powitany nic jako njeprěćel, ale jako towarš Němcow. Wón chcyše dobyte kraje sebi wobkhować a lědma přizwoli, zo bu Mišno Guncelinej, jeho přiwuznemu po kudźeli wotstupjene. Sam pak wujedna sebi wobsedženstwo kraja Milčanow a Łužičanow (25. julija 1002).

Hdyž skónčnje Bólesław z Hendrichom so rozžohnowawši z hrodu wustupi, nadpadže jeho črjoda wobronjenych Němcow tak nawalnje, zo móžeše jeho přewodžacy hrabja z mjenom Hendrich znamjeniteho hosća lědma wumóc, mjez tym zo buchu pólscy ryčerjo wurubjeni a zranjeni. Bólesław so tohodla jara zrudži, „dokelž sebi mysleše, zo so tutón nadpad njeje bjez wědženja krala Hendricha stał.“ Hdyž potom ze strony Hendricha ani wotprošenje ani pokhostanje winowatych njeslědowaše, móžeše Bólesław wězo měnić, zo je to wšitko z jeho wědženjom a ze zamyslom so přihotowało. Tuž do Strele při Łobju so wróćejo wokolnym wobydlerjam přikaza, zo maju so do Pólskeje přesydlić, spali město a rozpósła na wšě strony svojich póstow z poručnosću, zo bychu ludži po móžnosći wot Hendricha wotwobročeli.

W tym času so zběhacy njeměr w Čechach wobroći kedžbnosć Bólesława na tu stranu. Tuž čehnješe do Prahi (1003), hdžež bu wot wobydlerjow do města dowjedženy a „jednomyslnje za knježičerja Čech wuwołany.“

Wobsadženje Čech krala Hendricha II. mócnje zrani, ale bojosć před wójnu ze wšitkimi Słowjanami na dobo přinući jeho z pokornosću to znjesć, štož bě so stało. Tohodla pósła k Bólesławej póstow z wozjewjenjom, zo dyrbi jemu, chce-li nowodobyty kraj zdžeržeć, po starym prawje we wšitkim službu činić. Ale Bólesław wotpokaza z rozhorjenjom wuměnenja, jemu přez kralowskich póstow poskićane, a započá wójnu.

## § 6.

## Wójny dla Łužicy a Milčanskeje (1003—1018).

1. *Prénja wójna (1003—1005).*

Do wójny so hotujo přesćěhaše Hendrich II. přiwisnikow Bólesława, a mjez tym postupowaše Bólesław bjez komdženja ze svojim wójskom hač přez Łobjo, doby Mišno a da přečelnemu jemu městej Strelu prajić, zo bychy so tam ničoho njebojeli. Potom zapusćowachu pólske wójnske, po kraju Głomačow rozpusćene, svojich njepräčelow a wotwjedzachu z najmjeńša 3000 ludźi do Pólskeje. Hendrich přiřetowaše dołho wójnski ćah přećiw Milčanam, ale Bólesław jeho překhatajo přičeže do Bajerskeje a činješe wobydlerjam wulku křiwdu (1004). W augusće toho sameho lěta připowědowaše Hendrich, wójnske w Merseburgu zhromadźiwši, zo chce do Pólskeje wójnsce zakročić, ale k powěstkowemu spodźiwanju wobroći so k połdnju hač do Čech, hdžež Němcy so starachu, přjedy z kraja wuhateju wjefchow Jaroměra a Oldricha zaso jako knježićerjow postawić.

Tutón postup do Čech běše za Bólesława jara strašny, ale w tajkej wuzkoscí pokaza so jeho wulka rozomnosć a raznosć. Ze spěšnymi wobrotami svojich wójnskech khwataše wón tak spěšnje do Čech, zo so pomałym Němcam zdaše jako „rujacy law“, kiž so do Prahi bliži. Hendrich čehnješe dale pohanjejo českich wjefchow do přědka, zo by z jich přiwisnikami nahle w nocy Bólesława napadnył. Ale Bólesław měješe tež svojich přečelow mjez Čechami. Wobě stronje přiřetowašej wotmach, tola „naješćiwiši čłowjek Bólesław“ wuhra. Hděž před switanjom při wothłosu pastyfskeje pišćalki na Wyšehrodě so zazwoni, mějachu přiwisnicy Jaroměra na Polakow napadnyć, ale Bólesław wuwjede hižo před nimi swoje wójnske w nocy z Prahi. Jenož Sobjebor, bratr swjateho Wjacława, z džělom pólskeje wobsadki hišće wostawši, haješe zmužiće móst, ale padže na smjerć ranjeny (w septembru 1004).

Po wotstupjenju Bólesława z Prahi wozjewi Hendrich II. Jaroměra jako českeho wjercha, čehnješe z nim do Milčanskeje a woblehny Budyšin. Polacy wotrazychu z lohkosću tutón napad, haj jedyn z pólskich třělcow naměri so z prokom na Hendricha a jeho nimale zatřěli; přetož pódla njeho stojacy hrabja padny a

Hendrich so z pozběhnjenymaj rukomaj Bohu džakowaše. Skónčnje pósła tež Bólesław rozказы, zo dyrbi jeho wobsadka Budyšin wopuścić.

W slědowacym lěće 1005 zhromadzi Hendrich II. wójsko z cyłego mócnafstwa a česku pomoc, čehnješe přez Dobroług a překroči Sprewju, wokoło kotrejež hižo njeprěćelowje na njeho doražowachu, wosebje wokoło Bjeskowa, Storkowa, Lubina a Gubina. A hdyž hišće črjódy wobronjenych Lutycow přibychu, přewza Němcow wulka radosć, tak zo swoje hidženje pohanow zapomniwši z nimi po bratrowsku wobkhađzachu, jenož zo bychu najstrašnišeho njeprěćela němskeho kejžorstwa zhromadnje nadpadnyli.

Wobdaty ze wšěch stron wot Němcow, Čechow a Lutycow postupowaše Bólesław kedźbnje a cofaše do swójeho kraja. Němcy přehdžechu přez Wódru a po wobćežnych pokhodach dóndžechu do Mjezyrěča, z wotkelž hišće dale kročachu; ale přez daloki puć zestabjeni, dyrbjachu sebi měř wujednać, kotrehož wuměńjenja nam njejsu znate. Tute pak njemóžachu za žanu stronu spokojace być, dokelž so bórzy na to wobě stronje do noweje wójny hotowašej.

## *2. Druha wójna w l. 1007—1013.*

Kral Hendrich II., na nowu wójnu so hotujo, zwjaza zwjazk z Lutycami, kóncowaše Słowjanow, kiž běchu Bólesławej přikhiłni, a dźeržeše swóje wobsadki we Łužicy a Milčanskej. To Bólesław znjesć njemóžeše a přecáhny kraje přez Němcow wobsađžene hač do Magdeburga, zapusćowaše krajinu Moračanow a wotwjedže wobydlerjow hrodu Serbišća sobu. Potom wróci so k poľdnju, zaničowaše němske wobsadki we Łužicy, woblehny Budyšin a doby jón z nadběhom w lěće 1007.

W Budyšinje bydlo knježeše Bólesław w milčanskim kraju a přihotowaše wójsko, hač runje so dospołnje spokojeny zdaše. Nadobo přicáhny jeho wójsko překročiwši Łobjo před Mišno. Dwaj z widnikow slubištaj jemu wrota wotewrić, ale někajkeho zadžěwka dla so jimaj to njeporadzi. To pytnywši wotehdžechu Polacy zaso do Budyšina. Widnikaj pak buštaj skóncowanaj.

Hendrich II. překładowaše sebi cyłu zymu, kak by so za „hańbu přez Bólesława jemu přihotowanu“ wjećił. Hakle po

jutrach nastupi swój wójnski pokhód do Łužicy. Němske wójsko dóhódže hač do Jarina, zapuscówaše Łužicu, ale skhorje; Čechowje wróćichu so domoj a tež zbytni druzy wojownicy khwatachu z domojwrótom; „přetož wulke deščowe lijeńcy“ zadžěwachu jim w dobywanju. Wuradžowaše so wo zastaću wójny, do čohož Bólesław zwoli, a tak wobzamkny so pječlětny přiměr w l. 1011 „nic zo by dołho trać měł, ale dokelž jón wobě stronje potřebowašej.“

Zwužitkujo přiměr wobtwjerdžowaše Hendrich II. spěšnje hród Lubušu (Lebusu), kiž z kralowskimi kubłami na lužiskej hranicy ležeše, a poruči magdeburgskemu arcybiskopej Walterdej so k Bólesławej w Sciciani\*) přebywacemu z předložkom podač, zo by z Łužicow wotstupił. Bólesław začisny tajki pokoj (w augusće 1012) a hdyž Němcy njewědzachu, što maju započěć, wotmysli sebi sam wójnu z nadpadom Lubuše wobnowić.

Bólesławowe wójsko nadběhowaše khroble; wón pak, wěsty dobyća, sedžeše při hosćinje a wjesele na swoich wojownikow pohladowaše, kiž dobywafscy do twjerdžizny kročachu. Wrota hrodu so rozbiču a krew z čuru čěčeše, přez 500 Bólesławowych wojownikow padže na bitwišću, ale z třochtysacoweje němskeje wobsadki mało njezranjenych wosta. Dobyčěska syła „z bohatej dobyt看 so wobdžěliwši“ a město zapaliwši wróći so wjesele ze svojim wjednikom a wjedžeše wjele jatych sobu, mjez nimi Guncelina a Izyka, nawjedowarja zbiteje wobsadki (20. augusta 1012). Lubuša bě z nowa w rozpadankach.

Přez tutón podawk nastróženy widžeše so Hendrich II. nučeny z wobzamknjenjom měra pokhwatač. Na Bólesławowe žadanje do Merseburga přišedši wobzamkny Hendrich měr 25. meje 1013 „ze škodu za němske mócnafstwo“, dokelž po nim Bólesław kraje hač do Čorneho Halštrowa (a Połčnicy) w swojej mocy bjez wuměnjenja wobkhowa.

### 3. *Třeća wójna w l. 1015—1018.*

Němcy njemóžachu so zjednač z myslu wotstupjenja krajow hač do Čorneho Halštrowa „hrózbnemu Słowjanej“ a Bólesław wójnu před sobu widžo pósła swojeho syna Mječislawa (Mješka)

\*) Tutón hród ležeše při Čornym Halštrowje, ale kak prawje serbscy rěkaše, njeje znate. Snadž Swinjany — Schweinitz.

k Oldrichej Čěskemu z dopominanjom, zo byštaj sebi spominajcy na zwjazk krewineho přečelstwa ruku k jednoće podaťoj a dla zhromadneho skutkowanja přećiwo wšelakim njeprěčelam, wosebje pak přećiwo kejžorej (štož Hendrich II. nětko bě) so zjednoćitoj. „Ale Oldrich wot němskich stronarjow našćuwany da Mječisława do jastwa sadzić a jeho přewodnikow skóncować.“

Zo by nowy zamysł Hendricha II. w zwjazku z Čěchami a Lutycami zničil, napadny Bólesław kejžorske wobsydnoće a wote-wza sebi wěsty kruch kraja. Z tym rozhněwany wupósla Hen-drich póslow k njemu, zo by zebrany kraj wrócił, ale tón z horda wotmołwi: „nic jeno njewotedam tón, kiž sym dobył, ale hišće wjacy zdobudu.“ Na tajku powěsć modleše so kejžor k Bohu, zo by na zastupnu próstwu s. Mauricija jemu „zasakleho nje-prěčela“ přewinyć pomhał. Přihotowanje do wójny bě pilniše dyžli hdy prjedy. Zhromadźowachu so němske wójška, Čechowje a Lutycy na někotrych městnach, zo bychy ze wšěch stron na dobo Bólesława přimali. Při Bólesławje wostachu jenož jeho najswěrniji poddani — Serbja a Łužičenjo.

Němske wójško zhromadzi so 8. julija 1015 pod wjedzenjom kejžora samoho pola Magdeburga, přeńdže nimo Ciani (Swinjany?), z wotkelž wobsadka, najskerje z Łužičanow, wupad sćini. Dale čehnjechu Němcy po bjezpućach a tonidľach hač do Krosna, hdžež bě kralowc Mječisław ze swojim wójškom. Wot počnocy čehnjechu Lutycy pod wjedzenjom sakskeho wjeľcha Bernarda, wot počdnja tľóćeše so Oldrich z Čěchami a Bajerami do Slezskeje. Bólesław wobaraše překhody přez Wódru a ze spēšnymi pohibami wotřězny wjeľcha Bernarda, kotryž dyrbyeše so domoj wróćić. Oldrich z Bajerami, kotryž so tohorunja njemóžeše z kejžorom zjednoćić, zapućeše wokoliny a zapali slezski hród Bólesław. Kejžor w čěsnoće so wuhladawši, cofaše přez krajinu Džědošanow. Bólesław pak přescěhowaše kejžorske wójško, kotřež w nocy přez bahniska wuće kny. Kejžor wopuści wójško, wjednistwo magde-burskemu biskopej Gerej přepodawajo z napominanjom, zo by so na kedźbu brał. Woprawdže, po třikróčnym strašnym za-wołanju pokaza so nahle syła pólskich prokownikow w ľěsu prjedy wukhowanych. Tuta bitwička běše 1. septembra 1015 a žaľost-nje krwawna. Wšitcy ľěpši ryćerjo padžechu, zajatych bu maľo; z wjednikow buštaj z džiwom njezranjenaj zdzerženaj arcybiskop

Gero a hrabja Burkhard, zo byštaj samaj kejžorej powěsć wo strašnej poražcy přinjesć móhłoj.

Kejžor Hendrich II. zhubjenje telko nadobnych ryčerjow wobžarowaše a wotpósła mišnjanskeho biskopa Ejda, zo by wot Bólesława wudaće ćěłow markhrabje Gera a někotrych towaršow wuprosył a je z česću pohrjebać dowolił. Bólesław rad do toho zwoli a pólscy wojownicy pomhachu mrtwych pohrjebać. Mjez tym pak přesćěhowaše kralowc Mječislaw kejžorowe wójsko přez Žarow, Mužakow a Wojerecy a docpěwši 13. septembra l. 1015 k Łobju ze sedmimi črjódkami jězdnikow, poručil jednej počojcy wójska wokolinu zapusćić a druhej Mišno nadběhować. Widnicy, kotrymž bě wobaranje Mišna dowěrjene, zapalichu předměšća. Nastróženy markhrabja Herman prošese Boha wo miłosć a swjateho martrarja Donata wo sobupróstwu. Polacy nadběhowachu hród, wojowanje bě zatrašne, ale Mječislaw přihladowaše w nadźiji, zo tež čí z jeho wojowarjow dóńdu, kotřiž běchu we wokolinje rozpjěšeni. Či pak so njewróćichu a tohodla bu nowý nadběh na druhi dzeń wotstorčeny. Tola w nocy poča woda we Łobju mójnje přibywać a tak dyrbješe Mječislaw na jeho prawy brjóh wotstupić.

Dla wujednanja měra přindžechu k Bólesławej, kiž w Ciani při Čornym Halštrawje přebywaše, kejžorowi póstowje žadajcy, zo by k nim přišoł, ale wón wotmołwi: „ani přez tutón móst njepostupju.“ Kejžor so wot wobzamknjenja měra wotwolakowaše a wotstorkowaše wóynu. Hakle po někotrych měsacach přihotowanja w juliju 1017 k wójsku so podawši poča wuprawu. Čechowje a Lutycy khwatachu jemu na pomoc. Po dawnym nałožku čehnješe kejžor přez Łužicy a přindže před Głogow; tola njezwaži so jón nadběhować, přeměni wójski plan a wupósła dwanaće črjódow wojownikow dla dobyća hubjeného městačka Němče při Slezy, potom tež sam docpě k tutomu městu. Tři tydženje nadběhowachu Němcy z Čechami a Lutycami tamny hród, ale woblēhowani wobarachu so z wuspěchom. Skónčnje kejžor widžo, zo jeho z khoroscěmi zestabjene wójsko podarmo wo dobyće hrodu so prócuje, woblēhnjenje zběhny a wotkhód nastupi. Nětko hakle wobstupowachu lohke wotdžělenja Bólesławowych jězdnikow coface wójska a počachu je po rjadu pobijeć, tak zo bě kejžor, kiž do Čech čehnješe, we wulkej strašnosći „a hišće hórši bě wukhód z tu-



toho kraja.“ Tuta jeho wójnska wuprawa traješe jenož dwaj mě-  
sacaj, ale běše hišće njezbožowniša dyžli prjedyše.

#### 4. *Budyšinski měr w l. 1018.*

Dołholětny njewuspěch we wójnach z Bólesławom zrudži  
mócnje pobožnu dušu Hendricha II.; zbity a spokojeny njewě-  
džeše što započec. Mjez tym bě Bólesław z naležnosćemi južneje  
Ruskeje zajimany a tak staraše so kejžorej wobzamknjenje měra  
wolóžic. Jednanja počachu so w Budyšinje, hdžež po rozkazu  
kejžora a po žadanju Bólesława Khrobłeho so zeńdžechu: arcy-  
biskop Gero z Magdeburga, biskop Arnulf z Halberstadta, mark-  
hrabja Herman z Mišna, hrabja Fridrich z Ilburga a kejžorski  
dwórski zastojnik hrabja Fridrich. Po skónčenju poradow wob-  
zamknychu tući wotpósłancy měr a wobtwjerdžichu jón z při-  
sahu na 30. januara 1018. Štyri dny pozdžišo přiidže do Sci-  
ciani Oda, džowka mišnjanskeho markhrabje Ekharda, wo kotruž  
bě so Bólesław hižo dawno prócował. A dokelž běše to w  
nocy, wuńdžechu jej Serbja, wobydlerjo Sciciani, ze zapalenymi  
pochodnjemi napřečiwo. Wěrowanje Ody z Bólesławom měješe  
so hjez komdženja w póstnym času.

Po wujednanju měra w Budyšinje wosta Łužica z Milčan-  
skej hač do Čorneho Halštrowa (a Połčnicy) při Pólskej a k tomu  
hišće dosta Bólesław wot Hendricha II. 300 wobronjenych Něm-  
cow na wuprawu do Ruskeje.

#### § 4.

Knježenje Bólesława Khrobłeho hač do 1025.

Němcam kraje hač do Čorneho Halštrowa wutorhnywši poča  
Bólesław knježic nic jako cuzy dobywał, ale jako woswobodźec  
bratrow z cuzeje přemocy, zo by milčanske a lužiske ludy z Po-  
lanami při Warće do jednoho wulkeho naroda zjednoćić. To tež  
ludy při Halštrowje a Łobju bydlace zrozymichu. Łužičenjo a  
Milčenjo podachu so Bólesławej z čěłom a z dušu, wojowachu a  
woprowachu so za zhromadnu naležnosć a ani jedyn króc wot  
swojeho krala njewotstupichu. Serbja za Łobjom wupřestrěwachu  
rucy k njemu, zo by jich z cuzokrajneje přemocy wumóhł, a  
běchu, byrnje hižo dawno potłóćeni, tola zwólniwi kóždy čas  
Polanam pomhać. Ze swojeje strony pak tež słowjanski hor-

džina Bólesław, ludej na pobrjohach Sprewje dospołnje dowěrjejo prihotowaše srědky dla wobróća kraja, sydleše někotre lěta w Budyšinje, jako w swojim narodnym měšće, tworješe serbske wójska, kotrež runja Polanam wóju z Němcami wjedžechu, a knježeše w kraju jako syn, kiž swoju wótčinu lubuje. Hdyž Bólesław w lěće 1002 do Łužicow přičeže, běchu ludy hišće po zastarsku žiwi, w rodžinskim zhromadnowobsydny zřadowanju, hač runje běchu tu tež zemscy wobsedźerjo za swoju wosobu abo sami za so. Podobne towaršne zřadowanje běše tehdy tež w Pólskej. Bólesław měješe tuto zřadowanje wobkhować, dla wjedźenja krajnych naležnosćí pak tajkich zastojnikow postawić, kajcyž běchu w Pólskej, naměstnikow a sudnikow. Stawizny njejsu nam ani jednoho mjena Bólesławowych zastojnikow we Łužicach zakhowaće; tola njemóžemy dwělować, zo su tudomni ludźo do zastojnstwow powołani byli; přetož hdyž Bólesław cuzokrajnikow do swojeho ryćerstwa přijimaše, kak by móhl swojich najswěrnějšich Milčanow a Łužičanow při wobsadźenju zastojnstwow zabyć? Při hranicach běchu postawjeni hrodowscy starostowje (kastellanowje mjenowani), a pod jich rozkazowanjow stojachu wojowafscy ludźo, wićazowje, z přisłušnosću, na přenje zawołanje z konjom službu dopjelnjeć k wobaranju kraja. We wójskim času wustupowachu z ludu prokownicy a z jich pomocu wjedžeše Bólesław najězdnu spěšnu wóju, škitowaše hrody při swojich hranicach a wobtwjerdžowaše pomězne twjerdžizny.

Sam horliwy wuznawał křesćanstwa prócowaše so Bólesław, zo by swětko ewangelija wšitkim jeho poddanam přistupne było, wobdawaše so ze samymi křesćanami, ale njedowoli nikoho z mocu do křesćanstwa nućić. Tohóhla tež pólscy rozšěrjowarjo křesćanskeje wučby we Łužicach njeliča mjez sobu ani jednoho martrarja, a to je najlěpši dopokaz, zo njeje ničtó k wotćisnjenju stareje wěry nuzowany był. Miłosć a sprawnosć knježenja w měrnym času a wurjadna džělawosć a porjadnosć w času wójnje wuznamjenjachu knježenje krala Bólesława, a při wobroćichu jemu wutroby poddanow tak, zo, hdyž zemrě (1025), cyły kraj so do zrudoby wodźě, přez cyłe lěto zasta hudźba a zabawa; lud płakaše po nim, jako po ródnym nanje. Ze wšěch ludow pak najwutrobněšo na njeho spominachu Serbja při Sprewi, pola kotrychž je

so k česći hordžinskeho krala znata pšesñ zložila a spodžiwnje  
hač dotal wobkhowała pod mjenom: Serbske dobyća.

Serbja so do Němcow hotowachu,  
Słowčka pak němscy 'šće njemóžachu.

Swoje sej koniki sedłowachu,  
Swoje sej wotrohi připinachu,

Swoje sej mječiki připasachu,  
Do pola runeho zjědzowachu.

Prěni króć na wójnu wučahnychu,  
Wulke tam dobyće wudobychu.

Hdyž bě to zhonił tam kral tón jich wjeřch,  
Dał je jich wšitkich wón před sebje přińć.

Wšitkich wón jara je wukhwalował,  
Do swojich wojakow wšitkich je wzał.

Druhi króć na wójnu wučahnychu,  
Wulke tam dobyće wudobychu.

Hdyž bě to zhonił tam kral tón jich wjeřch,  
Dał je jich wšitkich wón před sebje přińć.

Dał je jich wšitkich wón zwoblekać  
Do samoh' čorlacha čerwjeneho.

Třeći króć na wójnu wučahnychu,  
Wulke tam dobyće wudobychu.

Hdyž bě to zhonił tam kral tón jich wjeřch,  
Dał je jich wšitkich wón před sebje přińć.

Dał je wón kóždemu rzyzy konja,  
Hišće tón swěťły mječ k zejhrawanju.

## § 8.

### Knježenje Mječislawa II. (1025—1032).

Hdyž Mječislaw II., syn Bólesława Khr., na trón stupi, počachu  
potomnicy markhrabjow Wukhódného (narańšeho) a Mišnjanskeho  
swojich wumyslenych prawow na Łužicy so mocować, woblesćo-  
wachu a pytachu sebi stronarjow mjez poměznymi pólskimi sta-  
rostami. To pohnu Mječislawa II., zo k srjedźnemu Łobju čeh-  
nješe dla pokhostanja šćuwarjow, kotrymž kraje wurubi a wjele

jatých wotwjedže (1028). Kejžor Konrad II., z hidženjom pólskeho krala rozhorjeny, poča, wójsko pola Magdeburga zhromađiwiši, postup do Łužicow, błudžeše po kraju njewědžo, hdže ma čahnyć a zapleće so tak w swojich hibanjach, zo dla zalutowanja haniby swoje wójsko k połdnu wobroći a Budyšin woblehny. Ale tu bě wšitko za zmužite wobaranje přihotowane; Konrad podarmo město nadběhowaše, zhubi wjele ludźi a wróći so prózdny do Sakskeje.

Mjez tym wobdawachu Mječislawa II. kołowokoło njepřećelowej, kiž běchu so přećiwo njemu zjednoćili. Tohodla předeńdže Mječislaw w januaru l. 1030 wotmysły Wuherow, Rusynow a Němcow z tym, zo z wójskom hač přez Łobjo pokroći a zjednoćiwiši so z přihradźacymi Lutycami žałosne zapusćenje němškich wobsydności přihotowa. Pohani so pozběhnychu, kóncowachu němškich duchownych a Lutycy wotwjedžechu dzewjeć tysac ludźi do zajeca. Přećiwo pohanam wustupi drje hrabja Theodorich, ale njemóžeše jich přewinyć.

Runje dvě léce přihotowachu so Němcy na wójnu a njespočachu ju prjedy, hač běchu sebi pomoc Wuherow zawěsćili a do swojeje politiky tež Bezbraima, z Pólskeje wuhnateho Mječislawoweho bratra, zapletli. W nazymje l. 1031, hdyž Kijowski wjeřch Jarosław Mječislawa wot wukhoda napadny a hdyž Bezbraim z Čechami do Morawy a Slezkeje začahny, stupaše Konrad II. do Pólskeje, hdžež stronarjo Bezbraima njeměr syjachu a skónčenje zatrašne kóncowanje wuwjedžechu. Po někotrych měsacach žałosneho zapuscowanja w Pólskej bu Bezbraim zabity; ale Mječislaw II. z wjele njezbožemi poražený a na wobornych srědkach zeslabjeny njemóžeše so mócnje dosć napěrać přećiwo njepřećelam, ze wšěch stron jeho napadowacym. Tuž dyrbjěše zwolić, zo so Milčanska Mišnjanskemu markhrabi Ekhardej II. a Łužica Wukhódnemu (naraššemu) markhrabi Dietrichej wotstupi (1032); Lubuška pak wosta při Pólskej.

## V.

Serbja a Łužičenjo pod knježenjom cuzokrajnikow  
wot XI. do XV. lětstotka.

## § 1.

Napadnistwo wšelakich knježerjow na Łužicy  
(1032—1115).

Po wottorhnjenju wot Pólskeje w l. 1032 bu Milčanska pod knježenje Mišnjanskeho markhrabje poddata, jako wosebity kraj z hłownym městom Budyšinom, Łužica pak pod knježenje Wukhódneho markhrabje, kotryž w Eilenburgu při Muldže bydleše. Po času pozhubi Milčanska swoje mjeno, jeje nawječorny džěl rěkaše potom Budyšinska a južnowukhódny Zagózd\*). Ale tež tute mjena hinu w 13. stotku a prjedyša Milčanska dostawa mjeno Hornja Łužica, k rozeznaću wot woprawdžiteje Łužicy, kotraž bu na Delnju Łužicu přemjenowana.

Pjećatřiceći lět knježachu markhrabjowje w Milčanskej a Łužicy pokojnje, ale w léce 1069 poča so Wrócišlaw II. do Milčanskeje přičiščować a tež pólski kral Bólesław Zważny mocowaše so svojich prawow na Łužicu, kotruž bě w l. 1071 kejžor Hendrich IV. w Mišnjanskej cyrkwi swjatočnje pólskemu kralaj wotstupić slubił. Wójny ze susodami a wotkhaď Bólesława Zważneho z Pólskeje zadžěwachu wukonjenju Mišnjanskeho wujednania wo Łužicy; tola Wrócišlawej so poradzi Budyšin a Zhorjela wobsadzić w l. 1076. W krótkim na to dosta Wiprecht z Grojča, woženiwši so z Juditu, Wrócišlawowej džowku, Budyšinski kraj a župu Nižin jako pomoc a Zhorjela měješe jako leno njeposrědnje wot Čech. Kejžor Hendrich V., Wiprechta njelubowacy, wuhna jeho z wobsydnosće, kotruž Hoyerej z Mansfelda woteda, ale Wiprechtowy syn Hendrich, zjednoćiwiši so z němskimi panami (wulkimi knjezami), poča rokoćenje přećiwo kejžorej a zabi Hoyera w bitwje ze samsnej ruku (1115). Tak bě Milčanska z nowa

\*) Zagózd rěka: kraj za gózdnom abo lěsom, za husćinu. Woprawdže běše derje wobdžěłana Budyšinska wot poćdnja a wukhoda z mnohimi lěsami wobdata, a tohodla bě Žitawska krajina hižo „za lěsami“.

bjez knježerja a to runje w času powšitkowneho njeměra w krajach při Łobju.

## § 2.

Pozběžk Słowjanow w lětach 1110—1118. Wójna wo Milčansku a Łužicu do l. 1136.

Poldra lětstotka bě so minyło wot časa založenja biskopstwow za Serbow přez kejžora Otu I. (968) a tola njebě křesćanstwo wulki postup mjez Solawu a Łobjom sćiniło. Hladajcy na chcyjatosć němskich póstow wěry a na wšelake złośće kejžorskich zastojnikow nochcychu Serbja tomu wěrić, štož jim křesćenjo powědachu wo lubosći k bližšemu, wo pócćiwosćach a přisłušnosćach wuznawarjow ewangelija. Tuž dźeržachu so Serbja prjedyšeje wěry tak sylnje, zo w spočatku 13. lětstotka pohanstwo hišće kćěješe na lěwej stronje Solawy, w Bajerskej při Mohanje, w durinskich horach, a tež pod samym Magdeburgom, metropolnym sydłom słowjanskeje cyrkwineje provincy.

Mjez tym přićešachu so z Němcow črjódy přemysłowcow a wšelakich dyrdomdejow a přinjesechu Serbam znajomstwo z cuzokrajnymi nałožkami: z njewólnistwom, lichownistwom, jebanstwom, falšowafstwom, wo čimž w staršich časach ani zaprijeća njeběše. Skaženje poča so tež mjez Serbami rozšěrjeć. Zamóžitym chcyše so sćěhować němskich panow, lud pak zložowaše so po staršim zwučenju; ale mjez tym zawinowachu napady Němcow na susodne kraje Lutycow zapuscowanje pomězných krajow a rozhorjachu njeprěstawajcy słowjanski lud. Słowjanam zdaše so k wotbyću Němcow najpřihódnišo, zo so křesćanska wěra wotstroni. Pohanski duch, w 12. stotku hišće dosć mócný, a wosebje dobyće pólskeho krala Bólesława Kriwohubneho nad Němcami na Psowim polu njedaloko Wrótsławja (1109) zjednočištaj w jednej mysli wšitkich potłóčowanych: Obotrytow, Lutycow a Serbow. Pozběžk bě žalostny. Kóncowachu so hrody a cyrkwe, zapuscowachu so pola a wšitko Němcam přisłušace, njeprěpušćichu so ani prošerjo a putnicy. Wuhlódnjeni mniša čěkachu z črjódami hlubje do Němcow a roznjesechu powěsć wo strašnym pozběžku Słowjanow. Jako wothlós tajkich powěsćí zebra so cyła Sakska do brónje (1110), tola runje w tym času nastaty njeměr w Němcach samych njedowoli, zo bychu wšitcy Němcy na dobo

na Słowjanow so walili. Ota z Ballenstadta, nan markhrabje Albrechta Mjedwědža, zbi drje wěsty wotdžěl Słowjanow pola Kodnja (Köthen) w lěće 1115 a přešedši Łobjo podćisny sebi župu Serbišči, ale pozběžkarjo kruće wojowachu. Tehdy wujedna arcybiskop Adelgot Magdeburgski mjez sobu rozkorjenych hrabjow a pohnuwaše jich k sobuskutkowanju při wójskej, wot njeho přihotowanej wuprawje přećiwo Słowjanam. Mjez němskimi panami, kotřiž po próstwje Adelgota přećiwo Serbam a Lutycam wojować přińdžechu, namaka so tež Wiprecht z Grojča, syn toho, kotryž bě prjedy we Łužicach knježil. Němske wójsko wojowaše dvě lěće ze Słowjanami, powaleše z nowa pozběhnjene pohanske přibohi a twarješe cyrkwe. Što je so tehdy we Łužicach stało, wo tym stawizny mjelča, wosebje ničo njepowědaju wo nawróćenju k pohanstwu. Arcybiskop Adelgot pak tudy njeje pobyl a njeje móhl pola Budyšina přiboha, kotrehož su Němcy z njewědomosće „Flinsa“ přemjenowali, powalić.

Honjo za pozběžkarjemi při Łobju předoby Albrecht Mjedwědz kraj wokoło Jutroboga a podćisny sebi Delnju Łužicu, kotraž so w l. 1131 Hendrichej z Grojča dosta. W Budyšinskim kraju wobtwjerdzi so po skónčenju pozběžka (1118) Wiprecht z Grojča nan hač do lěta 1124 a po nim jeho syn Wiprecht; tola w lěće 1135 podćisny sebi Konrad z Wettina, mišnjanski markhrabja, wobě Łužicy. W krótkim potom pak poradzi so čěskemu wjeŕchej Soběslawej župu Zagózd a Budyšinski kraj wobsaźić (1136). Župa Nižin wosta při Konradze.

### § 3.

#### Pad habolskich Słowjanow.

Hišće w času pozběžka přiłobskich Słowjanow (1110—1118) bu Albrecht Mjedwědz znaty přez surowe wutupjenje pohanow. Něšto pozdžišo, hdyž bu markhrabja Połnócný, w Starej marcy při Łobju, čehnješe na prawy brjóh Łobja, doby Havelberg a počínjejo so jako přećel Braniborskeho wjeŕcha Přibysława zapleće jeho tak, zo tón, dokelž džěci njeměješe, jeho přećiwo woli swójeho luda za nastupnika pomjenowa. Hdyž pak Přibysław zemře (1142), zwobknježi Albrecht Mjedwědz Branibor a położy z tym zakład Brandenburgskeje marki, kotraž měješe wokolnych Słowjanow wukorjenić.

W Brandenburgu so wobtwjerdziwši rozšěrjowaše Albrecht swoje dobyća hač do Łužicy. Tola při delnej Sprewi sydleše w Kopanicy wjefch Jacko (Wjacław), kotryž z Brandenburgskej wobsadku, najwjacy ze Słowjanow wobstojacej, so zrěcawši, na dobo Brandenburg nadpadny a twjerdžiznu předoby w lěće 1157. Tutón podawk Albrechta Mjedwědža jara nastroži, dokelž dosahaceje mocy njeměješe, zo by zmužiteho wjefcha Sprewjanow přewynyl. Hakle z pomocnym wojskom Magdeburgskeho arcybiskopa poradzi so Albrechtej Jacku z Brandenburga wuhnać. Jacko wučekny rěku přepławawši do Spandowa, a što je so z nim stało, njeje dosć wěste. Wot toho časa padny tež njewotwisnosć Lutycow, a w jich krajach připrawjachu Němcy swoje knježenje a počachu nětko tež wot pońcocy na łužiske kraje tłóčić.

#### § 4.

#### Serbska narodnosć w 11. a 12. stotku.

Hdyž Bólesław Khrobły hač přez Łobjo postupowaše, běše kraj mjez Solawu a Łobjom hišće cyle serbski, a hač runje w hrodach při Solawje a Łobju hižo Němcy sedzachu, wobstojese wokolna ludnosć jeničcy ze Serbow. We Łužicach pak tehdy Němcow z cyła njeběše. Hakle po wottorhnenju Łužicow wot Pólskeje w lěće 1032 poča kraj so z Němcami napjelnjeć, kotřiž dyrbjachu jako mjeńšina wobydleństwa po serbskej wjetšinje so zložować a ludowu rěč nawuknyć. Mišnjanski biskop s. Benno ze swojej maćerju Bezelu w Hodziju bydlo natwari tam (1076) cyrkej ss. Pětra a Pawoła, w kotrejž často serbscy tak derje předowaše, zo jemu lud rozymješe a rad na jeho wučbu posłuchaše.

W rozsudžowanju sudnych wěcow wužiwaše so tehdy serbska rěč, přetož němska so njerozymješe. Serbja wobsedzachu hišće kubła na džědźičnym (herbskim) prawje a móžachu je druhim wotstupować po słowjanskim nałožku. W lěće 1071 sta so mjez biskopom s. Bennom a zamóžitym zemjanom Borom, wobsedźerjom kubłow w Łužnicy (?) pola Draždžan, znate wujednanje, po kotrymž Bór pječ svojich sydlišćow w župje Nišany, w burgwardže Wóz ležace, w přitomnosći a z přizwolenjom swojeju synow Wicharda a Luthera jako swójstwo ze wšěmi přisłušnosćemi, poddanami, młynami, rybarjenjom a t. d. biskopej wotstupi z wuměńjenjom, zo ma so



runje ta sama ličba sydlišćow mišnjanskeje cyrkwe Borej a jeho synomaj dać. Jako tajke wuměnjane sydlišća dosta Bór: Tešicy, Lutiwicy, Wirnoćiny, Drogobudowicy a Ročinu\*). Tuto wujednanje sta so w přitomnosći wjele němskich knjezow a tež serbskich: Zwěsława, Bolibora, Rotaša, Zdzisława, Minichona, Přibysława, Sulisława, Wysława, Wjefchosława, Mjezbor a jeho syna: Nadźiwoja, Kosa, Borisława, Jana, Tymana a t. d. Mjez swědkami namakachu so tež čěski wjefch Wróciślaw a pólski kral Bólesław Zwažny. Z toho so pokazuje, zo je Serb Bór dyrbjal zamóžity knjez być a zo je starodawny nałožk wobkhowať, hdyž při swojim wotstupjenju wobsydnosći přizwolenje swojeju synow za trěbne spóznawaše; taj synaj pak dźeržeštaj drje so hižo němskeho zwučěnja, dokelž matakaj mjeno Wichard a Luther.

Wliw němskeje wyšnosće a cyrkwe přičahowaše zamóžitych serbskich zemjanow k přiwzaću němskich nałožkow, k zastupowanja do mandželskich zwjazkow z Němcami, k přijimanju němskich zastojnstwow a pomału k přeněmčenju. Tola sta so to jenož po něčim, hdyž hišće w spočatku 12. stotka pohanstwo při hornjej Solawje a pod Magdeburgom so šěrješe, hdyž běše w měsće Lubronju, Magdeburgskemu biskopej słušacym, w léce 1115 zarjadowať Přibor „hač do toho časa pohan“, a hdyž w Serbskom pohan Bren, kiž so nechcyše wobroćić, Žičanskeho biskopa Theodoricha w léce 1123 zabi.

Pódlu zamóžitych knjezow abo panow běchu mjeńši wobsydnicy zemje, z kotrychž so w běhu dołhich wójnow z Němcami wosebity staw wojowniskich ludźi z mjenom „wićazow“ wutwori. Tutón staw rozmnoži so lětstotk wot lětstotka a rozeznawaše so wot zhromadnowobsydných rólnikow jako něšto wyšše; přetož črjódy jězdnych wojownikow tworjo wudoby sebi za to woswobodjenje wot njesenja wšelakich zjawnych wobćežnosćí a dawkow, na zbytnu ludnosć napołożenych. Štóz z wićazow wjacj koni a słužobnych do wójny stawić móžeše, tón doby sebi wjetšu nahladnosć a zastupi z tym do ličby zamóžnišich zemjanow; štóz pak jenož sam na konju do wójny čehnješe, tón płáčeše za wšěd-

---

\*) Tute wsy su w Mišnjanskej. Ročina — Roitzschen pola Mišna.

neho wojownika abo wójnarja. Hdyž Němcy Serbsko dobychu, njezaničichu wíczazow, ale wotmyalichu sebi jich zwužítkować a tohodla dđeržachu w swojich hrodach abo městach straže „widnikow“, woboru předměšćow (strohowow) a wrotow jim dowěrjeje. Přenjoťnje buchu wšitecy wíczazowje poddani markhrabjow; ale hdyž tući wšelake kubła duchownstwu rozdachu, namakachu so wíczazowje tež na duchownskich wobsydnosćach, tola buchu jako něšto wosebniši dyžli wšědni rólnicy (burja) wobhladowani; přetož jim přisłušeše prawo staća pod krajnym sudom, a nic pod sudom zemjanow. Tak mějachu wíczazowje na kubłach klóštra w Lauterbergu (Mons Serenus), jězdnišku službu wotbywacy, w l. 1181 přístup do krajneho sudu zawěšćeny. Z toho widźimy, zo běchu wíczazowje hać do kónca 12. stotka pod swojim prawym a wosebitym mjenom znaći; pozdžišo hakle přemjenowachu jich na „lehenmannow“ t. j. lenniskich ludźi a jich sydlišća „lehngüter“, wíčežne kubła.

Zbliženje z Němcami a wliw jich wopřijeća wo wšelakosći stawow w narodže wutworišćaj njerunosć wobydleřstwa. Zamóžniši zastupichu do ličby němskeho ryćeřstwa a přewzachu so z jeho duchom, po mału so přeněmčujcy, ale khudši wójnsku službu činicy, wobkhowachu pod mjenom „lehmannow“ swobodu za swoju wosobu, wobsedźachu zemju abo kubło, prawo honitwy a rybarjenja, jako tež piwowarjenja; tola za zeřmsku wobsydnosć položichu so po času na nich wíčežne dawki a wobćežnosće. Wíczazowje pak dđeržachu so po móžnosći starodawneho zwučěnja a wobstawachu na swojich prawach, a to zakhowa jich před změšenjom z Němcami.

## § 5.

### Němscy kolonisci.

Hizo pod kejžoromaj Hendrichom Ptačnikom a Otu I. čehnjechu za němskim wójskom do Serbskeho wšelacy přemysłowcy, kotřiž so w słowjanskich hrodach zasydlichu. Při tym hišće rozdawachu kejžorowje wšelakim panam słowjanske dwory a wsy. Tajcy knjezowje přiwjedźechu swoju čeledź z němskich krajow a hizo w 10. stotku załožowachu hrodźiki při Solawje, pomału k ranju hać do Łužicow so hibajcy. Najězdy Bólesława Khroběho (1002—1018) wočisćichu Łužicy wot Němcow hać do Łobja,

zapusćowachu němske wobsydnosće mjez Łobjom a Solawu, z čimž lětstotkowe prócowanje Němcow w tych stronach sylnje podrychu. Pozdžišo wotehna strašny pozběžk pohanow (1110—1118) z nowa němske wobydlefstwo ze Serbskoho, tak zo jenož w hrodach a twjerdžiznach Němcy zwostachu, zbytny kraj pak běše we wobsedženju Serbow. Hdyž w spočatku 12. stotka Wiprecht z Grojča w Pegawje pola Lipska klóštr založi, „poruči lada při rěkomaj Halštrawje a Plisnje pod pľuh wzać, ale dla njedostatka džěla-čerjow dyrbyeše kolonistow (přesydlencow) z Frankow přiwjesć a jim poskićeć, zo po wupusćenju lěsa kóždy swój kruch jako džědičnu wobsydnosć dostanje, a „zo by něšto směšne přispomniť“ přikaza tež, zo by kóždy kolonista tajku wobsydnosć, kotruž ze swojej čeledźu zwobydluje, po swojim mjenje přemjenowať. Po-  
tajkim zdaše so přemjenowanie sydlišćow w Serbskom z něm-  
skimi mjenami Wiprechtej, kiž bě słowjanskim nałožkam při-  
wučeny, jako tak wažna směšnosć, zo pegawske lětopisy njeza-  
komdžichu tuto zapisać. A woprawdže přiwjědženje němskich  
kolonistow do Serbskoho njenastupi přjedy hač po přewinjenju  
pozběžka (1118).

W krótkim po změrowanju pozběžka woteda Magdeburgski arcybiskop Adelgot, Słowjanow ze wsy Zemicy pola Magdeburga wuhnawši, ju němskim kolonistam a wuměni sebi džesatk z dokhodow. Tutón džesatk běše wunošniši dyžli słowjanski dawk z mjenom wosop (wosyp) a to pohonješe němskich knjezow hišće bóle k wobstaranju kolonistow; tola tajkich wupytać njebě lohko, dokelž wokoło Łobja a Solawy běše lud hišće wšudže słowjanski, a dale při Wezerje běše tamna njemnoha němska lud-  
nosć trěbna za wobdžěłanje samsneho kraja. Tohodla dyrbjachu  
so kolonisci wot Rheina a z Flandriskeje přiwjesć, hdžež mórske  
powodženja a wójny w domjacym kraju tamniše wobydlefstwo  
k wučahowanju nućachu.

Z nastupjenjom Wichmana na arcybiskopski stoť w Magde-  
burgu (1152) a z runočasnym wobtwjerdženjom knježenja Al-  
brechta Mjedwědža w Brandenburgu połožichu so Němcy wo-  
prawdže na přewjědženje kolonistow, a přjedy hač móžachu ěi při-  
ćahnyć, počachu słowjanske wsy na němske prawo přeměňjować,  
z čimž dyrbjachu słowjanscy ludźo z džědžičnych wobsedzerjow

zemje so na dańskich přewobroćić, němskim knjezam dawki plăćić a za swoju wosobu roboćić.

W lěće 1154 přińdže do Mišnjanskeho markhrabinstwa něšto kolonistow, kotrymž biskop Gerung wjes Korin woteda z přislušnosću plăćenja za sudnistwo, třiceći pjenjow město žitneje sypki (zip); ale što je so ze Serbami w tej wsy bydlacymi stało, wo tym so njepowěda.

W lěće 1158 kupi abt klóštra w Naumburgu, wot wěsteho Switera burgward (hród) Kluč při Muldze a „wotehna bjezbóžnych Słowjanow dla zasydlenja křesćanow“. Ale črjód kolonistow z Flandriskeje wuhladachu hakle w lěće 1159. Tući při kładnicy zasydlichu so na płódnej runinje wot Bělska do Jutroboga, a tohodla přiwwa wokolina mjeno „Flaming“. Tam založene města a wsy wobkhowachu dotal mjena, kajkež so we wóťinje kolonistow namakachu: Niemegk pomjenowany po Nimwegen, Brück po Brügge, Aken po Aachen, Kemberg po Cambray. A hdyž pusteho kraja pobrachny, kupowachu Flamandzi wsy wot němskich knjelow, kotřiž samowólnje a nahle Słowjanow z džědičnych wobsydności wuhnachu. W lěće 1159 předa abt Arnold z Ballenstadta Flamingam Nowe Sedlo (Nauzedel) a Němč při Muldze, „dotal wot Słowjanow wobydlenej“. Podobny wosud trjechi w lěće 1162 Serbow w burgwardze Stene (Sčěny) při Muldze, kotřiž buchu z přizwolenjom Albrechta Mjedwědza wotehnaći, jako tež wobydlerjow wsy Krakow pola Magdeburga, kotruž po wuhnaću Słowjanow Hollandženjo wobsydlichu. W tym samym času dostaštaj Werner a Gottfrid wjes Popenдорfstede znapřećiwo Magdeburga za wobsydenje kolonistow, kotřiž dyrbjachu pódla zwučeneho džesatka z kóždeje „hufy“ dwaj soldaj (grošej), jako tež po dwěmaj kórcomaj pšenicy a wowsa plăćić, štož so po słowjanskim zwučanju „wosop“ mjenowaše. W lěće 1173 zajachu kolonisci wsy Černicy, Dědowicy a Unstanden pola Serbišća (Zerbst), a Słowjenjo dyrbjachu wotstupić. Dwě wsy Sławoticy a Materno zawostaštaj we wobsedženstwe Słowjanow w lěće 1173, ale jich wotehnaće bě hižo doprjedy připowědžene: wobsedzerjo Němcy čakachu jenož na při kład kolonistow.

W lěće 1171 založi arcybiskop Wichman njedaloko Jutroboga w Činowje (Zinna) klóštr, w kotrymž zasydleni cisterciacy mniša so pilnje za rólne hospodarstwo starachu a tež za poněmčenje

wokolneje słowjanskeje ludnosće. Tři lěta pozdžišo (1174) pozběhny Wichman Jutrobog k nahladnosći města, wudźěli jemu magdeburgske prawo, ale łuki pódla města přepoda Flamandam. Mócny nadpad pomófskich Słowjanow, po rozkazu sakskeho wjercha Hendricha Lawa hač do Jutroboga so zahnał, trjechi strašnje tutón klóštr, kotrehož abt bu wot pohanow skónčowany (1179). Tola pokoj so w krótkim nawróci. Wichman pak wjedžeše kolonizaciju dale a přesydlowaše wjacy Flamandow, kotřiž w Jutrobogu sukelnistwo založichu a mjena wokolnych wsow přeměnowachu, a pola Jutroboga wopokazuje so samo „Flamandski“ móst.

Z rozmnoženjom kolonistow nasta změšenje dwěju narodnosćow. Słowjenjo dyrbjachu na němske prawo přeńć a na njesenje dawkow po němskim prawje so zwjazać; tola zwostawachu tež tajke wsy, kotrež starodawného nałożka so dźeržicy kóždolětnje žitny dawek z mjenom „wosyp“ płáčachu. Zwužitkujecy tajke zaměšenje we wjesnych hospodarskich wobstejenjach žadachu někotři němcy knježa wot poddanow dawek po němskim a słowjanskim prawje. Při předaću lěsa pola Čartowa Drakonej w lěće 1187 žadaše klóštr s. Marije w Magdeburgu, zo by sam Drakon starosta rólnikow był, kotřiž so tam zasydla, a potom němski dawek „bede“ a słowjanski „wosyp“ dawał. Runje tajki wosyp płáčeše wjes Sławoticy hišće w lěće 1187 a wjes Materno płáčeše žitny dawek w 13. stotku, ale tutón dawek njeměješe hižo wjacu słowjanske mjeno.

Pod potłóčowanjom přibýwajecich kolonistow čerpješe słowjanska narodnosć wjele w druhej počejce 12. stotka w krajinach bliže Magdeburga ležajecich, wosebje župa Serbišči a krajina wokoło Jutroboga, hdžež w počatku 13. stotka Němcy přewahu nad Słowjanami dostachu. W Serbskom mjez Solawu a Łobjom pak bě słowjanski žiwjoł do kónca 12. stotka při wšěch jemu činjenych křiwdach hišće mócny, a w Łužicach Němcy lědma hakle počachu so zasydleć. Přirósć němskeho žiwjoła w tych stronach bu hakle wot 13. stotka widomy, wo čimž dale hišće powěmy; mjez tym pak wobroćmy swoju kedźbnosć na knježenje wšelakich cuzokrajnych knježićerjow we Łužicach wot lěta 1136.

## § 6.

Hornja Łužica pod čěskim knježenjom (1136—1254) a pod brandenburgskim (1254—1319).

Mjez tym zo buchu Serbja w mišnjanskim markhrabinstwje w krajach, magdeburgskemu arcybiskopstwu a brandenburgskemu markhrabinstwu słušacych, ze svojich džědźičnych sydlišćow wu-čiskowani a do khudoby zapadzechu, wjeseleše so lud w Hornjej Łužicy znjesneho wobstojenja. Čěscy wjeřchowje, kiž wot lěta 1136 po lenniskim prawje Budyšinski kraj a župu Zagózd wobsedzachu, njemějachu potrěbnosće němski wliw rozšěrjeć. W lěće 1147 nadpadže mišnjanski markhrabja Konrad Hornju Łužicu a dźeržeše ju hač do lěta 1157; tola poradzi so Čecham swoje knježstwo w Łužicy z nowa dobyć, a z nastupjenjom Přemysla Otakara I. na čěski trón w l. 1197 w tutym kraju cyle njewotwisnje wot kejžorstwa knjezić. Tola tutón zmužity kral a jeho syn Wjacław I., kiž so khroble wšelakim kejžorowym moco-  
wanjam do Čech napřećiwo stawješe a wótčinu před němskimi nadpadami wobaraše, njeměještaj čuća za pozběhnjenje słowjanskeje narodnosće přez wužše zjednoćenje bratrowskich ludow z čěskej krónu. Přemysl Otakar přewzaty z poetiskim darom přócowaše so w tworjenju němskich spěwow a słušeše k minnesingeram, ale nječuše z cyła potrěbnosće duchowneho pozběhnjenja swojeje samsneje narodnosće. Tež jeho syn Wjacław I. zložowaše so po wliwje němskich nałožkow. We wočomaj tuteju kralow běchu Łužicy jimaj wosebje słušacy, dobyty kraj, kotryž so hodžeše wotstupić, džowkam jako pomoc sobu dać a rozdźělić. W přenjeji počojcy 13. stotka dźeržachu kruch Hornjeje Łužicy slezscy wjeřchowje, a druhi kruch z Rulandom a Kamjencom wotstupi Wjacław brandenburgskemu markhrabi Otej III. (wokoło 1244), najskeje jako rukowanje wuplaćenja pomocy za swoju džowku Boženu. Skónčnje njejsu jednotliwosće toho wotstupjenja znate, ale wěste je, zo po smjerći Wjacława I. (1253) Brandenburgscy w nawječornym džěle Hornjeje Łužicy knježachu, a bórzy potom dostachu tež narańši džěl kraja z Budyšinom, Zhorjelcom, Lubanjom a Lubijom (l. 1254). Jenož Žitawski kraj zwosta při Čechach.

Hdyž běchu brandenburgscy markhrabjowje Hornju Łužicu wobsadźili, njenažowachu swoje knježenje po potrěbnosćach kraja, ale k swojemu samsnemu wužitku. Kraj bě jim jako kubło, kotrež so jim za spekulaciju a za docpěće samsnych zaměrów dosta. Tuž rozdělchu markhrabjowje na zjězdze w Plawnje (1268) Hornju Łužicu na dvě džělby: Zhorjelcku z městami Zhorjelcom, Lubanjom, Schönbergom, Rozbórkom, Landskrónu a poťocu Wojerec dosta Salzwedelska linija, Budyšinsku pak z Budyšinom, Lubijom, Njeswačidłom, Kinsbórkom a druhej poťocu Wojerec Stendalska linija. Hranica mjez tymaj džělbomaj džěše po rěcy Lubaće, potom při Małej Sprewi hač do jeje zjednoćenja z Wulkej Sprewu pola Sprewic, wottudy k ranju na Mužakow k rěcy Nisy.

W času knježenja w Łužicach napadowachu markhrabjowje susodne słowjanske kraje a wadžachu so mjez sobu, hač skónčnje po Božej miłosći čěski kral Jan I. z domu Luxemburski Budyšinsku wobsadzi, a narańša džělba Hornjeje Łužicy ze Zhorjelcom, Lubanjom a Žitawu dosta so Hendrichej, wjeřchej na Jaworje a Fürstenbergu (w l. 1319). A hdyž tutón wjeřch bjez potomnikow w lěće 1346 zemře, buchu zbytnje jeho krajiny po předyšich wučinjenjach čěskej krónje přidělene.

### § 7.

Delnja Łužica pod knježenjom markhrabjow Mišnjanskich, Polakow a Brandenburgskich (1136—1373).

Wobsadziwši Delnju Łužicu w lěće 1136 přepoda ju Mišnjanski markhrabja Konrad Wettinski swojemu synej Ditrichej do zarjadowanja, kotryž z němskimi panami do zwjazka stupiwi přeciwo sakskemu wjeřchej Hendrichej Lawej napad pomórskich Słowjanow na Łužicy nawabi. Na rozkaz Hendricha Lawa mjenujcy zapusěchu črjódý pohanskeho ludu z kraja Obotrytow a Lutycow najprjedy wokolinu Jutroboga, a hdyž běchu swoje čahi hač do Wroza (Frohse) při Łobju (l. 1179) rozčahnyli, zaničowachu w slědowacym lěće 1180 Delnju Łužicu hač do Gubina. Zbity Ditrich wobkhowa drje knježenje w Delnej Łužicy, ale krótko potom zašmatachu so wobstojnosće Mišnjanskich markhrabjow ze strony pólskoslezskich wjeřchow.

W Pólskej njebě zapomnjene, zo buchu Łužicy wot njeje přez zapletki (intrigi) a krajny njeměr (1032) wottorhnjene, a z wujednanja Bólesława Zważneho w Mišnje (1071) dopokazowachu Polacy swoje prawa na Łužicy. Njenadźšte podawki, jako wučehnjenje Bólesława Zważneho z Pólskeje, njeprěstawace wójny pod Bólesławom Křiwohubnym a potom zaměšenja w jeho potomnistwje njedowolichu Polakam swoje prawa na Łužicy z brónju podpěrać. Tola hdýžkuli jim wobstojenja popřachu, dopominachu Polacy, zo dyrba Łužicy jim přisłušeć. Synowje Władysława II., najstaršeho syna Bólesława Křiwohubneho, Bólesław Dołhi, Mječišlaw a Konrad, dostawši Slezsku (1163), pomnichu sebi, zo maju pólscy wjefchowje prawo na Łužicy a zo to same na nich jako najbližšich susodow łůžiskich krajow překhadža; ale při tym wědzicy, zo je docpěće tajkeho prawa ćežke, postavichu w mjezsobnym wujednanju wo rozdźělenju Slezskeje, zo „štož Łužicy nastupa, kotrejež cyłeje so Mišnjanscy markhrabjowje mocuja, prawowanje wo tutón kraj jako wostorčene wobhladuja, hač do skónčenja zwady ze spomnjenymi markhrabjami.“

W Lubušskim kraju knježicy měwachu pólscy wjefchowje časćiše zwady dla hranicy z Mišnjanskimi markhrabjami. Sta so jónu, zo Władysław Wuzkostopny wěstu džělbu kraja, kotraž Mišnjanskemu markhrabi słušeše, najskerje Delnju Łužicu nadpadny, na čož tón z wójnskim zakroćenjom do Lubušskeho kraja a z woblehnjenjom Lubuša wotmołwješe (1209). Władysław čehnješe na woswobodjenje Lubuša a wotby njezbožownu bitwu z markhrabju, tola Lubuš njezhubi. W tym samym času poručěše slezski wjefch Hendrich Brodaty w Delnej Łužicy, jako w svojim samsnym kraju, wudžěleše privilegije a rozšěrješe swoju móc, na čož susodni Němcy ze zawistnym wokom pohladowachu. Z Hessow, Durinskeje a Mišnjanskeje zebra so 3400 jězdnych ryćerjow a jara wjele pěšich škitnikow ze sprosteho ludu. Tute wójnske mocy zjednočichu so njedaloko Wulkeho Wosyka (Grossenhain) a čehnjechu pod wjedženjom durinskeho krajneho hrabje Ludwika na Lubuš. Přědk wójnskeho čaha z 300 ryćerjemi k Lubušej dokročiwši zasta na horje nawječornje wot hrodu, zapali město a čakaše tři dny na přikhad krajneho hrabje z wójskom (w juliju 1225). Krajny hrabja poča nadběh na hród, wobsadka wobaraše so wósm dnjow, na wotwoboru ča-



kajo; ale hdyž ta njepríndže, podda so wobsadka a krajny hrabja zaja hród a hotowaše so hižo na domojwrót. Tola runje w tym času přičeže Hendrich Brodaty ze svojim wojskom. Što je so dale stało, njeje znate, khiba jenož to, zo bu Lubuš tehdy Hendrichej z nowa wróceny; tón pak přemyslowaše, kak by so nad Němcami wječit, a zhromadžeše wojsko. Ale w krótkim zjewi so nowy napadnik (prætendent) na Lubuš, mjenujcy Magdeburgski arcybiskop Wilibrand.

W l. 1235 přiswoji sebi mišnjanski markhrabja Hendrich Jasny, hdyž do Prus dla wobroćenja pohanow z brónju čehnješe, džělbu D. Łužicy a wudžěli Gubinej privilegij na magdeburgske prawa, ale bórzy potom knježi Hendrich Brodaty z nowa w D. Łužicy hač do swojeje smjerće (1238). Tule wobstojnosć wužiwajo napadže arcybiskop Wilibrand na Lubuš a wobłěhowaše jón někotre tydženje, doniž slezski wječch Hendrich z wotwoboru njepríndže. Zbity Wilibrand čekny do Magdeburga, ale njeprěsta intrigowač a ze susodami so zrěčowač, kak by Lubuš dobył. Mjez tym časom měšeše so Hendrich Jasny do domjacych zwadow slezskich wječchow, napadny a wobkhowa Delnju Łužicu, ale njeje znate, w kotrym lěće so to sta; tola zda so, zo je to w lěće 1245 było. Někotře lěta pozdžišo nawabichu Wilibrand a Brandenburgscy rozbrojateho Bólesława Plěchača, zo jim Lubuš za mału summu pjenjez do zastawy da. A hdyž pjenjezy na wěsty termin wupłaćene njebuchu, zawosta Lubuš w rukach Němcow (1250).

Hdyž wječchowje Wettinskeho domu we D. Łužicy zaso knježenje dostachu, wokhudnychu tak, zo njemóžachu swoje wobsydnosće zwobarač, a tohodla předachu je Brandenburgskim, kotřiž najprjedy (1304) Hródk, Khočebuz a Lubin zajachu a poť lěta pozdžišo přěndže tež zbytk Delnjeje Łužicy do jich rukow. Zarjadowanje brandenburgskich markhrabjow běše pokračowanje mišnjanskich zarjadowanjow w němskim duchu a njepomhaše serbskemu ludej w ničim. Bychmy móhli wo tym mjelčeč, ale w lěće 1348 zjewi so čłowjek njeznateho pokhoda, kotryž so za markhrabju Waldemara wudawaše, kiž bě w lěće 1319 zemrěł abo z jědom zawdaty był. Tutón falšny napadnik powědaše, zo je po rozkazu bamža 28 lět pokućenja dla w dalokich krajach přebywał a zo je so po minjenju tutoho časa wrócić dla přewzača markhrabinstwa. Mnohim němskim panam so zdaše, zo je wón

woprawdźiwy Waldemar, tohodla stupichu na jeho stronu a pomachu jemu k dobyću wjele městow, haj samoho Barlina. Tehdyši kejžor Karl IV. připózna Waldemara jako brandenburgskeho markhrabju, a tutón wotrjekny so ze swojeje strony Delnjeje Łužicy, kotruž Karl IV. Čecham přidžěli w lěće 1348. Mjez tym pak poča prjedyši brandenburgski markhrabja Ludwik, hdyž bě so we Frankfurće při Wódrje wobtwjerdźił, wójnu z Waldemarom, ale po třoch lětach hakle na zjězdze w Budyšinje w lěće 1350 so jemu poradži Karla IV. wot Waldemara jako čłowjeka njewěsteho pokhoda wotwobroćić a sebi wotstupjenje Delnjeje Łužicy wujednać. Za to pak wotrjekny so Ludwik wšitkich prawow na Hornju Łužicu. Waldemar dźeržeše so hišće někotre lěta w Brandenburgu, ale wot Karla IV. jako ludak poznamjenjeny, skhowa so do Dessaua a skónči tam žiwjenje w samóće (l. 1357).

Nastupnicy markhrabje Ludwika wujednachu sebi z Karlom IV. wotstupjenje D. Łužicy za wěste zarunanje, ale hdyž pozdžišo wujednanje dopjelně nechychu, zakroči Karl IV. do Brandenburgskeje, doby Lubuš a přinući markhrabju Otu českej krónje Brandenburgsku z cyłej Łužicu wotstupić, za což Karl IV. Otej a jeho přiwuznym 500,000 złotych zaplaćić a někotre hrody w Hornjej Pfalcy wotpušćić přislubi (15. augusta 1373).

Tak buchu Łužicy po wotstupjenju Polakow w l. 1032 přez němsku politiku rozkuskowane a w běhu 340 lět wot jednoho knjeza k druhemu přemjetowane, hač buchu skónčnje zjednocene do jedneje cyłoty pod wjeřšnistwom českeho kralestwa, kotřež z pohladom na serbsku narodnosć, hač runje nic starosćiwe, tola z najmjeńša passive stojnišćo přislubjowaše.

## § 8.

Pad serbskeje narodnosće mjez Solawu a Łobjom.

Z rozmnoženjom němskich kolonistow mjez Solawu a Łobjom w druhej połojcy 12. lětstotka začuwachu Němcy swoju móc a nałożowachu nětko zjawnje srědky k wutupjenju Serbow.

Pod wliwom knježerstwa a cyrkwe wotrodźichu so zamóžići serbscy knjezowje tak spěšnje, zo hižo wosředź 12. stotka wo nich ničo słyšeć njeje. Wíćazowje jězdnu službu na kubiach

markhrabjow a klóštrow činicy běchu wjeseli, zo so jim wosobina swoboda zawostawi a zo maju prawo pod krajnym sudom stać, nic pod sudom němских zemjanow, w tym lětstotku dla přescěhafstwa a njesprawnosće znatych. Potom běše tu hišće mnohosć wjesneho ludu, prjedyšich zhromadnowobsydnych prawow wurubjeného a do poddanow přewobročeného. Kejžorowje běchu hižo w 10. a 11. stotku wjele serbskich wsow markhrabjam a cyrkwjam rozdarowali, njemało serbskich rodžin bu w 12. stotku z jich džědžičnych wobsydności wuhnaty, dla zasydlenja kolonistow; kóždy dzeń pohóršowaše so wosud wjesnjanow, kotřiž běchu nuzowani čezke zjawne roboty při twarjenju a porjedženju twjerdžiznow, dróhow a mostow dokonjeć abo swojim knjezam słužić, před kotrychž sudom stojachu. Jelizo so ze wsy wuhnaty Słowjan domoj wróci, dđeržachu jeho jako njewólnika. A hišće njebě na tym dosć! Nahrabnosť potłóčowarjow wumysli sebi wšelaku přičinu k wodrěcu luda, kotryž zakitanja pola knježefstwa njeměješe. Po starych podawiznach dyrbyeše kóždy Słowjan po 6 fenigach z krajneje hufy plăćić. Holca, kiž so wudawaše, plăćeše knjezej šiling a mać za zemrěte džěco dwaj šilingaj. Mać, kiž dawk za zemrěte džěco składowaše, zaruna z tym škodu, kajkuž knjez abo ryčeř měješe, dokelž bě wo jednoho njewólnika khudši! Wurěči za přikrywanje tajkeho rubjenja běše dosć, ale to wšitko dowjedže Serbow do nuzy, nućeše jich do wučehnjenja z džědžičnych sydlišćow a do překhoda na němске prawo. Wo to pak so němscy knježa poprawom prócowachu. Starodawne zřadowanje słowjanskeje wsy rozbić a tak Serbam móžnosť mjezsobneje pomocy ze zjednocenymi mocami wotewzać, kaž při žadankach knježefstwa a knježstwa, tak při druhich čezkich wobstojnosťach, to bu nadawk Němcow, kotřiž so wot počejcy 12. stotka zjawnje prócowachu, zo bychu spěšnišo Serbow zničili a kolonistow zasydlili. Ale Serbja tak lohcy njewotstupichu. Wotehnaći z wótcneje wsy twarjachu sebi nowu wjes toho sameho mjena, a Němcy k tomu mjenu „Wendisch t. j. słowjanska“ přidawachu dla rozeznaća wot starodawneje wsy, kotraž bě přez kolonistow wotewzata.

Surowe rozkazy knježefstwa a potłóčowanja knježstwow rozhorichu mysl Serbow a zažehlachu narodne hidženje tak jara, zo Němcy na Serbow pohladowachu jako na psow, a Serbja na-

wopak njemóžachu swoju wotkhillnosć přećiwo potlóčowarjam potajić. Skónčnje přińdže k tomu, zo běštaj Němc přećiwo Serbej a Serb přećiwo Němcej w sudach stajnje hotowaj falšne swědčenja dawać, čohoždla „Sakske Hladadło“\*) postawi, zo před sudom Němc přećiwo Słowjanej, ani Słowjan přećiwo Němcej swědčić njesmětaj, dokelž je znate, zo je kóžda strona hotowa wšelaku njeprawdu, z kotrejš by druhej stronje zeškodzić móhła, jako prawdu z prisahu wobtwjerdzić.

Z běhom časa potlóčowanje serbskeje narodnosće přiběraše. Němscy prawnicy hněwachu so na wobkhowanje stareho zwučěnja, po kotrymž dyrbyeše sebi sudnik, kiž serbsku rěč njerozjmeše, tołmačerja dźeržeć a prawowanja Serbow tež w jich wótcowskej rěči sudzić. Ale mnohosć serbskeho ludu zadźěwaše hišće zběhnjenju tutoho zwučěnja. Hakle na kóncu 13. stotku prikaza w najdalšej stronje serbskeho kraja, w nětčišej Anhaltskej, wjerch Bernhard II. (1293), zo bychu so prawowanja Serbow wjacy po serbsku njewotbywale. W 14. stotku zahnu Němcy, Anhaltskeho wjercha naslědujcy, serbsku rěč w sudach jara wobhladniwje, najprjedy w městnach ze Sakskej mjezowacych, a pomału pokročowachu z tym wot wječora k ranju. Tak zakaza w Altenburgu (w prjedyšej Plisnjanskej) hrabja Fridrich před swojej smjerću (1327) serbsku rěč a wupraji wšitkich Serbow za wustorčenych ze zjawnych zastojsnstwow. Wokoło tutoho časa počachu serbsku rěč při Solawje a we wokolnosći Lipska přescěhać, hdžež buchu Serbja nuzowani, před sudom němsku rěč wužiwać. Něšto pozdžišo bu serbsčina ze sudu w Zwikowje wučisnjena, a hač runje Karl IV. w „złotej buli“ l. 1356 markhrabjam a wjercham kejžorstwa prikaza słowjansku rěč česćić, njedźiwachu Němcy na to a zběhujcy pomału słowjanske sudy wuhnachu tež w Mišnje serbsku rěč ze sudow w léće 1427.

Njemějcy křesćanskeje wučby a ani jedneje knižki w swojej zrozumiwjej rěči zapadowachu Serbja do ćemnoty a njemějachu mocy so přećiwo němčinje sprěć, kotraž bě přez knježerstwo, cyrkej a šulu podpěrana. Cyłe lětstotki nuzowany němsku rěč slyšeć wot duchownych, zastojsnikow a zemjanskich wobsydnikow, zhubi serbski lud pomału swoju wótcowsku rěč a přeněmčowaše

\*) Sachsenspiegel je zběrka prawow, w spočatku 13. stotka spisana.

so, serbske wsy so minychu a němske so množachu. Pad narodnosće počinaše so při Solawje, hdžež běše napěranje Němcow sylniše, a we wokolinach Jutroboga, přez Flamandow zasydlenych. Tam namakamy w lěće 1275 pola Bělska słowjansku wjes Wendtorp, a pola Jutroboga staj so pólla němskeju wsow Alstorp a Linde dvě, słowjanski Alstorp a słowjanska Lipa, zdžeržaloj hač do lěta 1459. W susodnej Canje (Zhanne) měrješe so zemja hišće w 14. stotku po słowjanskich łanach\*) (Wendeschen hauen), ale měra po flamandskich łanach běše hižo powšitkownje znata tež na ľewej stronje Łobja.

Wuhnaći a wurubjowani wot knježich a wot kolonistow pytachu Serbja wućeć a zaslužbu w městach, ale tež tu stawješe jim njepřećelska zawisć zadžěwki. W měsće Jutrobogu smědzachu Serbja khěžki kupować po płaciznje nic wyše 16 kop pražskich gróšow, ale domy wyššeje hódnoty zakaza w lěće 1419 měščanska rada Słowjanam předawać. W Draždžanach běše za čas wolerja-wjefcha Ernsta a wjefcha Albrechta (1472) zakazane, tajkich do rjemjeslniskich jednotow přiwzać, kotřiž z němskeho ludu njepokhadžachu. Jelizo ohcyše so štó do druheho města přesydlěć a do měščanstwa zapisać, dyrbješe po knježeřskich wukazach w jeho wobswědčenju spomnjene być, zo njeje wot serbskeju staršeu rodzeny, ale wot němskeju. Podobne wukazy buchu po wšitkich městach nic jeno sakskich, ale tež w brandenburgskich a za Łobjom wšudže wudate, hdžežkuli so Słowjenjo namakachu. W Lipsku wobkedžbowachu so tajke předpisy kruće hišće wosrjedź 16. lěstotka. Z jednym słowom Němcy mějachu dosć wumysłow a srědkow, zo Serbam wšu móžnotu derjeměća wotewzachu a jich do khudoby, do služowniskeho a roboćeřskeho powołanja zastorčichu.

Z njezbožom poraženi, wokhudženi a w duchownej ćemnoće pokorjeni njeběchu Serbja w 14. a 15. stotku hižo wjacy podobni na svojich zwažnych, wojowniskich a wobhladniwych prawótcow 10. stotka. Njewólnistwo přez někotre lěstotki bě narodneho ducha zaničiło, towaršniske zřadowanje roztorhało a jim prje-

---

\*) Łan, die Hufe, Hube. Łannik, pozdžišo: lennik, Hűfner, Vollspanner; poľłanik — poľłeněk.

dyše pócćiwosće rubiło: wotewrjenosć, hospodliwosć a lubosć k maćefnej rěči. Lud nuzowany dzeń wote dnja kedźbować, zo bychu jeho njeprěćelowje z ludanjom posłědny kusk khlěba njewzali, přizwa zamknjeny charakter a njemysleše na hospodliwosć; přetož wón mjeješe starosć wo jutřiši dzeń a wo kut, hdžež by móhl wotpočnyć a swoje kosće złožiť. Wuwiwajo so wusměšnju ze strony swojich knjezow a knježeskich služownikow přiswoji sebi serbski lud cuzokrajne wuprajenje, kepsaše swoju rjanu rěč, wotbywaše z Němcami njedorozymjene němske modlitwy, ale Němce přeco njebu a być nechcyše. Přepozdže dopomni so wyšnosć na wbohi serbski lud, zo by so z pomocu narodnej rěče w cyrkwach, šulach a z pomocu wudawanych knihow za jeho zdžětanosć postarała! Hdyž Serbja potom k reformaciji přěndžechu, počachu so z Němcami bóle měšeć, rěč bu hišće bóle po němsku zložowana, starodawne wótcowske podawizny so zapomnichu a ludžo přiwzachu stojnišće němskich poddanow. Tola došlo hišće wotpočowaše znamješko słowjanskeho pokhoda na potomnikach změčenyh Serbow, wot Němcow samych hidzenych a zastorkowanych. Hdyž skónčnje serbska narodnosć mjez Solawu a Łobjom cyle do rowa zestupi, w časach třiceciletnej wójny, tehdy hakle přestachu Němcy za wusměchowanje a potłóčowanje Serbow srědki wumysleć\*).

### § 9.

## Serbska narodnosć we Łužicach w běhu 13. a 14. stotka.

Kak snadny wliw Němcow na lužiskich Serbow, kiž křesćanstwo tola na stajne hižo pod pólskim kralowanjom přijachu, pozdžišo běše, dopokazuje spodziwnje pomałke załožowanje a twarjenje cyrkwjow, štož ani wo horliwym a spomóžnym wučenju křesćanstwa njeswědči. Po podawiznje natwari hakle biskop s. Benno přerjnu cyrkej w Hodziju, hišće pozdžišo spominaju so cyrkwe w Jaworniku a Zawidowje (Seidenberg) a hakle w léće 1181, za markhrabju Ditricha II., nasta w Dobroługu na lužiskomišnjanskich pomjezach klóštr cisterciskich mnichow, a wokoło l. 1200

---

\*) To nastupa jenož kraj mjez Solawu a Łobjom; we Łužicach pak je potłóčowanje Serbow přiběrało w 17. a 18. stotku. Přirunaj niže VII. § 2.

wobnowi Bernhard I., pan na Kamjencu, spaleny klóštr w tutym měsće. Při tutych a druhich cyrkwjach postawjeni duchowni Němcy, serbsčinu njerozymjeicy, njenadeńdzachu wuspěcha mjez Serbami, kotřiž tehdy němskeje rěče z cyła njerozymjachu. W tym času spózna mišnjanski biskop Bruno II., rodzeny pan z Barta, sam serbskeje rěče mócný, zo so křesćanska wučba hubjenje přima a jenož lěno rozšěrja dla njedostatka duchownych, kiž bychu serbsku rěč derje znali. Wón wotmysli sebi srědky podač, zo bychu so tajcy duchowni přihotowač móhli. Tohodla natwari najprjedy ze swójeho zamóženja cyrkej s. Pětra w Budyšinje (w lěće 1213) a založi při njej z někotrej pomocu markhrabje kollegiatski kapitl, kotryž pod wjeršnistwo mišnjanskeho biskopa stawi. Při tutym kapitlu mějachu młodši Serbja wuknyč, zo bychu potom duchownske přisłušnosće we Łužicach derje dopjelneli. Tohodla wuměni sebi biskop Bruno, zo bychu duchowni we Łužicy serbsku rěč dokładnje znali; z teje přičiny buchu jako duchowni najbóle Serbja powołani abo tola tajcy, kiž běchu z najmjeńša jedneje ze słowjanskich rěči mócní. Podawizna powěda, zo hdyž jedyn z čěskich kralow w šuli Budyšinskej wěsteho Němca powoła, Serbja jemu přikhilleni njeběchu, ale jeho skónčnje wuhnachu.

Wot toho časa počachu so we Łužicach cyrkwy a klóštry množić\*); duchowni rozwučowachu lud w zrozymliwej rěči a čěske knježerstwo njepodpěraše z najmjeńša němske wotmysly, hač runje za pozběhnjenje serbskeje narodnosće ničo njeskutkowaše.

---

\*) Klóštr franciskanow w Budyšinje w lěće 1217—1225; cisterciiskich mniškow w Marijnym Dole pola Wostrowca přez čěsku kralownu Kunigundu 1234 abo 1239; franciskanow w Žitawje přez panow z Lipy 1260; cisterciiskich mniškow w Marijnej Hwězdze přez třoch bratrow panow na Kamjencu: Witega, Burkharda a Bernharda 1264; cisterciiskich mnichow w Nowej Cali přez markhrabju Hendricha Jasneho 1260—1268; franciskanow abo minoritow w Lubanju přez tamnišich měšćanow k česći s. Křiža a Knježny Marije 1273; konwent franciskanow w Žarowje přez knjezow z Džěwina w l. 1274 abo 1299; franciskanow w Khočebuzu 1280—1300 přez Richarda z Khočebuza; dominikanow w Łukowje 1291; pokutnicow s. Marije Madleny (magdalenkow) w Lubanju přez wjeřcha Hendricha na Jaworje a Fürstenbergu 1320; franciskanow w Lubiju 1336; celestinow na Ojwinje pola Žitawy přez Karla IV. 1369 na měsće w lěće 1357 wutupjeného rubježniskeho hrodu; pozdźišo hišće wjele druhich. Wšitke su so zhubiłe hač na Marijnu Hwězdu a Marijny Doł.

Na njezbože njeslušše Hornja Łužica českej krónje jako džěl českeho kralestwa, ale jako kejžorska wobsydność, českim kralom po lenniskim prawje, z čimž so wšelakim němskim panam puć k zapletkam a napadam do Łužicow wotewri. Při tym namaka so Delnja Łužica pod knježenjom Wukhódnych a Brandenburgskich markhrabjow, pod kotrychž zakitom Němcy w kraju přibywachu, w městach so zasydlachu a zemjanske wobsydnośće do svojich rukow zaběrachu. W 13. stotku běchu w Łužicach hišće zamóžići Serbja, kiž wobšěrne kubła wobsedźachu, ale nje-kedźbni na potrěbnośće kraja předawachu swoje džědźične dwory a hrody Němcam, kotřiž radži za tunje pjenjezy rjane wobsydnośće kupowachu. Wokoło l. 1218 wotstupi Mojko, knjez nadobneho rodu, mišnjanskemu biskopej Brunej II. swój hród a wobsydność Stołpno. Tutón hród bu město a srjedzišćo biskopskich wobsydnośći, kotrež so po času rozmnožichu; tam zasydleni Serbja pak buchu poddani biskopstwa. Druzy knjezowje spředawachu swoje kubła němskim ryčerjam a panam, kotřiž zasydliwši so ze swojej čeledźu w předyšich knjezowskich dworach sebi hrody natwarichu a wjacj svojich krajanow přiwjědzechu, tworicy tak němske sydlišća w serbskim kraju. Tajke wusydlenje serbskich knjezow z jich wobsydnośći, pak přez předań pak přez přemóc postupowaše spěšnje, hdyž nasrjedź 13. stotka hižo Němcy w knjezowskich hrodach a dworach sedźachu, přiběrajcy mjena wot přewzatych sydlišćow abo knježich dworow. Z toho nastachu na łužiskej zemi zamóžići panowje a knježa: von Kamenz, Kottwitz (z Kotec), v. Krakowe, v. Pannewitz, v. Teichnitz a druzy. Do črjódy tutych panow přistupichu zněmčeni knjezowje, kotřiž podobnje jako Němcy mjena wot svojich kubłow přiwzachu. Wot tajkich zněmčenych knjezow pokhadžeju zemjanske swójby von Nostitz, a tež von Kittlitz běše znata swójba hižo w 12. stotku.

Ze změšenja cuzokrajnych panow ze zněmčenymi knjezami wutwori so w 13. stotku wosebity staw łužiskich zemjanow, rozdźeleny na ryčerjow a panošow (Ritter und Knechte), kotřiž so wo powjetšenje zamóženja w kejžorskej službje prócowachu. Někotři z tutych zhromadźichu w swojej rucy wobšěrne zemjanske kubła a zasydliwši so we wobtwardženym hrodźe rozkazowachu wokolnemu ludej nimale jako njewotwisni knježerjo. Tak two-



rjachu so wosebite wjetše panstwa a mjeńše knježstwa, po něm-sku „Herrschaften“ mjenowane: Wojerecy, Kamjenc, Njeswačidło, Mužakow, Ruland, Pentzig, Barut, Ketlicy a jara wjele druhich, kiž mějachu swoje wosebite sudy (Patrimonialgerichte), přez čož wjesna ludnosť bóle wot tutych zemjanskich panow a knjezow wotwisowaše, dyžli wot čěskich kralow a wot markhrabjow. Po měrje přibýwanja němskich knjezow pohórši so staw serbskich rólnikow, kiž dyrbjachu po starodawnym słowjanskim prawje přislušnosće činić při twarjenju a porjedenju hrodow, dróhow, mostow, tež wšelake wójskowe wobćežnosće njese a k tomu hišće knjezom služić, kotřiž jich pomatu do robočanow přewobročachu. W prjedyšim času wědžeše serbski rólnik, kiž zjawne wobćežnosće njeseše a dawki plaćeše, zo to čini jako přislušnosť za swoju džědžičnu zemju a za wosobinsku swobodu; tola wot 13. stotka dyrbyeše starodawne čez njese a tež mowe přislušnosće dopjel-njeć, a k tomu zemju wobdžětać nic jako džědžić, ale jako poddan w hrodze sedžaceho zemjana, kotryž dawk žadaše a tež sprawnosť wuměrjowaše. Při tajkim porjadku zběhaše drje so swědomjo serbskeho ludu, ale ruka čwělowarjow bě jón hižo přez měru sylnje potłóčiła, zo by so móhl dopomnić, kak su jeho prawa jemu z přemocu wotewzate.

Zawěsće njebychu zemjenjo sami ze swojej čeledźu tak čezku kwaklu na serbskich rólnikow napołožiť zamóhli, ale jim přikhadžachu črjódý němskich kolonistow na pomoc, kotřiž wot počatka 13. stotka z Mišna po „kralowskej drózy“ hač do Pólskeje čahachu. Po tutej drózy rozwiješe so postup přikhadnikow, kiž mějachu we wěstych zdalenosćach nócne hospody, a w tych městnach zasydlichu so němscy korčmarjo, kupcy a rjemjeslnicy, přez čož so tež Kamjenc, Budyšin, Lubij, Zhorjelc a Lubań z Němcami napjelnichu. Přikhadnicy zawjedžechu swoje porjady, stojachu pod wosebitym sudom, tworjachu nowu towafšnosť w prjedy serbskich městach a dostachu pod zakitom markhrabjow přewahu nad serbskim wobydlefstwom, kotrež bu přeco niže zestorkane.

W 12. stotku wobsydleše serbska ludnosť runiny na woběmaj stronomaj Sprewje jara husće, ale stroniny čěskich horow na lužiskim boku běchu tehdy hišće mało wobydleny. Tute znate hory z rjanymi městnosćemi a z bohatstwom přirody wa-

bjachu Němcow k sebi, kotřiž ze spočatkem 13. stotka do tutych krajinow přičahować počínachu. Přikhadnicy spobiwachu prastare lěsy, zwobsadźichu prjedy serbsku zemju jako swójstwo, založowachu wsy po němskim nałożku, dawachu jim mjena w swojej rěči abo překepsachu prjedyše słowjanske wjesne a městnišćowe mjena hač do njepóznaća, n. př. Schirgiswalde za Šěrachow, Neukirch za Wjazonica a t. d. Wot toho časa su Sněžnicy a Sněžka potom Schneeberge a Schneekoppe, Jelenjowa Hora je Hirschberg, rěčka Kamjenica Steinbach, Jědlowa Rosenbach a t. d. Po někotrych džesatkach lět bu kraj k poźdnju wot Biskopic, Lubija, Zhorjelca a Lubanja tak z cuzokrajnikami přepjelnjeny, zo so serbske wobydleŕstwo dospołnje pozhubi a jenož njemnohe městnowe wjele skažene pomjenowanja hišće swědča, zo bě tam něhdy serbska abo z cyła słowjanska krajina. Na tajke wašnje buchu Serbja w 13. stotku wot Čechow wottorhnjeni přez pasmo němskich wsow, stajnje na škodu Serbow so rozšěrjowacych. Či přikhadnicy, woswobodženi wot njesenja wobćežnosći a zjawnych přisłušnosći, přiběrachu na zamóženju, rozmnožichu so, wužiwachu prawa swobodnych krajanow, a jich potomnicy zapomniwši, zo wot přikhadnikow wukhadžeju, pohladowachu na počišćenych Serbow jako na lud, kiž je wot Boha zanjechany.

Z rozmnoženjom Němcow w 13. stotku wotbywachu so krajne sudy po němsku, ale Serbja njerozýmjachu němskeje rěče. Tuž dyrbjachu Němcy dla serbskich wjesnjawanow wosebite sudy postawić, „Landgerichte“ mjenowane. Serbscy poddani mišnjanskeho biskopstwa słušachu před sud w Hodźiju, hdžež bě sudny stoł (Dingstuhl) za 24 biskopowych wsow. Tam předsydowaše wjesny sudnik (Landrichter) biskopoweje krajneje džělby w Hodźiju, a wuzwoleni z třoch druhich biskopowych a pozdžišo wjeřchow-skich serbskich wsow stołpnjanskeho knježstwa přisydowachu jako radcy abo ławnicy (Landschöppen). Sudniske jednanje běše serbske.

Runje tak běše w Budyšinje wosebity wotdžěl sudu za serbskich wjesnjawanow a rěkaše „das wendische Landgericht“. Krajny bohota pomjenowa po swojim spodobanju sudnika samoho, dwaj ławnikaj pak běštaj džědźičnaj a rěkaštaj starostaj. Pozdžišo bě krajny kancleř přitomny. Sud wotbywaše so w budyškim hrodze. Tež w Zhorjalcu běše wotdžěl sudu za serbskich wjesnjawanow, w kotrymž starostowje sydachu.

Do měščanskich sudow słušachu jenož někotre wsy, kotrež we wobwodže (Weichbild) tajkich městow ležachu. Zemjanam a klóštram słušace wsy stojachu pod knježimi abo patri-monialnymi sudami, kotrež mějachu prawo swojim poddatym čelne a druhe khłostanje přisudzić, haj tež šibjeńcu. To wotwisowaše wot privilegiji, kajkež so knjezej poradzi pola markhrabjow a potom pola čěskich kralow sebi wuwabić. Tak wu-prosy sebi Hendrich z Ketlic (v. Kittlitz) wot krala Jana w léće 1345 rozšěrjenje sudnistwa za swoje džesać wsow w budyšinskim a zhorjelskim wokrjesu z prawom sudniskeho nućenja, kaž tež bića z kijemi a šibjeńcy.

Kralowje a markhrabjowje postawjachu sudy jenož w tych wsach, kotrež zemjanam njesłušachu. Do knježich sudow njesłušachu najprjedy w jich wsach ležace sydlišća a kubła wicázow, ale přemóc na to njedžiwaše. Hdyž so ryčěrjo njehańbowachu po drózy přejěždžowacych kupcow wurubić, kak móžachu so wužitka z přičahowanja swobodnych ludźi na swoje sudy hišće wotrjec? Wulcy panowje so njebojachu swoju jurisdikciju na swoich vasallow samo tež z ryčefstwa rozšěrić; čohodla bychu woni wjetšu přecelnosć wopokazować měli wicázam, nětko hižo „lehmannam“, kiž so serbskeje narodnosće hišće džeržachu? Zaměšenje w zjawnym prawodawstwje 13. a 14. stotka wotwěraše šěroke polo za znjewužíwanje a přemóc a běše wužitne za Němcow w kraju knježacych. Ale to bě z tym žalostniše za Serbow, kiž běchu ze stawa swobodnych krajanow wustorčeni, zakitaceho prawa wurubjeni, na zabyće wotsudženi a jenož w padže nuzy spominani w knježefskich pismach z wohidžacym mjenom „wendische Bauern“.

## VI.

### Łužicy w zwjazku z Čechami (1319—1635).

#### § 1.

Knježenje krala Jana, kejžora Karla IV. a jeho synow Jana a Wjacława IV. (1319—1419).

Kral Jan z domu Luxemburski, po narodźe Němc, we wukraju kubłany, njemóžeše z cyła čěsku rěč a njestaraše so wo

pozběhnjenje narodneho žiwjoła w Čechach. Wón zjednoči wjetši džěl Hornjeje Łužicy pod swoje knježstwo, zawostawiši južno-wukhódnaj wokrjesaj Lubanja a Žitawy we wobsydności slezskeho wjeřcha Hendricha. Jeho knježenje je pomnjeća hódné přez potłóčenje rubježnistwa łužiskich ryčerjow, kotřiž napadujcy ze svojich wobtwjerdženych hrodow na nimo jězdžacych tak jara kraj krjudowachu, zo pokojny přejězd kupcow a přewóz two-row móžny njeběše. Po rozkazu krala Jana powoła hornjołužiski bohót Hanuš z Worganowic wotpóslancow šesćich měst: Budyšina, Kamjenca, Lubija, Zhorjelca, Žitawy a Lubanja do Lubija k poradže dla wotwobroćenja strašnosće. Města so zwjazachu mjez sobu sebi pomhać a ze zjednoćenymi mocami přećiwo rubježnikam skutkować (1346). Tutón přisľub bu załožk zjednoćenja hornjołužiskich měst pod mjenom zwjazk šesći měst. Zwjazkowe města wutupichu ze zjednoćenymi mocami rubježniske hrody a wuhnachu zlóstnikow z kraja, po čimž zjawna bjezstrašnosć a zbožownosć městow so z nowa wróci. Za wolóženje wikowskich wobstojnosći natwari so po rozkazu krala Jana nowa dróha, z Draždžan přez Budyšin a Zhorjelc do Pólskeje wjedzaca a do džensnišeho dnja wobstojaca. Nimo toho nałožowaše kral Jan srědki k zawjedženju porjada w kraju, wobdari města z privilegijemi, wudžěli jim magdeburgske sudy a wšelake wikowafske prawa, přez čož města wuraznu přědnjosć před wsami dostachu ze škodu serbskeho ludu. Tutón lud zakhowa wótcowske zwučenja a swoju řeč, podleža pak woli knježich, kotřiž jón po swojej mysli wobknježowachu, ale žadyn z čěskich zastojnikow so nje-dopomni jeho byće polěpšić. Tuž lud na wsach wokhudžeše w nje-zbožu a čěmnoće, w městach pak dyrbjachu so Serbja we wšom po Němcach zložować, kotřiž horjeka stojachu, tak zo w kraju njeknježachu čěscy zastojnicy, ale němscy knježa a němscy měšćenjo. A tak běše to hač do smjerće krala Jana, kotryž na stronje svojich přecelow Francózow z Jendželčanami wojujo w bitwje pola Cressy padže w lěće 1346.

Starosćiwiši wo słowjansku narodnosć běše Janowy syn, čěski kral a romski kejžor Karl IV. (1346—1376). Po jeho woli založi so w Prazy universita (1348), z čimž so wuznamnosć Prahi wjele powyšil. W Prazy wotbywachu w l. 1356 čěske, morawske, slezske a łužiske krajne stawy wulki zhromadny sejm, na ko-

trymž so poručí, zo maju wšitke tehdy k Čecham přislušace kraje přichodnje njerozdělnosć českeje króny tworíć. Po tutym wobzamknjenju buchu Łužicy na stajne wobsydnosć českich kralow. Starosćiwcy wo porjad w kraju a wo dobrobyće swojich poddanow wuda Karl IV. w léće 1356 pomnjeća hódnu listinu, tak mjenowanu złotu bullu, w kotrejž wjefcham a hrabjam němskeho kejžorstwa jich prawa a přislušnosće rozpomina a prikazuje, zo maju synowje a nastupnicy českeho krala, pfalcgrafa, sakskeho wjefcha, brandenburgskeho markhrabje a wolefskich wjefchow pódda swojeje wótcowskeje němskeje rěče „wot sedmeho žiwjeńskeho léta włošski a słowjanski jazyk so wučić, a zo dyrbyja ěi knježa swojich synow w tajkich městnach wukublać, hdžež bychu tutym jazykam přiwuknyć móhli.“ Tutón rozkaz nastupowaše wosebje brandenburgskich markhrabjow a sakskich wjefchow, kotřiž wobšěrne słowjanske kraje pod swojim knježenjom mějicy njepřestawachu słowjansku narodnosć potłóčeć a kotřiž njedźiwajcy na kejžorowy rozkaz słowjansku rěč z cyrkwjow a sudow wuhonjachu.

Dwě léće před smjerću rozděli Karl IV. swoje kraje mjez třoch synow: Wjacław dosta Čechi z titulom krala, Sigmund markhrabinstwo Brandenburgske, a najmłódši Jan Łužicy z titulom wjefcha Zhorjelciskeho we wotwisnosći wot krala Wjacława. Njeměr w Čechach a zajeće krala Wjacława přez českich panow w Prahy pohnuštaj Jana, zo z mnohim wójskom do Čech bratřej Wjacławej na pomoc čehnješe, ale jeho njelubowacym panam, w přezjednosći z markhrabju Sigmundom, so poradzi Wjacława z Janom rozkorić. Bórzy potom pak zemře Jan (1396) a jeho Łužicu dosta Wjacław IV.

Přiběracy njeměr w Čechach, wójna krala Wjacława z bratrom Sigmundom, wospjetowane zajeće krala Wjacława a jeho přepodaće rakuskim wjefcham, nawrót Wjacława do kraja a nowa domjaca wójna, to wšitko njedowoli Wjacławej wo Łužicy so postarać. Prjedyše rubježnistwa so wobnowjachu. Njeměrník Hanuš z Khoćebuza, zhromadźiwši 800 jězdnych rubježnikow přičeže před Budyšin, wurubi wokolinu, wotwjedže, štož móžeše a spali 22 wsow (1401). W městach njebě tež žadyn pokoj: měšćenjo wadžachu so z magistratom a wjacykroć přindže mjez nimi hač k wojowanju; najwjětše rokoćenje pak wubuchny w Bu-



dyšinje. Rjemjeslniske jednoty, z wuwzaćom rěznikow, walichu so z črjódami na radnicu 25. meje 1405, wotehnachu magistrat a postavichu nowych ze swojeje srjedźizny wuzwolenych měšćanskich radcow. Na powołanje budyšinskeho bohota přičahny wójwoda Bólko Münsterbergski\*) ze Slezskeje z wójskom, zaja hród Ortenburg, wupraji w měsće wobleženske prawo a poručí swojemu synej wjedźenje města. Tola njeměr trajaše hišće tři lěta. Hakle potom přindže kral Wjacław, w Čechach so wobtwjerdžiwiši, do Budyšina, pokhosta njeměrnikow a wobstara zaso měr (1408). Krótko na to zebra so w Čechach nowe, dla wučby Jana Husa so spočinace wojowanie, kotrež ze svojim zahubjenjom tež Łužicam wjele zeškodži. Tohodla dyrbymy tehdyše powdawk w Čechach přede všim wopominać.

Wot 10. lětstotka rosćeše hidźenje mjez Słowjanami a Němcami, kotřiž so do słowjanskeje zemje tłóčachu. Němcy, hordzi z toho, zo jich kralowje přez zbožowne zjednoćenje wobstojnosći krónu swjateho romskeho kejžorstwa nošachu, běchu sebi wumyslili, zo su woni něšto wyšše dyžli Słowjenjo a zo jim knježenje nad Słowjanami přisłuša. K tutej nadutosci přitowafši so hišće njepoměrna požadosć Saksow a wuhlady na wobohaćenje přez cuzu prócu. Zbože we wójnach ze Słowjanami při delnim Łobju a jich podćisnjenje w 12. stotku rozhorichu němsku fantasiu do tajkeho stopnja, zo Němcy wjacj njepotajachu swój zaměr zaničenja Słowjanow a wobsadźenja jich krajow přez kolonistow wot Rheina a z Hollandskeje. Haj, woni zamyslichu sebi tež w njewotwisnym čěskim kralestwje hospodarić jako w svojim kraju, a mjez tym zaplećechu so čěscy kralowje do němskeje politiki a njezamóžachu přiběracj němski wliw w Čechach zahać. Dóndže k tomu, zo bě w 14. stotku magistrat w Prazy ze samych Němcow zestawjeny, a w cyrkwjach přědowaše so po němsku. Njepřećelnosć čěskeho ludu přećiwo Němcam a přećiwo duchownstwu, kotrež swoju móc znjewuži, wopokazowaše so často. To zrozumi Karl IV. a rozšěrješe tohodla ludowe prawa, tola njewotstroni němsku přewahu w Prazy. Słowjanska narodnosć so znjepokoji a žadaše nawróćenje svojich přislušnych prawow. Němcy a duchownska wyšnosć pak nochcychu popuścić.

\*) Münsterberg — Ziębice po pólsku, Zebicy by było po serbsku; ale to mjeno njeje pola nas znate.

W přěnich lětach 15. stotka poča Jan Hus, magister filosofije a bohawučenosće, ze sprósteho wjesneho ludu, swoje přědowanja w kapačcy bethlehemskej w Prazy. Běše to jena tych njemnohich małych swjatnicow, hdžež móžeše Hus we wótcowskej rěči přědować; přetož we wjetších cyrkwjach wučěše so po němsku. Syły posłucharjow Husa, kotřiž běchu z jeho wučbu přewzaći, wubudźowachu strach w cyrkwinej wyšnosći. Přindže k wurěčowanjam w cyrkwjach w přitomnosći ludu a Hus bu jako bludnik wuwolany, hač runje wón na wotšćěpjenje wot cyrkwe njemysleše. Wón wučěše najprjedy jenož trěbne porjedženje žiwjenja swětskich a duchownych, pozdžišo zmyli hakle w někotrych artiklach wěry; tež wudžělenje s. eucharistije pod woběmaj podobomaj žadaše wón jenož z přizwolenjom cyrkwe. Tola zwady wo prawu wěru njebychu lud tak rozhorić, hdy by w Husu tež mysl wo woswobodženju narodneho ducha z němskeje přemocy so njewujewiła.

Wot cyrkwinskih zwadow přědže so k zwadam na universice. Karl IV. bě postawił, zo bychu w universitskej radže Čechowje tři hłosy měli, Němcy pak z druhimi cuzymi narodami jedyn; tola njeminychu so ani pjećdesat lět wot załoženja university, jako sebi Němcy tři hłosy přiswojichu a Čecham jenož jedyn zwostawichu. Na žadosć narodneje strony pak wuda kral Wjacław w léce 1409 nowy rozkaz, zo maju so Čecham z nowa tři hłosy přiwobroćić. Na to so Němcy njesměrnje rozhněwachu a počachu z črjódami Prahu wopuścić. Na 30,000 studentow wotčahny z university (z nimi załoži so nowa universita w Lipsku a universita w Krakowje so posylni), a 5000 Němcow wopuščichu Prahu. Tola zawosta w Prazy hišće wjele Němcow, hdyž móžeše magistrat, z wjetša z Němcow wobstojacy a z narodnym hidženjom napjelnjeny, třoch młodźencow za swobodne wuprajenje měnjenja na smjerc wotsudzić, a to runje tehdy, hdyž bě tón samy magistrat Pražanam zawěsćić, zo so tutym młodźencam nič zleho njestanje (1412). Tónle hanibny skutk wubudzi žalostne rozhorjenje w Pražanach a nućeše krala Wjacława srědky nałožiť, zo by njekhmanstwu tamnišich němskich zastojnikow zadžěwał. Njeswěrný starosta Prahi, Jan Oertel, bu po kralowskim rozkazu sčaty a ličba Čechow w měšćanskej radže bu z ličbu Němcow runa sćinjena. Mjez tym přědowaše Hus ludej

a wustupowaše přećiwo znjewužiwanju wotpuskow. Wón bu skónčnje na cyrkwinu zhromadźiznu (koncil) do Konstanca powołany, zo by so svojich wučbow dla wosprawnił. Dostawši přewodny jeho wosobu zakitacy list wot kejžora Sigmunda poda so tohodla do Konstanca; tola tam bu do jastwa sadženy, z přeslyšowanjom přez svojich njepräčelow trapjeny, wot theologow wusměchowany a po přepodaću swětnej mocy na šćěpowcu spaleny (6. julija 1415). Krótko potom sta so to same z Husowym wučownikom a präčelom Hieronymom z Prahi (30. meje 1416). Smjerć Husa běše wonječesćenje cyłego českeho naroda, kotryž bě wot koncila njedótknjenosć magistra Husa žadał. Započachu so wozjewjenja njespokojnosće, ale koncil na to njedžiwaše, wupraji wšěch přiwisnikow Husa za wotpadnikow wot cyrkwy a napominaše knježestwa k předobyću kecarjow. Husitowje počachu na wobaranje myslić spóznawajcy, zo so tu bóle wo wosobu českeho naroda dyžli wo wuznaće wěry jedna. Wosrjedź najwjětšeho duchowneho wojowanja zemře kral Wjacław IV. 16. augusta 1419, před samym spočatkom najžałostnišeje wójny, kotraž měješe w krótkim tež na Łužicy so rozprästrěć.

## § 2.

### Husitske wójny (1420—1436).

Myslo na dostaće českeje króny po njedawno zemřětym bratře Wjacławje, poručil kejžor Sigmund wolefskim a druhim wjefcham Němskeje, zo bychu Čěsku napadnyli. Němske duchownstwo přědowaše wšudže křižowu wójnu přećiwo českim kecarjam. Spodźiwne hibanje nasta tež w českim kraju: wšudže wołaše so do brónje dla wotraženja Němcow, kiž chcedža z Čechami tak zakhadžeć, jako to něhdy w mišnjanskim a w přiłobskich krajach činjachu.

Njeměr w Čechach skutkowaše mócne tež na Łužicy, z nim w zwjazku stojace. Porjada njeběše nihdže: kóždy činješe, kaž sebi mysleše. Husowa wučba nadeńdže tež we Łužicach přiwisnikow, ale mało, přetož tu poručachu Němcy, jeho njepräčele. Spominajo na zaděrženje łužiskich Němcow posła kejžor Sigmund z Wrótsławja 1420 łužiskim zwjazkowym městam přikaz, zo bychu so na wójnsku wuprawu přihotowali dla přewinjenja.



Čechow, a tak čehnjechu jich wobrónjene syły pod rozkazom hejtmana Hlawaća z Lipy ke kejžorej. Łužiske šěsć města poslušachu kejžorowe rozkazy přez 14 njedźeli, potom pak zanjechachu dalše wobrónnenje; tola jich njepřečelske postawjenje přečiwo Čecham dawaše Husitam přičinu k napadej na Łužicy. Wobydlerjo Budyšina zebrachu so spěšnje k powyšanju spadanych wotwjerdženjow, a wokolni zemjenjo a wjesnjenjo džětachu pilnje při twarjenju nasypow. K tutomu džětu pomhaše wosebje abtysa klóštra Marijneje Hwězdy z tym, zo kóždy dzeń na 300 robočerjow připósła. Bórzy nasypachu so wysoke nasypy, wumurjowachu so móčne předmurje a wěže, wobstara so město z wójskej brónju a wuhotowa so přisprawnje k wobaranju. Druhe zwjazkowe města so tež wobrónichu, dokelž Němcy so Husitow njesměrnje bojachu. Jenož serbski lud běše bjezdžakny přihladowať při tym, štož so kołowokoł sta.

Najězd Husitow na Łužicy bu zadžeržany přez přičěnnjenje 150,000 křižowcow do Čech, kotřiž hač k Prazy docpěchu, ale tam buchu wot čěskeho ludu, na spěšne z cypami a pikami wobrónjeneho, krawwnje zbići a dyrbjachu z prózdnym woteńć. W slědowacym léće 1421 zakročichu nowe wójska 200,000 mužů pod wjednistwow arcybiskopow Kólnskeho, Mainzskeho a Trierskeho do Čech wot wječora přez Cheb (Eger), a tež wot poćdnja postupowaše kejžor Sigmund z 60,000 wojakow, ale wón bu přez Jana Žižku pola Habrow (w januaru 1422) zbity a dyrbješe čěkać. Sigmund sam njeprěndže wjacy do Čech hač do skónčěnja husitskeje wójn, kotraž hišće 14 lět traješe.

Hdyž so hłowne bitwy we wokolinach Prahi bijachu, khwatachu mjeńše wotdžělenja husitskich wojowarjow na łužiske hranicy, zo bychu nadpady Němcow wotdžeržowali. Dokelž Žitawu dobyć njemóžachu, wurubichu Husići blizki klóštr Ojwin a w léće 1425 napadźechu Lubij a spalichu tamniše předměsća. Pozdžišo khwataše wójsko zwjazkowych šěsći měst pod wjednistwom bohota Hansa z Koldic na pomoc 30tysacowej mišnjanskej arměji, kotraž ze sylnej artilleriju a wulkim přihotom za lěhwa do Čech čehnješe. Husitowje zjednočichu pod wjedženjom wjercha Sigmunda Korybuta z domu Jagellonow, Hinka Koldsteinskeho z Waldsteina a Prokopa Wulkeho (wjednika po Žižkowej smjerći 1424) swoje mocy njedaloko města Ustí (Aussig) a bijachu z Miš-

njanskimi bitwu, jenu z najkrwawnišich w husitskich wójnach. Porazeŋi Mišnjenjo zhubichu nimale cyłu artilleriju a 4000 ludźi, Łužiske wotdźělenje wójska pak bu cyle pobite a rozpjersene (1426). W slědowacym lěće 1427 nadpadźechu Husići pod wjednistwom wobeju Prokopow (Wulkeho a Małeho) Łužicu, zbichu Němcow blisko pola Žitawy, dobychu Lubań, kotrehož předměsća spalichu, a zapusćiwiši wokolinu Zhorjelca wotćahnychu do Slezskeje. Budyšina so Husići njedótknychu, tola měšćenjo přeswědčeni, zo jich předkhaďacy napad z Mišnjanami do Čech bjez wjećenja njewostanje, počachu wobtwjerdženja ponowjeć a na woboru so přihotować z tym bóle, dokelž Hans z Polenc z druhimi panami a tež ze šěsćimi městami přećiwo Husitam wustupowaše. Tola Čechowje mějachu w druhich stronach wojować a njemóžachu tehdy hišće Łužiskich Němcow jako wotpadnikow wot českeho sejma pokhostać. Hakle w lěće 1429 čehnješe Prokop Wulki, wokolinu Zhorjelca zapusćiwiši a tamniše předměsća spaliwiši, na Budyšin, nad kotrymž so wulke njewjedro hromadžeše; ale Husići wobroćichu so nahle na Kamjenc, kotryž po štyrjoch dnjach nadběhowanja zdobychu a cyle wutupichu. Tajki wosud dóndže tež klóštr Marijneje Hwězdy.

Po dobyću Kamjenca přičeže 4000 Husitow pod wjedženjom Mječslawčka před Budyšin, hdžež bě Timo z Koldic wójnski nawjedował. Na 12. oktobra 1429 počachu Husići město wobłěhować a nazajtra wobtrělachu je z třoch stron. Na třěci dzeń hišće jónu; město bě w žalostnym straše, ale hdyž bu Mječslawčk smjertnje ranjeny, wotstupichu Husići na próstwu měščanow wot dalšeho wobłěhowanja a wotćahnychu do Delnjeje Łužicy, na swojim puću sebi hołdowanie wunućicy w městach Łukowje, Kalawje a Drjewku, a Hródk wot měščanow wopušćeny spalichu. Po někotrych dnjach wotpočinka w Khoćebuzu pokroči česke wójsko hač přez brandenburgsku hranicu, doby wjetše město Gubin, kotrehož wobydlerjo buch do zajeća wotwjedzeni, a město bu do popjoła přewobroćene. Runje tak sta so klóštrej Nowej Celli. Pad Gubina napjelni wokolinu z tajkim strachom, zo ludźo wjacjacy na woboru njemyslachu, ale khwatachu w njedostupnych lěsach so wukhować. Čechowje pak postupowachu hač do Krosna, a wottam k pońdnju so wobroćiwši čehnjechu nimo Žahanja a Bolestawja přez Lubań a Žitawu z wulkej dobytwu domoj.

W tym samym lěće (1429) wučahny česke wójsko w ličbje 44.000 wojownikow, pod wjedženjom Prokopa Wulkeho, Jana Králowca (hejtmana Syrotkow), Jakuba Kroměšína z Březowic (hejtmana Taboritow) a wjele druhich ryčérjow, w decembru do Mišnjanskeje a poznamjeni dróhu swojeho postupowanja z mječom a zapalowanjom. Předměsa Pirny a Dražďzan buchu spalene, a pola Grimmy zhromadźene němske wójska čěkachu na powěsć wo přibližowanju Husitow do Hannovera a Bajerskeje. Čechowje pak wokoliny Lipska a Magdeburga wurubiwiši wróćichu so z mnohimi wurubkami domoj (februaru 1430). W slědowacym lěće přičeže z nowa mjeńše wotdźělenje čěskich wojownikow do Łužicy a ěi napadnychu 20. februara Budyšin. Nadběh bě zaso strašny, ale wjednicy Husitow zběhnychu z njeznateje přičiny woblehnenje Budyšina a čehnjechu do Lubija, kotryž 6. měrca dobychu; na to Lubaň zapaliwiši prócowachu so Zhorjelc dobyć, a hdyž so to njeporadzi, zwostachu na swoim stojnišću w Lubiju, hdžež nadpady Slezakow a z nimi zjednoceneje wójskeje mocy šěsći měst dobyćeřscy wotražowachu.

Stajna strašnosť a bojose wo přichod a k tomu wjelestronske přeswědčenje, zo je njemóžno Husitow předobyć, nuzowachu lužiskich Němcow přiměr z Čechami pytać. Jednanja wo tym so spočachu, ale jenož Budyšin a Žitawa wobzamknyštej separatny přiměr, za kotryž Budyšinjenje 300 kop gróšow zaplaćichu. Zhorjelčenje, na swoje móčne murje so spušećcy nochychu k přiměrej přistupić a druge města činjachu po jich přikładze. To dawaše Husitam přičinu k nowym napadam a zapalenju městow: Zawidowa (Seidenberg) a Lěsneje (Marklissa). Potom nastawaca njejednota mjez stronistwami Husitow, domjaca wójna a smjerć wobeju Prokopow w bitwje pola Lipan (30. meje 1434) zastawichu dalše najězdy do Łužicow. Skónčnje spózna kejšorsko-němska strona, po 16 lět z małymi přestawkami trajacej krwawej wójnje, zo je přewinjenje Čechow njemóžne, a zo dyrbi so wotmysleneho podćisnjenja Čechow wotrjec. Tohodla dowjedna a wozjewi so w měsće Jihlawje přiwzaće tajkich wuměnenjow, kajkež sebi Čechowje za swoje kraje přejachu a kajkež běchu na cyrkwinym koncilu w Baselu přizwolene, wosebje dostawanje s. sakramenta pod woběmaj podobomaj. To sta so 5. julija 1436 w přitomnosći kejšora Sigmunda, kotryž bu tam nětko jako čěski

kral připóznaty; přetož wón bě 1421 wot Čechow wotsadžený, kotřiž potom Witołda Litwjanskeho za krala požadachu a jako jeho naměstnika Sigmunda Korybuta přiwzachu.

Přez cyły čas tuteje wójny knježeše kejžor Sigmund we Łužicach jako w swojim samsnym kraju a zwaži sebi z wobškodženjom prawow českeje króny Delnju Łužicu Hansej z Polenc zastawić (1429). Tež lužiscy panowje a knježa, kaž tež zwjazkowe města, přećiwnicy Čechow, njekomdžachu so swojemu prawemu knježicerjej, mějicerjej českeje króny a českemu sejmej njeswěrní być, a z tym přiwjedzechu na swój kraj wójnu a zapusćowanje přez Husitow, kotřiž njepríndžechu do Łužicow jako rozšěrjerjo swojeho wuznaća, ale jenož jako wječerjo za nadpady Němcow na Čechi.

### § 3.

Zwady wo knježenje w Łužicach; napadnistwo Brandenburgskich na Delnju Łužicu a wobkhowanje Khoćebuza a Picnja (1436—1457).

Krótko knježenje w Čechach kejžora Sigmunda (1436—1437) a jeho nastupnika krala Albrechta z domu Habsburgskeho (1437—1439) zadžeržowaše jenož stajne wójny, ale njemóžeše rozhorjene zmyslenja wujednać. Łužiscy Němcy a zwjazkowe města, z hidženjom Čechow přewzaći, počachu bórzy po smjerći Albrechta česke mjezy nadpadować, cyle bjez přičiny k tomu. Bjezkralowstwo w Čechach (1439—1453) a zwady stornistwow mjez sobu wostabichu česke knježenje we Łužicach, z čohož wšelacy intriganći wužitk pytać so njekomdžachu.

Hilžbjeta, wudowa po kralu Albrechće, njedziwajo na nerozdělnosć krajow českej krónje přislušacych, chcyše Łužicy swojej dzowcy Hanje, kotruž za sakskeho wjeřcha Wilhelma wudać so nadžěješe, jako pomoc dać (1441). Z tym nastroženy lužiski bohot Mikławš z Polenc poda so, hač runje jemu saksy wjeřchowje za jeho prawa džědžičneho bohotstwa pjenježne zaruhanje slubichu, pod škit brandenburgskeho markhrabje Fridricha na tři lěta. To zwužitkujo zakroči Fridrich z lesću do Khoćebuza (1445) a potom wobsadži tež Picń z wobwodom (1448). Smjerć Hilžbjety (19. decembra 1442) wotwobroći drje

přihotowane wojowania: panowje z Polenc zwostachu při swoim prawje, ale Brandenburgscy počachu hižo w Delnjej Łužicy hospodarjować. Bórzy na to nasta zaměr Łužicy Margareće nje-wěšće Fridricha Čichomyslného ze Sakskeje, sotře Władysława Posmjertnika (Posthuma), syna zemřětoho krala Albrechta, jako pomoc podać. Ale narodne česke stronistwo, na kotrehož přědku wótčinc Jurij Poděbradski stoješe, a tež sakski wjeřch Wilhelm a brandenburgski markhrabja Fridrich II. nočeychu wotedaće Łužicow Margareće přizwolić (1448). Tuž poča so z nowa nje-měr, kotryž Brandenburgskim, z mocu do Delnjeje Łužicy so čišćacym, derje posłuži.

W tym času rozpominachu w Jihlawje na sejmnje zhroma-  
dzeni čescy panowje lužiske naleznosće a wobzamknychu přećiwu  
Jednoće Strakonické, kiž bě kejžorej přiwisna, wozjewjenje lu-  
žiskim krajnym stawam z dopominanjom, zo ničto prawa nima  
wot českeje króny lužiske kraje wottorhnyć (1449). Tola dyr-  
bjachu Čechowje brandenburgskim markhrabjam, kotřiž sebi pra-  
wo na bohotstwo w Delnjej Łužicy přimocowachu, popuścić a  
polěkować, na čož njeprěćelnje pohladowacy sakski wjeřch Fri-  
drich swoje napadnistwo z brónju popodpěra, ale přez branden-  
burgskich stronarjow pobity (1450) dyrbyeše pytanje svojich pra-  
wow wotstorčić.

Znamjenity zarjadnik českeho kralestwa Jurij Poděbradski  
(w oktobru 1451 wuzwoleny) wuprawi w lěće 1453 k branden-  
burgskemu markhrabi Fridrichej poselstwo z přislušnej summu  
pjenjez dla wupłaćenja za prawo džědźičneho bohotstwa w Delnjej  
Łužicy, zo bychy po předyšich wujednanjach wšitke prawa na  
Łužicy (w Hornjej mějachy panowje z Koldic bohotstwo, w Del-  
njej Polencscy) z nowa českej krónje nawróćene byće. Tuto  
poselstwo pak ničo njewuskutkowa. Bratr markhrabje Fridricha,  
Albrecht Achilles, kiž so stajnje přećel Čechow mjenowaše,  
njejhwtataše z dopjelnjnjom wujednanja.

W tym času wotstupi Władysław Posmjertnik abo  
Ladislav po swoim krónowanju jako česki kral (28. oktobra 1453)  
Zdenkej Konopištskemu ze Sternberga (10. januara 1454)  
wšitke swoje prawa na Khoćebuzski hród, město a kraj, z wu-  
měnjenjom, zo by tón tu polojeu, kotruž bě brandenburgski  
markhrabja Fridrich wot Rinalda z Khoćebuza přez zastawjenje

dostał, zaso wróćo kupił, a druhu połojcu, přez Luthera z Khoćebuza dżeržanu, po jeho smjerći zdžědził, potom pak wobě džělby jako lennistwo českeje króny džědzičnje wobkhował.

Njedotło potom dżeržestaj markhrabi Jan a Albrecht, w počatku meje 1454 do Prahi přišedši, přecelstwo z českim kralestwom a markhrabja Fridrich wobkhowa swój wobsadžený džěl D. Łužicy jako česke lennistwo. A hač runje so markhrabjam njeporadzi cyłu Delnju Łužicu wobsydnyć, njepuščichu tola po swojim nałożku to, štož jónu zapřimnychu. Khočebuz njedosta so ženje panam ze Sternberga, jim zbywachu jenož prědzne prawa, wo kotrež Sternbergscy so prócować njepřestawachu hač do połojcy 19. lětstotka. Tak zdžerža sebi markhrabja Fridrich Khočebuzsku a Picnjansku po kupčěfsku dobytu krajinu a přihotowaše z tym swojim nastupnikam puć k wjetšim wotebrankam we Łužicach.

Njednota w knježerstwje a njeporjad w Čechach dawachu so mócnje začuwać tež we Łužicach, hač do smjerće młodeho krala Władystawa Posmjertnika (23. novembra 1457).

#### § 4.

Knježenje Jurija Poděbradskeho; napadnistwo Maćija Korvina (1458—1471).

Jurij Poděbradski, 2. měrca 1458 jako česki kral wuzwoleny, wotmysli sebi swoju wótčinu, wot časa wotstupjenja kejžora Karla IV. stajnje znjepokojowanu, z nowa k přjedyšej mocy pozběhnyć a wšitke jejne wobstatkowe džělby po přislušnosći zjednoćić. Łužicy pak po přikładze Slezskeje so zadžeržejcy nochychu jeho za swojeho krala spóznać; přetož němskim panam zdaše so njehódne, muža z nizkeho rodu nad sebjepowyšić; přelaćić pak začpěwachu jeho jako kecarja a městam so njespodobaše, zo měješe jim Čech a Słowjan rozkazować. Tola podarmo běchu prócowanja łužiskich Němcow wo wuzwolenje jednoho z němskich wječchow na česki trón: Jurij přewiny njepřecelow a pomjenowa burghrabju Zdenka Konopištskeho ze Sternberga jako knježěrskeho naměstnika we Łužicach, jako by brandenburgskim wolefskim wječham pokazać chcył, zo přjedyše slubjenja rodžinje Sternbergow dżeržec wě. Zwada, wot dawna so

žehlaca, z nowa wudyri. Wolefski wjech Fridrich zjedna drje so na připóznace krala Jurija; ale hdyž wo sebi napřečivnym wuprajenju krala zhoni, chcyše so na kejžora wotwołać a wuwiješe so. Hdyž potom k zjawnemu njeprěčelstwu z brandenburgskim wolefskim wjechom přindže (1461), wozjewi Jurij mjez druhimi njeprawymi postupami markhrabjow, zo su woni, hdyž so w zwadže wo Khoćebuzske lennistwo ze Zdenkom Sternbergskim rozsudžeše, njepristušne wurěče činili. Tohodla poručil kral Jurij Zdenkej, zo dyrbi swoje prawa z brónju podpěrać a do Delnjeje Łužicy zakročić. Tam hotowachu so němscy ryčerjo, Jurijej njeprikhilni, w mócnym hrodze při Khoćebuzu so zamknywši, na wobaranje. Kompanije šěsći měst z jich čěžkimi kanonami woblehnychu tutón hród a wutupichu jón. Fridrich boješe so nětko wo swoje džědžične wobsydnosće a žadaše skónčenje wójny přez jednanja. Jurij porokowaše jemu wótrje jeho njeprawu zadžerženje. Skónčnje wobzamkny so přiměr w Mosće, ale tón bu bórzy zaso zběhnjeny; tola njewě so, přez kotru stranu. Tuž čehnjechu wójske syły Čechow do Łužicow a tež Jurij přindže z mnohimi čěskimi panami do Budyšina; ludžo myslachu, zo so do Brandenburškeje hotuje. Němcow přewza bojose, dokelž měnjachu, zo so husitske napady wobnowja; ale mjez tym poda so kral Jurij přez Zhorjelc do Głogowa, hdžež z pólskim kralom Kazimirom Jagellonskim so zetkawši w spominanju na jenajku řeč a pokhadženje, sławne wujednanje mjezsobneje pomocy wobzamkny (30. meje 1462). Někotre dny pozdžišo sčini Jurij tež z markhrabju Fridrichom pokoj w Gubinje, w kotrymž jemu 10,000 kop gróšow wukupje wuplaći a w njetřebnej wulkomyslnosći hišće Khoćebuz na lenniskim prawje wotstupi. Zbytne Łužicy pak buchu čěskej krónje nawrócene a pod zarjadnistwo nowomjenowaneho bohota Albrechta Kostki z Postupic poddate. Prócowanja panow ze Sternberga wostachu bjez wuspěcha.

Hakle po tajkich podawkach džeržeše so Jurij za woprawdžiweho knježicerja we Łužicach a přijědže do Budyšina, zo by tu po starym wašnju na radnicy přisahu zložil a sebi hołdować dał (1463). Wobstajny pokoj zdaše so nastawać w krajach čěskej krónje přislušacych, hač bórzy nowe njewjedro cyłemu kralestwu hrozje poča. Kral Jurij, po přeću wjetšiny so zložujo, zakhowa

so přecelnje w nastupanju přiwisnikow Husoweje wučby. To poda bamžej Piej II. přičinu k powołanju Jurija do Roma, zo by so tam swojeho zadžerženja dla wosprawnił. Hdyž pak Jurij po rozkazu nječinješe, zbudžowaše bamž wjerchow Němskeje k wójnskej wuprawje do Čech. A hač runje Pius II. w krótkim zemře (1464), powoła jeho nastupnik Pawoł II. Jurija z nowa do Roma a wuzamkny jeho z cyrkwe, wotwjaza jeho poddanow wot přisahi a wupraji jeho za wotsadženeho wot českeho kralowstwa, kotrež pólskemu kralej Kazimirej Jagellonskemu poskićowaše. A hdyž tón tajkeho poskićenja přijec nechceyš, namołwi bamž wuherskeho krala Maćija Korvina k tomu. Tehdy we Wrótsławju sydlacy bamžowy legat biskop Rudolf z Rūdesheima šcuwawaše Jurijowych poddanow, bamžowe bulle po krajach českeje króny rozesyłajo. Wón wobroći so tež k wobydlerjam Łužicow, ale podarmo: panowje a města wobkhowachu kralej swěru a njeđiwachu na rozkazy biskopa Rudolfa, po kotrychž nichtó w kralowym mjenje ničo činić njesmědžeše pod hroženjom klatwy. Bohot Hornjeje Łužicy, Beneš Libšteinski z Kolowrat, na swěrnosć wjetšiny wobsydných knjezow a města Budyšina so spušejo, njekedźbowaše na intrigi biskopa a njewidžeše potřebnosć, město z wobsadku wobsadzić. Hród Wojerecy, w tym času wobsydnosć panow ze Schönburga, běše městno zhromadženja a wukhowa kralowskich stronarjow. Zhorjelc, bohate a synje wobtwjerdžene město, tohorunja kralej swěru nježłama. Tola wotpadnjenje někotrych znamjenitých panow wot krala, mjez kotrymiž so Zdenko ze Sternberga namaka, a brónski wuspěch bamžoweho stronistwa wuskutkowa rozšćěpjenje. Duchowni zjawnje přeciwo kralej wustupujcy šcuwachu lud samo w času Božej služby k pozběžkej přeciwo knježefskej mocy; tež lužiscy Němcy wuprajichu so skónčnje přeciwo kralej Jurijej a pomjenowachu jako lužiskeho naměstnika nětko Jarosława, staršeho syna Zdenka ze Sternberga (1467). Kralej swěrný zwostawacy hornjołužiski bohota Beneš z Kolowrata wotstupi bjez spjećenja dobrowólnje z Łužicy. Nětko hakle započa so wójna.

Łužiske šesćiměsta wotewrichu (w septembru 1467) nje- přecělske kročeje z wuprawu 4000 wojownikow do Čech a ze spalenjom 9 wsow. Za to zahubichu čescy panowje wokolinu Žitawy z wohnjom. We Wojerecach wobaraše so Jurijowy přecel,



Fridrich ze Schönburga, přećiwo zjednočenej mocy šěści měst. Nawjedowaŕ tutenje mocy, lužiski bohot Jan z Wartenberga, wob-lehny Wojerowski hród (27. septembra 1467), bombardowaše doŕho a předoby jón lědma na kóncu slědowaceho lěta (1468). Mjez tym čehnještaj so bohotaj delnjołužiski Boto z Ilburga a hornjołužiski Jarosław ze Sternberga, přijawši stronu krala Ma-ćija, ze Slezakami sobu do Čech, z wulkej surowosću wójnu wjeducy, na čož samo katholska strona skoržeše (1468). Čechowje wotrunachu to z najězdom na Łužicy. Maćij wozjewi so jako česki kral a žadaše podpísničenje Slezskeje a Łužicow, při čimž wjele spjećenja njenadeńdže. Dla wotraženja lužiskich Němcow wupósła kral Jurij swójeho syna Hendricha a Mikławša Střelu z Rokic. Střela zakroči do Łužicow (w spočatku septembra 1469), zbi Němcow pola Žitawy, spali Zawidow a Friedland, po čimž dale dobywajcy a zapusćejcy do Slezskeje čehnješe. Tola zbože khileše so na stronu Maćija, kotryž při wšěch přócowanjach Jurija Slezsku a Łužicy při sebi zdžerža. Wotpósłani z Łužicow přisahachu Maćijej we Wrótsławju 7. junija 1469.

W běhu tutych podawkow skutkowaše wrótsławski biskop Rudolf z Rūdesheima najpilnišo a namaka tež podpěru pola duchownych. Jich službam dyrbyeše Maćij Korvin swój wu-spěch w času najězda do českich krajow so džakować. Ale hač k přewinjenju Jurija bě hišće daleko. Tón měješe wjele přiwisnikow, móc charakteru a wutrajnosć; wójske zbože so wažeše, tola smjerć Jurija (22. měrca 1471) přeměni dotalne rjadowanje krajow a stawi prašenje: što ma česki kral być?

## § 5.

Knježenje Maćija Korvina a kralow z domu Jagellonow: Władysława II. a Ludwika (1471–1526).

Dwě hłownej českej stronistwje měještej móc, zo byštej swój hłós wažiłoj při wuzwolenju noweho krala. Přiwisnicy bamžowsko-němscy cheychu Maćija Korvina, z nimi zjednočichu so tež lužiscy ryćerjo a města; narodna strona utraquistow pak žadaše sebi, džiwajo na přeće zemřěteho krala Jurija, Władysława, syna pólskeho krala Kazimira Jagellonskeho. Tuta strona doby a 16lětny młodźenc Władysław II. bu na česki trón pozběhnjeny

(1471). Tola bamžowskoněmske stronistwo nochcyše Władysława připóznać a dzeržeše so Maćija, kotrehož bamž podpěraše. Maćij wotmysli sebi wo čěsku krónu z brónju wojować; tola tež kral Kazimir pósła swojemu synej 60,000 Polakow na pomoc. Wójna z přetorhnjenjemi někotre lěta trajaše, hač so skónčnje w lěće 1478 mjez Władysławom a Maćijom we Wołomucu wujednanje sta, po kotrymž bu Władysław jako čěski kral připóznaty a Čechi wobsadzi, ale druge kraje čěskeje króny: Morawa, Slezska a Łužicy, wostachu při Maćiju z wuměnjenjom, zo po jeho smjerći z nowa čěskej krónje připadnu.

Tuto wujednanje bě po přeću łůžiskich Němcow, kotrymž bě wuherski kral Maćij lubši dyžli Władysław, kotrehož narodne čěske stronistwo na trón pozběhny. Jenajkosć słowjanskeho pokhadženja Polakow a Čechow, přez krala Jurija ščinjene kročełe k zbliženju bratrowskeju narodow napjelnichu Němcow ze strachom a pokhilichu jich na Maćijowu stronu. Tola woni zmylichu w swojim wočakowanju. Maćij staraše so přede wšitkim wo porjad w kraju, natwari hród Ortenburg w Budyšinje z nowa (1483), a jeho zastojnicy njepřepušćichu samowólnosć němskich panow a ryčerjow, haj wobkhadžachu druhdy surowje z njeposlušnym zemjanstwom a měšćanstwom. W tym nastupanju je bohota Delnjeje Łužicy, Jurij v. Stein, přečel a lubuš krala Maćija, pomnjeća hódny. Skónčnje w lěće 1486 wobzamkny Maćij přiměr z Pólskej a z Čechami přećiwo Němskej. Nětko hakle móžachu so Němcy přeswědčić, zo je Maćij jich njepřečel. Z kajkej radosću přijachu po tajkim powěsć wo smjerći krala Maćija (6. hapyrła 1490) a wo skónčenju wuherskeho knježenja! Hnydom wobsadžichu łůžiske stawy hród w Budyšinje a wotmyslichu sebi bohota wuzwolić, ale kral Władysław II. da jim wozjewiće, zo po dotalnym nałożku sam čěskeho pana jako bohota poznamjeni a pósła na tuto zastojnstwo Sigmunda z Wartenberga.

Přewzaće knježenja we Łužicach přez krala Władysława II. připadny do pokojneho časa a jeho mudre postupowanje lubješe wobkhowanje dalšeho měra w kraju. Nad tym so łůžisce Němcy zradowachu, khwalachu Władysława a chychu sebi wot noweho krala privilegije wudobyć, kóždy staw — zemjenjo a města — na swój wužitk. Hižo wot l. 1490 jednachu zwjazkowe šěsć města mjez sobu, zo bychu pokoj wužiwaycy swoju móc w kraju

powyšiše, njelutowachu pjenjez na dostaće privilegiji w kralowskich kenclijach, prikupowachu wjele zemjanskich kubłow po předložonych ryčerjach a činjachu sebi přećelow mjez kralowskimi pobóčnikami. Ryčerski staw pak, wokhudnywši w prjedyšich wójnach, zabawješe so z rubježnistwom a pohladowaše ze zawisću na přiběracu móc městow. Stare zwady wo sudniske prawo, w swojim załožku zašmatane, wubudźichu rozhorjenje mjez ryčerstwom a městami. Přińdže k zjawnym njepřećelstwam. Wobaj stawaj podaštaj so ke kralej z předpołożenjom svojich přećow. Města spušecej so na swoju nahladnosć a na miłosć krala, kotrehož Zhorjelčeno „gnaediger Herr“ mjenowachu, prócowachu so wo rozšěrjenje prawomócnosće městow na susodnu wokolinu, hdzež sudy hižo wot zemjanow wotwisowachu. Tola kak so měšćenjo Němcy spodźiwachu, hdyž bu jich wotpósłancam w léće 1510 w Kutnej Horje kralowski wusud wozjewjeny w českej rěči! Wotpósłancy městow woteńdžechu, a ryčerjo wostachu hišće kralej so džakować za wusud, kotryž na škodu městow poručí, zo poddani ryčerjow w budyšinskim wobwodže nimaju w Budyšinje so sudzić, ale zo dyrbi kóždy před swój ryčerski sud słušeć. Z tym pak so zwada njeskónči, města mjelčachu na khwilu, ale rozhorjenje mjez nimi a ryčerstwom pokazowaše so hišće doŕho.

Władysławowe přidźeržowanje k narodnej českej politycy a knježenje w Łužicach z dziwanjom na potrěbnosće českeje króny, a nic na wočakowanja lužiskich Němcow, dyrbyeše na wjesny lud skutkować, za kotrehož duchowne a materialne pozběhnjenje móžeše w tamnym času jenož cyrkej so postarać; přetož knježenje nad poddanami wotwisowaše wot zemjanow, a nic wot króny. Z cyła wotwisowaše zbože wjesneho ludu wot khmanosće a zaďerženja krajneho bohota, a tón běše Čech.

Po smjerći Władysława II. w Budže l. 1516 knježeše jeho syn Ludwik jako kral wuherski a česki do lěta 1526, w kotrymž 29. augusta w bitwje z Turkami pola Mohača čěkajo w bahnje zahiny. Čechowje wuzwolichu ze swobodneje wole a njewotwisnje wot Wuherow rakuskeho wjercha Ferdinanda I., bratra kejžora Karla V., jako svojeho krala. Tuž poča z nowa Němc nad Čechami a Łužicami knjezić.

## § 6.

Byće Serbow pod knježenjom čěskich kralow  
w 14., 15. a 16. stotku.

Knježenje čěskich kralow we Łužicach připadže do toho časa, hdyž běchu hižo Němcy rjadowarjo kraja, hdyž w knježich hrodach a w městach hižo cuzokrajne nałožki so rozwijachu, hdyž němska rěč serbsku pohłušeše, hdyž bě Němc poručef a knjez, Serb pak poddan a služobnik. Karl IV. smili so nad nuzu wjesneho ludu, rozkaza bohodomaj w Budyšinje a Zhorjelcu, zo byštaj za wbohi lud so starałoj a ryčerjam njedowoliłoj jón z wulkimi dawkami a wšelakimi žadankami potłóčować (w l. 1355); tola knježstwa na to njedziwachu. Lěto pozdzišo poručefe Karl IV. ze „zlotej bullu“ (1356) markhrabjam a wješčam, zo bychu słowjansku rěč wuknyli, ale to njezadźewaše Němcam tule rěč ze sudow a cyrkwjow wustorkować, a wo serbskim rozwučenju w kajkichžkuli šulach njemóžeše nichto ani pomyslić.

Swěrne zwostawanje Serbow při wótcowskich nałožkach a wotkhilenje wot wuknjenja němskeje rěče nuzowaše Němcow k wobkhowanju wosebiteho sudu za serbskich wjesnjanow, pod mjenom: „das wendische Landgericht“. Tutón sud wotbywaše so w 15. a 16. lětstotku jako prjedy po serbsku, před džědźičnymi ławnikami abo radcami, w přitomnosći wosebiteho zastojnika Němca. W Zhorjelckim sudnym wobwodze služachu wjesni šótkowje jako ławnicy a rěkach po němsku „Starassen auf dem Lande“ (l. 1376); w Budyšinskim pak mjenowachu so „Starosten“. W lěće 1436 wukonještaj ławnisku přisłušnosć dwaj starostaj: jedyn z Přišec a druhi z Lutyjec; w 16. stotku jedyn z Přišec a druhi z Dobranec. Tući starostowje njedostawachu za swoje zastojnstwo žanoho wosebiteho zarunanja, ale jenož jědź a po dokonjenju sudniskeho skutkowanja kanu piwa a dvě kulcy całty.

Łužiske klóštry buchu w 13. a 14. stotku nadobnje wobdarjene přez markhrabjow a swětskich knjezow, nakupowachu sebi mnohe krajne wobsydnosće a wšelake dokhody nic jeno z kubłow, cła, přewozow, młynow, korčmow, ale tež ze sudnistwa. Z rozmnoženjom dokhodow napjelnjowachu so klóštry přeco bóle z mnichami a čeledźu z Němskeje, z tym cuzokrajne sydlišća w serbskim kraju tworicy. Mnohe wsy serbskich poddanow

dyrbjachu so po wašnju svojich knjezow zložować, kotřiž serbski njerozymjejezy žadachu, zo bychu jich poddani a služobni němski wuknyli.

Přikaznje biskopa Bruna II., zo bychu duchowni serbsku řeč znali a ludej w zrozynliwej řeči přědowali, wuńdžechu z pomjatka: cuzokrajne duchownstwo nječuže sebi ani mocy ani přisłušnosće serbskemu ludej nabožnu wučbu po serbsku wu-  
džěleć, přez čož wjesny lud w běhu 14. a 15. lětstotka do čěm-  
noty zapadny. Tehdy spózna štyrcety mišnjanski biskop, horliwy Jan VI. ze Salhausen, na tuto dostojnstwo w léce 1487 powy-  
šeny, w kak zrudnym wobstojenju so nabožne rozwučenje ludu  
namaka, a wuda tohodla pomnjeća hódny rozkaz we łáčanskej  
řeči, zo dyrba „tajcy měščanscy a wjesni fararjo mišnjanskeje  
diócesy, kotřiž maju serbski lud w svojich wosadach a serbskeho  
jazyka mócní njejsu, a tohodla přědować, spowědać, ani wótče-  
naš, japoštołske wěrywuznaće a druhe wozjewjenja wukładować  
njezamóža, sebi kapłanow abo zastupnikow dzeržeć, w tutej řeči  
znatych a nazhonjenych, zo bychu wědželi Serbam přědować a  
jich wo tutych wěcach wužitnje a lohecy rozwučować“ — hewak  
jim hrožo, zo swoje duchownske města a dokhody zhubja. Po-  
staranje biskopa Jana wo moralne pozběhnjenje serbskeho ludu  
z pomocu křesćanskeje wučby w zrozynliwej řeči zniči so přez  
spjećenje Němcow runje tak, jako w 14. stotku wšelake próco-  
wanja Karla IV. wo wolóženje wosuda serbskich wjesnjanow, přez  
němske ryćerstwo wurubjowanych a potłóčowanych, ničo njepom-  
hachu. W nastupanju serbskeho ludu zapřijachu lužicy Němcy:  
ryćerjo, měšćenjo, duchowni a wšitcy jich služobnicy, bjez roz-  
džěla jednomyslni, wotčiskujcy wšitku čłowjesku a křesćansku  
sprawnosć, zo dyrbi serbski kraj z mocu němski być, serbski lud  
pak němski! Doniž pak tutón lud wolu k začisnjenju swojeje  
narodnosće njepokazowaše, dzeržachu Němcy za přisprawne, jón  
do poddanstwa zestortić, jemu derjeměće a rozwučenje wotewzać,  
zo by w nuzy a wohłupjenju zahyněl abo so wotnarodnił. Pró-  
cowanja Němcow so skónčnje poradžichu. Serbski lud běše w  
15. stotku hižo tak zapadny, zo w času husitskich najězdow na  
Lužicy, byrnje wjacykroć přiležnosć měl so na swoje starodawne  
přislušne prawa dopomnić, ani jónu so njepozběhny, ale spokojny  
wosta w času wojowanja Čechow z Němcami, njezjednočejo so ze

žanej stranu, z čimž jasnje dopokaza, zo njebě přiwisnik Husitow, ale zo tež swojeje krewje přeliwać nochcyše za jemu cuzu němsku naležnosť.

Z čěskich kralow běše Jurij Poděbradski, lubowať słowjanskeje narodnosće, zwólniwy za serbski lud wšitko činić, ale njeměrne časy njedowolichu jemu we Łužicach reformy k wužitku poděisnjeneho ludu započěć. Mjez tym přiběrachu w 15. stotku łužiske města na zamóžitosći a wójnskich mocach, a ryčerjo zwužiwajcy njeměr w krajach čěskeje króny wuwjazachu poddanych Serbow tak, zo so hibać njemóžachu. Pozdžišo za kralow Mačija a Władystawa pojimachu bohotołwe, wot njeju we Łužicach postawjeni, swojowólnosć ryčerstwa a nazdatosć městow, ale na njezbože žadyn z njeju njepomysli na moralne a oekonomiske pozběhnjenje serbskeje ludnosće. W tajkich wobstojnosćach dočaka tuta ludnosć po smjerći krala Ludwika powołanje rakuškeho wjeřcha Ferdinanda na čěski trón (w lěće 1526). Wot toho časa zhubi so wšitka nadźija na pozběhnjenje serbskeje narodnosće w zjednoćenju z Čechami a Polakami.

### § 7.

Přestrěń serbskich sydlišćow w času němskeje reformacije.

Hdyž wučba M. Luthera njeměr w Němskej wzbudźi, stu-paše serbska narodnosć při Sali a Łobju do rowa; tuž móžeše so bjez zadźěwka wokoło Wittenberga, Magdeburga, Lipska, Mišna a Dražďan rozšěrić. Jenož na ranišej stronje Čorneho Halštrowa a Połčnicy, wosebje we Łužicach přewyšowaše mnohosć serbskeho ludu hišće ličbu Němcow. Tehdy čehnjechu so serbske wosady a wsy wězo na wšitke strony (z wuwzaćom při južnych kónčinach) dale dyžli nětko. Na wječornej stronje běchu ze serbskim ludom zasydlene: Biskopicy, Ramnowy, Porchow, Halštrow, Protocy, Smrjokow, Sepicy, Wulki Hrabow, Ronow, Wulki Bukow, Ruland (něhdy Rolany?), Hermsdorf, Kropno a Lindow t. j. wšitkón kraj mjez Połčnicu, kotraž z wjetša Łužicu wot Mišnjanskeje dźěli, a Čornym Halštrowom. Wokolnosć (Złeho) Komorowa běše cyła serbska. Delnjoserbske wosady běchu na wječornej stronje: Rukow, Bychow (z wokolinu), Bokowice, Klěšišća, Załgosć, Nažějece a Bytna. Dale dele počinachu so wot Grabina serbske

wosady, kotrychž hranica so nimo Grozišća, Wysokeje, Łukowa a Golišyna čehnješe hač do Brandenburgskeje we wokolinje Storkowa; w tutym měsće bydlachu Němcy a tež Serbja. Wottam wobroća so hranica serbskeje narodnosće do Běskowa a Přibrěga při Wódrje a wottudy twori so narańša mjeza Serbowstwa přez wokolinu Gubina, Brod a Trěbul, dale wjedže k Přibuzu, hdžež běše tež wjele Serbow. W tej stronje spočina so hornjołužiska hranica, hdžež běchu Lipoj, Dubc, Kózły, Jězor, Džěže, Měrjow, Mysłecy serbske wosady. Wottudy k ranju a k połdnju bě bóle ředka serbska ludnosć hižo prjedy přeněmčena a w Žitawskim kraju zasydlichu so Němcy tež hižo w 13. lětstotku.

Mjenowane wosady leža nětko zwonka serbskeho kraja, ale w 16. stotku běchu hišće serbske. Jich wotnarodnjenje pokročěše pomału, tak zo bě w zdalonym kuće wokoło Storkowa w l. 1610 hišće 40 serbskich cyrkwjow, wot kotrychž po 150 lětach ani slěda njezwosta. Druhe wosady zhubichu so Serbstwu hišće pozdžišo.

### § 8.

Spadowanje katholskeje cyrkwy we Łužicach.

Němske duchownstwo, zarjadowanje cyrkwy do swojeju rukow zebraŕši, wobsadźowaše kapitl w Budyšinje, klóštry a měšćanske a lěpše fary z wjetša z Němcami, často z němskimi zemjanami; tež njeděržeše so wšudže rozkaz biskopa Jana VI. Tola běchu w Budyšinje a tež na wsach serbscy duchowni, kaž mjena jich ródnišćow dopokazuja.

W tajkim času poča so z Wittenberga (Běteje Hory) w 16. stotku Lutherowa wučba rozšěrjeć. Tachantstwo a franciskanowje w Budyšinje njeběchu za tule wučbu, tola jedyn z nich Pawoł (tohodla Bosak řěkany) zwaži so w l. 1520 w Budystecach, kotrež wot l. 1507 pod kollaturu Budyšinskeje rady stojachu, w Lutherowym duchu přédować. W Budyšinje samym poča Michał Arnold w l. 1525 tajke přédowanja, dyrbyeše pak w slédowacym lěće město wopušćić. Podobnje bě w druhich lužiskich městach. Na wsach mjenuje so w Rychwałdze w lěće 1527 Jan Axt jako lutherski duchowny. Wosebje Němcy rozšěrjachu nowu wučbu z wulkej horliwosću, najprjedy w městach a potom tež zemjenjo na wsach, hdžež mējachu kollaturu. Kral Ferdinand drje prócowaše so w swojich krajach tomu zadžěwać, ale wójny z Turkami

běchu přičina, zo so jeho rozkazy njedopjelnicu. K tomu přiu-  
dže, zo lužiske krajne stawy přećiwo tajkim rozkazam skutko-  
wachu. Tohodla tež napřećiwjenje Mišnjanskeju biskopow Jana VII.  
ze Schleinitz (1518—37) a Jana VIII. z Malešic (1538—49) ničo  
njepomhaše. Hdžežkuli duchowny woteńdže abo zemrě, bu wot  
kollaturow nowy po jich žadanju postawjeny; wšelacy buch tež  
wotsadzeni. Tak přeměnicu so wosebje po Augsburskim sejmje  
1530 we Łužicach a wosebje tež „w Serbach“ katholske wosady  
do lutherskich, z wuwzaćom někotrych pod kollaturu klóštrow  
Marijneje Hwězdy a Marijneho Doła a budyšinskeho tachantstwa  
wostawacych abo wot tachantow mćenje zakitanych, jako Radworja.  
We wosadach, do Stołpnjanskeho knježstwa z Biskopicami słuša-  
cych, kotraž bě biskop Jan IX. z Haugwitz (1559) z wolefskim  
wjeřchom Augustom Saksim za Mühlbergske wobwod wuměnić  
dyrbjał, přewjedže so reformacija přez visitaciju wjeřchowskich  
kommissarow w lěće 1559. W Khoćebuzskej dokonjachu ju Bran-  
denburgscy wjele přjedy. Najpozdžišo drje je so reformacija w  
Husce (1578) a w Kotecach přiwzała.

Po swojej zasadze dyrbyeše nowe wěrywuznaće, kotraž ľa-  
ćanske modlitwy z cyrkwe wupokaza, Serbam přećelne być a  
za rozwućenje w maćejnej rěči so přócować. Tola w skutku so  
mało za nich sta; přetož Němcy měnjachu, zo so Serbja w krót-  
kim do Němcow přeměnja. W tym pak so zamylichu. Serbja  
nochychu němске přědowanja słyšeć, čohoždla lud nowe wuznaće  
tak spěšnje njepřiwza, kaž bě so wočakowało. Tuž dyrbjachu so  
kollatorstwa, kiž cheychu rad reformaciju ruče zawjesć, wo serb-  
skich předarjow postarać. Wot lěta 1521—1540 pak bě jenož  
jědnaće katholskich serbskich duchownych k nowemu wuznaću  
přestupilo. Tohodla dyrbjachu wjesni Serbja hač do l. 1554 za  
lubo wzać, zo so jim we wšelakich wosadach wučerjo abo tehdy  
„šrybarjo“\*), zwónicy a rjemjeslnicy (w Sprewicach kowař ze wsy)  
jako fararjo postawichu, hdyž mějachu najtrěbnišu šulsku wě-  
domosć a bibliju trochu znajachu. Lud skóněnje na tajkich serb-  
skich předarjow radšo posłuchaše dyžli na wučenych fararjow,  
kiž jenož němscy rěčachu; wšak mějachu tež wšelake němске  
wosady njestudowanych duchownych, n. př. Leopoldshain.

\*) Hrjehof Stuhlshreiber přiuńdže tehdy přěni z university Wittenberg-  
skeje do Palowa. Někotři druzi njestudowani běchu tam swjećiznu dostali.



W mnohich wosadach pak rozšěrješe so z nowym wěrywuznaćom němska rěč hišće bóle dyžli prjedy. Kollatorowje žadachu wšudže pódda serbskeho tež němske přédowanja, haj často běchu jenož za němske. Tajkim a druhim běše nowe wuznaće a krajnoknježeska cyrkej srědk, z kotrymž dyrbyeše po jich myslu přeněmćenje Serbow so dokónčić. Tola Bóh je hinak rozsudził!

Skónčnje počachu so hornjołužiske krajne stawy, zemjenjo a města wo swojich serbskich sobukřesćanow starać. W lětomaj 1538 a 1551 wuda so rozkaz, po kotrymž dyrbjachu so khmani serbscy młodźency do šulow póstać a na duchownstwo přihotować, zo bychu tež Serbja dosahacych duchownych dostali. K tomu so přislubi, zo maju tajcy z roboćanstwa abo poddanstwa woswobodźeni być. To wubudźi mysličku, zo by so za Serbow wosebita wyšša šula (gymnasium) załožiła. Město Lubij poskićeše swój wuprózdnjeny franciskanski klóštr jako přihódny lokal a wulki džěl lěsa k zdźerženju tajkeje šule. Łužiske stawy wuprawichu póselstwo ke kejšorej Maximilianej II. w l. 1570 do Prahi z próstwu wo přizwolenje k tomu. Tola prjedy hač móžeše póselstwo swój zaměr docpěć, zaniči woheń město Lubij a załoženje šule bu wotsterčene — na wěčne. Jenički wunošk tutoho staranja za Serbow bě, zo smědžachu nětko do němskich šulow a gymnasijow (wosebje w Budyšinje, Zhorjelu a Khoćebuzu) zastupić, a zo buštaj wottal (1575) na wjerchowскеj šuli (gymnasiju) w Mišnje dwaj wučomcaj serbskeho naroda jako stipendistaj darmotnje přiwzataj. To bě drje dobrota za lutherskich Serbow, ale jara snadna za tamny čas, w kotrymž běše serbskich wosadow hišće tak wulka mnohosć!

Wosady, kotrež katholske wostachu, dostachu w tym času nowu wyšnosť. Po horliwymaj Janomaj (VII. a VIII.) přińdže Mikławš II. z Karlowic (1550—1555) na Mišnjanski biskopski stoł, pod kotrymž dićesa hižo jara woteběraše, wosebje w Sakskej, a po nim słaby Jan IX. z Haugwic, w Stołpnju a Wurzenje přebywacy, kotryž 20. oktobra 1581 swoje zastojnstwo złoži. Hdyž bě hižo prjedy probst budyšskeho kapitla, Hieronym z Komerstäda, biskopowy zastupnik we Wurzenje, wot katholskeje cyrkwy wotstupił, přepoda w lěće 1560 kejšor Ferdinand, česki kral, tajke zastupnistwo a dohladowafstwo tachantej Janej Leisentrittej; toho pak potom bamž wobtwjerdži jako biskopskeho administratora we

woběmaj Łužicomaj a přepoda duchownsku prawomócnosć tež wobstawacemu kapitalej, kotrehož cyrkej nětko mjeno „exemta“ dosta. Tutón starosćiwy přeni njewotwisny tachant Jan bě rodzeny z Wołomuca (1520), kanonik w Budyšinje wot 1549, a tachant wot 1559 hač do 23. novembra 1585. Wón móžeše jenož hišće mały džěl Serbow pod swojej mocu zdźeržeć. Dokelž wón čěsku a pólsku rěč znaješe, je so wěsće rad tež za Serbow starał; w Budyšinje dźeržeše wón serbskich předarjow a zakitowaše serbsku wosadu w Radworju.

### § 9.

#### Zadźerženje Němcow přećiwo Serbam w 16. stotku.

Hač runje wulka wjetšina serbskeho ludu po něčim z Němcami jedne a to same wěrywuznaće přiwza, njepřejachu Němcy tola Serbam, štož bě za nich trěbne a zdobne. Tući běchu přeco hišće hidženy poddanski lud, na kotryž njebu dźiwane. To pokazuje so zjawnje w přeněmčowanju Serbow w 17. a 18. stotku; tež w 16. stotku, khiba jenož w přenjeje horliwosći za nowe wěrywuznaće, pohladowachu Němcy z hidženjom na Serbow, kotrychž knježefske akty njepřestawaju „wendische Bauersleute“ mjenować. Krajne prawo zakazuje Serbam po starym wašnju nic jeno wužiwanje jich rěče před sudom a w šulach, ale njedowola jim ani do rjemjeslniskich jednotow a do měšćanstwa zastupować, haj ani rjemjesla wuknyć, nochcedža-li so swojeho serbskeho pokhadženja wotrjec, štož dyrbi so druhdže njeslyšana surowosć mjenować. Serbski hólč, chcyše-li pola rjemjeslnika do wučby zastupić, dyrbješe křćeńske sobu wobswědčace wopismo přinjesć, zo njeje ze serbskeje krewje, ale z němskeje — „dass er guten deutschen Geblüts und nicht wendischer Nation sei.“ W městach z rjemjeslniskich jednotow wuzamknjeni Serbja móžachu wosebite zjednoćenstwa tworić, do kotrychž žadyn Němc njezastupi. Štož bě na jednym měsće zapisany, njemóžeše so do drugeho přesydlić hjez předloženja wopisma, zo njepokhadža wot serbskeju, ale wot němskeju staršeju! Jenička móžnota bě, zo swoje pokhadženje z pjenjezami wukupi. Błazij Wuj (Vetter) ze Smjelneje, 15. julija 1568 měšćanske prawo w Biskopicach dostawši, dyrbješe za to, zo běše Serb, sto tolerjow zapłaćić, štož bě nahladna summa za tamne časy.

Hišće hórje bě za Serbow na wsach. Rólniski lud, wosobinskeje swobody wurubjeny, běše w dospołnej wotwisnosći wot němškeho zemjana, kotryž swojich poddanow jako robočanow wužiwaše a jich přestupjenja sam abo přez swojeho zastojnika sudžeše. Jedyn z potłóčowarjow, Franc z Minkwic, wobsedźel kubła Mokrowa w Delnjeje Łužicy, rozhori z wobćežnym přesěňhanjom swojich serbskich poddanow hač k rokoćenju, na kotrymž so wjele susodnych wsow wobdźěli (w lěće 1548). W swojej drje přehnatej skórzbjje pola krajneho bohota piše Minkwic, zo je sebi jedyn z njeměrnikow mjeno „kral“ dał a chce sebi tež wot njeho hołdowanje žadać. To wězo skutkowaše; winowaci buchu zajeci a khostanje wšěm njespokojnym rót zamkny.

Wšitko to sta so w Łužicach, hdyž běchu hišće pod wysnosću českeje króny; tola njezabudźmy, zo běchu tehdy čěsky kralowje hižo wjeřchowje z rakuskeho domu, za kotrychž wobaranje ludu słowjanskeje narodnosće žanje wažnosće njeměješe!

## § 10.

Wzdźělanosć a přenje pospyty w pismowstwje.

Dokelž běše w 13. stotku zemjanstwo we Łužicach hižo cuzokrajne abo zněmčene, jako nimale tež města, móžachu w tutej periodźe lědma trochu swobodniši wicazowje wjetšu wzdźělanosć pytać a docpěć. W 14. a 15. lětstotku běchu němscy zemjenjo a měšćenjo z Łužicy na universitach, Serbja móžachu jenož na duchownstwo studować. Wěmy, zo so tute w šuli přez biskopa Bruna w Budyšinje załoženej a na kapitlu sta. Wučba je najprjedy dyrbała w maćernej rěči so wudźěleć. Hač pak su w přenim času w 13. stotku serbscy napisane wukładowanja abo rozwučenja měli, njeje znate; z najmjeńša njejsu žane so wukhowałe. Čišćenje knihow, w druhej połojcy 15. lětstotka wunamakane, rozšěrješe so pomału a hakle 1552 załoži Mikławš Wolrab přenju čišćerňu w Budyšinje. Prjedy tuteje běše w łužiskich městach jenož w Zhorjelcu mała čišćerňja.

Mjez tym pak njemóžeše so serbske pismowstwo wuwijeć, dokelž w 14. a 15. stotku serbsku rěč w městach z mocu zahnjachu a ze šulow wuzamknychu. A na wsach hewak šule njeběchu, khiba zo snadź zrědka hdy něchtó cyrkwinu spěw a či-

tanje wučese. Hdyž so zwjazk Łužicow z Čechami zmócni (wosebje přez českich bohutow a jich zastojnikow), su zawěsće serbscy duchowni z najmjeńša česke spisy a knižki měli a z nich w cyrkwi perikopy z biblije abo modlitwy najprjedy na serbski hnydom při čítanju přeložowali, kaž su to pozdžišo z lačanskich rukopisow (jako předomowa) a z němskich knihow činili. Čecho- wje pak mějachu k tomu přihódne spisy zahe dosć, tak je n. př. přeni čišćany nowy zakon z lěta 1475, cyła biblija 1488. K tomu bě starša česka řeč našej serbskej wjele podobniša dyžli nětčiša. Z přiwzaćom reformacije njemóžachu so tajke česke přiručne knihi wjacy wužiwać, ale duchowni dyrbjachu so po němskich zložować. Při spisowanju trěbnych serbskich agendow, perikopow atd. je drje so z přenja česki tehdyši prawopis trjebał, kajkiž w přenim znatym serbskim texće\*) a w přenich serbskich rukopisnych a z džěla tež w čišćanych spisach widžimy\*\*). Přeni nam zakhowany spis, před kotrymž zhubjeny serbski katolski katechismus pod biskopom Janom VI. wudaty so spomina, namaka so w Barlinje, mjenujcy 1548 k čišću přihotowany přeložk noweho zakonja wot Mikławša Jakubicy w delnjoserbskej řeči. Druhi znaty a 1574 w Budyšinje čišćany spis je delnjoserbscy přeloženy Lutherowy katechismus wot Albina Mollera z Třupca pola Lubnjowa. Hakle 1597 wuńdže hornjoserbski přeložk tutoho małego katechisma wot Wjacława Warichia, fararja w Hodźiju.

W spočatku 17. stotka wuda Handrij Tharæus, lutherski faraf z wokoliny Storkowa, serbski katechism w tamnišej narěči z lačanskim napismom: *Enchiridion vandalicum* (1610). Sydmnaće lět pozdžišo hakle wozjewi Hrjehof Martini, faraf w Poršicach, přeložk sydmi pokutnych psalmow z pódla stojacym němskim (1627). Z tym bu kónec z pismowstwom za lutherskich Serbow hač do džěławosće Michała Frencela w Hornjej a Bohumila Fabricia w Delnjej Łužicy. Dokelž je takle žalostnje mało za přenje cyłe sto lět so serbscy čišćalo, njemóžemy derje mjenjacemu Chr. Knauthěj prawo dać, jako by serbska řeč z re-

\*) To je serbska přisaha za měšćanow z 15. stotka, wotčišćana w Časopisu Mačicy Serbskeje 1875, str. 51.

\*\*) Pokazki z tutych přeničkow su w Časopisu M. S. a druhdže z nowa čišćane.

formacije wužitk měła.\*) Katholskich Serbow pak bě tak mało zwostało, zo so njepláćeše za nich knihi wudawać. Ani přislušenje Łužicow k Čecham, ani připokazanje k Sakskej njepomahaše serbskej rěči a literaturje w spomnjenych sto lětach ničo; přetož ze wšěch stron drje wočakowaše so wotemrće Serbow. Hižo přeni znači wudawarjo serbskich knižkow zložowachu so, w němskich šulach pobyt a z němskich knihow přeložujcy, přejara po němskej rěči, štož jich wobroty rěče a prawopis dopokazuja. Tola słuša jim džak, zo su z najmjeńša za Serbow so poprócowali a z tym pozdžišim spisowarjam nastork dali, kotřiž bu potom wjac a trochu lěpje pisali.

### § 11.

Wottorhnjenje Łužicow wot českeho kralestwa.

Čeŕcy kralowje z domu rakuskeho, sami Němcy, nječuachu potrěbnosć wo serbsku narodnosć we Łužicach so starać. Přez cyły lětstotk (1526—1635) knježenja tutych kralow\*\*) zwužitkowachu Němcy wšitke wobstojsnosće k swojemu wužitkej a knježachu w kraju po swojej woli. Hdyž pak so w Čechach njeměr započa dla wotsadženja krala a kejžora Ferdinanda II., kotryž swoju móc znjewužiwaše, wotmysli sebi Jan Jurij I., wolefski wjefch sakski, potomnik přjedyšich mišnjanskich markhrabjow z domu Wettinskeho, Łužicu pod swoje knježenje přiwjesć. Tohodla njedzeržeše so wón ligi (zjednoćenja) protestantskich wjefchow, hač runje bě sam lutherski, ale přida so katholskemu stronistwu a bu swěrný přecel kejžora Ferdinanda II., kiž z Čechami wojowaše, dokelž běchu na jeho město Fridricha, wolefskeho wjefcha Pfalskeho, jako krala powoľali (1619).

Hdyž lužiske krajne stawy w Zhorjelu sejmwowachu, přindže wotpóstanc wolefskeho wjefcha sakskeho do Budyšina (w septembru 1620) z prašenjom: komu chcedza Łužicy poslušne być, kejžorej Ferdinandej II. abo Fridrichej Pfalskemu? Na powěstwo wo tym wotpósta Fridrichowy general nad slezskim wójskom, wjefch Jan Jurij Jägerndorfski, pola Žitawy stojacy, nje-

\*) Přirunaj jeho cyrkwine stawizny str. 372.

\*\*) Ferdinand I. 1526—61, Maximilian II. 1561—76, Rudolf II. (1576—1612), Maćij II. 1612—19, Fridrich Pfaleki 1619—20, Ferdinand II. 1620 w Čechach do 1637.

wulki wotdžěl wójska pod hejtmanom Hanušom Karnickim do Budyšina. Ze spěšnym pokhodom dospě Karnicki Budyšin přjedy dyžli Saksowje, kotřiž so tež přibližowachu, a wobsadzi město. Na 9. septembra přičeže 14,000 Saksow z mnohej artilleriju a poča Budyšin bombardować. Karnicki njezhubi wutrobitosć, porjedše wobtwjerdženja, wobronješe měšćanow a wotbiješe stajne napady. Nadběhi na město wobnowjachu so kóždy dzeń, předměša spalichu so dospołnje, měšćanske murje so pukachu, cyrkwe a wjetše twarjenja rozpadowachu, ale železna wola Karnického dźeržeše wobsadku w poslušnistwje a dawaše jej nadźiju na wotpokazanje napadów nimale štyri tydženje. A hdyž hižo žana nadźija na wotwoboru wjacy njezbywaše, wopuści Karnicki ze swojim małym wotdžělom 5. oktobra 1620 Budyšin, z wolefskim wjefčom sakskim swobodne wotstupjenje sebi wujednawši.

Po 34 dnjach (9. novembra) buchu Čechowje na Bělej Horje pola Prahi žalostnje zbići, kral Fridrich V. zdźerža so z wučeknjenjom a kejžor kral Ferdinand, jako dobyće Prahu wobsadziwši da swěrných přiwisnikow Fridricha skóncować a zaja jich wobsydnosće. Zo bychu podobnemu wosudej wučekli, wuprawichu Łužiske krajne stawy póseltstwo k wolefskemu wjefčej Janej Juriej I. z próstwu, zo by jich z kejžorom wujednał. Wjefch rad do tuteje naležnosće so měšejo zdźerža sebi Łužicy jako zastawu za wójske wudawki a dosta tež 13. julija 1621 w Kamjencu na zhromadźiznje krajnych stawow přisahu poslušnosće. Po slědowacym wójskim wobličanju so wupokaza, zo dyrhješe kejžor wjefčej šěsć milionow złotych na kósty zapłaćić. Dokelž pak teje summy wuplaćić njemóžeše, zjedna so z wjefčom na wotstupjenje cyłeho Łužiskeho markhrabinstwa pod titlom zastawy (1624). Mjez tym dowjedžechu wobstojnosće wjefcha de njeprěceltstwa z kejžorom, kotryž dyrhješe, wjacykróć we bitwach njebožowny, při wobzamknjenju měra w Prazy 30. meje 1635, wjefčej Hornju a Delnju Łužicu (z wuwzaćom Khoćebuzskeje) jako dźědźičnemu knjezej wotstupić, tola z wuměnjjenjom, zo Łužicy po wotemrěću knježaceje sakskeje rodžiny zaso českej krónje so nawróća.

Tak skónči so knježenje českich kralow, w Hornjej Łužicy 326 lět a w Delnej 252 lět trajace. Zjednoćenje Łužicy z českej krónu, přez kejžora Karla IV. (1355) zawěšćene, bu roztorhane.

## VII.

### Knježenje Sakske a Pruske w 17., 18. a 19. stotku.

#### § 1.

Zarjadowanje Łužicow po wottorhnjenju wot Čech (1635).

Na zakładze pražskeho měra (1635) přeńdžeštej Hornja a Delnja Łužica pod sakske knježenje\*) w tym wobsahu, kajkiž běštej pod čěskim mělej. Tohodla tež Brandenburgscy\*\*) swój džěl Delnjeje Łužicy wobkhowachu. Jich najwjetša a najstarša wobsydnosć bě Khoćebuz z wobwodom wot lěta 1445 a Pień wot l. 1448\*\*\*). Pozdžišo přiwobročihu sebi brandenburgscy wolefscy wjeřchowje hišće wšelake mjenje wobsydnosće, mjez kotrymiž běchu wažniše: Žemr a Bobersberg (1482), knježstwo Sosny (Zossen) 1490, Běskow a Storkow (1775). Tak bě nětko dwoje němske hospodarjenje w Łužicach.

Znutřkowne zarjadowanje Łužicow, kotrež tež dale wosebite markhrabinstwo tworjachu, wosta z wjetšeho džěla tajke, kajkež bě pod čěskim kralestwom było. Tři stawy: zemjenje, města a duchownstwo běchu poňnoprawni krajenjo a wjeselachu so wšelakich privilegiow. Wjesny lud, z wjetšinu serbski, z džěla pak hižo dawno wotnarodnjeny, běše khudy. W třicećilětněj wójnje buchu Łužicy wjele zapusćowane, štož hišće wjetšu nuzu a zrudobu do kraja přiwjedže. Tu wojowachu Němcy, Šwejdźi, Wuherjo a Khrowatowje. Budyšin a druge města buchu někotry króć wot Šwejdow a Němcow woblēhowane a ćerpjachu wjele

\*) Sakscy knježićerjo wot toho časa hač do 1815 běchu: wolefscy wjeřchowje: Jan Jurij I. do 1656, Jan Jurij (1656—80), Jan Jurij III. (1680—91), Jan Jurij IV. (1691—94), Fridrich August I., 1694—1733 (jako pólski kral August II. abo Sylny mjenowany), Fridrich August II. (1733—63), Fridrich Christian (1763), administrator prync Xaver (1763—68), Fridrich August I. (jako kral) Sprawný (1768—1827).

\*\*) Brandenburgscy knježićerjo nad džělom D. Łužicy běchu w tym wobsahu hač do l. 1815: wolefski wjeřch Jurij Wilhelm (1618—40), Fridrich Wilhelm Wulki (1640—88), Fridrich III. abo jako kral I. (1688 resp. 1701—1713), Fridrich Wilhelm I. (1713—40), Fridrich II. (1740—86), Fridrich Wilhelm II. (1786—97), Fridrich Wilhelm III. (1797—1840).

\*\*\*) Wo tym přirunaj VI. § 3.

przez wurubjowace njepręćelske wójška; ale hišće zrudniši wosud nadeńdze wjesne wobydlerstwo, kotremuž buchu statoki zapalane. Wójna běše z cyła jara surowa; tak buchu někotři duchowni na wsach wot wojakow skóncowani, w Khrósćicach bu faraf Lebza wot Šwejdow čwělowany. Nastawacy hłód a zahubjowacy mór dopjelništaj hubjenstwo.

W tajkim zrudnym wójnskim času wučahowaše wjele ludźi z Łužicow. Mjez druhimi běše tehdy Pólska jako nowa wótcina pyтана. Při Obrzycy za Wódru pola Cylichowcy załožichu Delnjo-łužičenjo wjes Chwalim, dotal wobstojacu\*). Wjele cyrkwjow, wosebje serbskich, běše w tym času bjez duchownych. Serbja njemějachu srědkow, zo bychy synam móhli dać studować. Tohodla běchu w Serbach z nowa tu a tam duchowni, kiž so njeběchu dołho na duchownstwo přihotowali, abo z cuzych stronow, kotřiž drje z džěla serbski nawuknychu, ale serbske knihi za lud wudawać njemóžachu. Wosebje w Delnjej Łužicy nječinješe so ničo za zdźerženje ludoweje serbskeje rěče w cyrkwi, wjele mjenje za serbske pismownstwo, tak zo tam za cyły 17. lětstotk jenož mały serbski abejcej wuńdže. Nimale runje tak hubjenje běše pola Hornjołužičanow, kaž smy hižo spominali.

## § 2.

Byće Serbow w 17. a 18. stotku.

Wosrjedź zahubjenja a nuzy w počojcy 17. stotka běše serbski lud nic jeno prawow swobodnych krajanow wurubjeny, ale z wulkeho džěla tež křesćanskeje wučby w zrozumliwej rěči; tuž zapadowaše do njewědomosće a wodźiwjenja. Z cyłego ludu, kiž bě přjedy džědźičny wosydnik kraja, wobkhowachu jeničcy wićazowje wosobinsku swobodu, a byrnje wjacy jako jězdnicy we wójsku słužbu nječinili a za swoju zemju po lenniskim prawje dawki plaćić dyrbjeli, dźeržachu tola najmóćnišo swoju serbsku narodnosť. W swobjich wsach a wjeskach sedźicy a do zemjanskich sudow njesłušeje dopominachu so wićazowje w 17. stotku na něhdyše lěpše časy a žiwjachu nadźiju dočakanja spodobnišeho

\*) Wobydlerjo Chwalima (w l. 1853 bě jich 860, nětko je něšto wjacy) su dawno spólšćeni a słušeju do lutherskeje wosadneje cyrkwy w Kargowje, hdžež so za nich kóždu njedźelu bože słužby po pólsku dźerža. Woni njemějeju so z Němcami.



byća. W městach čujachu so Němcy jako dospoľni knježa a wotdžeržowachu jako prjedy z wobćežacyimi prikazami Serbow wot rjemjesłow a překupstwa, přez čož serbska ludnosť w městach wokuhdny a so wotnarodnjowaše. Na wsach měješe serbske wobydlefstwo přewahu a čuješe so jako w swojim kraju; byrnje do poddanstwa storčeny namaka Serb w rólniskim džěle swoju moralnu podpěru w njezbožu. Zlutiwnosć w domjacym žiwjenju, pilnosć w hospodafstwje a rozomnosć we wobstaranju swojich potřebnosćow wěšćowachu Serbam njewotwisnosć wot městow, haj tež móžnotu zastužby pola sebjě doma. Na wsach běchu mjez Serbami: krawcy, šewcy, tkalcy, murjerjo, čěsle, šindžalerjo, bětnarjo, hornčerjo, kołodžěje, korbarjo, blidarjo, řězakarjo, młynkowje, piwarcy a druzy rjemjeslnicy, kotřiž móžachu potřebnosće wjesnjawanow spokojić. Z tym bu wjesny lud trochu woswobodženy wot měščanskich rjemjeslnikow, khiba blisko při městach, kiž mějachu za wěste rjemjesła zakitace nakrajne prawo („bannmeile“), a tež wot přeněmčowanja přez wobkhađenje z tymi samymi. Dobytk z pilneho džěla pozběhowaše lud po něčim a dawaše jemu nadžiju na wudobyće z robočefstwa a poddanstwa. Někotryžkuli němski zemjan wokuhdny po třicećilětněj wójnje a pozdžišo pjenjezy trjebajo dawaše za zapłaćenje wěsteje summy wotpušćenje z poddanstwa. Tak wutworjowaše so pomału staw wobsydnikow swobodnych kubłow (Freigüter), kotřiž pak potom pod zakitom tajkeho zemjana zwostawachu jako škitancy. Druzy wjesni Serbja, kotřiž telko njemějachu, zo bychu sebi dospoľnu swobodosć kupić móhli, plačachu wobsydnikej zemjanskeho dwora za wotpušćenje wot roboty a služby. Ale běchu tež tajcy, kiž dyrbjachu w počě swojeho wobliča robočić a služić. Po času wutworichu so w serbskim ludźe rozdžěle po oekonomiskim wobstojenju, tak zo běchu na wsach: 1. wičazowje (Lehnleute), swobodni wot wěše roboty a stojacy pod zarjadowanjom krajneho bohottstwa (Landvogtei); 2. škitancy (Schutzverwandte), kotrychž přjedownicy běchu z poddanstwa so wukupili a sebi dobrowólnje zakit wěsteho zemjana abo knježstwa wuzwolili; 3. poddani tachantstwa, klóštrov a městow, kotřiž njemějachu wjele služby, ale jenož snadnišu pomoc podawachu; 4. poddani zemjanskich wobsydnikow a duchownstwa (n. př. wěstych farow) z přisłušnosću robočenja na wěstych dnjach abo pjenježneho wotplaćenja za to. Džěl Serbow

žiwješe so z rjemjestom a wikowanjom. Kupcy jězdźachu radži hač do Pólskeje, hdžež móžachu so z wobydlerjemi derje zrěčeć. Tajcy běchu naši prjedownicy w druhej połojcy 17. stotka a we 18., a při wšitkich njespodobnych wobstojnosćach, kotrež jich wobćežowachu, njeběchu mjez nimi prošerjo.

Po třicecílětněj wójnje (1618—1648) pak njestarachu so lužiske krajne stawy wo pozběhnjenje wotpalenych a z morom zahubjowanych wsow, ani wo polěpšenje ratafstwa a přemysla, ani wo dobre rozwučenje w křesćanskej wučbje, přez wójnski čas zapominanej, ale wuradźowachu na sejmach wo tym, kajke drasty maju so wjesni ludžo woblekać a dawachu najspodźiwniše přikaznje. Tak wuradźujcy na sejmje w Budyšinje w léće 1651 wo wobmjězowanju njeporjadow a pukow w korčmach zakazowachu serbskim wjesnjanam z kijom khodzić pod khostanjom dweju kopow gróšow, a za nošenje třělby abo druheje strašneje připrawy postavichu dwójcy tak wulke khostanje. Hospodarjo piwnicow a korčmow, kotřiž winowateho při samym skutku nje-popadnychu, podležachu khostanju pjećich kop gróšow. Po tajkich rozkazach njemějachu Serbja, z wuwzaćom starcow, ani na pućowanju kijow při sebi hač do 18. stotka! Na sejmje l. 1652 wopominachu krajne stawy, zo někotři „serbscy burja“ dołhe włosy nošachu a tych wusměšachu, kotřiž tajke njemějachu, z čimž so druhdy puki spočinachu, a zakazachu wšitkim serbskim buram a čeladnikam dlějšje włosy nosyć dyžli poburske přitřihanki (Bauernkolben), pod wěstym pjenježnym khostanjom, a zawostawichu městnym knježim wobkedźbowanje nad wukonjenjom tajkeje zakaznje. Na sejmje 1654 zaso, dla zadžěwanja rozwiću njeměrneje pychi mjez Serbami, zakazachu serbskim buram a čeladnikam nošenje drohich bantow, pjerow, kłobukow, škórni z wysokimi podpjatkami a wobrubjenymi wuhorkami, holcam pak pyšenje z koralemi wokoło šije, při čimž so rozkaz, nošenju dołhich włosow zadžěwacy, z nowa připominaše. Wšitcy tajke rozkazy buchu po němsku a po serbsku wozjewjene, zo by so nihtó wurčeć abo khostanja zminyć njemóhł. Z toho widžimy, zo bu na přikrótsenje „njesměrneje pychi serbskich burow abo wjesnjanow“ najlěpši srědk wumysleny — jich wuklukanje z pomocu pjenježnych khostanjow!

Njespokojo so z dorjadowanjom burskeje drasty, přemyslo-  
waše krajna wyšnosť, kak by domjace nałožki serbskeho ludu  
porjedžiła a tohodla zakaza z wopomnjenjom, zo so skhadžowanie  
holcow a hólcow na přazach škódne zda, w léće 1677 tajke  
skhadžowanie pod khostanjom 50 tolerjow za hospodarja, w ko-  
trehož domje by so wono stało. Po starodawnym zwučenju lubo-  
wachu Serbja reje; za najlěpšeho rejowarja česćeše so tón, kiž  
najmóćnišo so wjerćeše a najsylnišo teptaše. Tajke reje spó-  
znachu so za njepríhódne na swjatočnych dnjach, a tohodla buchu  
w l. 1683 reje na njedželach a swjedženjach zakazane. Toho-  
runja zakazachu so w l. 1672 a 1702 wšelake druhe hry a zjawne  
zabawy na tajkich dnjach. Ale na wšědnych dnjach njeměješe  
sprócniwy lud žanoho časa za reje a zabawy; tuž bě tamne zakazo-  
wanje jenož wumysł, zo by so pod zdaćom zdžerženja moralnosće  
wšitkón narodny nałožk wotstronił. Za to stojachu korěmy na  
swjatych dnjach wotewrjene za wšitkich, kiž chcychu so wopić;  
to njeseše knježstwam dobre dokhody a zbližowaše Serbow k něm-  
skim nałožkam.

W zwadach abo prawowanjach rozsudžachu tehdy sudnicy  
(pozdžiši rychtarjo), w někotrych wsach džědźični a w druhich  
wuzwoleni, a starscy mužowje (Schöppen). Ale w 17. stotku nje-  
mjenowachu so hižo wjacj starostowje, ale šóttowje po němskim  
„Schulze“ (Schuld-heiss), dokelž němske nałožki so přeco bóle  
rozšěrjowachu. Před tajkim sudom rěčeše so serbscy a sudnik  
wuměri sprawdnosć po podawiznowym prawje. Za wobškodženje  
bližšeho abo za kaženje zjawneho porjada běchu khostanja: 1.  
klóda, do kotrejež bu noha zatyknjena; 2. železo, do kotrehož so  
šija, ruka abo noha zamkaše; 3. stołp ze železnej našijnej wo-  
bruču před korěmu abo před cyrkwinym přitwarkom, kotremuž  
so (1539) bohahanjerjo a zakliwarjo přisudžachu; 4. jastwo za  
ćežše zawinowanja. Na wusudženja wjesneho sudu skutkowaše  
wola zemjana, kotryž we wěstych padach sam prawo wuměrjo-  
waše. Ale tajke knježske wusudženja njejsu so serbskemu ludaj  
lubile, hdyž po swědčenju Abrahama Frencela na spočatku 18.  
stotka so husto prajenje słyšeše: „knježstwo wobkradnyć njeje  
hrěch, přetož za knježstwo wšitko džělamy“ a podobnje. Z cyła  
je tež hišće w 18. stotku mjez Serbami a Němcami njeprěćelnosć  
wobstojała. Němc Serbej z wjetša ničo dobre njeprěješe a Serb

praji hišće rad wo Němcu, wosebje wo zemjanskim: „Tam la-  
pak dže!“

Zestorčeni do robočerjow a njemějcy móžnosć swobodneho  
přebywanja w městach, poswjećowachu Serbja cyłe swoje žiwjenje  
wjesnemu hospodafstwu a dyrbjachu, žadachu-li trochu wjetšu  
wzdźětanosć, do němskich šulow khodźić, hdyž jim serbske nihtó  
załožiť njemóžeše. Cyrkej pomhaše wotmyslenjam krajneje wyš-  
nosće a duchowni njespóznachu potřebnosće ludu. Němske a  
poněmske duchownstwo prócowaše so wo wukorjenjenje serbskeje  
rěče („ex certa ratione“) a přihladowaše radšo wodźiwjenju a  
wohlupjenju swojeho stadła, dyžli zo by jemu duchowne posyl-  
njenje w zrozumliwej rěči podawało. Tak sta so něhdžežkuli  
po přecu Němcow; wjacy dyžli 50 farskich wosadow wosebje  
tych, kiž niže Błótow wokoło Běskowa a Storkowa běchu, wot-  
padžechu wosrjědź 18. stotka wot serbskeje narodnosće, dokelž  
běchu bjez nabožneho rozwučenja we wótcowskej rěči. Tajke  
wosady wuměnjowachu pomału swoju čistu rěč ze serbskoněmskim  
žargonom, w kotrymž často njezrozumjene wurazy wjazorzjachu.

Tajke kaženje přez němčinu rozšěrjowaše so w cyłych Łuži-  
cach. Lud zhubiwiš čuće za swoju narodnu hódnosć kóncowaše  
swoju rěč z přiměšenjom němskich wurazow a twórbow. Samo  
do nabožneje rěče přičišćowachu so njetřebne němske wurazy,  
kaž paradiz město raj, hnada město miłosć atd. Tež jasne wu-  
prajenje serbskich zynkow je pod wliwom němčiny ćerpjeło.  
Serbja sami nječuŕjachu poniženje, kiž w tym leži, zo jim Němcy  
ani jich serbske swójbne mjena njewostawichu, jako běchu prjedy  
dawno mjena wsow a městow přeměnili, kepsajcy a přeložujcy  
Smolerja na Schmalera, Lěsnika na Lessinga, Mosaka na Mosiga,  
Hawštyna na Hausdinga, Kudželu na Kuschla, Hałozu na Asta,  
Běra (drje Bohuwěra) na Běra, Šewca na Schustera atd.

Po skaženju rěče přińdže pad wótcowskeho nałožka a smjerć  
narodneho ducha. Někotryžkuli Serb, w němskich šulach (dokelž  
serbske njeběchu) wučeny a poněmsku drastu so zwoblekawši hani-  
bowaše so swojeje „burskeje“ narodnosće, čišćeše so do rjada Něm-  
cow, přemjenowa so po němsku a hladaše z hidženjom na serbski  
nałožk. Wotpadnistwo wzdźětaných ludźi wot serbskeje narodnosće  
wotewza jej posłědnje mocy k dostojnemu pozběhnjenju wosrjědź  
dušateje němčiny. Tysac lět běchu Serbja wšelake njezboža na-

Njespokojo so z dorjadovanjom burskeje drasty, přemyslo-  
waše krajna wyšnosť, kak by domjace nałožki serbskeho ludu  
porjedžiła a tohodla zakaza z wopomnjenjom, zo so skhadžowanje  
holcow a hólcow na přazach škódne zda, w lěće 1677 tajke  
skhadžowanje pod khostanjom 50 tolerjow za hospodarja, w ko-  
trehož domje by so wono stało. Po starodawnym zwučenju lubo-  
wachu Serbja reje; za najlěpšeho rejowarja česćeše so tón, kiž  
najmóćnišo so wjerćeše a najsylnišo teptaše. Tajke reje spó-  
znachu so za njepřihódne na swjatočnych dnjach, a tohodla buchu  
w l. 1683 reje na njedželach a swjedženjach zakazane. Toho-  
runja zakazachu so w l. 1672 a 1702 wšelake druhe hry a zjawne  
zabawy na tajkich dnjach. Ale na wšědných dnjach njeměješe  
sprócniwy lud žanoho časa za reje a zabawy; tuž bě tamne zakazo-  
wanje jenož wumysł, zo by so pod zdaćom zdźerženja moralnosće  
wšitkón narodny nałožk wotstronił. Za to stojachu korěmy na  
swjatych dnjach wotewrjene za wšitkich, kiž chcychu so wopić;  
to njeseše knježstwam dobre dokhody a zbližowaše Serbow k něm-  
skim nałožkam.

W zwadach abo prawowanjach rozsudžachu tehdy sudnicy  
(pozdžiši rychtarjo), w někotrych wsach džědźični a w druhich  
wuzwoleni, a starscy mužowje (Schöppen). Ale w 17. stotku nje-  
mjenowachu so hižo wjacy starostowje, ale šoftowje po němskim  
„Schulze“ (Schuld-heiss), dokelž němske nałožki so přeco bóle  
rozšěrjowachu. Před tajkim sudom rěčeše so serbscy a sudnik  
wuměri sprawdnosć po podawiznowym prawje. Za wobškodženje  
bližšeho abo za kaženje zjawneho porjada běchu khostanja: 1.  
klóda, do kotrejež bu noha zatyknjena; 2. železo, do kotrehož so  
šija, ruka abo noha zamkaše; 3. stołp ze železnej našijnej wo-  
bruču před korěmu abo před cyrkwinym přitwarkom, kotremuž  
so (1539) bohahanjerjo a zakliwarjo přisudžachu; 4. jastwo za  
ćežše zawinowanja. Na wusudženja wjesneho sudu skutkowaše  
wola zemjana, kotryž we wěstych padach sam prawo wuměrjo-  
waše. Ale tajke knježske wusudženja njejsu so serbskemu ludej  
lubite, hdyž po swědčenju Abrahama Frencela na spočatku 18.  
stotka so husto prajenje słyšeše: „knježstwo wobkradnyć njeje  
hrěch, přetož za knježstwo wšitko džělamy“ a podobnje. Z cyła  
je tež hišće w 18. stotku mjez Serbami a Němcami njepřecelnosć  
wobstojała. Němc Serbej z wjetša ničo dobre njepřeješe a Serb

praji hišće rad wo Němcu, wosebjě wo zemjanskim: „Tam la-pak dže!“

Zestorčeni do robočerjow a njemějcy móžnosć swobodneho přebywanja w městach, poswjećowachu Serbja cyłe swoje žiwjenje wjesnemu hospodafstwu a dyrbjachu, žadachu-li trochu wjetšu wzdźělanosć, do němskich šulow khodzić, hdyž jim serbske nichto załožiť njemóžeše. Cyrkej pomhaše wotmyslenjam krajneje wysnosće a duchowni njespóznachu potrěbnosće ludu. Němske a poněmske duchownstwo prócowaše so wo wukorjenjenje serbskeje rěče („ex certa ratione“) a přihladowaše radšo wodźiwjenju a wohłupjenju swojeho stadła, dyžli zo by jemu duchowne posylnjenje w zrozumliwej rěči podawało. Tak sta so něhdžekuli po přeću Němcow; wjacjy dyžli 50 farskich wosadow wosebjě tych, kiž niže Blótow wokoło Běskowa a Storkowa běchu, wotpadžechu wosrjědź 18. stotka wot serbskeje narodnosće, dokelž běchu bjez nabožneho rozwučanja we wótcowskej rěči. Tajke wosady wuměnjowachu pomału swoju čistu rěč ze serbskoněmskim žargonom, w kotrymž často njezrozumjene wurazy wjazorjachu.

Tajke kaženje přez němčinu rozšěrjowaše so w cyłych Łužicach. Lud zhubiwiš čuće za swoju narodnu hódnosć kóncowaše swoju rěč z přiměšenjom němskich wurazow a twórbow. Samo do nabožneje rěče přičiśćowachu so njetrěbne němske wurazy, kaž paradiz město raj, hnada město miłosć atd. Tež jasne wuprajenje serbskich zynkow je pod wliwom němčiny ćerpjeło. Serbja sami nječujachu poniženje, kiž w tym leži, zo jim Němcy ani jich serbske swójbne mjena njewostawichu, jako běchu prjedy dawno mjena wsow a městow přeměnjeli, kepsajcy a přeložujcy Smolerja na Schmalera, Lěsnika na Lessinga, Mosaka na Mosiga, Hawštyna na Hausdinga, Kudželu na Kuschla, Hałozu na Asta, Běra (drje Bohuwěra) na Bära, Šewca na Schustera atd.

Po skazeńju rěče přińdže pad wótcowskeho nałožka a smjerć narodneho ducha. Někotryžkuli Serb, w němskich šulach (dokelž serbske njeběchu) wučeny a poněmsku drastu so zwoblekawši hani-bowaše so swojeje „burskeje“ narodnosće, čišćeše so do rjada Němcow, přemjenowa so po němsku a hladaše z hidženjom na serbski nałožk. Wotpadnistwo wzdźělaných ludźi wot serbskeje narodnosće wotewza jej posłědnje mocy k dostojnemu pozběhńenju wosrjědź dušateje němčiny. Tysac lět běchu Serbja wšelake njezboža na-

zhonili a z nadźiju do přichoda znjesli: podćisnjenje, wotewzaće zemskeje wobsydnosće a prawow krajanstwa, skónčnje poćišćowanje a hanjenje přez njepřećelow. To běše wšitko bolostne, ale najbolostniše bě z cuzotu zajědojěny a zbity duch naroda!

### § 3.

#### Prócowanja serbskich duchownych.

Přeněmćenje dobřeje počojcy Serbow we Łužicach dokonjowaše so w ćichosći a njewobroći žaneje keďžbnosće na so. Němske duchownstwo pohladowaše ze spokojnosću na blizku šmjerć serbskeje narodnosće. Wšitko zdaše so na posłědnju hodźinu ze swěta wotstupowaceho ludu pokazować. Tola runje w tutym strašnym času namakachu so mužowje nadobneho zmyslenja, kotřiž sebi wotmyslichu, nabožnu a swětnu wzdźělanosć mjez Serbami pozběhować a z tym jich z wotnarodnjenja wuswobodźić.

Přeni mjez tutymi mužemi běše Michał Frencl (Brancel\*), wot 1651 w Kóžlach a wot 1663—1706 w Budystecach. Přez jeho postaranje zeńdže so 1660 w Budyšinje přěnja serbska konferencija, w kotrejš pjatnaćo serbscy duchowni w naležnosćach serbskich wosadow wuradźowachu a so zjednoćichu, zo bychu sebi wzajimnje pomhali, mjez sobu so zastupowali a po sebi zawostawjenym wudowam a syrotam pomoc poskićeli. To bě přěnja kroćel k přichodnym serbskim zjednoćenjam. Zapřijawši myslčku poposłuženja swojemu ludej z pomocu pisma, na čož bě so dotal tak mało dźiwało, poča Frencl w Budystecach ewangelium s. Mateja a s. Marka přeložować, kotrež 1670 wuda. Jeho zaslužba běše zawjedženje woprawdže serbskeho prawopisa, kotryž njebě na njepřihódny němski zloženy, ale na čěski a pólski, kotryž pak pozdžišo w někotrych wěcach na tłóčenje druhich zaso trochu přeměni. Na spočatym přeložku s. pisma wón njewustawjo dźěłaše, tak zo móžeše 1693 listaj s. Pawoła k Romskim a Galatiskim, 1695 perikopy, kaž tež z druhimi na psalteru sobu dźělawši skónčnje 1706 cyły nowy zakon serbscy, w Žitawje ćišćany, wudać. W jeho času běchu za pismowstwo lutherskich Serbow tež dźělawi: Martini, Běrlink, Praetorius, Čuderly, Krügař, Matthäi, Radca.

\*) Frencl narodźi so w Běčicach 1628 a zemře 1706 w Budystecach.

Runočasnje započa so tež na katolskej stronje džěławosć w pismowstwje přez jesuitu Jakuba Ticina\*) a Jurija Swětlika.\*\*)

Wony wuda w Prahy přenju serbsku rěčnicu „Principia linguae wendicae“ (1679) a přeni znaty serbski katechismus (1685), tutón pak přenje serbske katolske kěrłuše (1696) z někotrými dodawkami, přenje perikopy (1720) a přeni łacanskoserbski słownik (1721). Wón přeloži tež cytu bibliju (1688—1711), kotraž pak dyrbyeše při małej črjódecy katolskich Serbow nječišćana wostać.

W Delnjej Łužicy přihotowaše tehdy Jan Chojnan\*\*\*) wobšěrne rěčnisko-słowniske džěło „Linguae Vandalicae ad dialectum districtus Cothusiani formandae aliqualis Conatus“, hižo 1650 dokonjane, ale wono zwosta w rukopisu, hakle wot pozdžišich při spisanju nowych knihow wužiwanym. Jeho perikopy a druhe přeložene kruchi z biblije a tež spominane stawizniske rukopisy su so zhubiły. W l. 1671 wuda něchtó mały serbski abejcej.

Džěła dotal mjenowanych mužow pozběhnychu serbsku rěč do rjada knižnych rěčow a položichu nowy zakład za rozšěrjenje wzdžěłanósće; tola běchu so horni a delni Serbja hižo tak rozdžěłili, zo woni ani njespytachu, jich w jedneje pisownej rěči zjednotić. Z jich skutkami bě dopokazane, zo serbska rěč dlěje žiwa wostanje, a hdy budžechu jich spisy so před třicešlětnjej wójnu wudały, by so wjacj Serbow swojej narodnosći swěrných zděržało.

Michał Frencl a Ticin naspominašaj Serbam, zo je jich rěč słowjanska a zo maju w pismowstwje na Słowjanow džiwać. Tak přirunowaše Frencl swój přeložk biblije z čěskim a pólskim a praješe tež, zo je serbska rěč hałusa wulkeho słowjanskeho splaha, kotremuž Čechowje a Polacy, Rusowje a Južnosłowjenjo přisłušeju. Runje tak wučěše Ticin, zo je serbska rěč sotra čěskeje, wot jedneje słowjanskeje maćerje spočatk mějaca, čohoždla dyrbi so z čěskimi pismikami pisać. Wulka bě to potom škoda za serbske pismowstwo, hdyž Běrlink wučić poča, zo dyrbi

\*) T. abo Tic narodźi so w Kulowje 1656 a zemře jako rakuski wojeński kapłan před Belgradom 1693.

\*\*) S. abo Swětlik z Kulowa je rodź. 1650 a zemr. 1729.

\*\*\*) Jan Ch. narodźi so wokoło 1600 w Brjazynje a zemře w Lubnjowje 1664.



so serbske pismo k němskemu bližić, a hdyž sam Michał Frencel drje na žadanje Běrlinka jako staršeho, němskich lužiskich stawow a wosebje nakładnicy serbskeho noweho zakonja, knjenje bohoto-weje Kathariny z Gersdorf, swój lěpši prawopis pušći a 1693 (w katechismje nałożeny) poněmski přija. Katholscy pak nochychu swój lěpši prawopis z mjenje dobrym wuměnić a tak wudawaše wot l. 1696 Swětlik knihi za katolskich Serbow hinak dyžli wudawarjo luthersko-serbskich knihow. To bě nowe za serbski lud jara škódné rozdwojenje, štož dyrbi historija Serbow ze zrudobu spomnić.

Hišće na kóncu 17. stotka poča Abraham Frencel\*), 1684 duchowny w Huscy, wot 1686 w Šunowje pola Bjarnaćic, swoje wučene džěla a wuda (1693—96) knihu „do originibus linguae sorabicae“ (wo spočatkach serbskeje rěče), kotruž tam po tehdyšich nahladach z hebrejskej přirunuje. Wón hromadžeše wobšěrne słowniske a druge zběrki, Łužicu a Serbow nastupace, kotrež pak su w rukopisu zawostałe a wučenym Serbam z džěla wažne žórła poskićałe. Sam bě dobry Serb a wočakowaše, zo serbska rěč sebi wjacy přecelow přichodnje dobudže. Wučeni jeho česćowachu, ale serbski lud mało wo nim zhoni. Skónčnje dyr-bimy na njeho spominać jako posłědnjeho, kotryž je při pisanju w serbskej rěči na druge słowjanske džiwał; přetož po nim bě stojnišćo serbskich spisowarjow hač do l. 1841 tak wobmjezowane, zo njehladajcy na druhostłowjanske rěče přeco hubjeńšo serbscy pisachu a džěleni po wěrywuznaću wjacy na zjednoćenje w pis-mowstwje njemyslachu.\*\*)

W Delnjej Łužicy rudžeše so Bohumił Fabricius (1701 faraf w Korjenju, 1708 w Picnju a 1726 we Khoćebuzu), rodženy Němc a přećel A. Frencela, nad tym, zo jeho wosadni žanych nabožnych knihow w swojej rěči njemějachu, a přeloži tohodla Lutherowy mały katechismus, w Khoćebuzu 1706 wudaty. Spó-znawši, zo ma lud z tajkeje knižki wjele duchowneho wužitka, poča horliwje nowy zakon přeložować, dokonja jón z někotrymi pomocnikami za krótki čas a załoži w swojej wsy Korjenju sam

\*) Narodzi so 1656 a zemře 1740.

\*\*) To je we wšelakich knihach widžeć a wosebje w spěwomaj z l. 1782 a 1806 k česći serbskich spisowarjow wudatymaj, hl. Časopis M. S. 1873.

čišćenju, z kotrejež nowy zakon 1709 do Serbow wuńdze. Mjez tym do Picnja a pozdžišo do Khoćebuza powołany, džěłaše Fabricius na přeložku wjacorych knihow stareho zakonja, kotrež pak njebuchu čišćane, hač do swojeje smjerće (1741).

Wšitcy dotalni spisacelowje serbskich knihow njepisachu wězo ani za zaslůženje časneho myta ani za sławu, ale jenož za duchowny wužitk khudeho a wopušćeneho serbskeho ludu. Woni dyrbjachu najprjedy elementarne a nabožne knihi wobstarać, zo bychy potom rozwućenja wo swětnych wěcach móžne byće. W jich času pak hižo zadžěwaše khudoba rozwiću pismownstwa a wzdzětanosće. Bohotowa hrabina z Gersdorf, jako spomnichmy, pomhaše drje z pjenjezami při wudaću někotrych knihow M. Frencela, a jendželski baron Hales, přez Budyšin pućowacy, zapłaći čišć z němskeho přeloženeje nabožneje knižki (1704), runje jako to někotři druzy pozdžišo činjachu, tola to wšitko njedosahaše za potřebnosće serbskeho naroda, stajnemu napěranju němčiny wustawjeneho, a njewotwobroći wot wjacorych serbskich wosadow zawjedženje němskich Božich službow. Tak přestachu serbske přědowanja a Bože služby w Rulandze ze smjerću serbskeho kapłana Suchanda w lěće 1699, we Wulkim Hrabowje po přesydenju kapłana Bergholda do Njeswaćidla w lěće 1714 a w tym samym lěće tež w Sepicach ze smjerću kapłana Mateja Radcy. Duchowni Němcy a němska wyšnosć k tomu dopomhachu a někotry zamołwješe drje so z tym, zo serbskich knihow dosć njebě. Zawěrnje bě so wjacjacy Serbstwa zdžeržajo, hdy by dosć zahe a wjacjacy pilnych literarnych džělaćerjow było! To pak njewotwisowaše wot Serbow samych, ale wot wobstojnosći, w kotrychž so woni namakachu!

Po knihach wot M. Frencela, Swětlika a Fabricija wudatych su wot duchownych w přěnjeje počty 18. stotka hišće někotre pomnjeća hódne wuše. Tak dopřeložichu a wudachu Jan Langa, Matej Jokuš, Jan Böhmer a Jan Wawer stary zakon (1728); Khryša Faber pak mału bibliju (1733); Praetorius, Ast, Matthäi wobstarachu přeložk přěnich spěwafskich knihow (1710), pozdžišo po něčim rozmnožowanych, a druzy wšelake modlefske a rozwućace knižki. Za katolikow wozjewi P. F. Kowaf modlefske „Wincu Jězusowu“ (1737), Anton Kilian šulske knižki (1735) a Měrcin Golian někotre nabožnje rozwućowace spisy. Pola Delnožučanow

poprócowachu so za Serbow Abraham Knježk, Khrystof Gabriel Fabricius, Bohuwr L. Lehmann a Jan L. Will z wudaćom nabožnych spisow.

#### § 4.

### Zadźěwki w rozwiću wzdźěłanosće mjez Serbami.

Najwažniši zadźěwk rozwića wzdźěłanosće wosta nedostatk na serbskim zemjanstwie a měšćanstwie. Wjesni Serbja z wu-  
wzaćom lutherskich duchownych njemějachu w tym času srědkow,  
zo bychu swojim synam studować dali a tak naturskich wjednikow  
za duchowne pozběhjenje Serbowstwo přihotowali. Najhórje  
bě w Delnjeje Łužicy, hdžež bě lud hišće khudši a potłóćowanje  
přez njepřećelow serbskeje narodnosće najwjětše. Tam bu hižo  
wot spočatka 18. stotki zakazowane po serbsku wuknyć a pisać;  
tohodla wuda w lěće 1714 Fridrich Wilhelm I. rozkaz wo wot-  
stronjenju serbskeje rěče ze šulow a zawjedže nałožk, zo bychu  
so w serbskich cyrkwjach serbske a němске přědowanja wotmě-  
njało. Hidženje Serbow dóńdže tam po času tak daloko, zo so  
w lěće 1731 wukaz wozjewi, kotryž duchownym zakazowaše tych  
Serbow wěrować, kotřiž němscy njemóžachu! Tajka njekřesćanska  
surowosć so w krótkim z tym zmjeħči, zo bu tamny wukaz jenož  
na tych nałožowany, kotřiž hišće 24 lět njeběchu, tak zo bychu  
mjez tym němsku rěč nawukli; přetož wupokaza so, zo Serbja  
tehdy němscy woprawdže njemóžachu. Potom wuńdže nowy kra-  
lowski rozkaz (1735), duchownym a wučerjam poručacy, zo bychu  
so starali wo dospołne zawjedženje němскеje rěče a wo přezcyłne  
zahnaće serbskeje. Nastupnik Fridricha Wilhelma I. († 1740),  
Fridrich II., kiž cheyš Slezaku wot Awstrije wottorhnyć, sta-  
raše so přede wšitkim mjez Serbami swěrných wojakow na-  
makać a zdaše so mjenje na to hladać, zo so pola Serbow  
knižki w jich wótcowskej rěči wudawachu. Zmužitósć přez Ser-  
bow w pruskim wójsku wopokazana poručowaše kralej, zo by  
jich k dopjelnjenju wobćežnych rozkazow njenućili. Tuž wone  
surowe rozkazy, kotrež Serbam jich rěč wotewzać so prócowachu,  
k ničomu njeposlužichu. Serbja wuknjechu zaso a modlachu so  
k Bohu w swojej rěči, a Němcy woćakowachu přiħódniši čas, zo  
bychu z nowa Serbow potłóćowali.

## § 5.

Serbski seminar w Prazy; serbske předaške towaŕstwo w Lipsku a Wittenbergu; přiběranje wzdržělanosće a pismowstwa.

Po zawjedženju němskeje cyrkwineje reformacije w Łužicach wosta lědma dzesac tysac Serbow katolskej cyrkwi swěrných. Knježestwo a cyrkwinu wyšnosć njewotpomhašej často so pokazowacemu njedostatkej na duchowných, mjez tym zo poměrnje wjele serbskich młodźencow do wukraja na studije so podawaše; tola wostachu tajcy z wjetša potom na wukrajnych farach abo we wšelakich klóštrach. Tohodla dyrbi so z džakom khwalić, zo sebi bratraj Měrcin a Jurij Šimon, rodzenaj z Čemjeric (1637, resp. 1646) wotmyslišťaj, wosebity seminar abo konwikt w Prazy załožiť, w kotrymž bychu studowacy Serbja zhromadnje bydlili a pódla domjacych studijow tež gymnasium a universitu wopytowali. Wuwjedženju tajkeje myślički stawjachu so wšelake zadžěwki, tak zo Měrcin Šimon, senior kapitla w Budyšinje, přjedy zemřě. Bratr Jurij, kapłan pola karmelitkow w Prazy, kupi w decembru 1704 kruch zahrody njedaloko mosta na Małej Stronje a natwari tam dom, kotryž bu 19. hapyrła 1706 na mjeno budyšinskeho kapitla do „zemskeje tafle“ zapisany. Potom přisydlachu so tu někotři studowacy Serbja, tola so tutón seminar jako přemały wopokaza. Tohodla kupi Šimon susodnu ležownosć (1716), natwari nowy wjetši dom, na kotryž so „jus tabulare“ z dowolnosću kejžora wot 6. julija 1725 přenjeso. Tutón nowy dom bu serbski seminar pomjenowany a nazymu 1728 wobsadženy; najprjedy bě wón jenož za 12 stipendistow, ale po času so rozšěri na 20 a wjacy. Tak dostachu a dostawaju katolscy Serbja ze serbskeho seminara, hdžež mjez sobu serbscy powědachu a w rěči so wudokonjachu, dosahacych duchowných a z tym tež wótcincow z Prahi, kiž za wobstaće serbskeho naroda po swojej džělbje skutkowachu.

Podobna pomoc přihotowaše so tež lutherskim Serbam ze załoženjom předaškeju towaŕstwow w Lipsku a Wittenbergu, hdžež jich młodźency bohawučenosć studowachu. Tam w cyle němskim měsće pozaby někotryžkuli serbsku rěč, njerodžeše wo swěj serbski lud abo bě jemu tola težko serbscy

prědować. Tohodla załožichu šesćo studenci (Ast, Šěrach, Mosig, Bjar, Knježk a Bulicius) w Lipsku w lěće 1716 z dowolnosću universitnej wyšnosće hornjołužiske serbske předaške towařstwo\*), w kotrymž nic jeno serbscy přědowachu, ale z cyła serbsku rěč studowachu. Tak přikhadžachu derje přitohowani na duchownske města w Serbach a starachu so po móžnosći, zo z nowa druzy do Lipska džěchu a Serbstwu so zděržachu. Po khwalobnym přikładze lipsčanskeho towařstwa załožichu 1749 studenci runje tajke we Wittenbergu, kotraž z přetorhnjenjemi hač do zběhnjenja university (1814) tam skutkowaše. Tak dokonja serbska studowaca młodžina, štož běše jej móžne, a njewotpadowaše tak jara wot serbskeje narodnosće.

Serbski seminar w Praze měješe jara žohnowany wliw na dalše rozwiće serbskeho pismownstwa w druhej połojcy 18. stotki a z tym na zděrženje serbskeje narodnosće. Z něhdyšich pražskich studentow pokhadžachu wudawarjo wužitnych knihow; biskop Jakub Wóski, rodženy z Khrósćic, wozjewi nowe scěnske a katechism (1750), a bibliske stawizny (1759); Michał Wałda pak modlefske a kěrlušowe knihi „Winica Jězusowa“ (1785 a 1787); tež Tecelin Bosćij Mět, w 19. lětsotku pilny spisowač, bě wučomc seminara. Pódlu tutych džěłaže jenož Prokop Hančka, kiž w Nowej Celli studowawši 1765 knihi „Duchowna Brónjeńja“ w přeměńjenym prawopisu wuda, zo by zjednoćenje Serbow w pismje trochu přitohowač\*\*).

Runje tak wukhadžachu płódniji serbscy spisowarjo lutherskich Serbow druheje połojcy 18. stotki z mjenowaneju předaškej towařstwow. Wjetše knihi běchu: Lutherowa domjaca postilla (1751), přeložena wot Langi, Böhmera, Šěrachy a Mjenja; Riegerowa mała wutrobna postilla (1751) wot Šořty; nowe kěrlušy wot Šěrachy (1756 a 1759) a někotre druge nabožne spisy. Wot l. 1753 pokazuja so přiležnostne spěwy a pěsnje; hač 1790 čisło swětskich powučnych nowin (Měsačne pismo k rozwučenju a wokřewjenju) wot Šěrachy a Janki, kotrychž pokračowanje

\*) Pozdžišo mjenowaše so towařstwo jenož hornjołužiske a poča Němcow přiběrać jako sobustawy, tola we wšěch časach z mało přetorhnjenjom wosta w nim serbske wotdžělenje, pozdžišo Sorabija mjenowane.

\*\*) Přirun. Časopis M. S. 1860, str. 43. Hančka bě rodženy z Radworja.

dla privilegija němskich nowin abo z bojosće před natykńenjom z francózskej swobodu so zakaza!

Po přikładnym postaranju wo serbske duchownstwo sta so wot zamóžitych němskich zemjanow tola něšto za pozběhńenje wučerstwa mjez Serbami, kotřiž mějachu na wsach dotal nje- wučenyh rozpokazowarjow w čitanju a pisanju („šrybarjow“). Hrabja Kašpor z Gersdorf založi 1740 w Klukšu seminar abo praeparandu za wučerjow, najprjedy pod kapłanom Kühnom, a tohorunja tež w Čichońcach. W léće 1751 pak přepołoži so tamny do Nizkeje, tutón pak do Małeho Wjelkowa, z nimž buštaj němskaj. Tohodla založi Adolf z Below we Wulkim Wjelkowje nowu šulu za Serbow. W tutych seminarach kandidaći wučerstwa z najmjeńša serbsku rěč njezabychu. To je z toho do- widzieć, zo 1766 Handrij Gědan přeni mjez wučerjemi jako spisowař wustupi a Michał Haupt jako druhi.

Škódnje skutkowaše na wzdźěłanosć Serbow sydmiłětna wójna (1756—63), w kotrejž Łužica wjele čerpješe. Wójske dawki, bitwy a zapalowanja kóncowachu wjesne hospodárstwa a přiwje- džechu lud do nuzy. W nocy 13. do 14. oktobra 1758 spalichu so cyrkwy a statoki w Bukecach, Kotecach, Hrodzišću a Poršicach, hłód a mór zahubještaj lud. Młodžency dyrbjachu do wójska, zo bychu mjez sobu so třěleli, hdyž jeni w sakskim a druzy w pruskim wójsku wojowachu. Serbja njemóžachu w tajkim času synow na studije słać a tohodla zastawachu tež studentske to- wafstwa. Magister Jan Wencel z Džěžnikow do Łužicy so wró- čiwiši a druzy starachu so doma wo podpěranje tutych towarstwow.

W tym času wustupi, drje jenički serbski zemjanski kubleř, Jan Michał Budar, rěčnik w Budyšinje a knjez w Hornjej Hórcy, ze swědčenjom za dalše wobstaće Serbowstwa, hdyž z testamentom 4. julija 1767 wjetši džěl swójeho zamóženja wotkaza, zo bychu z danju kapitálu kóždolětnje najkhuđši a najdostojniši Serbja bjez dźiwjanja na jich wěrywuznaće wobdźěleni byli.

Hač runje běchu někotři Delnjołužičenjo w 18. stotku w Lipsku sobustawy serbskeho přědafskeho towarstwa pobyli, njeje tola žadyn z nich serbske knihi wudał. Tajke mamy wot Něm- cow Willa (knihi psalmow 1753, Siracha 1754 a 1769) spěwarske z lěta 1760, Hauptmanna (rěčnicu z l. 1761 a Lubnjowske spě- warske 1769) a Schindlera (bibliske stawizny 1791) a wot Serba

Jana Fridricha Fryca (prědafske knihi 1792 a přeložk stareho zakonja 1796), jako tež někotre mjeńše nabožne spisy wot druhich.

## § 6.

### Womora serbskeje narodnosće.

Na kóncu 18. stotka běše serbski lud z najtrěbnišimi nabožnymi knihami zastarany a spěchowanje wzdžěłanosće naroda by nětko swětnopowučne a zabawne spisy žadało. Tola na tajke pozběhnjenje natursej wjednicy Serbow ani njemyslachu, ale pisachu swoje historiske abo starožitnostne knihi a nastawki po němsku, jako Pětr Ponich, J. B. Langa, Jan Hórčanski, Michał Frencel młódši a druzy. Wopušćeny wot swoich wučenych, kiž so dołheho žiwjenja serbskeje rěče njenadźachu, kepsaše lud swoju rěč přeco bóle a přeměšowaše ju z němčinu. Na to skorži hižo Jurij Mjeń (1767) a dopokazuje móc serbskeje rěče z wudaćom dweju rjaneju přědowanjow (1772—73) a z přeložkom někotrych kruchow z Klopstockoweje Messiady, hakle 1806 po jeho smjerći wudatych. Tohorunja hrozy Pětr Liška z Wjelećina w předsłowje přeloženeje nabožneje knižki (1785): „Dokelž ty, luby Serbje, njetrjebawši telko němskich słowow do swojeje rěče měšaš, a dobre serbske słowa zacpiš a zabudžeš, so tak jedne słowo po druhim zhubi.“ Tola wón sam nałožuje w knižcy njetrěbnje wjele němskich słowow.

Tež druge wobstojnosće běchu přičina womory, kotraž potom w 19. stotku dale traješe. Wójnski njeměr wobćežowaše cyły kraj a wosebje tež serbski lud. Wyšnosć załožowaše a zdźeržowaše jenož němske šule. Łužiske stawy, něhdy starosćiwe wo duchowne pozběhnjenje ludu, podpěrachu jenož ćišć njewažnych rozwučenjow. Serbska rěč hižo dawno přecelow njeměješe, jako z potłóćenja „Měsačneho pisma“ widžachmy. Nowy pospyt w nowinafstwje zwaži sebi w l. 1809 njewučeny serbski měšćan, čěsla Jan Dejka w Budyšinje, nowe měsačne pismo „Serbski powědař a kurier“ wudawajo, ale w haprylu 1812 bu wono dla privilegija němskich nowin zakazane. Dejka bě rozomny muž, kiž rozwučenje serbskich džěci z pomocu maćerskeje rěče žadaše; ale wón njeměješe dosć podpěry w swoim skutkowanju. „Dokelž so w našich šulach“, praji Dejka, „serbske džěćo přjedy abo tola



wjacy němscy dyžli serbscy wuči, njeje potom žadyn dźiw, zo su z wjetša wšitcy serbscy dorosćeni a starši zymni přećiwo swojej maćefnej rěči, abo zo snadno w swojej hłupej hordosći mjenja, zo je němška rěč wosebniša dyžli serbska.“

Jako sebi Serbja tehdy rěč mało wažachu, tak tež wótcowske nałožki a počinki wjacy nječescachu. W domjacym žiwjenju a w drasće přibližowachu so Němcam a njemějachu z cyła žaneje moralneje mocy, zo bychy so njezdobnemu přesćěhanju a přeněmčowanju sprěli. Na mnohich městnach, hdžež dyrbyeše so po dotalnym prawje serbscy a němscy přédować, zahanjachu duchowni serbske přédowanja nadobo abo přédowachu zawod serbski a dalše němscy, tak zo móžachu po času wšo němscy přédować.

Najhórje bě ze wšim tym w Delnej Łužicy, tak zo so „serbski kraj“ přeco bóle pomjeńši. Na kóncu 18. stotka zněmčichu so wokoliny: Rukowa, Kalawy, Łukowa, Lubina, Brylanda, Luboraza, Gubina, Brodow, Baršća, Trěbulow a Žarowa. Tuž buchu Delni Serbja wottłóćeni wot Wódry, tak zo jich wobkhađ z Polakami při Wódrje a Bobru přesta a němčina jich nětko w cyłym poćkole wopasawši hišće bóle dušeše. We mnohich druhich wosadach drje so hišće serbscy přédowaše, ale přeco mjenje a mjenje; tajke běchu: Cerkwice, Lubnjow, Tłukom, Zastómjeń, Hogrozno, Łaz, Rjedof, Stara Darbna, Pricyn, Wiki, Wóťrow, Klěšišća, Žarnow, Drjewk, Rogow, Třěšojce, Kólsk atd.

W Hornjej Łužicy přeněmčowachu so z pomocu duchownych a wučerjow na kóncu 18. stotka štyri něhdy cyle serbske wosady: Cybalin, Jězor a Kózły na wukhódnjej a Wulki Bukow na wječornej stronje serbskeho kraja; tola jich přeněmčenje njedokónja so ani w 19. stotku, hač runje serbske přédowanja dawno přestachu. Rěč, tak z cyrkwje wuhnata, so wězo w tajkich stornach pomału kazy a do serbskoněmskeho žargona přeměnja.

## § 7.

Zjednoćenje Łužicow 1807 a nowe rozdzělenje 1815.

W Napoleonskich wójnach dyrbjachu Łužicy z nowa ćerpjeć; tola zdaše so, wězo jenož khwilu, jako by wužitk ze zjednoćenja wšěch džělbow pod jednym knježenjom nastać móhł. Měr w Til-



siće (7. a 9. julija 1807) přidželi saksckemu kralej dotalny Khoće-buzski wokrjes (nimale 18 štyriróžkownych mil z tehdy 33,000 wobydlerjemi) z někotrymi enklavami\*), kiž wot 15. stotka Brandenburgskej słušachu. Dalšeje wójny dla pak tuto do l. 1815 trajaće zjednoćenje za serbski narod žanoho wuspěcha njepokaza, khiba zo sebi duchowny Schindler w Pienju zwěri, přeciwo tehdy poručenemu wuhnaću serbskeje rěče z cyrkwe a šule zmužiče rěčeć, z čimž sakske knježefstwo tamny rozkaz wróćo wza a w l. 1814 žadaćerja z medaillu wuznamjeni.

Na kongressu we Winje (1815) dyrbyeše Sakska přez połoju Hornjeje Łužicy a cyłu Delnju Pruskej (125 štyriróžkownych mil) wotstupić, tak zo někto při Sakskej jenož džěl Hornjeje Łužicy (39 štyriróžkownych mil) zawosta. Pruska njestwori ze svojich džělbow markhrabinstwa wosebitu provinciju, ale přidželi Delnju Łužicu k Brandenburgskej a Hornju k Slezskej. Sakski džěl Łužicy bě wosebite markhrabinstwo, tola pozdžišo w administraciji z druhimi džělbami Sakskeje bóle zjednoćene. Kaž w swětskej administraciji tak bu tež w cyrkwinskej kraj dale a bóle džěleny, z čimž dyrbyeše serbskej narodnosći wšelaka wulka škoda nastawać. Lutherske serbske wosady překhadžachu pod druhe superintendentury, a jenička katholska wosada Kulow wottorže so wot Budyšinskeje dićesy a přidželi so Wrótsławskej. Tež šule stojachu z nowa pod rozdžělnymi zakonjemi. Tak džěli něk serbski narod swój dalši wosud z druhimi Sakskami a Prusakami.\*\*)

## § 8.

Wzbudženje narodneje mysle w Hornjej Łužicy.

Wosrjedź duchowneje nuzy we Łužicach zapřijachu tola někotři młodžency lubosć k serbsckemu ludej, wosebje k serbskej

\*) Tute jednotliwje ležace wobsydnoće běchu pola Gubina: Brězyn, Kirchwic a Germersdorf, na wječornej stronje pak: Třawnica, Kudmjeń, Stobjerce, Kałkojce, Gólin, Rańšow a dwě hišće mjenjej, jako tež Klěšnik pola Drjewka.

\*\*) Saksy kralowje po l. 1815 běchu: Fridrich August do l. 1827, Anton (1817—36), Fridrich August II. (1836—54), Jan (1857—72) a Albert. — Pruscy běchu: Fridrich Wilhelm III. do l. 1840, Fridrich Wilhelm IV. (1840—61) a Wylem (němski kejžor wot 1871).

rěči. Přeni z nich bě Handrij Lubjenski z Rachlowa (rodzeny 1790), kotryž jako student dawno wotpočowace serbske předařske towarstwo w Lipsku z nowa založi. Wón wučese swojich towaršow, zo Serbja njesu jeničcy abo wopušćeni a zo jich rěč njeje jenož „burska“, ale zo su woni Słowjenjo a zo so jich rěč porjedzić abo wobdžětać hodži. Tohodla zestawjowaše wón serbski słownik a rěčnicu, porjedžeše wot l. 1818 bibliju a wudawaše wšelake Serbam trěbne spisy a kěrłuše. Swojeje předařskeje wustojnosće dla bě jara česćowany. — Jeho swěrnny towarš wot młodosće Adolf Klin wustupowaše zjawnje za serbsku rěč a staraše so za pozběhnjenje serbskich šulow. — Handrij Zejler (rodź. 1. febr. 1804) wopokaza so hižo jako student z poetiskimi wudžětkami a poča z Krügarjom rukopisnu „Serbsku Nowinu“ w Lipsku pisać, z kotrejež so jeho poesije často wotpisowachu a do Serbow sćeledu. Tola buchu wone jenož lutherskim Serbam znate. — Na katholskej stronje prócowawaše so wot lěta 1809 Tectelin Mět, najnužniše nabožne knihi za lud a šulu wudawajo, z čimž so znajomosć serbskeho čitanja w tej stronje wosebjě dźeržeše. Wón měješe hižo w l. 1823 nadźiju na lěpši přichod serbskeje narodnosće, hdyž tehdy w Róženće praji, štož je tam kollega zapisał: „Cyte wěste je, zo budže so po pjećdzesat lětach tudy a druhdze serbscy předować a katechisować, a zo budža ludžo bóle serbscy rěčeć, dyžli jako to nětko stoji.“

Škrička wubudženeje narodneje mysle w Zejlerju a jeho lip-skowskich towaršach, přez tam tehdy přebywacych Słowjanow: Palackeho, Kucharskeho a Milutinowića žiwjena, žehleše so pomalu dale a bóle. We Łužicy so někotryžkuli dźiwaše, zo móža so w zacpětej serbskej rěči krasne nowe pěsnje podawać, kajkež wot Zejlerja čitachu. Tež jeho rěčnica poskićowaše studowacym zajimawy pohlad na grammatiski twar a zamóženje serbskeje rěče. Tak so sta, zo w lěće 1832 Jan Ernst Smolef, rodzeny we Łuču 3. měrca 1817, swojich towaršow na gymnasiu w Budyšnje zhromadži, zo bychu serbsku rěč njezabywali, ale lěpje nawukli. Tež w Lipsku prócowachu so studenci z nowa pilnišo pod staršistwom Penciga a Krušwicy čisće serbscy pisać; w Praze pak přihotowaše so Jan Pětr Jordan, rodzeny 15. februara 1818 w Čěžkecach, pod Wjacławom Hanku na serbskeho spisowarja.

Hdyž bě Smolef do Wrótsławja na universitu přišoť, založi tam 1838 lužiske towařstwo\*) ze serbskim wotdželenjom, kotrež wot 1840 pod zakitanjom professora Purkinje někotre lěta pilnje džělaše. Z tym příkladom pohnuty zřadowa w l. 1839 August Mosig Kłosopólski (v. Aehrenfeld) twjerdše zjednoćenje serbskich gymnasiastow w Budyšinje, pod mjenom Societas slavica Budisina wot wyšnosće wobtwjeržene.

Serbscy studenći a gymnasiastři, kotrymž so seminarisći přitowařšichu, póznawachu při wuknjenju serbskeje řeče wězo tež naležnosće swojeje wótciny a spominachu na minylosć. Woni nje-strachowachu so zjawnje serbscy powědać a při skhadžowankach abo na pućowanjach serbscy spěwać. Někotři starši Sěrbja a wosebje Němcy pak spočinanje młodžiny hidžachu a běchu při wšim tym přepokazani, zo serbska narodnosć bórzy zaso wusnje.

Nětko wobstaraštaj a wudaštaj Jordan a Smolef někotre jara trěbne serbske knihi a knižki, Jordan 1841 džesać „serbskich pěsničkow“\*\*) a wobšěrn „grammatiku“ po systemje Fr. Dobrowskeho, Smolef pak 1841 „Małeho Serba“\*\*\*) a hornjołužiski džěl ludowych „Pěsničkow“, 1843 „Němskoserbški słownik“ a delnjołužiski džěl „Pěsničkow“ z wažnymi přílohami.

Pódlu wudajomych knihow mějachu Sěrbja tehdy njemaťu prócu ze založenjom porjadnych swětskich nowin abo časopisa; přetož němske nowiny w Budyšinje mějachu jako politiske nowiny hišće jeničke privilegium a Sěrbja njeběchu na wurazy w tajkim swětskim časopisu trěbne hišće přiwučeni. Jordan, tehdy w Lipsku na professuru so přihotowacy, zwaži so přěni na tajki časopis, z wjetša belletristiski; přěnje čisto wuńdže 1. februara 1842 pod mjenom „Jutnička, Nowiny za Serbow“. Jeho sobu-

---

\*) Wo tutym a wšěch druhich serbskich towařstwach su nadrobněše powěsće w Časopisu Maćicy a druhdže.

\*\*) W tej knižce „Serbske Pěsnički zezběrane a serbskim hólcam a hólcam ř zibejeleńu wubate“ je prawopis w němskim pismje na podložku katholicoserbškeho a słowjanskeho: c = č, čž = č, čž = č, ř = ř atd. Za čž přewjedzechmy pozdžišo čž a za čž pozdžišo čž.

\*\*\*) W tej knižce nałožuje so lutherskoserbški prawopis z řacanskimi pismikami: řř = s, ř = z, ř = c atd. W „Pěsničkach“ je hižo słowjanski prawopis, jenož přjedyše „je“ město „ě“ je so tam wobkhowało. Hakle 1844 w přěnim zeřiwku słownika wot Pfuhla a dr. Jordana zbližišeť so wobě stronje.

džělarjo běchu: Zejleř, Smoleř, M. Buk, Pful, Mosig Kłosopólski atd. Lud pak njehaše „Jutničku“ ponowjeneho prawopisa dla\*) čitać, a tež wučeni a starši Serbja ju dosć njepodpěrachu. Lutherskich Serbow pak běše a je wjac dyžli katholicich; tohodla nadźijachu so serbscy spisowarjo a tež nakładnik Němc wjac abonementow za tajki časopis, kotryž by w dotalnym luthersko-serbskim prawopisu wukhadzał. Tuž přesta z přěnim pohlětom „Jutnička“, a hnydom poča „Tydžeńska Nowina“ hjez reformy w řeči abo pismje wukhadžeć pod redakciju Zejlerja.\*\*\*) Wězo namaka so nětko mjez lutherskimi Serbami wjetša mnohosć předplaćerjow (do 1848 tola jenož přez 200) a sobudžělaćerjow (Smoleř, Kulman, Mučink, Wehla atd.), a mała ličba katholicich čitarjow wosta tež nowemu časopisej swěrna. W druhim pohlěće wuda Jordan dwaj zešiwkaj přeměnjeneje „Jutnički“ we laćanskoserbskim prawopisu; tola tež ta njedosta dosć předplaćerjow, čohoždla so Jordan serbskeho spisowarstwa cyle wotryjkný. Z nowinami nasta nowy wobrot w serbskim žiwjenju; lud poča w swojej řeči wo svojich naležnosćach čitać a rozwučowaše so we wěcach, kiž běchu jemu dotal njeznate. Zejleř a pozdžišo Smoleř wědžeštaj, što je Serbam trěbne a wužitne.

---

\*) Snadž bychu ju wšitcy lěpje podpěrali byli, hdy budžeše Jordan praji: Ja njepisam ani po dotalnym katholicoserbskim, ani po luthersko-serbskim nałožku, ale hjeru z kóžděho prawopisa to, štož je w nim dobre, z poslednišeho Zejlerjowe čz, cz.

\*\*) Zejleř w spočatku 1. čista praji: „Ja pak póznaju, zo kćew budyškeho ryče wašnja ewangelskich Serbow po tym hewajšim a zwučenym pisanja a čišćenja wašnju, kaž so w ewangelskej bibliji, spěwafskich atd. namaka, zakhować a w móžnej ryče čistosći a zrozumliwosći jón pozběhnyć a rozšěrić pytać budu.“ To bě za zjednoćenje Serbow w pismje a za rozwiće pismowstwa škódne wuprajenje, kotrež dyrbym z Jordanom wobžarować. Toho słowa dźeržachu so dołho wšitcy pozdžiši njepřećelowje postupa, kotřiž ničo wuknyć nochcychu. Woni wobhladowachu stary přeložk a derje njezrjadowany prawopis biblije jako autoritu! Tehdy (1842) pak bě Zejleř hišće za stary prawopis, dokelž chcyše, zo by so čitafstwo w ludže samym rozmnožiło; pozdžišo hłosowaše tež wón za analogiski prawopis, kotryž bě w rukopisnej „Nowinje“ w Lipsku sam nałožował, ale w grammatice (l. 1830) zaso pušćil. „Škoda“, praji tohodla K. A. Jeně w Časopisu M. S., 1853—54, str. 99, „zo wón tón samy (analogiski) w swojej ryčnicy njenałožowaše; snadno budžeše wón přez to 10 abo 15 lět přjedy do wužiwanja přišoć.“ To je njewěste!

## § 9.

Wotstronjenje poddanstwa (1820 a 1835); pozběhowanje Hornjeje Łužicy; słabosć Delnjeje Łužicy; horliwosć hornjoserbskeje młodžiny.

Wopomniwši wzbudjenje narodneje mysle a přenje šěrše rozwiće serbskeho pismownstwa pohladajmy na druge pospěchowace a zadžěwace wobstojnosće w historiji našoho ludu, kiž bě dotrať hač do dobyća noweho systema we knježenju a do zawjedźenja wšelakeho noweho porjada. W Pruskej buchu hižo wot 1817 generalne kommissije k rjadowanju knježich a burskich wobstojnosći załožene, roboty so wotwjazowachu, „separacija“ lěsow a pastwišćow so přewjedže. W lěće 1820 zběhny so poddanstwo a nućena služba na knježich kubłach. Wot l. 1825 sćelesje pruska Łužica swojich zapósłancow na provincialny sejm. W Sakskej pak přihotowaše so podobny nowy rjad; wotwjazowanske kommissije powołachu so 1827 a nowy zakładny statowy zakon abo konstitucija wudžěli so po slubjenju 4. septembra 1831. Ze zběhnenjom poddanstwa padže tež prawo wobkrajneje mile (bannmeile), w kotrež njesmědzachu wjesni rjemjeslnicy mištrujće so zasydlić. Za konstituciju pak wotměnichu so na wšón čas jejneho traća někotre zakony a swobody łužiskeho markhrabinstwa. Pod woběmaj kralestwomaj dosta tež serbski lud sobu wjetše prawa a tohodla dyrbyeše so po něčim tež na serbsku dotal zacpětu rěč džiwać.

Na sakskim sejmu 1833—34 stawi drje so namjet, zo by wšo wučenje tež we wjesnych šulach a cyrkwjach z pomocu němškeje rěče so stało. Tola zapósłanc Budyšina, Adolf Klin, wustupi khroble přećiwo hidžerjam serbowstwa, wotpokaza jich nadpady a přećišća § 28 šulskeho zakona z lěta 1835, po kotrymž bu Serbam wužiwanje jich rěče při čitanju a nabožinje w šulach zawěšćene. To bě přenje dobyće wubudženeje narodnosće, za kotrež běchu Serbja njeboh Klinej hač do jeho smjerće (1855) džakowni.

Hač runje mějachu Delnjołužičenjo te same wjetše nowopruske ludowe prawa, njenažowachu so wone w ničim k wužitku Serbow. Njebě tam młodžina, kotraž by narodnu mysličku wubudžała. Duchownstwo njestaraše so wjele wo Serbow a duchowne

městna buchu tež w tym času dale z Němcami wobsadžane. Tak postawi kollator z Rottberg we Wikach Němca na faru, hač runje bě tam wjele Serbow. W šulach njewučese so po serbsku, a serbskich knihow tež jara maľko wuńdže. Jeničkaj Schindler, farať w Picnju, a wučef David Bohuwěr Kopf běštaj za serbske pismowstwo džěławaj, wony hač do swojeje smjerće (1841), tutón nimale hač do toho sameho časa.

Tuž zložowaše cyła nadžija woprawdźiwych přečelow serbskeje narodnosće na horliwosć serbskeje studowaceje młodžiny w Hornjej Łužicy a na tych, kotřiž tam z njeju swěru džeržachu. Tak přiřotowachu so po něčim za serbski lud, za jeho wzdžělanosć a wšitke duchowne zbože zahorjeni wučeni mužowje, wosebje pak duchowni w Lipsku, Wrótsławju a Prazy, a tež młodži wučerjo, sakscy w Budyšinje, pruscy w Bólesławju studowawši. Někotři poswjećichu cyłe swoje žiwjenje džěławosći za serbski lud.

Štož młodych a někotrych staršich wobžiwješe, wupraji H. Zejleř w znatym wot K. A. Kocora 1845 komponowanym spěwje (w 2. čisle Tydžeńskeje Nowiny 1842):

Trać dyrbi Serbstwo, zawostać  
A serbska khorhoj zmahować,  
Kaž doľho z drjewom zelene  
Te hory stoja lužiske;  
Dónž kamjeń tam na kamjenju  
So zběha k njebju módre mu  
A Sprewje žórło slěborne  
Do Serbow žołmy ponjese!

Trać dyrbi Serbstwo, zawostać  
A jeho kćew mi přiběrać,  
Dónž Bože slónčko wobsweći  
A měsačk tón kraj lužiski;  
Tak doľho hač tam deščik dže,  
Zo Boža stopa tučna je,  
A brjóžk so žadyn zeleni  
A žana kwěťka zyboli!

Trać dyrbi Serbstwo, zawostać,  
Dónž budže čěšć žana mać  
Sej lužičanske džěcatko  
A kolebać je spěwajo;

Kaž dolho mocy mysljenja  
 Duch lužičanski žadyn ma  
 A žadyn jazyk hiba so:  
 Trać dyrbi naše Serbowstwo!

## VIII.

### Čas narodneho znowarodženja.

#### § 1.

Zjednoćenje Serbow w narodnych a literarnych prócowanjach. Prěni serbski koncert (1845). Serbowka w Prahy (1846). Towafstwo Mačicy Serbskeje (1847).

Wubudźena narodna myślička, z wonka serbskeho kraja w towafstwach plahowana a w Serbach wosebje přez Tydžeńsku Nowinu rozšěrjowana, wopokazowaše so přeco bóle w zjawnosći. Duchowni, wučerjo, kandidaći, rěčnicy, lěkarjo, studenći, haj tež wjesni mužowje spóznachu potrěbnosć wužšeho zjednoćowanja, zo bychy so ze zhromadnymi mocami za serbski lud postarali. Njedosahachu wjacj towafstwa młodžiny za wudokonjenje w maćerskej rěči, ale wučeni ludžo we wažnych powołanjach stojacy zjednoćowachu so najprjedy we wuradźowankach a potom w towafstwach. Serbscy wótcincy pak derje wědźachu, zo Němcy jich prócowanja z wjetša njeradži widža. Tohodla dyrbjachu wobhladniwje wustupować, chcychu-li swój zaměr — duchowne pozběhnjenje Serbow — docpěć.

Hižo w času swojeho studowanja słowjanskeje filologije we Wrótstawju pod professoromaj Purkinju a Čelakowskim zapřija J. E. Smolef myśličku wo załoženju literarneho towafstwa za Serbow po přikładze českeje a illirskeje Mačicy. Ale to njehodžeše so tak lohecy wuwjesć, hač runje běchu w lěće 1845 wěslacy wótcincy za to dobyći. W tym času poby tež sławny historiograf Franc Palacký w Budyšinje a wobtwjerdźowaše někotrych Serbow w mysli załoženja zhromadnoserbskeho literarneho towafstwa.

Na zhromadźiznje abo poradže Serbow na jutrownej srjedze 1845 w Budyšinje so wobzamkny, zo dyrbi so přede wšim spěwanski

swjedenj, na kotrymž bychu so jenož serbske pěsnje spěwale, přihotować a zřadować. Wučer K. A. Kocor, tehdy w Stróži, zhromadži starše spěwy a zestawjowaše nowe hłosy, wupytowaše spěwarjow a spěwafki w serbskim kraju, a wotbywaše z nimi wuwučowanja. Na 17. oktobra 1845 bě na třělefnj w Budyšinje prjedy w serbskich a němskich nowinach připowědženy serbski koncert, dotal njeslyšana wěc! Z bližšich a dalšich stron přijědžechu Serbja a tež Němcy, koncert so derje poradži a wšitkich spokoji. Powěsć wo tym roznjese so po Serbach, zo je Serbstwo w zjawnosći z česću wustupowało. Kocor bu z tym k dalšej dźěławosći wubudženy a komponowaše wjacy serbskich spěwow, kotrež jemu wosebje H. Zejleř podawaše. Spěwarjo a spěwafki pak swěru w koncertach pomhachu. Tak wotby so potom druhi tajki swjedenj zaso w Budyšinje (1846), třeći we Wojerecach (tež 1846), štwórtý w Budyšinje (1847), pjaty w Marijnej Studni (1848), šesty w Lubiju (1848), sedmy w Marijnej Studni (1849), wósmý w Budyšinje (1849) atd. Tež pozdžiše serbske koncerty buchu wažne za znawarodženje Serbowstwa.

Pódla spěwanja so literarnje dale dźělaše wot jednotliwych a w towarstwach młodžiny. Zejleř pisaše pódla Nowin Missionske powěsće, Smoleř přeloži z J. A. Wafkom Fr. L. Čelakowskeho „Wothłós pěsni ruskich“ (1846)\*, Kocor „Serbsku Meju“ (1847).

W Prahy studowacy Serbja, kotřiž hižo pod J. Dobrowskim a W. Hanku so w rěči wudokonjowachu, založichu 1846 tež twjerdše zjednoćenje mjez sobu — towarstwo „Serbowka.“

Mjez tym zřadowa so nakhwilny abo přihotowacy wubjerk wotmysleneho towarstwa Maćicy Serbskeje: Zejleř, Kłosopólski, Pful, Wehla a Smoleř. Wuradžene statuty přepodachu so k dorjadowanju dr. Adolfej Klinej, kotryž jako měšćanski radca z wysnosću znaty dowolnosć sakskeho knježefstwa k založenju towarstwa dosta 26. februara 1847, po čimž móžeše so Maćica Serbska na jutrownej zhromadžiznje dozaložić.

Po wustawkach chcyše Maćica Serbska dobre ludowe a wědomostne pisma wudawać, jako tež Časopis za rozwučenje a nawědžitosć serbskeho ludu, při čimž dyrbyeše so zdobom na čišćenje

---

\*) W tej knižcy nałožuje so „ž“ a přěni króc „ř“.



a wudospołnjenje rěče džělać. Sobustaw móžeše kóždy być, kiž snadny lětny přinošk zaplaći. Z přinoškow a dobrowólnych darow měješe so pokladnica tworić, jako tež knihownja so załožiť.

Dozałoženje Maćicy Serbskeje, jedyn najwažnišich skutkow serbskeje historije, sta so 7. hapryla 1847 na třělefní w Budyšinje. Po přeprošenju w Nowinach zhromadźichu so ze wšěch kónčinow hornjoserbskeho kraja duchowni, kandidaći, wučerjo, studenci a někotři rjemjeslnicy. Woni přijachu předpołożene wustawki, wuzwolichu předsydstwo (dr. Klina za předsydu, kandidata Wanaka za sekretarja, J. E. Smolerja za redaktora Časopisa atd.) a wuradźowachu wo wudajomych knihach. Wužitne bě mjez druhim postawjenje, zo ma hłowna zhromadźizna na kóždolětnu srjedu po jutrach so wotbywać.

Po dozałoženju Maćicy Serbskeje rozpósła so přeprošenje „Přećelam serbskeje rěče a literatury“ najprjedy w sakskej džělbje Hornjeje Łužicy, a potom w pruskej, hdyž bě z rozkazom 30. hapryla 1847, přez superintendentu Kubicu z Wojerec wustaranym, tež pruskim Serbam přistup k Maćicy dowoleny. Maćica chceše jako starosćiwa mać wšitkich Serbow być a wšěch swěrných Serbow wokoło sebjě zhromadzić. Jeje skutkowanje bě jenož z tym trochu zadźěwane, zo bě wona wot spočatka khuda. Tola je při wšim tym wjele za serbski lud dokonjała, zjednoćejo prjedy džělených Serbow w jednej pismowskej rěči a wudawajo wužitne serbske knihi.

W tajkim naměrje zestawi najprjedy dr. Pful za Maćicu nowy serbski prawopis, kotryž po přehladanju přez Smolerja a Kućanka so přija a w přnim lětniku Časopisa (1848) so wočišća, a hnydom počachu so přnje knižki za lud wudawać: Štyri přědowanja H. Lubjenskeho, Serbske Hornje Łužicy abo statistiski zapisk E. B. Jakuba a J. Kućanka, někotre powědańčka a druhe powučne spisy.

Nowe towafstwo doby sebi wjele přećelow a wubudžeše wulke nadźije, kotřež pak tola njemóžeše w datych wobstojenjach tak spěšnje spokojić. Hižo w přnje horliwosći wobhrozychu młodu Maćicu Serbsku njenadźěte politiske podawki w němskich krajach.

## § 2.

## Postupowanje Serbow w njeměrje l. 1848—49.

Pozběžk februarja we Francózskej wudyriwši wotražowaše so tež w Němskej, hdžež znjeměrjeny lud powrócenje wobstojaceho porjada žadaše. Tuto němske demokratiske hibanje chcyše tež Serbow sobu pоторhnyć. Z druheje strony wabješe jich nowe słowjanske prócowanje w Awstriji. W tajkich wobstojnosćach postupowachu Serbja z prawej rozhladnosću. Přede wšim wuži za swój lud zahorjeny J. E. Smolef zastaće privilegija němskich nowin, po kotrymž smědžachu jenož wone politiske nowinki podawać, a přewza wot H. Zejlerja redakciju „Tydžeńskich Nowin“, wot nětka politiskich, dale a bóle w Serbach so rozšěrjowacych.

W Sakskej wustupowachu demokraci přeco zjawniše přeciwo knježerstwu a pohonjachu tež wjesnu ludnosć na swoju stronu. Wjetšina sejma wopokazowaše so njepřečelna přeciwo kralej a ministram, města běchu z wjetša na pozběžk přihotowane a wójsko khileše so z džěla na stronu sejma. Demokratiska strona napominaše w Sakskej lud, zo by swoje žadanki zestawjał a so wo přichodnym zarjadowanju kraja wuprajił. Němcam so zdaše, jako bychu Serbja we wšim z nimi dđeržeć dyrbjeli, tola Serbja wobročichu so z dowěru na kraloswěrnú stronu, derje wědźicy, zo wot tehdyšich němskich demokratow za swoju słowjansku narodnosć ničoho dobrego so nadžěć njemóžachu.

Po skónčenju mačičnej hłownej zhromadźizny l. 1848 wobzamknychu tohodla wodźićerjo Serbow zestawjenje serbskeje peticije na kralowske sakske ministerstwo. Tajka so we wosebitym wubjerku pod předsydstwom H. Imiša wuradźowaše a potom čišćana w sakskej džělbje serbskeje Łužicy wot nimale 5000 Serbow podpisa. Serbja pak žadachu, zo by serbska rěč w Serbach to same prawo měła, kotraž ma němska rěč w Němcach, a te wosebje w šulach, cyrkwjach, před wyšnosćemi a před sudom. W deputaciji, kotraž tule próstwu 26. julija 1848 ministrej předsyďte dr. Braunej přepoda, běchu duchowni a wučerjo (Bróska, Kučank, Imiš, Melda, Hicka), jako tež kublerjo (Cyž, Hejna, Jězorka, Kokula, Pful, Sommer, Wićaz a Wowčefk) a sejmscy zapósłancy (Kubaš z Hodźija, Herman z Wuric a Herman ze Spytec). Minister slubi,

po krótkim času so dopjelni. Deputacija pak poda so hišce ke kralej, kotryž tehdy w Pilnicach přebywaše, a bu tež tam jako kraloswěrna milosćiwe přijata.

Tehdyši sakski sejm pak hrožeše po swojej wjetšinje nie jenož kralej, ale tež wobstaću wosebitych prawow Hornjeje Łužicy. Tola Serbja spóznachu, zo by z wotstronjenjom tajkich prawow tež jim so sobu škodziło, stupichu z přeswědčenjom na stronu łůžiskich zemjanow, kotřiž łůžisku wustawu zaškitowachu. Krajny starši v. Thielau dopokazowaše, zo je wosebita łůžiska korporacija, byrnje na recess l. 1635 so njedźiwało, hižo trěbna za dopłaćenje provincialneho dołha (kiž bě w kriminalnej a zawěšćowacej pokładnicy nastał), jako tež za wobkhowanje a zarjadowanje zamóženja łůžiskich krajnych stawow. Zo by so łůžiska wustawa wobtwjerdziła, rozmnoži łůžiski sejm na nazymskim posedženju l. 1848 ličbu wjesnych a z tym tež serbskich zapóslancow. Tuto přeměnenje stawowskeho statuta připózna pozdžišo tež sakske knježerstwo (1849 a z džěla 1858). Pod zarjadowanjom tak rozšěrjeneho łůžiskeho sejma stawi so potom stawowska banka, wot 1844 wobstojaca a Serbam sobu wužitna.\*)

Při wuradźowanjach na łůžiskim sejmje přepokazachu so łůžiscy zemjenjo, zo nowočasne prócowanja Serbow jim žaneje škody njepřinjesu; z toho pak nasta wjetša přikhiłnosć k Serbam, tak zo wšelake wotwjazowanja a druhe jednanja mjez zemjanstwom a něhdyšimi poddanami so lóže wurunachu.

Přikhiłnosć Serbow k łůžiskim zemjanam a sakschemu kralej pomhaše jich narodnym prócowanjam. Knježerstwo spózna, zo

---

\*) Do l. 1843 bě so z dobrym hospodarjenjom stawowske zamóženje na 100,000 tolerjow rozmnožiło. Hdyž bu w l. 1844 nowe postawjenje ležownostneho dawka zawjedžene, po kotrymž dyrbyeše Łužica starosakske krajny dołh sobu płaćić, wuplaći sakske knježerstwo łůžiskim wsam a zemjanstwu zhromadne zarunanje 400,881 tolerjow a k tomu hišće 41,772 tol. k dopłaćenju sakskeje tak mjenowaneje braunschweigskeje hypothekoweje počćenki. Z tym bu 1848 zhromadne łůžiske zamóženje 542,600 tol.; z toho słušeše zemjanstwu 310,600, 132,000 tol. wsam a 100,000 bě zhromadneho zamóženja. Sejm wobzamkny, z pomocu serbskeje strony, zo by cyłe zamóženje w hromadźe wstało, banka so rozšěriła, lutowafnju a počćerňu přiwzała. Knježerstwo potwjerdzi statut (1850 a 1857) a da „stawowskej bancy“ prawo k wudaću bankowkow na milion toleri. Direktorium banki, wužitnje skutkowaceje, stoji pod dohladom łůžiskeho sejma.

jemu a krajeji ničo njezeškodži, byrnje Serbja jako wosebity lud a jenajkeho pokhoda z druhimi Słowjanami so začuwali; wšak zložowachu so po krajnych zakonjach a běchu kraloswěrní. To so z nowa dopokaza, hdyž w meji l. 1849 w Draždžanach pozběžk wudyři. Tón regiment, w kotrymž Serbja služachu, stoješe swěrnje na kralowskej stronje a pod jeho přewodom poda so kral na twjerdžiznu Königsstein.

W lětomaj 1848 a 1849 nastachu někotre serbske towarstwa, kotrež wosebje tehdyše politiske naležnosće rozpominachu. W Budyšinje běše „serbske rěčeńske towarstwo“ a we mnohich wsach wuradźowachu „serbske burske towarstwa“. Tola w času na to slědowaceje politiskeje reakcije buchu tute towarstwa runja podobnym němskim zakazane.

W pruskej džělby Hornjeje Łužicy a tež w Delnjeje njemóžachu drje Serbja při provincialnym zarjadowanju wjele sobu skutkować, tola tež woni w njeměrach l. 1848—49 krajeji a kralej swěru wobkhowachu.

### § 3.

#### Připóznaće prawow serbskeje narodnosće w Sakskej.

Bórzy po změrowanju pozběžka wza knježerstwo po datym slubjenju serbsku peticiju do wuradźowanja na podložkach, kotrež bě krajska direkcija w Budyšinje přihotowała. Wotmołwjenje 28. augusta 1849 přez mjenowanu direkciju njebě drje we wšim po wočakowanju Serbow, tola přinjese někotre wužitne postawjenja na zakładze zawodneho wuprajenja, „zo wotpohladanje a prócowanje (sakskeho) knježerstwa ženje na to šło njeje, Serbow narodnosć a maćerfu rěč někak přikróćić a zahnawać.“ Wono tohodla postawi: 1. zo dyrbi w elementarnych šulach, hdžež su serbske džěci, serbske čitanje a dospołna nabožniska wučba z podložnjom serbskeje rěče so wučić; 2. zo dyrbi za Serbow w Draždžanach a wokolnosći kóždolětnje štyrikróć serbska boža služba so wotbywać, za lutherskich w křižnej a z přizwolenjom wikariata za katolskich w dwórskej cyrkwi; 3. zo dyrbja na sudže a w zarjadnistwje, hdžež je trěbne, serbscy přisahani tołmačerjo być a z krajneje pokładnicy so płaćić; tohorunja zawjedže so w l. 1851 wučenje serbskeje rěče jako dobrowólneho předmjeta na

gymnasiju w Budyšinje a bu J. E. Smolef přeni jeje wučef. Tež w krajnostawskim a w l. 1850 nowozałożenym katholskim seminaru wučese so serbska rěč.

Tute postawjenja wubudźichu někotrehožkuli přjedy mjenje horliwego Serba a wosebje na wsach bě tohodla wulka spokojnosć. Na duchownske a wučefske městna w Serbach powołachu so po móžnosći dobri Serbja. Wšudže džiwaše so tež na serbsku maćefnu rěč. Štož bě dale za Serbow trěbne, chcychu wótčincy ze samsnej džěławosću a woporniwosću wobstarać a přihotować. Serbstwo začuwaše nowe mocy a w nadźiji na swoje dalše rozwiće spěwaše H. Zejlerjowy spěw wot nětka jako narodnu hymnu:

Hišće Serbstwo njezhubjene  
Swój škit we nas ma;  
Nowy duch wšo wosłašnjene  
Synje pozběha:  
    Bóh je z nami, wjedže nas,  
    Njepřečel so hižo hori,  
    Serbja Serbja wostanu,  
    Serbja dobudu!

Němčina so na nas měri,  
By nas póžrjela,  
Njeh pak zawistna so ščěri,  
Njeh so přiskodža:  
    Bóh je z nami, wjedže nas atd.

Zaspanc žadyn pokhwalefski  
Serba njezluda,  
Swobodny duch rjeńši serbski  
Křidła rozšěrja:  
    Bóh je z nami, wjedže nas atd.

Serbow khwalbu, serbske słowo  
Přemóc njeskazy,  
Serbstwo rozšěrja so z nowoh'  
W krasnej Łužicy:  
    Bóh je z nami, wjedže nas atd.

Serbska Klio nowe mjena  
Wšědnje zapisa;  
Łužica njej' přewinjena  
A so njepodda:  
    Bóh je z nami, wjedže nas atd.

W tym času chcyše kralowska swójba Serbam džakownosć abo připóznaće za jich swěrnosć w lětomaj 1848 a 1849 wopokazać. W lěće 1851 přińdže kralowski prync Albert do Budyšina, zo by tu jako major we wójsku přebywał a pódlá serbsku rěč nawuknył. Jako jeho wučef wuzwoli so J. E. Smolef, kotryž jeho póldra lěta wučese. Pola Serbow a Němcow bě wulke dziwanje, zo kralowski prync prjedy něhdžežkuli zacpětu serbsku rěč nawukny. To pomhaše nahladnosći Serbow a jich rěče!

W lěće 1853 poda so serbska deputacija, wot J. E. Smolerja wjedžena, do Draždžan, zo by nowomandželskimaj prynccej Albertej a pryncesnje Karoli z domu Waza serbske zbožopřeće přepodała, na kotrež prync serbscy wotmołwješe. W slědowacym lěće wopytašaj wonaj Łužicu a bušaj na horje Čornobohu ze serbskimi spěwami powitanaj. Podobnje su serbske deputacije na kralowskim sakskim dworje tež pozdžišo při wjesołych a zrudnych składnosćach pobyte a kóždy króc miłosćiwje přijate byle.

Ze wšim tym naby serbski lud zapřijeće wo swojej hódnosći abo dostojnosći. Někotražkuli trochu poněmčena swójba přiwobroći so z nowa k Serbstwu. Serbscy wótčincy pak nałożowachu serbšćinu w zjawnosći a wosebje wšitkich swjedgeńskich składnosćach w rěči a w pismje.

Jako Serbjka w swojim kraju narodnosć nětko česćachu, tak wobkhowachu ju tež w zdalenyh stronach. Tak załožichu w Australiji w lěće 1850 serbske statoki a w l. 1854 wučezachu někotre sta starolutherskich z Klětnoho, Wukrančic a wokolnosće do Texasa, hdžež je jich kolonija „Serbin“ pod wjedženjom duchowneho Kiliana dotal serbska.

#### § 4.

### Džělawasć hornjoserbskich wótčincow wot 1850—1870.

W času politiskeje reakcije přesta drje džělawasć někotrych prjedy horliwych pomocnikow při duchownym pozběhnjenju serbskeho ludu; tola na jich město přikhadžachu zaso druzy wutrajniši a džělachu so do wulkeho džěla, kotrež měješe so po spóznacu wótčincow k wužitku Serbow dale stać.

Serbstwo haješe so dale w cyrkwjach a w šulach, kaž daloko běše po sakskich a pruskich zakonjach móžne, potom pak

w towafstwach a z pomocu nowinafskeje a knihoweje literatury.

W tutej historiji powěmy z krótka jenož najwažniše fakta, dokelž mjenow, wosebje do stawiznow hornjoserbskeho pismownstwa słušacych, by dyrbało wot tutoho časa jara wjele so mjenować.

Duchowni wobstarachu we wšěch cyrkwjach, hdžež bě so dotal serbscy přédowało, tež w tym času serbske bože služby a dźeržachu jako šulscy inspektorowje na to, zo so nabožina a čitanje z džěla sobu z pisanjom derje serbscy wučěše. Hdžež bě hdy serbske duchownske městno njewobsadźene, wupomhachu susodni duchowni. Tohorunja kedźbowaše so swěru na Serbstwo při missionskich a druhich cyrkwinskih swjedenjach. Jenička farska cyrkej w Dubcu, dawno z wjetša přeněmčena, wustupi z rjada serbskich, tola wufarowachu so serbske wsy (Wuhelc, Štyri Duby, Stary Lubolín, Napadź, Zamosty a Hora) a pokazachu so do Rychwałda.

Wučerjo dźeržachu so swěru k Serbam a někotre prjedy z Němcami wobsadźene šule wobsadźichu so ze Serbami. Nowe serbske šulske knihi, z wjetša wot wučerjow wobdźěłane, so nałożowachu. Z pomocu wučerjow wotbywachu so serbske spěwanske swjedenje a koncerty.

Towafstwa, kotrež smědźachu po reakciji hišće wobstać, skutkowachu dale: Maćica Serbska, Budyšinska Bjesada, missionske, spěwanske a ratafske towafstwa, z kotrychž poslednje běchu tež w Serbach bóle němske. Pomału přihotowachu so lěpše časy za serbske towafstwa, hdyž běchu sakscy a pruscy Serbja so doma jako loyální krajenjo a we wójnje 1864 a 1866 jako wutrobići wojacy (Klinka, Kito a wjele wuznamjenjenych) wobswědčili. Wšak bě Marija Simonowa, znamjenita wothlodawka khorych wojakow, tež Serbowka, rodźena Janašec z Dobruše. Tehdy dowolichu so zaso z přikhiłnosću serbske ludowe zhromadźizny, n. př. w Khrósćicach wotbywane katholskoserbske 1867—1869. W dobrej nadźiji spěwaše tehdy H. Zejler: „A Schleswig-Holstein wumóžene nětk radosći wje němcuje; a kajke myto wučinjene bu za was, ludy słowjanske? O Němcstwo! skhowaj wšitku sławu za našu krej a sylzow dosć, zdźerž doma swobodu nam prawu a škituj našu narodnosć!“

Literarna džěławosć towafstwow a jednotliwych wudawarjow tutoho časa je dosć wobšěrna. Towafstwu Maćicy, kotraž Časopis (wot 1848—84 z cyła 70 zešiwkow), protyku (wot 1854) a druhe knihi (wot 1847 spočinajo) wudawaše, přitowafšištej so nowej dvě wot l. 1863 skutkowacej: serbske lutherske knihowne towafstwo a towafstwo ss. Cyrilla a Methodija. Tamne je rjanu syłu nabožnych knihow wozjewiło, tuto pak skutkuje wosebje wužitnje z wudawanjom noweho časopisa „Katholski Posoł“ (wot 1868 tež protyki) za katholskich Serbow, kotřiž běchu wot novembra 1848 do kónca 1850 hižo wosebity organ „Jutničku“ poměli. Tohorunja dostachu lutherscy Serbja po zastaću H. Zejlerjowych „Missionskich Powěsći“ a H. Imišoweje „Zernički“ porjadnje wukhadžaceho „Missionskeho Posła“ (wot 1854). Smolerjowe „Tydžeske“, wot l. 1854 „Serbske Nowiny“, powjetšichu so a skutkowachu wjele za Serbowstwo. Wot l. 1854 wukhadžeše porjadnje tež protyka „Předženak“. W lětomaj 1858 a 1859 přidawaše so Serbskim Nowinam belletristiski „Měsačny Přidawk“, na kotrehož město w l. 1860 wjелеwáženy „Łužičan“ nastupi. Pódlu spisow z nakłada towafstwow a J. E. Smolerja wudawachu tež wšelacy jednotliwi mjeńše a wjetše serbske spisy.

Tak bě hornjoserbski lud přez wuznamnu džěławosć serbskich wótčincow derje dosć z literaturu wobstarany a w narodnym duchu žiwjeny.

### § 5.

#### Podawki wot l. 1870 a nowe wobtwjerdženje Serbstwa.

W němakofrancózskej wójnje (1870—71) wojowachu wojacy sakskich a pruskich serbskich stron přeni króc zaso zhromadnje na jednej stronje a w serbskich Łužicach běchu wottal runje tak swěrne poddani jako hdže druhdže w nowym kejžorstwje. Tola bě wšelakim přečiwno, zo Serbja hišće su a dale być chcedza. A z nowa wěšćachu jim wotemrěće a nadpadowachu jich w zhromadźiznach, w knihach a nowinach. Ale Serbja jim njebojaznje wotmołwjachu, jako Smolef w nowinach, zapósłanc Handrij Kefk-Strauch na sakskim sejmje, Imiš na sakskej krajnej synodze a druzy druhdže.



W Sakskej wozjewi nowy šulski zakon podobne poručnosće jako prjedyši z l. 1835 a da šulskemu wubjerkej wo něšto wjetše prawa, w Pruskej dźiwachu rozkazy wo šulach mało na potrěbnosće Serbow. Nowe postawjenja za cyrkej a civilne stawnistwa (1876) a druhe nowe zakony su so bjez zadžěwkow zawjědli. Dobry wunošk při wobćežowanju Serbow na synodze, po kotrymž so jim po zakonu njestawaše, bě přizwolenje praktiskeho serbskeho ferialneho kursa abo seminara w Hodźiju (1877). Pódlu lutherskeje serbskeje konferency w Budyšinje załoži so 1880 podobna za pruskich duchownych w Hórcy.

W dotalnych towarstwach dźělaše so jako prjedy a nowe so załožowachu, mjenujcy 1871—72 katholske bjesady w Kukowje, w Rablicach, w Jaseńcy a Radworju, 1875 skhadžowanka serbskich studowacych, kiž „Lipu Serbsku“ wudawać počachu, serbske towarstwa: 1876 w Bukecach, 1879 w Zarěču, 1880 w Rakecach, spěwanske towarstwa: 1875—78 Jednota w Khrósćicach, w Šunowje, w Róženće atd. Wosebje dyrbi so wuzběhnyć, zo studowaca młodžina koncerty dawaše a husćišo serbske dźiwadło hraješe, kotraž bě prjedy jenož w bjesadze w Budyšinje bywało. Bórzy na to zawjedzechu so dźiwadłowe hry tež w někotrych wjesnych towarstwach. Na pohnuće Polaka Alfonsa Parczewskeho załoži so (1880) „towarstwo pomocy za studowacych Serbow“, kotremuž tež wukrajni Słowjenjo nahladne dary dawachu. Zemrěta wudowa Marija Wjelina z Trěbjěnje wotkaza tutomu towarstwu 6000 hriwnow. Zhromadne towarstwo Maćicy Serbskeje kupi sebi ležownosć a poča dary na twarjenje noweho maćičneho domu hromadzić; ze Serbow bě najwjetši dar (500 hriwnow) wot kublerja Michała Łahody z Bozankec. Při Maćicy Serbskej załoži sławny spisować J. I. Kraszewski stipendium (2000 hr. kapitala) za gymnasiasta w Budyšinje, kotryž poměrnje najwjetši postup w serbsčiny sćini. Nowy wuzižny časopis „Hospodař“ započa 1880 wukhadźeć. Starši „Łužičan“, wot 1879 dla pódlu wukhadźaceje „Lipy Serbskeje“ z podobnym programom njeporjadnje wudawany, zjednoči so skónčnje z Lipu S., z čimž 1882 staršich a młódšich literatow zjednočaca „Łužica“ dr. E. Muki do žiwjenja stupi. Z cyła prócowachu so Serbj dale w literaturje; jene najrjeńšich zjewjenjow je wudawk H. Zejlerjowych zhromadženych spisow wot dr. Muki. Tajke a druhe skutki pozběhowachu narodneho ducha a su jasne

wopokazma serbskeje civilisacije abo wzdźělanosće. Njebě ani słabym ducham wjacy trjeba, so serbskeje narodnosće hańbować.

## § 6.

Wocučenje, bjeznadźijnosć a wobrot k lěpšemu  
w Delnjej Łužicy (1848—84).

Nowe narodne hibanje w Hornjej Łužicy njeskutkowaše na Delnju Łužicu. Štyristalětowe brandenburgske knježenje a prócowanje němskich a němcowatych duchownych a wučerjow bě serbskeho ducha moriło. Młodžina njechwataše na studije do Lipska, hdźež snadź by so zahorić móhła, ale do Barlina a Halle. Němscy ryčerjo-kublerjo nježadachu pozběhnjenje ludoweho rozwučenja, ale jenož přeněmčenje. Boži dom bu arena za swětné požadanki, z pomocu němских přédowani a modlitwow dyrbyeše so serbski lud do němskeho přestworić. W Khoćebuzskim a Hródkowskim wokrsjesu běchu hišće na spočatku tuteje periódy serbscy přédarjo, ale w Kalawskim a Žarowskim běchu městna z Němcami wobsadžene, abo přédowaše so jara z rědka po serbsku. W lěće 1848 bě w Delnich Serbach hišće 36 serbskich přédarjow w 33 cyrkwjach; po času su hišće woteběrali. W šulach so z mocu přeněmčowaše. Serbska rěč zahanješe so tam z pukami a pjenježnym khostanjom! Tak njemóžeše žane wopřićeće wo samsnej narodnej dostojnosći w ludźe nastać abo so wobkhować.\*)

Zadźěwk pózdneho wocučenja a z cyła słabosće Delnjeho Serbstwa je njedostatk widźomeho centra w měsće Khoćebuzu, njedostatk staršeho pismowstwa abo spisowafskéje tradicije a njeważenje narodnostnej ideje.

Wocučenje wozjewješe přeni a jenički časopis „Bramborski serbski Casnik“ 1848 pod redakciju fararja Nowki; ale wón chcyše bóle přeciwo němskim demokratam skutkować dyžli za Serbstwo. Tohodla zańdže 1852 dla njedostatka woteběrarjow na poł lěta, potom pak so dale wudawaše wot fararja Panka z Dešna a wot 1867 wot wučerja Šwjele. W tym času nasta přenje towafstwo serbskich gymnasiastow pod J. F. Tešnarjom w

---

\*) Kak w Delnjej Łužicy nětko je, wopisuje dr. E. Muka w Časopisu lěta 1884.

Khoćebuzu. W lěće 1850 załoži so „serbske towarisstwo nižnjeje Łužicy“, ale dla zemjanskeho naměrjenja swojeho patrona v. Werdeck zańdže po wudaću někotrych małych brošurkow.

Sami duchowni wodźićerjo ludu njemějachu tehdy nadźije, zo lud wot přeněmčjenja wotwobaraju. Widźachu, zo je mało delnjoserbskich knihow a sami njemějachu ani wědomosće ani srědkow, zo bychu dosć trěbnych nowych knihow wudali. Někotři duchowni (Stempel) a wučer Grys atd. wobstarachu někotre knižki, ale za lud bě to přemało.

Najpilniši spisowarjo běchu slědowacy. J. F. Tešnaf, serbski duchowny w Khoćebuzu (1857—1863) porjedźi prawopis, wuda nowy zakon (1862) a někotre druhe nabožne („pjatkafske“) a šulske knihi. Wučer Šwjela doby sebi zaslužbu z tym, zo 1863 redakciju „Bramborskeho serbskeho Casnika“ na so wza a arije za šulu wuda. Wučer Grys wozjewi „kjarliže“ a „spiwanja“ za lud, mjez tym zo běchu originalne a z Phaedra a Theokrita přetožowane kruchi fararja Stempela jenož pokazki delnjoserbskeje rěče za wučenych. Farar Pawoł Broniš wudawaše nabožne knižki a spěwy. Wučer Hendrich Jordan zběraše wot l. 1873 ludowe pěsnje, wuda wjacore knihi a słuša do najpilnišich serbskich spisowarjow. Němc dr. Sauerwein z Hannoverskeje wuzwoli sebi Delnju Łužicu za druhu wótcinu a serbsku rěč nawuknywši pěsnješe w njej a wozjewi „serbske stucky“ (1877). Mato Kósyk z Wjefbna poča pilnje serbscy pisać a pěsnić, wozjewi idyllu „Serbska Swazba w Błótach“, syłu pěsni w Časopisu a w nowinach. Někotři družu wozjewichu mjeńše literarne wudžětki.

Tola wšitke prócowanja jednotliwych přećelow serbskeho ludu njedosahachu. Lud sam hišće přemało wažnosće na swoju rěč kładžeše, wjesni hospodarjo sćezechu mało synow na gymnasium do Khoćebuza, hač runje bě tam dr. Tschirner serbsčinu jako dobrowólny předmjet postawił. Z džěla maju tam Serbja mało srědkow, zo bychu synam studować dali a z džěla so přewulkich wudawkow boja.

We wšitkim tym nasta wobrot k lěpšemu w lěće 1880. Tehdy wuda nazymu Alfons Parczewski ze swojim nakładom přěnjnu serbsku pratyju. Na jeho namjet załoži so „delnjolužiski wotrjad“ při Mačicy Serbskej w Budyšinje a poča 27. meje 1880 z přenjeje zhromadźiznu swoju džěławosć za serbski lud. Do

předsydstwa slušeja Tešnaŭ, Rocha, Jordan, Šwjela a Latk. Tak nasta literarne zjednočenje mjez přecelemi Serbow, kiž chcychu serbskemu ludě duchownu žiwnosć poskićeć, a pódlá tež „Towafstwo Pomocy“, kotrež studowacych podpěrać poča podobnje jako w Hornjej Łužicy. Spomnjeny „wotrjad“ wuda wottal někotre wužitne knižki, pódlá wozjewi Parczewski hišće druhu a třeću pratyju, potom wotrjadej přepodatu. W decembru 1880 přeměni Casnik swoje mjeno na „Bramborske Nowiny“, kotrež wottal Šwjela, Jordan a Kósyk redigowachu. Poslědni z nich njedawno z redakcije wustupi, hdyž so do Ameriki na studije přesydli. Přez pratyju, Nowiny a druge spisy, kiž so nětko pilnišo roznošowachu, nawukny lud lěpje serbscy čitać. W tym zaměrje spisa H. Jordan na pohnuwanje A. Parczewskeho wosebitu „Cytanku“ (1883). Hdyž so lud bóle do serbskeho čítanja zalubuje, budže tež Delnjej Łužicy móc serbskeje narodnosće přiběrać.

Mjez tym pak dyrbi za Serbstwo w cyrkwi a šuli so hišće wjele stać. W politiskim nastupanju su Serbja kraloswěrní, pla-huja wosebje wojefske a někotre spěwafske towafstwa. Na swoje prawa při wobsadženju duchownskich městnow hišće přemało kedźbują, při wólbach na sejmy su hišće jara indifferentni a njemějachu dotal ženje žanoho serbskeho zapósłanca.

Historija serbskeho ludu w tymaj provincijomaj, hdžež wón dotal traje, ma we woběmaj při wšej rozdźělnosći wjele podobneho. Tohodla je nětko trjeba, zo sebi Horni a Delni Serbja z radu a skutkom blizcy wostanu po přikładze lubosćiweju sotrow. Tu mysl wupraji M. Kósyk w basni wo Łužicomaj (Časopis 1881):

Tak bydli kužda wóšebje,  
Ma swójo brěmje, wjasele.  
Lěc tak smej žiwno rozdźělonej,  
Smej we to sebje přichylonej;  
Su naju jadne kólebki  
Že k swětlu něgda zbujkali!

By wěžel naju cesne jmě?  
To stoj juž namaj na cole.  
Lěc hynak smej wot wenkownosći,  
Smej we to sotře w nutřkownosći.  
Mej smej tej małej Łužicy,  
Ta górna, dolna w zjadnosći.

## § 7.

## Rozhlad a wuhlad.

Tak smy póznali, zo běchu Serbja něhdy wulki lud, skónčnje pak mały, ale zo tola jako wosebity narod čas swojeho narodneho znowarodženja dočakachu. Na tej zemi, hdžež su Serbja wot starodawna autochthonowje, wobsydluja hišće rjany kruch kraja. Tu dźerža so jako druhe mjeńše ludy w swojich stronach, na přikład Rhaetoromanowje abo Ladinowje, Islandženjo a Friaulowje, abo podobnje jako kolonistowje z wjetšich ludow, wot wótčiny zdaleni, n. př. Němcy w Sedmihródskej a druhdže, Armenowje, Grekowje a druzy.

Prawo swojeho byća maju jako druzy po božej woli, dostojnosć tudybyća přihotuja sebi sami z darami wot Boha datymi, a ze swojej prócu a wutrajnosću. Cyrkej a stat z jich byća žaneje škody nimatej; Serbja su swěrní wuznawarjo swojeje wěry a loyální poddani, štož je wobojna wyšnosć wjele króć připóznala.

Wjele stow lět hižo wěšća Serbam přeněmćenje a w nowišim času su tajcy falšni profeci časćiši. Jeni praja: Serbja zhubja swoju narodnosć, dokelž Němcy po procentach bóle přibýwaju dyžli Serbja; ale woni njepřirunuja němske wsy ze serbskimi wsami, ale měšćanske wobydleřstwo z wjesnym, a wuča nje-křesćansku wučbu, zo dyrbi wsudže wjetši lud mjeńšemu ze zaničenjom hrozyć. Druzy rjeknu: Nuzowana šula přeněmči Serbow; ale tajke šule mamy hižo wot l. 1835. Zaso druzy powědaju: Železnicy dopomhaju přeněmćenju; ale tajke přerězuja naš kraj tež hižo wot l. 1846. Hišće druhim je powšitkowna wojeřska přisłušnosć jako wěste znamjo přeněmćenja; ale w Pruskej dokonjeju ju Serbja hižo wot l. 1813 a w Sakskej tež wot 1849. Někotremu zda so zakoń wo swobodnym přesydlenju přihódny srědk za přeněmćenje, a něhdžežkuli zeserbšća so dźěći přichnywšeho Němca. Najwjetši triumf měni swjećić, štož praji: Serbsčina zańdže, dokelž njeje khmana, zo by nowišu wzdźělanosć rozšěrjała. Rozom a paedagogika pak wučitaj, zo so ludej intelektualna a moralna wzdźělanosć po najbližšim puću wudźěluje z jeho wót-cowskej rěču. A tež wyšša wzdźělanosć hodži so, jako z kóždej druhej, ze serbskej rěču rozšěrjeć. Hdyž so wučeni poprócuja, móža serbsku rěč z najmjeńša ze wšěmi wurazami wuhotować,

kotrež su na „srijedžnych“ šulach trěbne. Tak hodži so wjele za wzdžěłanosć skutkować, byrnje najwyšša wzdžěłanosć so potom z pomocu němskeje abo druheje słowjanskeje dokonjała. Němsku rěč nawuknu Serbja w šulach a serbska rěč je jim kluč k druhim słowjanskim, wosebje k pólskej a českej. Za přirunanje z druhimi je tež serbska khmana!

Často so wo wzdžěłanosći jednotliwych Serbow wopak rozsduzuje, hdyž so n. př. němscy mšćenjo z wjesnymi Serbami přirunaja! Serbja su w svojim powołanju runje tak wzdžěłani jako druge ludy w tym samym. Tohodla praji z prawom cuzy wučeny (professor A. N. Pypin) wo serbskich spisowarjach, zo ze serbskej rěču wědomosće a moralnosć do luda přinjesu, a zo z małymi srědkami džěło wukonjeju, kotrež wšitku česć zasłuži\*).

Něhdžežkuli so z mocu džěła na přeněmčenje, kotrež pak njeprawda wostanje před sprawnym Bohom a rozomnymi ludźimi. W šulach nałożowane namóčne němčenje je wobškodženje duchowneho žiwjenja, system wohłupjenja a wodžiwjenja, jako je wjelekróć dopokazane. W žiwjenju wotrosčenych je němčenje často na njerozomnej hordosći založene a zadžěwa prawej kulturje. Sprawni Němc a přećel serbskeho ludu, dr. Sauerwein, tohodla z pohladom na němcowarjow přezcyłnje praji\*\*): „Nětčiši splah, kotrehož čłowječny rozom a strowe čuće so skazytaj, njemóže svojim džěcom zawostawić, štož je sam zhubił!“ Wo dalšim žiwjenju Serbow pak rěči takle: „Jeno telko prajmy, zo tajki lud, tak strowy na čěle a duchu, — lud z tajkimi młódnymi a hišće přeco nowymi narodnymi pěsnjemi, — lud z tajkej žiwěj a w cyłym swoim žiwjenju so wopokazacej poeziju, — lud, kiž tajke originalne pěsnistwo jako n. př. Zejlerjowe a Kósykowe wupłodzuje, — lud, kiž ma hišće tak strowe narodne a nabožne žiwjenje, kajkež je serbske — zo tajki lud njewuhladuje, jako by bórzy wumrěć chcył abo dyrbjał, khiba-li zo po znatym słowěčku woneje bajki: Denn ich bin gross und du bist klein!“


\*) Přir. jeho knihu wo słowjanskich literaturach abo T. Pjchowu němski přeloženy džěl: *Das serbisch-wendische Schriftthum in der Ober- und Niederslausitz*. Leipzig, Brockhaus. 1884.

\*\*) Přir. Łužicu 1883: Je gwałtne wutupjenje maćefnych rěči prawe a mudre před Bohom a před ludźimi?

Při tym pokazuje na křescansku zasadu: Štož chceće, zo bychu wam činili atd., jako tež na historisku Nemesis.

Dalše rozwiće našeje narodnosće stanje so, da-li Bóh, jako dotal na zakońskim puću. Hdyž so Serbja jako tajcy čuja a na swoju dostojnosć dźerža, směmy ze zhromadnej prócu mjez Hornimi a Delnimi Serbami lěpše časy wočakować. Njeh je kóždy w swojim powołanju dźělawy a swěrný Serb a štož móže, njeh so stara, zo bychu Serbja duchownych, wučerjow a druhich wučenych měli! Hdyž Serbja swoju narodnu česć sebi waža, nawuknje tež přichodnje jako dotal tón abo wony Němc abo Słowjan z druhich krajow z lubosće k nim serbsku rěč, zo by Serbam wužitniši był w swojim powołanju. Kotřiž móža, njeh pilnje dale pisaju do časopisow abo knihi, kotrychž wjele hišće trjebamy a zaso druzy njeh so staraju za rozšěrjenje serbskich knihow! Dotalne serbske towarstwa dyrbja z pomocu swěrných a woporniých sobustawow swoju přisłušnosć činić a někotre trěbne nowe dyrbja so hišće založiť. Najmóćnišo pak dyrbitaj skutkować literarne towarstwo Maćicy Serbskeje w Budyšinje z maćičnym domom jako widžomym centrom Serbowstwa a Towarstwo Pomocy za studowacych. Wobě towarstwje stej wot wyšnosće připóznatej a zo je so jimaj z časami podpěra z cuzby dostała, njeje ničo njezakónske; runje jako so přecelowje našeju towarstwow za Serbow sobu staraju, tak staraju so Němcy ze „schulvereinom“ za Němcow we wukraju.

To je naš rozhlad a wuhlad! Sprawni a rozswětleni ludźo w Europje dźiwaju so, kak je małemu serbskemu ludej móžno było, w datych wobstojenjach dotal swoju narodnosć wobkhować; njeh tež widža, zo z wótčinskej myslu a narodnej dostojnosću dale wobstojimy jako dobri a wzdžěfani Bohu lubi Serbja, hódni spominanja w historiji!






Při tym pokazuje na křesćansku zásadu: Štož chceće, zo bychuwam činili atd., jako tež na historisku Nemesis.

Dalše rozwiće našeje narodnosće stanje so, da-li Bóh, jako dotal na zakońskim puću. Hdyž so Serbja jako tajcy čuja a na swoju dostojnosć dźerža, směmy ze zhromadnej prócu mjez Hornimi a Delnimi Serbami lépše časy wočakować. Njeh je kóždy w swojim powołanju dźělawy a swěrný Serb a štož móže, njeh so stara, zo bychu Serbja duchownych, wučerjow a druhich wučenych měli! Hdyž Serbja swoju narodnu česć sebi waža, nawuknje tež přichodnje jako dotal tón abo wony Němc abo Słowjan z druhich krajow z lubosće k nim serbsku řeč, zo by Serbam wužitniši byľ w swojim powołanju. Kotřiž móža, njeh pilnje dale pisaju do časopisow abo knihi, kotrychž wjele hišće trjebamy a zaso druzy njeh so staraju za rozšěrjenje serbskich knihow! Dotalne serbske towafstwa dyrbja z pomocu swěrných a woporniwyh sobustawow swoju přisłušnosć činić a někotre trěbne nowe dyrbja so hišće založiť. Najmóćnišo pak dyrbitaj skutkować literarne towafstwo Maćicy Serbskeje w Budyšinje z maćičnym domom jako widžomym centrom Serbowstwa a Towafstwo Pomocy za studowacych. Wobě towafstwje stej wot wyšnosće připóznatej a zo je so jimaj z časami podpěra z cuzby dostała, njeje nič njezakónske; runje jako so přecelowje našeju towafstwow za Serbow sobu staraju, tak staraju so Němcy ze „schulvereinom“ za Němcow we wukraju.

To je naš rozhlad a wuhlad! Sprawni a rozswětleni ludźo w Europje dźiwaju so, kak je małemu serbskemu ludej móžno było, w datych wobstojenjach dotal swoju narodnosć wobkhować; njeh tež widža, zo z wótcínskej myslu a narodnej dostojnosću dale wobstojimy jako dobri a wzdźěłani Bohu lubi Serbja, hódni spominamja w historiji!







## Department of Slavonic Studies



CANCELLED

This book, No. 026431, is due back on or before the last date stamped below.

[illegible]

750593





